

Mag. St. Dr.


466



BIBLIOTHECA
UNIV. JAGELL.
CRACOVENSIS

OWO-LACINA II


kal.komp.




466

Now-Tacin-

J. XXI. 4.







*Vera quidem hæc. scriptis sed quam tamen exprimit ipse,
Multo ea Mureti verior effigies.*

Dryden. &c.

MARCI ANTONII
M U R E T I

PRÆSBYTERI, J. C. ET CIVIS ROMANI
ORATIONES, ET EPISTOLÆ,

Quæ extant in Jacobi Thomasi editionibus,

NEC NON PRÆFATIONES

I N U S U M

SCHOLARUM SELECTÆ.

T O M U S I I.

Epistolas ejusdem continens, & Præfationes.

ADDITIS PRÆTEREA NONNULLIS

*Ex Epistolarum Cl. Virorum collectione Jo. Michaelis Bruti
edita Lugduni MDLXI. diligentius cum ea collatis.*



V E N E T I I S, M D C C L I X.

T Y P I S J O S E P H I B O R T O L I.

S U P E R I O R U M P E R M I S S U M, A C P R I V I L E G I O.


MARCI ANTONII
MURATI

PRÆFATIONE. NO. ET CIVIS ROMANI
ORATIONES. ET EPISTOLÆ

Quæ sunt de virtute. Quæ sunt de liberalibus
et de non liberalibus

IN VITAM
TOM. II. SECTA

PRÆFATIONE. NO. ET CIVIS ROMANI
ORATIONES. ET EPISTOLÆ



IN VITAM
TOM. II. SECTA



MARCI ANTONII
MURETI
EPISTOLARUM
LIBER PRIMUS,

Qui in Jacobi Thomasi editionibus desideratur.

M. ANTONIUS MURETUS

DIONYSIO LAMBINO
Monstrolensi S. D.

EPISTOLA PRIMA.



E tu mirificus homo es. Certo scio, atque hoc magis, ac magis in dies perspicio, & pæne oculis cerno, te rerum mearum, commodorumque meorum studiosiorem, & cupidioresse, quam meipsum. Quare pæto abs te, ut tibi persuadeas, te in dies magis, ac magis mihi quodam modo vim asserere, ut te impensius diligam. Et, tametsi mihi jam pridem videbatur meæ erga te benevolentia, meoque in te studio asserere non posse incrementum dies: amorem meum tamen in horas augeri sentio. Sed hunc sermonem in aliud tempus reservemus. Jamjam puerum mittam ad eum, qui in te diu præstet, ut cum primum venerit ille, (scis quem

LIBER I.

dicam) mihi significet. Velim, Cardinalistuas litteras ad alterum meo nomine det commendatitias. Si quid scribet, & cum scripserit, si compertum habueris, aut certe subodoratus fueris, quid scripserit, mihi gratissimum facies, si totam rem ad me rescribes sine furo ac fallaciis, more majorum, aut, ut verius dicam, more tuo. De versibus, & epistola ne dubita. Nihil amplius habeo, quod scribam. Cardinali tuo verbis quam honorificentissimis meo nomine salutem dico, & totæ ejus cohorti. Nam singulos enumerare, longum foret. Quod me mones, ut obdurem, & per maneam in mea posteriore sententia: tu vero memorem mones. Ego compedes, ne aureas quidem libens tulerim. Scribam ad te ἀνεβέβητα, καὶ λεπτομέβητα, quæ ego, & is, quem supra designavi, inter nos locuti erimus, Vale. Patavii pridie Nonas Febr. anno MDLVIII.

M. ANTONIUS MURETUS

DIGNYSIO LAMBINO S. D.

II.

DE litteris tuis libero te metu: omnes mihi sunt redditæ. Nixetus venit. De sermone, quem ultro, citroque habuimus, εἰς τὴν μυστηριώδους. Paucissimis verbis confecta tota res est. Ita eum a me dimisi, ut ipse quique fateretur, nullam oppino in me hæere culpam. Id adeo ex ipsis ad Cardinalem Ferrariensem litteris intelligere poteris, quæ ad te una cum his in eundem inclusæ fasciculum perferrentur. Mi Lambine optime & amicissime, quæso te, quæ, quænam ego tandem verba reperiam, quibus communi hero nostro, amplissimo, atque ornatissimo Cardinali Turnonio gratias agam? Adjuva me, si quid potes. Nam ego quidem magnitudine beneficiorum ipsius in me obstupefactus, hæreo. Tantam fuisse in illo heroe humanitatem, ut, quod ego nunquam neque petere, neque sperare ausus essem, id ipse bisjam, primum apud triumviros gymnasii Patavini, deinde apud Cardinalem Ferrariensem inapte sponte fecerit! Itaque, ne vivam, si non dies. noctesque cogito, quibus modis & me gratum ostendere, & conservare tam prolixam ipsius erga me voluntatem queam. Scribere ad eum vehementer cupio. Sed mehercule tantum me ei debere sentio,

EPISTOLA III.

tio, ut verba mihi desint idonea. Verumtamen constitui scribere, idque quam primum. Interea, mi Lambine, peto abs te, ut cures ne suam erga me voluntatem immutet. Nam Deum immortalem testor, si is me amare desinet, vitam mihi inluam futuram. Meas ad Cardinalem Ferrariensem litteras tibi mitto vulgari Italorum sermone scriptas, propterea quod Nixetus mihi, ut ita facerem, auctor fuit; una cum eis Nixeti ad eum litteras in eundem fasciculum inclusi. Neutras obsignare volui. Volebam enim, te utrasque legere. Si tibi videbitur, mea interesse illas Cardinali tuo & meo recitari, per me facias licet. Usus sum modica *παρρησία*. Sed quid agas? Non possum eam meo ingenio vim afferre non liberè, quod sentio, scribam. Posteaquam utrasque legeris, peto abs te, ut eas annulo tuo obsignes, Florentinumque roges, ut in fasciculum tui Cardinalis conjiciat, & Ferrariam perferendas curet. Scribito ad me quam sapissime tuo more, ego rescribam meo. Vale. Patavii. Ibid. Febr. anno MDLXVIII.

D. L A M B I N U S

M. ANTONIO MURETO S. D.

III.

Nihil erat, quod scriberem: sed te imitari volui, atque id ipsum scribendum esse existimavi. Expecto tuam ad lectorem epistolam, & versus. Tum de illo loco τὸν προτεθέντα νόμον δραπετῶνα καλῶς. Qui est fol. 68. & de nomine δειπτασις, quod jam *contentionem* Latine reddideram, quid sentius. Nondum venerunt ab illo (tenes quem dicam) litteræ. Simul ut venerint, quid in eis scriptum fuerit, odorabor. Sagacem me dices fuisse. Verum quid ad te? Nunc expeditus, nunc liberatus es. Nullus est illi de te querendi relictus locus. Jam vero de Francisco Turnonio Cardinali, iste in ore, iste in oculis. Nunquam hic de litteris sermo habetur, quin continuo de te mentio fiat & honoris, & amoris plena. Omnes ejus familiares & comites tibi omnia læta & secunda exoptant: teque, quia ad majora natum existimant, tendiculis illis, & plagis, quibus captabaris, extricatum esse magnopere lætantur. Tuas ad illum acutissimas & prudentissimas litteras Cardinali meo recitari proba-

vit. Easdem paucis quibusdam (quos nosti) legendas dedi. Negant, quicquam majore consilio a quoquam fieri, aut ictu potuisse. Gaudent, te tuam libertatem ei homini non commississe, qui, cum te primum cupide & honorifice accessivisset, atque ultro appetivisset: deinde fastidiose prope modum exclusisset: idem postea mutato iterum consilio revocavit. Præterita igitur omnia tibi ita pulchre & honeste ceciderunt, ut nihil intervenire possit, quod tantam *εὐτυχίαν* conturbet. De futuris, quæ sunt *πάντων τε μέδων* χρίσιν consecutura, dormito (si me audis) in utramque aurem. Di immortales in te omnia naturæ bona contulerunt: fortuna te adjuvat, virtus tibi non deest, consilio abundas, ingenio præstas: tantum tibi ne ab invidis ac malevolis opprimare, magnopere cavendum est, quod hac una ratione facillime assequeris, si neminem sciens læseris: si integre, pie, temperanter vixeris: si denique totus teres, atque rotundus fueris, ne quid in tua vita criminis, atque adeo suspicionis habere possit. Hoc institutum si tenepis, nihil est, quod *τῶν δυναστῶν τέτων πλεόντων ἐνδεῶν, καὶ τῷ ψαύτῳ* desideres. Quamquam cui hæc scribis? nempe ei homini, qui quanti *κίβδηλα πάντα, καὶ παραχόδη εὐτυχήματα* æstimet, re declaravit. Sed videto primum ut tibi constet: deinde ut Turnonii Cardinalis, qui te tuæ virtutis opinione incensus unice diligit, cohortatio purgaram crebro tibi persolvet aurem. Nihil ne præterea est, quod scribam? nihil, nisi quod miratus sum, & miror etiam nunc, te, cum ego de Gallo quodam puer ad te scripsissem, hoc est nostrate, ita mihi rescripsisse, *vestratem* hominem. Amabo te, non tu etiam Gallus es? Quid respondebis Lemovicibus civibus tuis ex Italia te revocantibus, ac vindicantibus? Gallum te esse negabis? Romanum, aut Venetum, aut Patavinum esse dices? Audio, duarum civitatem esse jure civili posse neminem & statim, ut quis in aliam civitatem receptus sit, illius civitatis cui se dicat, civem esse, scio. Sed quando civis Romanus, aut Venerustactus es? Quod si neque Romanus, neque Venetus, neque alius civitatis civis ea, relinquatur, ut aut nullius, aut ejus civitatis sis, quæ suscepit, quæ edidit, quæ aluit, quæ instituit, quæ denique talem, qualem nunc admirantur externæ nationes, perfecit, ac perpolivit. Dices, te nullo tuo merito ab ingratiss Gallis esse e patriæ finibus ejectum, atque expulsum. Non

EPISTOLA III.

7

est ita, mi Murete. Non enim, si poenam legibus iis, contra quas nihil (ut ego quidem arbitror) commiseras, constitutam, voluntarij exilio declinare, quam inimicis tuis jugulum præbere maluisti: non si certorum hominum tuæ præstantiæ, & gloriæ invidentium consiliis occultis, & insidiosis cedere, quam vitam tuam præcipiti, & turbulento iudicio committere, tutius esse duxisti, idcirco exules. Exsules sunt facinorosi homines, flagitiosi, scelerati, sicarii, venefici, impuri, impii: Te, quem olim Galli litteris dediti præsentem attentissimis, atque avidissimis auribus audierunt: nunc absentem sollicitis animis desiderant, & calamitate levatum volunt: quem Veneti per quadriennium, modestissimum, continentissimum, integerrimum, religiosissimum, innocenti sinum cognoverunt: quem Principes, & Pontifices secum vivere, sibi que contubernalem efficiunt: cujus litteris, sermone, congressu delectantur: cujus doctrinam cum singulari eloquentia conjunctam admirantur: quem incredibili amore complectuntur; quis exulem appellabit? Dices, hæc præclare, & magnifice dici: te interea tamen patria carere. Atqui aliud est carere, aliud perpetuo carendum esse. Non dico hoc temere. Audiui, cum diceret Franciscus Peronius Cardinalis, se se pro sua erga te benevolentia, habere in animo, omni studio elaborare, ut tibi pateat in Galliam reditus; idque ut obtineas, & cum Rege, & cum Pontifice Maximo Pio IV. diligenter acturum: utriusque autem auctoritate in hac causa usurum, ut tu non solum poena, verum etiam culpa, si quid forte abs te peccatum est, liberatus, in Gallia nostra reliquam ætatem agere possis. Itaque, nisi tibi deesse voles: nisi patriam tuam tibi ulro dextram porrigentem, complectique cupientem aspernabere, magnam te video & ejus reciperandæ, & vivendi cum tuis facultatem esse habiturum. Atque hac de re ego, Villarius, & Sandrinus nudius tertius accurate locuti sumus. Quem sermonem tibi totum perscriberem, nisi ad congressum nostrum potius reservandum esse existimarem. Fuit enim in te & honorificas & amoris plenus. Cum igitur hæc ita sint, (fui enim longior, quam debui, atque adeo, quam volui) velim, mihi quamprimum respondeas, quamobrem, cum ad me scriberes, Gallum hominem *vestratem* potius, quam *nostratem* dixeris. Vale.

le. a. d. x. Kalend. Marc. in Corneliano.

A 4

M. AN.

M. ANTONIUS MURETUS

D. LAMBINO S. D.

IV.

Respondebo iis potissimum tuarum litterarum capitulis, quæ mihi videntur maxime responsionem flagitare. *Vestratem* hominem eodixeram, quia tu, & ille Belgicæ es. Nam, quod ad Galliam attinet, ego & Gallus sum, & me, quamdiu vivam, Gallum profitebor. Sed gaudeo, te id quod scripseram, in eam partem accepisse; & occasione hinc tibi natam esse scribendi ad me de honorificis, & amicis sermonibus, quos tu, Villarius, & Sanderinus de me habuistis. Ego quidem neque illis, neque tibi gratias agere debeo, ne pro salute ipsa, cujus mihi vel parientæ, vel restituendæ a vobis consilia capiuntur, vili munere defungi velle videar orationis. Vulgaribus & ultatis beneficiis gratiarum actio debetur hoc, quo maius homo ab homine accipere nullum potest, *ὡς δαμνόνοντι* silentio potius est & cogitatione venerandum. Sed quod meam super ea re sententiam requiris, dicam: *ἐγὼ περὶ μὲν τῶ ἐπα ἐρχεσθαι εἰς τὴν πατρίδα ὅδ' ἐν πάποτε, ὡς ἐπὶ εἰπὴν ἐφρόντισα, καὶ οὕτω τὴν ἐπ' ἄνδρον ἐπερὶ πολλῶ ποιῶμαι, τὴν ἐμὴν τύχην παραμυθέμενος τῷ τῷ γωμικῷ. Πατρὶς γὰρ ἐστὶ πᾶσ' ἴν' ἂν πρᾶττης εἴ.* Καὶ μὴν ὅτω τὴν ψυχὴν δακνῶντος τὴν τῷ ἐπα ἐρχεσθαι δύναμιν, ἐν μοι τῷ εἰ τῷ βίῳ ποδονοτάτων εἶναι νομίζω. Ac quod, si liceret nu qu m tamen tortasse facerem, id non licere, vix satis æquo animo fero. Ego autem constitutum in animo habebam, annos aliquot expectare *σπὴν τῷ τῷ τοιαῦτα κινῶν*, atque eniti, ut mea bona existimatio, & fama bonorum mihi ad hanc rem adiumento esset. Verumtamen tuo iudicio rem omnem permitto. Interea velim ex te audiat P. Villarius, quantum ego, & mihi conficius sim & profitear, me sibi debere, quamque beatum me futurum putem, si mihi aliquot referendæ gratiæ potestas detur. Eum igitur, & Januotium, & Laureum, & Torodem meis verbis salvere jubeas velim. Vale, mi Lambine omnium meorum amicorum amicissime. Patavii, a. d. vii. Kal. Mart.

M. A N.

M. ANTONIUS MURETUS

D. LAMBEINO S. D.

V.

Tuas litteras hodie accepi. Meas puto heri a prandio tibi fuisse redditas cum iis quas ad Rufillum dabam. Videor mihi tuis omnibus respondisse, saltem ad ea capita, quæ responsione aliqua indigere videbantur: nisi quod non satis commemini, scripserim, nec ne περὶ δ' ὑποθέσεως, quam *contentionem* interpretaris lib. nono de morib. ad Nicom. quo de nomine, cum me in omnes partes cogitatione converterim, nihil potui reperire melius tuo. Nam de illo loco qui est in extremo decimo, ὃν τινα καὶ τὸν προτιθέντα, potest ne cuiquam (Perionium semper excipio: de quo ita sentio, nihil posse esse tam absurdum, quod non ei interdum & veniat in mentem, & probetur.) Sed potest ne cuiquam dubium esse, quin ita intelligendus sit, ut tu censes? Quin Argyropylos quoque & Aretinus a te faciunt. Divus Thomas autem more suo fecit, ut ex interpretatione neque bona, neque vera, bonam tamen & veram sententiam eliceret. Itaque eum quoque habes adspulatorem. De his hæcenus. Litteras Cardinalis Ferrariensis ad me, & Sandrini ad te cum tuis accepi. Ultraque remitto. Eas, quas Princeps ille clarissimus mittit ad ad me, l. ges: & lectas remittes, ut easdem considerem per otium, & rescribam. Quicquid consilii cœpero, tu primus eris particeps, & conscius, quemadmodum amicitia nostra postulat: ex qua equidem maiorem in dies & fructum, & suavitatem percipio. Simul atque remiseris, (quod cras fiet, aut perendie) aggrediar ad rescribendum. Simulque de eodem oleo, & opera scribam aliquid ad communem herum nostrum Cardinalem Turnonium. Sed te mihi a iutorum esse necesse est in re levi & pusilla, quam tamen ipse per me non satis commode explicare possum: id est in litterarum inscriptione. Nikerus cum ad Card. Ferr. Gallico sermone scriberet in inscriptione suarum nihil præter vocem *domini* iteratam ad nomina illa solemnia & necessaria, Card. Ferr. adjunxit. Ejus ne exemplum si quid debeo: an magnifica illa verba adhibere Italica usitata, *Reverendiss. Illustriss.*? Inepta hæc καὶ φασίδια esse intelligo: sed tamen ne his quidem minimis rebus rusticus videri velim. Vale. Patavii a.d. v. Kal. Martias.

M. AN-

M. ANTONIUS MURETUS

D. LAMBINO S. D.

VI.

Tuas omnes litteras accepi: hoc primum sequitur nunc, ut ad eas respondeam. Quando vir clariss. Card. Turnonius præcise, & sine ulla exceptione jubet, ut dedam me Hippolito Estensi Card. Ferrariensi, geram ei morem *obv. Oeg.* Hoc enim tibi persuasum habeo, mi Lambine, Cardinalis Turnonii voluntatem mihi, quamdiu vivam, instar Helices, aut Cynosuræ cujuidam futuram, ad quam totus consiliorum meorum cursus dirigatur. Quod imperabit ille, si modo in mea potestate erit situm, faciam, quoquo modo potero. Quin etiam si mihi ea imperet, quæ facultatem habere non videantur, ea tamen efficere conabor non perficiendi spe, sed obtemperandi voluntate. Hoc certum, hoc deliberatum, hoc fixum est. Hac de re ego ad eum triduo, aut quadriduo scribam: simulque ad Cardinalem Ferrariensem litteras dabo. Hoc ipso die scripsissem: verum, extra occupationes, quibus districtus sum, ita me Deus amet, ut cum ad hos populi primiores scribendum est, nihil mihi venit in mentem, quod scribam, nisi diu, multumque meditato. Interea pro me respondebis, ac recipies Cardinali tuo, me, quod vult, facturum. Tum tu pristinam tuam erga me voluntatem retinebis. De obligatione illa altera noli laborare. Mecum erit iste labor. Fata viam inveniunt. Atque etiam confido, me eis satisfacturum, qui videantur de me jure queri posse. Mittas ad me velim epistolam illam Gallicam, in qua de me fit mentio. Nihil præterea video in tuis litteris, quod responsum desideret. Amo te, immensum quantum! teque orarem, ut patria redderes, nisi exploratum haberem, te tua sponte facere. Salutem omnibus meo nomine, sed in primis P. Villario. Quid sibi vult autem tam subitus, atque inopinatus vester ex Italia discessus? Jocone, an serio ista scripsisti? Si quid est τῶν ἀπορήτων, taceo: sin, fac ut sciam, Vale, Patavi. Pridie Kal. Mart.

EPISTOLA VII.

MURETUS

LAMBINOS. D.

VII.

JAm scripseram ad libros Valgriffi, cum allatæ mihi sunt tuæ litteræ. Itaque etsi valde sperabam, meis precibus nihil opus fore, tamen, quod erant jam scriptæ litteræ, mittendas censui: idque feci. Assueheri paulatim aures tuas, qualisque occaleicere, gaudeo. Manutius heri ad me scripsit, si quid mutare vellem in notis illis meis ad Terentium, aut ad eas aliquid addere, ut primo quoque tempore facerem: se de eis denuo propediem excudendis cogitare. Denuncio igitur tibi, si quid adjuvare in ea re me potes, (potes autem plurimum) ut facias. Alliano nostro, quem talem tibi videri, qualis mihi semper visus est, id est optissimum, ac modestissimum virum, imprimisque φιλόφιλον, immortaliter gaudeo. Ei igitur plurimum meo nomine salutis imperties. Vale, amicorum meorum optime, & integerrime. Id. Mart. Patavio.

MURETUS

LAMBINOS. D.

VIII.

Sciebam, me illud de *irritandi* verbo alicubi legisse: sed nolebam obstinate contendere, nisi locum etiam ipsum indicare possem. Hodie reperi. Est autem in iis, quæ notavit Pierius in librum decimum Virgilii, his verbis: *irritatque virum telis. Impressi codices omnes, irritat, geminator scribunt: sonet ut de narē canina littera. Irrito tamen ab ira est.* Hæc Pierius. Sed tamen scrupulus adhuc aliquis meo in animo insidet: propter verbum, *Prorito*. Ne forte ambo ex eodem fonte fluxerint. Tu cogitabis. Sed amabo, quid tibi venit in mentem, ut juberet, a me concerpi, quæ in notis illis tuis Terentianis minus probarem? Ego vero omnia ita approbo, ut nihil supra. Itaque, quæ ad meum institutum pertinebunt, iis utar: cætera ad usum meum asser-

affervabo, idque ἐν κερματίοις. Cucuronis nostri munusculum mihi longe jucundissimum fuit: idque velim abste ei omni asseveratione affirmari. Profecto quibuscumque locis putabo testimonio meo, ac prædicatione aliquid ipsius nominis celebritatis afferri posse, non deero. Ita enim eum in arte illa, cui se dedit, excellere video, ut sit cum iis, qui principes habentur, meo quidem iudicio, conferendus. De viginti quatuor illis librorum tuorum exemplis noli laborare. Ego rem, cum tu voles, confecero: idque ad me recipio. In his litteris aliena, ut vides, manu usus sum: quod recenti a prandio ne scriptio mihi non satis firmo obesset, verebar. Saluta mihi communes amicos, & Vale. Idib. Apr. Patavio.

M U R E T U S

L A M B I N O S. D.

I X.

Q Uod ad te rarius scribo, quam aut tu cuperes, aut amicitia nostra fert: peto a te, ne id potius negligentiae, quam negotiorum, quibus assidue premor, multitudini ascribas: nam illud non puto petendum esse, ut nequid propterea de amore erga te meo imminutum putet. Ego enim si quicquam tale suspicarer, mihi crede, istuc accurrerem, tibi que modis omnibus probare conarer te mihi ita carum esse, ut vix ipse tibi sis carior. Quare noli, siquid unquam de te bene merui, si me nihil carum vivere cupis, si me salvum vis denique, noli deponere eam voluntatem, quam erga me jampridem suscepisti. Ego te eximie amare, ita uti tua eximia virtus promeretur, non desinam, nisi ipsemet amare me desinam: quod tuus Aristoteles ait esse τὴν ἀδυνατίαν. Propediem mittam ad te Catullum, Tibullum, & Propertium cum scoliis quibusdam meis: in quibus est aliquot locis facta tui mentio. Sed, amice magne, noli quicquam elatum, aut elaboratum expectare. Omnia vulgaria ac protrita, & a Decimo Lælio, non a Persio, legi digna, quæ tamen tu qualiacumque sunt, quia nostra sunt, probabis, & non invitus leges. Vale. Illustrissimo Cardinali si meo nomine salutem dixeris, erit gratissimum.

EPISTOLA X.

cissimum. Villarium item, Laureum, Torodem, cæteros mihi diligenter saluta. D. natum Jannoctium nuper vidi Patavii. Nam hæc scripsi Venetiis in taberna quadam libraria, cum hodie patavio venissem, hodie Patavium cogitarem. Iterum vale κεφαλή μοι προσφιλέστα Id. Quint. Id. MDLVIII.

MURETUS

L A M B E R T O S. D.

X.

Petrus Paganum, quibus apud te laudibus ornaverim, scis: quamque diligenter & accurate tecum egerim, ut eum in amicitiam tuam reciperes, hominemque & probum, & eruditum, & perstudiosum tui toto pectore complectere. Ejus ego nunc ex ædibus hæc ad te scribo: teque verbis ipsius rogo, si quando erit tibi hac iter, ut eum tibi inviscendum, salutandum, etiam, si videbitur, domo ipsius æque atque si tua esset, tibi utendum putes. Mihi crede, cognosces hominem tua amicitia dignum. Nunc cum ex ipso audierim, fore, ut die crastino Hieronymus Amaltheus, ad suos rediens, hac transeat: cumque ita ferat itineris ratio, ut Corneliano quoque eum iter facere oporteat: putavi objectam esse mihi occasionem, qua tibi, qua vobis omnibus, ac imprimis ipsi amplissimo atque Illustrissimo Cardinali rem gratissimam facerem. Hic ille Amaltheus est, quem tibi affirmavi, magisque ac magis affirmo, omnium, qui hodie vivant, Itolorum, quos ego quidem noverim, præstantissimum poetam esse: eundemque medicum τῶν τυχόντων, immo, ut ille ait, ποιῶν ἀντάξιον αἰῶνα. Velim, patrefacias ei aditum ad Cardinalem: nam & ille non vulgari se honore a te affectum intelliget, si, productus a te possit ei κατὰ φιλέειν τὰς χεῖρας: (agnoscis catrentis verbum) &, nisi me valde fallit animus, Cardinalis ipse magnam ex ejus sermonibus percipit voluptatem. Id autem ut facilius fieret, has ad te litteras scripsi, quæ Amaltheo darentur, ut eas ipse perferret. Sed cœnandum est. Vale. Tarvisi IV. Kal. Decemb.

DIONYSIUS LAMBINUS

M. A. MURETO S. D.

XI.

Pontifex Vefontionenfis, qui Patavium (ut fcis) non ita pridem fe contulit, ut iuris civilis, & philofophiæ, & literarum humanarum doct̃oribus operam daret: nudius quartus venit in Cornelianum, Francifci Turnonii Cardinalis falutandi, & invifendi gratia. Erat in ejus comitatu theologus quidam notus mihi nomine tantum Gilbertus Cofinus. Is non ita longo, poftquam in cubiculum Cardinalis cum Pontifice introivit, tempore, me requifivit, ut videret. Inambulabam tum forte hora diei decima fub dio, quàm deniffimis diffufe ramis arbores locum ab arbitris remotum, ac liberum opacabant. Comes erat nullus, præter unum libellum, quem mecum tuleram, ut, fi forte deficeret me, quod inter ambulandum animo agitare, leſtiuncula me oblectarem. Aliquot jam ſpatia confeceram nescio quid meditans nugarum, totus in illis, cum puer currens nunciat mihi, Pontificem Vefontionenfem veniſſe: quemdam eſſe ex ejus comitibus, qui me ſalutare, & convenire vellet: quod ſi in cubiculo meo fuiſſem, ultro ad me venturum fuiſſe. Quibus auditis, puerum ad eum præcurrere jubeo, eique renunciare, me in propinquo ſaltu ambulare, & mox affuturum. Ita præmiſſum puerum e veſtigio conſecutus ſum. Cofinus autem, ſimulatque audivit de meo, ubi eſſem, properanti mihi venit ipſe quoque cupide obviam. Cum in congreſſum veniſſemus, poſt illa, quæ *εν τη ἀπαντήσῃ* dici ſolent, primum multa ille de me, more hoc inſuſo, in os, & coram quæ ego (noſti enim me *πρόπασαν καὶ καὶ ἀδυσκολόν τε, καὶ ἀντίτυπον ὄντα*) perinivitus & pæne dicam, recalciſtrans aſſervi: deinde non pauca de Genua, Roberello, Fallopio, & cæteris. De te percunctans tandem, & *ῥηξασπῶν* (longum enim erat de aliis dicentis aures tam patientes, & faciles præbere: de te autem ab eo, qui Patavio recens veniret, nihil audire.) Sed Muretus noſter (inquam) quid agit? ut valet? nihil de novi ſcribit, quod alios delectet, ipſum laudibus æternis illuſtret? Ille vero, inquit, Patavio dies aliquot abſuit: quam ob cauſam, nescio: niſi quod Patavii diſſumi

seminatus est ab invidis (opinor) hominibus rumor de eo non bellus. Itaque nobiles aliquot adolescentes Veneri prudentes, & boni, qui cum eo vivebant, receperunt se ad suos dicuntur. Muretus autem, cum paucis post diebus illos consecutus esset, hoc consilio; ut se purgaret, atque aliquantum temporis, dum rumor ille deferresceret, Venetiis confidisset, Patavium rediit tristis ac demissus. Diciturque, prioribus ædibus, in quibus laxissime habitabat, relictis, alias angustiores conduxisse. Hæc cum audissem, valdeque ea auditione perturbatus, & proremodum exanimatus obstupissem, & vix tandem me collegissem, quæsi, certe ne sciret, tuos abs te discessisse. Negavit ille, se certo scire. Eorum, quæ diceret, rumorem sibi esse nuncium, præterea neminem. Hoc unum se exploratum habere, te Venetias profectum esse, ibique dies aliquot constitisse: deinde Patavium reversum esse: ædes tuas non ea, qua ante, frequentia celebrari. Hæc mihi Theologus ille. Quæ me plane perculerunt, atque affligerunt: neque extollar, aut recreabor prius, quam ex tuis litteris, quid acciderit novi, cognovero. Quamobrem, si me amas, fac ut de toto hoc rumore diligenter ad me scribas: ut, si verus sit, (quod Dii immortales omen avertant) nos subveniamus: sin falsus, (quod spero & opto) cura, metuque liberemur, & gaudeamus, & tibi gratulemur. Scis quanti te Franciscus Turtonius Cardinalis, quanti te faciamus. Meministi, commendationem nostram tibi ad amicitiam & gratiam Cardinalis colligendam magno adjumento fuisse. Si ea de te audiet, quæ nos rubore perfundant, quid nobis miserius? Non enim jam nobis erit integrum Horatio obtemperare illa præcipienti & monenti: Qualem commendes etiam atque etiam aspice, ne mox incuriat. Tenes cætera. Piget me plura hac de re scribere. Vehementer sollicitus sum, valde hoc nuncio territus. Tu, ut primo quoque tempore mihi metum, in quo nunc versor, adimas videro. Significavi tibi alius litteris, me libros de moribus ad Nicomachum a me conversos Luteriam misisse, ut ibi de integro, & quidem emendationes, quam Venetiis, excudantur: certiore etiam te feci de Theologorum Parisiensium severitate, seu potius (non enim præ hæc theologis curæ fuisse) inimicorum & invidorum tuorum acerbitate, te, qui nomen tuum e libris meis tolli iusserunt. Vale pridie Idus Sext. MDLVIII. in Corneliano.

Primum de iis, quæ istuc allata sunt, metu omni te libero. Ego Patavio pedem non movi: nisi quod nuper negotiorum causa Venetias profectus sum. Mei omnes adhuc mecum sunt: nisi quod tres, cum febre correpti essent, ad suos se contulerunt, ut ibi melius curarentur. Næ ego, mi Lambine, singulari quodam sum ad invidiam fato. Nam quid mirum est, istuc pervenisse falsos quidam de me rumulculos, cum Venetiis, hoc est, in ea urbe, in qua, hæc quam vana essent, oculis videri poterat, eadem illa, quæ istuc allata esse scribis, disseminata sint? De libro tuo, nodus est ad solvendum difficilis. Dabitur enim magna occasio hominibus querendi quid acciderit: ut satius fuerit me nunquam initio inferi, quam nunc evelli. Tu cogitabis Catulli exemplaria duo, antequam Venetiis discederem, curavi dando Donato Jannotio: quorum unum, mea causa, sibi asservaret, alterum ad te ferret. Itaque miror, quid factum sit. Litteræ illæ tuæ superiores ad me non pervenerunt. Posthac cum ad me voles scribere, nihil potius, quam ut ad Cavalcantem mittas. Equidem valde conturbatus sum: ac parum abest, quin cogitem in aliquas solas terras, ubi nec Pelopidarum nomen, nec facta audiam. Ejus autem rei mihi sese offert occasio sane luculenta. Sunt enim, qui me honestissimo stipendio, in Græciam conentur abducere. Quid enim faciam, qui neminem laudens omnibus omnium invidorum, ac malevolorum dentibus petor? Vitæ me prope ipsius odium capit. Tu bene vale, ne ego deterius etiam valeam, si tecum minus belle agatur. Cardinalis saltem Turnonius, columen meum, ne me amare desinat, tu cum Villario, Donato, Lauro, Torode, cæteris, quantum vobis est, præstate. Litteras tua valde expecto. Patavii. vi. Kal. Sept. quo ipso die tuas litteras acceperam, quæ tamen a te data erant Pridi Id. Sextil.

EPISTOLA XIII.
D. L A M B I N U S
M U R E T O S. D.

17

XIII.

Postridie quam tabellarius Cardinalis Turnonii Venetias
ire solet, tuas postremas litteras accepi, Itaque eis non
potui citius, quam hodierno die respondere, nisi vellem
meas incertis hominibus committere. De rumore illo, scito
me magno metu, magna cura, magna denique animi mo-
lestia tuis litteris esse liberatum. Dii male faciant istis
taliu sermonum, qui ad alterius existimationem læden-
dam valent, artificibus. Atqui, vide quam sis incautus
immo vero quam credulus, & *enim* *enim*. Is, qui mihi primus
hanc fabulam narravit, dicebat, se eam Patavii e quodam,
qui te quotidie invisere solet, &, quo tu familiarissime uti
consuevisti, accepisse: nomen se negabat scire. Tantum in
Mediomatricum finibus natum esse dicebat: eumque sic mihi
describebat: brevi collo, capite obstipo, rufo capillo, sparso
ore, cæcis oculis, naribus amplis, atque obtusis. Huic ho-
mini, si sapias, cave quicquam posthac credas: qui tibi domi tuæ
blanditur, foris obtreffat: fronte, & vultu amici speciem
præstest, consilio & voluntate inimicus est: verbo & ser-
mone liberalis, humanus, & officiosus est: re, & factis illi-
beralis, inhumanus, & capitalis est: cujus denique blanditiæ
insidiosæ, oratio infidelis, congressus pestilens & perniciosus.
Is quidem, quod in eo fuit, te propemodum perculit, atque
evertit. Quod nisi tua innocentia, integritas, veritas denique
tibi mature subvenissent, periculum erat, ne macula sempi-
terna tuo in nomine, tuaque in fama hæreret. Nunc autem
tot clarissimorum, & gravissimorum virorum; quibus tu no-
tissimus & clarissimus es; testimonio convictis, atque compres-
sis invidiorum tuorum obtreffationibus, falsisq; te crimina-
tionibus, tua vivi quidem vox, oratio, consuetudo præstanti-
bus & principibus in republica viris erit optabilis & jaceun-
da; mortui vero gloria crescet, & vigebit memoria hominum
sempiterna. De libro, quid futurum sit nescio. Scripsi quidem
ad eos, qui Lutetiæ negotia mea gerunt, ne patiantur excudi
potius, quam tanta injuria tibi inferatur. Unum vereor, ne quo
tempore meæ litteræ ad eos pervenient, res jam non sit inte-
gra. Quod si accider, quid consilii capiendum censes? aut quo

modo, quod erit ab illis inceptum, revocari, & corrigi, quod factum, infectum esse poterit? scis hoc belli tempore, cum ex Italia longo flexu, longoque circuitu per Rhætos, & Vindelicos itur in Galliam, litteras Roma vix vicesimo die Lutetiam pervenire: ut omittam sexcentos casus, qui in tam longo itinere nec opinato intervenire possunt. Omnino res difficilis, ut scribis: eoque difficilior, quo minus loci consilio relictum est. De invidis, dubium istuc quidem non est, quin ab hoc genere acriter oppugneris. Sed quid tum postea? num tibi idcirco aut Italia, altera tua patria, relinquenda est: aut in peregrinas terras cogitandum? Quasi vero locus ullus sit in orbe terrarum, quem quidem homines incolant, ab invidis purus & vacuus. Nam quod scribis, parum abesse, quin solas terras cogites, ubi nec Pelopidarum nomen, nec facta audias: consilium tuum laudarem, nisi homo natus esses, non feras: aut si in solitudine homo humanitate politus vitam agere posses. Multa nobis in hac visa, Murete, natura commoda, multa incommoda proposuit. Multa nos suavia & jucunda in vita retinent: multa perperam aspera, atque acerba vitam odiosam, amaram, atque insuavem reddunt. Sed sapientis est, cum his incommodis, tot hujus lucis opportunitates & commoditates compensantem, & comparantem, vitæ dulcedine, dum licet, frui: quæ in ea sunt aliquanto amariora, animi æquitate condire. Dum hominum genus erit, invidia præstantissimum quemque insequetur & petet. Quam una ratione facillime placabis, si te inertis, desidiæque, virtute relicta, dedideris: hoc est, si contemni, & latere, quam in pretio esse, & excellere malueris. Quod te facturum non puto. Novi enim tuos ad virtutem, & veram laudem impetus. Quod si mutare consilium velles, tibi tamen non liceret. Non enim tibi jam integrum est, tot scriptis, tanquam tuæ constantis obsidibus implicato, atque irriterito, totas vitæ tuæ rationes conturbare, novamque ac longe dissimilem vivendi viam iniire. Reliquum igitur est, ut quem a puero vitæ cursum instituisti, eum constantissime tenere perseveres: vitæ integritate, innocentia, continentia, pietate, invidiorum morsus & criminationes, quoad ejus fieri queat, debiles: clarorum, potentiumque virorum amicitia, opibus, auctoritate tuum otium sustentantes, tuas fortunas augeas, tuum caput tegas, tuam vitam munias. Vale, a. d. xv. Kalend. Septemb.

MARCI ANTONII
MURETI
EPISTOLARUM

LIBER II.

Qui Primus est Jacobi Thomasi editionibus; cuique admittuntur passim, ut in primo nostro, aliorum quædam ad Muretum Epistola.

M. ANTONIUS MURETUS

JOANNI NICOTIO.

V. Clar. Consiliario Regio S. D.

EPISTOLA PRIMÆ.



Ultæ causæ sunt, Joannes Nicoti, vir clarissime; propter quas magnorum & illustrium virorum epistolæ expetantur. Sunt quas sermonis nitor & elegantia; & nariva quædam pulchritudo; nullo, ut videtur, artificio exculta, nullis pigmentis colorata commendet. Sunt contra, quæ & verborum & sententiarum minime vulgato genere cultum, & artificium ostentent. Nonnullæ etiam ita scriptæ sunt, ut historiam quasi quamdam contineant eorum temporum, quibus ii, qui illas scripsere, vixerunt. Atque hæc, si ve a disertis, & ingenuarum artium scientia expolitis hominibus prodierint, tanto cupidius leguntur; si ve etiam ab iis, qui lepore ac festivitate dicendi caruerint, non tamen propterea negliguntur. Historia enim, ait Plinius, quoquo modo scripta delectat. Graves quædam & philosophicæ, officii præcepta tradunt; falsas opiniones evellunt ex animis; quanta in virtute dignitas; quanta in vitiis

LIBER II.

20 turpitudine sit, docent: quo in genere Seneca excellit. Quædam, etiam si ad res modo privatas & familiaria negotia pertinent, excitant tamen hominum studia, propter eorum, a quibus scriptæ sunt, auctoritatem. Natura enim comparatum est, ut, quos admiramur ac magnificamus, eorum omnia maxima minima cognoscere cupimus. Recteque ac vere Xenophon, virorum virtute præstantium non seriatim modo, sed & joca digna esse ait, quæ memoriæ commendentur. Et certe si vascula quædam, quibus illiusi erant, & alia, quæ in eorum suppellestile ac frivolis fuerant, mortuis ipsis cupidos emptores invenerunt: (quomodo lucernam Epicteti mille drachmis Protei Stoici baculum talento venditum accepimus) multo magis eorum quamlibet tenues & exiles epistolæ in pretio esse debent. Sed ego hæc omnia mecum agitans, cautam tamen reperire nullam queo, cur aliquem epistolam mearum librum videre multi istic, ut scribis, elegantis ingenii homines concupiscant. Sive enim Latine litteras amant, & ad aliquam Latine scribendi facultatem pervenire cupiunt: quisquamne est, qui, cum essent Ciceronis, Senecæ, Plinii epistolæ, non dicam ex meis, sed ex cuiusquam, qui his mille annis vixerit, Latine linguæ aut integritatem, aut copiam sibi petendam putet? Idem etiam de illo qualicumque scribendæ epistolæ artificio dixerim. Quid enim aut Plinio limatius, aut Seneca gravius, aut Cicerone in omni genere perfectius optari potest? Gravidarum mulierum morbus ille fuerit, quæ, neglectis bonis ac salubribus cibis, cinere se adducere, aut invitare quemquam possunt ad epistolas meas cupide legendas. Homo enim privatus, qui ita in literis ac litteris consenuerim, nullam ut unquam attigerim Reipublicæ partem, nullam unquam epistolam scripsi, nisi quæ ad eam non magni momenti negotia pertineret. Quis autem ego sum, ut, quod postremo loco posui, auctoritate quisquam adductus mea res meas cognoscere cupiat? Mito jam, quod cum in cæteris, tum in hoc præcipue genere ita negligens sum, ut epistolas uno impetu fufas, raro admodum bis legere; certe quidem nunquam bis scribere, sed ut primum fluxerunt, lituratum sæpe ac macularum plenam, ad amicos mittere soleam. Itaque multum negotii habui

EPISTOLA I.

habui in iis, quas ad te nunc mitto, colligendis. Nam præter paucas, quas familiares quidam mei descripserant cæteræ ab iis ipsis, ad quos missæ erant, aut ab iis in quorum manus mortuis ipsis pervenerant, corrogandæ, quasque ostiatim conquirendæ fuerunt. Quas non ullo ordine aut personarum aut temporum, (neque enim res tanti videbatur,) sed ut quæque allata erat, & cum eis nonnullas ad me a viris doctrina & auctoritate præstantibus scriptas, in unum volumen congeiendas curavi; ut tuæ vel voluntati obsequer, vel auctoritati obtemperarem. Tantum enim & amicitiae nostræ, & prudentiæ tuæ in maximis muneribus publicis obeundis jam pridem spectatæ tribuo, ut nulla in re tibi aut volenti negare, aut suadenti adversari fas putem. Quare quid a me possules, aut quid me facere jubeas, ipse videris: certe, quidquid postulaveris, quod quidem in me situm sit, consequeris. Hoc autem æquiore animo passus sum exillare aliquas epistolas meas, quod quædam multis jam abhinc annis æditæ sunt pro meis, de quibus scribendi ego ne per somnium quidem unquam cogitavi. Confixerat eas is ipse, qui tanquam a me ad te missas divulgaverat, homo eruditus ille quidem, sed improbus, & natura nocendi ac malefaciendi cupidus: cum plurima & maxima officia, quibus a me affectus erat, summis injuriis compensare veller. Quae de re olim a me graviter objurgatus, multis cum lacrymis a me veniam petiit, laqueo digna commisisse se fassus; cum ei sermoni Hadrianus Turnebus, & Joannes Auratus præsentibus interessent. Sed mittamus hæc. A te pro amicitia nostra peto, des operam ne quid illic excudatur pro meo, quod meum non sit. Quid enim futurum est, nisi coerceatur istorum audacia, qui superioribus mensibus poema quoddam de laudibus Joannis Austriaci, quod ego nunquam legeram, pro meo ediderunt? In quo & mihi & ei, cuius illud poema est, imposita insignis injuria est. Nunc tua potissimum fide, diligentia, auctoritate, voluntate erga me fretus, nihil tale posthac evenitutum esse confido. Vale. Romæ ix. Kalend. Septemb. MDLXXIX.

JOANNES NICOTIUS

*Libellor. Supplic. in Regia Mag.*MARCO ANTONIO MURETO
Viro eruditissimo S. P. D.

II.

Respondet præcedenti.

REm periculi mei me fecisse ex te audio, quod efflagitatione mea, quas ad plerisque amicos tuos dedisti, litteras tandem in manus hominum venire sinas. Ego ero, mi Merete, id quid periculi sit, non sane video: ex idisse tibi quidem certe singularis hujus erga litteratos omnes beneficii gratiam facile perspicio, qui istam clavam de manibus me tibi extorsisset tam ingenue fateare. Nulla enim mehercule earum, quas memoras, causa satis iusta, ad promendum tibi unquam fuit. Nam quum jam inde ab adolescentulo, unus e nostris hominibus, Romanam illam amplitudinem ac dignitatem, & quovis scribendi, & toto ipsius vitæ genere ita sis confectatus, ut facto tuo civitate etiam Romana donatus fuisse videare, quisquam, quæso, erit, qui quum tuas epistolas leger, non ex orationis venustate (Romana ista quidem prorsus) & ex miarum atque præstantium rerum translatione, singularem & voluptatem & fructum capiat? Quæ tu summe doctus, ad præstantes omni probitate atque eruditione viros scripsisti, quotidieque quin scribas, efficere plane nequis, non ex earum quidem commentationum genere sunt, quibus non amplius quodvis, quam familiarum epistolarum nomen, merito debeat. Litterarum, Marce Antoni, ac studiis doctrinæque deditorum virorum inter ipsos per litteras consuetudo, quidpiam egregium atque excellens semper habuit, perpetuoque habitura est. Id adeo quidem, ut illorum, qui olim exlitere, etiam *supra* ac *digna* in rebus opera & oleo nostro dignis esse ducamus. Fuit, critique, quoad quidem mortales terram colent, cuique sæculo rerum & publicarum & privatarum, tum rerum quoque quas neutrarum expertes facile dixeris, sua quædam norma ac ratio, quam, qui id ætatis degunt, multo certe magis a re sua condicant,

scant, perceptamque usurpent, quam quæ longe antea tuis seculis exstitit. Memini equidem, me, quum in Lusitania Christianissimi Regis Legatus essem, non tam in rebus Legationis illius commodè gerendis, antiquis vel fœderibus, quæ cum Lusitanorum Regibus, nostris olim intercessere, vel Annalibus utriusque gentis versandis, quam quorum ætati ferè ne suppareres sumus, adjutum ac sublevatum fuisse. Enim vero, Murete, non nihil haud ita dispar in isto etiam scriptorum genere contingit. Nam quum ad consuetudines hominum inter sese instruendas et pue ornandas, quæ viri omni doctrina eruditi cum suis similibus per litteras colloquuntur, magnopere conducant; ipsa autem consuetudinum colendarum ratio ac disciplina, nequaquam in ætates solam, verum etiam prope jam in annos singulos varia eveniat: non tam aut Ciceronis quidem ipsius, aut aliorum, quos refers, epistolis, qui nunc inter homines agunt, quam aut tuis, aut eorum, qui tui sunt similes, qui profecto perpauci sunt, adjuvabuntur. Non sunt denique ejusmodi tuæ epistolæ, quæ seculis innumerabilibus manere, ac, ut Scevola ajebat, canescere nequeant. Itaque tu ne tibi desis, valde te hortor atque moneo. Meo res omnis plane, quandoquidem ita tibi cavere velle videris, periculo esto. Etsi vero id me tuto jubere facile sentio: ea lege tamen ac conditione quodvis periculum abfuturum promitto, si, quod nunc agis, id tu multo dehinc etiam prolixius ages, quæque in isto genere posthac scribes, diligenter ac summa fide ad me perferranda curaverit. Quod autem scribis, partum a malevolo nescio quo, per summam fraudem suppositum tibi fuisse, qui falsos te esse ditavit; id equidem adeo immerito tibi accidisse, ut debeo magnopere doleo. At heacle ille mihi haud satis insidiosè eam fraudem adornasse videtur. Qui enim scripta tua legerit, vix alterius cujusquam, quantumvis affabre elucum, commentum, pro tuo agnosceret. Sunt, mi Murete pestes quædam hominum, per summam nequitiam ac inertiam aliena laude dolentium. Quos tu, cui quidem bene beatæque vivendi ratio constat, propter magnitudinem & animi & ingenii, moderate feras oportet. Hujusmodi ego hominum monstra a lacerandis ulciscenda minime esse censeo, quibus ipsis invidia, quæ miserrime peruruntur, satis superque perenni supplicio est. Nam monstro sane haud ab simile est, in obscuro Patriam jacere malle, quam ferre æquo animo, lumen ei a præstantiore quopiam præferri. Haud sanæ luminosior usquam

Gallia nostra futura erat, quo illum animo fuisse intelligo, quam quantum ille sua face ei præluere potuisset. Non, ut eis prædiis urbanis, æque in litterarum morumque studiis, ne alius quis tollat, actio ullo unquam jure posita apud ullum unquam populum fuit. Quin *τὸ ἀγαθὸν παντὸς ἀνθρώπου ἐστὶν εὖ διατελεῖναι*, tuus ille, aut si certe das, etiam noster in *Νικομαχείοις* docet. Nihil plane erat, quod malevolus ille jure queri posset, si tu, doctrina singulari ac ingenii vi admirabili in sublime te efferens ipse (qui ne in secundis quidem fortasse consistit) fenestellis officiebas: quum ipsi pariter altius tollendi omnium gentium institutis ac moribus, jus esset. Ut ille mihi prorsus ignaviter, ne dicam nefarie, sibi prospexisse videatur, qui Patriæ, in qua ambo & nati & educati, quod summo ornamento es, erisque dum Latinæ loquentur litteræ, id *λίαν φθοῦρας* damno sibi esse existimarit. Sed illum jam misum facio. Tu vero, mi Murete, qua animi magnitudine polles, hanc fraude tibi injuriam factam magnifice contemne: ac perge porro, quo jamdiu contendis, ad palmam, quam sanctissimi mores, & in omni doctrina exantlati labores tibi mox in manum dabunt. Me tibi vindicem, quo ad vivam, si quidem me ad eam rem idoneum censes, non de futurum, hoc mihi credas, vehementer velim. Vale, & me, quod facis etiam atque etiam ama. Dat. Brajæ Comitibus Roberti, pridie Kalend. Octobr. MDLXXIX.

M. ANTONIUS MURETUS S. D.

PAULO MANUTIO.

III.

Responder Manutio ad lib. III. Epist. 7. Quid homini notandum? Caterum hac Mureti Epistola legitur & in Epistolis Clarorum p. 289.

Heri redeuntem a me Balneis Aponi, quo me partim animi, partim valetudinis causa contuleram, exceperunt litteræ tuæ: quæ, quam mihi gratæ fuerint, noli quærere. Mihi crede, quidquid reliquum erat molestiæ *ἐξ ἐκείνου τῷ συμπτώματος, & περὶ πρῶτον ἡμῶν*, detulerunt, omnemque ex eo natam ægritudinem depulerunt. Habebant egregiam sãne atque illustrem significationem veteris illius ac perpetui amoris erga me tui; de quo & si mi-

EPISTOLA IV.

25

si mihi nunquam, ut dubitarem, contigit; tamen sit, nescio quomodo, ut omnis illius expressio, quasque professio pergrata mihi, perque jucunda sit. Ego, mi Manuti, cum de eo, quod mihi contigerat, retulissem ad medicos, neque illis omni ex parte indicassem, neque quidquam de rota mea ratione ac consuetudine vivendi reticuissem: nihil aliud reperire potui nisi id quod ipse per me facile suspicabar: Nocere mihi, quod tam raro exirem domo; quodque, ut me impetus ceperat, ita me nulla habita ratione temporis, aut ad legendum, aut ad scribendum darem. Itaque de eorum consilio meditor paulo laxius ac solutius vivere, & ante cibum ambulatiuncula modici sudoris aliquid excitare; prætereaque, cum videbitur, alienis & oculis legere, & manibus scribere: quemad usum parare cogito amanuensem quempiam, cui epistolas inambulans dicem: nisi si quid erit τῶν ἀπορρήτων quamquam hæc quoque interdum, sed ἐν αἰνίγμασι. Antea enim solebam statim a prandio calamum in manum sumere, & horam unam atque alteram epistolarum scriptioni dare: quo, re ipsa comperi, nihil esse perniciosius. Cavebo igitur, & ut mones, parcam mihi, cum mea causa, tum mehercules etiam tua. Non enim levem neque contemnendam jurisdictionem faceres, si quid mihi contigeret, οἷός γε γὰρ εἴδ' ἐν πᾶσι τιμιώτερον. Ego vero amicus tibi sum, & amicus ex animo: quales admodum paucos esse, non injuria querebatur Theognis. De Catullo, exiguum tu quidem mihi diem præfinis: sed tamen dabitur opera, ut satisfiat tibi. Torquatus Bembus respondit, se cognoscendis mei cupidissimum esse, mihiq; libenter gratificaturum, quacumque in re posset. Quod scribam, aliud nihil occurrit, etiam atque etiam vale, mi Manuti. A. d. 4. Kalend. April. Patavio

EIDEM MANUTIO.

IV.

DE Tibullo & Propertio: *Libenter hoc & omne militabitur bellum*, ut ille ait. Ita enim de me meritis est itaque assidue mereris, nulla ut in re unquam a tuo studio discrepare debeat voluntas mea. Sed quæso te, quid tibi facere cogitas? an forte eadem opera Catullum cum commentario meo; Tibullum autem & Propertium

finem

sine ullo commentario emittere, eosque tres unum in librum conjungere? Tale enim aliquid mihi venit in mentem suspicari. Hoc si est, non equidem reprehendo, neque improbo; etiam librum puto vendibiliorem fore: sed tamen novum, ut puto, multis videbitur. Sin alia quædam tua ratio est, facut sciam. Nam, si ergo recte conjecti, *ἡ τῆς σῆς προδορῆσεως ἐπέτυχον*, capiam fortasse aliquid novi consilii, quod tibi non displiciturum esse confidam. Hodie constitutum factum erat cum amicis quibusdam, ut ad Torquatum adiremus una: sed hoc tempus nubilum, caliginosum, pluviosum, vereor ne illis obset, quo minus ad me veniant. De loco Plutarchi mihi quoque cogitanti ac scribenti, mirum, perque incredibile videbatur. Accuratus igitur cogitabo, & cras, aut summam perendie, totam illam rationem minutissime, *ἡ τῇ ἀκρεβολογίᾳ τῇ μεγίστῃ* contentam, ad te mittam. Quid amplius? Uxoris tuæ fratrem nondum vidi. Hercules quoque tuus sextæ aut septimo ab hinc die venit ad me, neque unquam postea rediit. Ego autem; quando præsentī tibi studium in te meum declarare non possum; libentissime illud, excipiendis, & καὶ ἄσπῳ δῶτῃ omni genere officii prosequendis tuis declararem. Quare, etsi quid eorum causa possim, non video, aut potius nihil posse me, prope video: tamen erit mihi pergratum, si ita ad eos scripseris, hanc domum æque ipsis patere, ac tuam, neque quidquam mihi posse accidere gratius, quam si me ipsi aliquid sua causa facere jubeant. Ama me, mi Manuti, & valetudinem tuam cura. Prid. Idus April. MDLVIII. Patavio.

Respondet Manutius libro III, Epist. 9. Rem tenes,

EIDEM MANUTIO.

Y.

DE Torquato (a) vehementer amo te: exemisti enim mihi scrupulum sane molestum. Nam subverebar, si ad illum scribens, patris mentionem facerem, quo id ipse animo accepturus esset: ideoque avebam videre epistolam tuam, quæ me docuit, metum illum inanem fuisse. Il-
li igitur

(a) Bembo, cuius mentio clara & supra Epist. 3. cuique de-
dicavit postea Tibullum suum, infra lib. III. Epist. 11.

mittitur Tibullum, cujus principum mittam ad te cras, aut summum perendie. Interea operis, quod agant, non desore, tuarum litterarum sermo declarat. De Propertio videbimus. Summopere cuperem, si commodè fieri posset, ut Tibulli principium cum Catulli fine eodem filo conjungeretur. Cujus meæ cupiditatis quæ causa sit, facile te suspicaturum puto. Esset, ut opinor, manus hoc pacto *ἐν δὲ ὁππότες ἔπειτα καὶ μυσικὸν ἔργον*. Nihil tamen nisi tuo commodò velim. Quod tot verbus deletos miraris, dicam tibi, quid factum sit. E libris, quos ad me misisti, neuter erat, qui non in primo illo folio tam multa ad marginem adscripta haberet, ut verendum esset, ne librarii fallerentur. Concerpsi igitur unum e meis, sed tam multa in eo menda reperi, ut coactus sim mutare consilium. Quod autem numerus versuum non congruebat, eo factum est, ut aliquot delendi fuerint. Nam quod ita recidit, ut a pentametro inciperet pagina, non consilio factum est, sed casu. Potest autem facile corrigi. Characteres tui Græci sane luculenti, ac dolerem Gallorum nostrorum vicem, quos a te cæteris omnibus rebus jam pridem victos, typorum quoque Græcorum elegantia superatum iri video, nisi plus te, quam plerosque illorum, amarem. Edendi autem Syriani consilium, cui tandem displiciturum? displiciturum vero! immo cui, qui quidem homo sit, non summopere placiturum putas? Germanum illum iterum tibi commendo; bonus vir est, & literatus: & bene apud eum beneficium collocabis. Sed ego captus dulcedine quadam ad te scribendi, non sentio, tempus effluere. Vale. Hercules Podocatharus miratur, te ad binas litteras suas nihil respondere: neque non tamen facile suspicatur, id quod est, te non libenter scribere, nisi urget necessitas, cum manu tua nunc quidem scribere necesse habeas. Salvebis ab eo, & a Molinio nostro. De epistolis tuis noli laborare, brevi eas habiturus es. Iterum vale. Prid. Non. Maij. Patavio. Anno MDLVIII.

Responder Manutius lib. III. Epist. 21. Græcos typos.

EIDEM MANUTIO.

VI.

SI Pegasi sint isti tui operarii, tamen fieri nullo modo potest, ut uno die chartas quinque describerint, quas he-
ri te

ri te accepisse oportet : at tuæ hodiernæ litteræ significant, opus eis deesse. Itaque, quid cogitem, nescio. Chartas quinque, cum istic essem, apud te reliqui; alteras quinque nudius tertius mihi: tu, ut omnia iam confecta esse significes, cras tria folia impressa missurum esse te dicis. Iterum tibi dico, quid cogitem, nescio. Nam, siue illa ad te perlata sunt, deesse illis, quod agant, non potest; siue non sunt, verendum est, ne eodem modo aut intercipiatur, aut pereat, si quid amplius misero. Itaque nihil amplius mittam, dum quid illis factum sit, cognovero. Vale. 10. Kal. Maji. Patavio.

Respondet Manutius lib. III. Epist. 17. Tu vide: cum qua Epistola & sequens 18. Sedata jam tempestas, conjungenda est.

EIDEM MANUTIO.

VII.

Miror, quid acciderit, quod a te nihil hoc triduo litterarum, præsertim cum adhuc ad binas meas nihil responderis, quarum alteras accepisti cum indice eorum, quæ in Catullo peccaverant librarii: alteras (b) cum tertio folio Tibulli. Utinam ne vera sint ea, quæ mihi veniunt in mentem. Nam, vere ut dicam, summus amor ergate meus interdum vereri me cogit de firmitate valetudinis tuæ. Quæso te, eripe mihi hanc molestiam: & si apud te est ut volumus, ad intermissum scribendi institutum redi. Ego, cum primum a te litteras accepero, mittam ad te & Tibulli reliquum, & scholia. Vale. 3. Id. Maji. Patavio.

EIDEM MANUTIO.

VIII.

EGo vero te nihil de me tam improbe suspicatum, certo scio: teque omnia scripisse ἀπλάστα ἢ ἀφελεσάσα, persuasissimum habeo. Sed quod ea de re scripsi, jocatus sum non tam in te, quam in me ipsum. Sed, quando tu ita vis, & omitrantur sane hæc nomina. Catulli quod reliquum est, ad te

(b) Harum initium: *Epistolam meam*. Eæ vero sunt lib. III. Ep. 7.

te mitto. Cætera urgeo. In iis, quæ accepi, non admodum multa librariorum menda sunt: nonnulla tamen, sed levis momenti; in Ode Saphonis tria aut quatuor, quæ sane excidisse nollem. At hæc relinquamus. Cogito, cui Tibullum, cui Propertium, ex more, dicare debeam: neque satis explicare me possum. Nam ex iis, qui mihi veniunt in mentem, alii σεμνότεροι iunt, alii κενώτεροι. Adolescentes homines vellem, ingenio eleganti & non alieno ab his litteris, & totum φιλοδόξως magis, quam φιλοχρημάτως. Omnino Venetiis (c) exeundum est. Nam ista littora plane littora sunt, frustra ares, frustra feras. Tu, si potes, consilio me adjuva. Nam mehercule, si nihil aliud ostendatur, potius amiculo cuipiam meæ fortis hoc munusculum deferam, qui me amet, qui mihi bene cupiat, qui mihi saltem gratias agat, quam cuiquam ex istis splendidis, qui omnia sibi ultro debere putant. Quæro te, quando ego neque defugio, neque defugiam unquam, quicquid tu voles laboris, suscipe hanc cogitationem causâ meâ, & quid facere debeam, mone. Novi te, ut in cæteris, ita in his quoque rebus acutissimum & sagacissimum. Ubi tu τῇ ἀρίστῃ γνώμῃ, ut soles, consilium dederis, quicumque erit eventus, æquissimo animo feram. Vale. A. D. V. Kal. Maji. Patavio.

Respondet Manutius l. III. Ep. 19. Quid? tu me putas.

EIDEM MANUTIO.

I X.

Respondet Manutio ad lib. III. Ep. 21. Græcos typos.

DE Propertio quietus esto. Libenter hoc & omne militabitur Bellum, in tua spes gratia. Neque quod dixeram, (d) eo dixeram: sed tu aliorum accepisti: (e) tantum enim loquebar περὶ τῆς προσφωνήσεως. Accipio tamen, quod das, fore, ut tui isti Pegasi (f) minus incitate

(c) Dedicaveras Catullum suum Bernardino Lauredano, Patricio Veneto, (quare l. II. Ep. 10.) aucupans aliquod primum: sed spe frustratum fuisse, declarant nimirum, quæ hîc sequuntur.

(d) Supra Epist. 5. verbis: De Propertio videbimus.

(e) Verbis: Video, te Propertium negligere: quæ habes in Epistolis Manutianis lib. III. Ep. 21.

(f) Explicari hæc possunt ex initio Epist. 6. hujus libri.

tate volent. Mitto ad te epistolam ad Bembum (g), *αὐτὸς χεδωμένον*. Mihi crede, semel scripsi, semel reli-
gi: sed eo silentius, quod ad te mittitur, tanquam Ari-
starchum: quidquid minus placuerit, *ὀβελίσοντα*, per me
quidem non interpoles modo eam licet, verum etiam de
integralibus. Tanto melior erit si tua erit; ac nescio
quidem mea esse desinet. Nam in hac quidem genere *τῶν φ' λων*. Quid amplius? Reliqua Tibathi cras mittam,
ac fortassis etiam scholiorum partem, ut gustum aliquem
futuri operis capias. Tabellarii urgeant. Vale. Molinius
te salutatur. Postrid. Non. Maji. Patavio.
Respondet Manutius lib. III. Epist. 20. Mihi vero, ita
vivam: quam & hic invenies lib. II. Epist. 21.

EIDEM MANUTIO.

X.

CUM Venetiis discederem, reliqui apud Sixtum Medi-
cem, optimum & humanissimum virum, cujus, ut
cis, hospitio usus eram, libros aliquot tuos, itemque vo-
lumen unum mearum Variarum Lectionum: quæ omnia
puto jam pridem ad te perlata esse. De Dionysio inieci jam
mentionem Cardinali: cum ipse me de te tuisque rebus per-
humaniter interrogasset. Tu si me audis videbis, ut ne res in
longum differatur. Nolim enim contingere, ut alius quili-
piam occupet. De sene illo impuro quid vis tibi respondeam?
denuo confirmasse se dicitur. Omnino tamen si homo bulla,
eo magis senex. Sed oh incertam conditionem nostram! Illi
exsuccus, exsanguis, exhaustus, senio confectus, & ipse
orbis senium, qui jam jamque animam efflaturus videbatur,
vivit tamen: vivit? imo vero; sed nolo cætera, quæ le-
viter immutata, pulchre, ut opinor, quadrarent. At Gal-
lorum Rex, integra ætate, firma valetudine, maximis vi-
ribus, florentissimis rebus suis, in omnia morte percussus est.
Quo quidem casu valde accisæ sunt spes nostræ, magnæque
hic & animorum & vultuum facta mutatio. Sed omittamus
hæc. Cum hic sunt studiosi nominis tui, & scriptorum tuo-
rum admiratores maximi: tum M. P. Medicus & *τῶν τοῦ
Χόρτων*, homo & Græcarum & Latinarum litterarum scien-
tia excultus, & si quæri mehercules etiam
poeta.

(g) eam quære infra lib. II. Ep. 11.

poeta valde bonus, ita te amat, ut nihil ardentius fieri posse videatur. Est autem natura comparatum, ut, quos amamus, ab iis etiam nos amari velimus. Cupit igitur ad amicitiam tuam mea opera pervenire: & ea re scripsit ad te epistolam, quam ad te cum his litteris mitto. Videor facturum injuriam humanitati tuæ, si te orem, ut ad ipsius litteras respondeas. Puto enim sponte facturum. Sed tamen, quia & ego hominem valde amo, & ipse te magnopere observat, mecumque diligentissime egit ut id a te peterem, peto & quæro. Quid jam? quid aliud? Nihil, nisi ut valetudinem tuam cures, & me ames, & Aldum nostrum salutes meo nomine; quem ego, medius fidius, in oculis fero. Vale. A. D. 14. Kal. Sext. Ferrar.

Respondet Manutius lib. III. Epist. 27. Vix credas.

EIDEM MANUTIO.

X I.

HERI ad te scripsissem, sed volui gratificari Lazaro Morenio adolescenti optimo, ingeniosissimo, studiosissimo, quod & ipse incensus erat cupiditate cognoscendi tui, & eum ego cupiebam a te cognosci, de quo me tam sæpe prædicantem audissem. Hic enim est unus prope modum, de quo ego mihi omnia summa polliceri audeo: neque metuo, ne me spes fallat. Quæso te, complectere eum mea causa quam poteris humanissime: dignus est enim omni benevolentia atque amore. Ingenium summum, industria mirifica, mores optimi atque incorruptissimi. Denique quicquid dici de illa ætate honorifice potest, id me de eo dixisse, & merito dixisse tibi persuadeto. Accipies ab eo, quod superest Tibulli, & scholia mea in primum librum: de quibus cupio audire iudicium tuum. Quid est, quod hodie ad me Molinius scripsit, mira quædam esse, quæ tu mihi, cum istuc venissem, dicturus esses? Si me amas, quicquid est, scribe. Ego enim, nisi quid aliud acciderit, nondum me istuc venturum puto. Vale. 15. Kal. Junii. Patavio.

Respondet Manutius lib. III. Epist. 22. Vehementer mihi.

EIDEM MANUTIO.

XII.

*Respondet Manutio ad lib. III. Epist. 16.
Paululum nunc quidem.*

EGo vero Herculi quidem optimo atque honestissimo adolescenti sua & tua causa; tibi vero, tua & mea ex animo gratulor. Nam & ipsius studiis & valetudini tuæ præclare consulatur, & ego epistolas a te accipiam non cebriores tantum & longiores, verum etiam, ita me Hercules amet nitidiores & alacriores. Vel illa, quam hodie accepi quam festiva est! quam hilaris! quam tua! Itaque Molinius ex sultat quotidie addi aliquid ad laborem suum (h): soletque mihi sæpe in sermonibus dicere, ingenium tuum sibi agrorum Siculorum simile videri: e quibus

*Æstiva quantum decerpunt luce capella,
Tantum fecundus gelida ros noctere ponit.*

Heri misi ad te reliquam partem scholiorum in Tibullum. Nam in quartum librum cur hoc tempore nihil scribam, magna causa est. Propertium urgeo: cuius principium paucis diebus ad te mittam: id est, cum Tibulli, quod ab operis descriptum est, accepero. Columbinum tuum, misi, qui ad me accerferet: sed is negavit, se domi esse. Cras, si non modo columbinis, sed aquilinis etiam feratur alis, non effugiet colloquium meum. Vale, mi Manuti, καὶ με, ὡς περὶ ὧδας, ἀντιφιλῶν διατέλει. Kalend. Junii. Mira illa, de quibus mihi Molinius scripserat, si potes, scribe, aut aperte, aut συμβολικῶς.

Respondet Manutius lib. III. Epist. 24. Molinio dixeram

El
(h) Molinio enim, qui hanc in rem detulerat operam suam, describenda dabantur Manutiana, ut e dirurgas Manutio remitti possent. *Intelliges e libri III. Epist. 6.*

EIDEM MANUTIO

XIII.

Respondet Manutio ad modum memoratum.

Molinio dixeram.

Si nihil est aliud, præter occultam quamdam coitionem factam a duobus civibus, amicis nostris, ad deiciendum eum, qui successit in Polyphemi (i) locum: causa nulla est, cur id tantopere celatum velis. Nam hic quidem res omnium ferme celebrata est. De Ferrariensi, neque nihil est, quod audisti, neque tamen mihi adhuc, quid facere debeam, constitutum est. Omnino (k) cuperem aliam quam μεταβολή. Non quin placeat magis in dies Patavium: sed quid intelligam; scio te quoque intelligere. Neque vero ita multum laborarem; Sigonio ne an mihi etiam, si quæris; mihi quidem magis arrideret ea conditio, qua nunc est Sigonius: idque cum aliis de causis, tum quia tecum essem. Spes est, aliquid super hac re ante Octobrem a III. Viris constitutum iri. Neque sane facere aliter possunt, nisi paulatim Patavinam scholam exinaniri velint. Expectabimus igitur, & si res succedet ut volumus gaudebimus: sin, humaniter feremus, & prospiciemus rationibus nostris. Propertium urgebo, ut jubes. Scholia in Tibullum cum inibi erit, ut excedantur, velim ad me paulo diligentius inspicienda mittas. Incarminibus, quibus celebratur hortorum deus, jambica quædam sunt, quæ ab omnibus tribuuntur Tibullo. Unum etiam ejusdem argumenti epigramma reperio in antiquo Tibulli libro. Hanc igitur appendiculam adiciemus, si voles. Quartus liber tam multa habet quæ non intelligam, ut in aliud tempus differre satius putem. Valde me pupugit, quod scripsisti de Simiolo illo Parisiensi: nunquam putarem, sub tanta simplicitatis specie latere tantam perfidiam. Mihi paucis diebus ad illum alterum necessario scribendum est.

Tem. II.

C ego.

(i) Polyphemi nomine Franciscum Robortellum designari haud vana suspicio est. Declaravi rem pluribus in præfatione ad Manutianas b. 1.

(k) Ad hæc verba notavi aliquid dicto loco b. 2.

Egoque, si tibi ita videbitur. Libenter faciam, ut inferam litteris meis testimonium meum iudicii de eo tui. Tu maximo animo contemne ista omnia, ut facis, & ad valetudinem tuam vel conservandam, vel confirmandam omne studium confer. Vale. 4. Non. Jun. Paravio.

Respondet Manutius lib. III. Epist. 10. Remitto scholia.

EIDEM MANUTIO.

XIV.

Cum constituisssem hodie ad te scribere, hesterno die non scripsi, quod (ἀτρεκέλευσεν πέν) stomachum mihi moverant verius, quæ ad me miseræ; de quibus tamen valde amo te. Defunctus enim, ut semper, amici officium es, cum ea, quæ ad me tantopere pertinerent, mihi non ignota esse voluisti. Sed impurum ego illum, si vivo! etsi rectius tu: qui terra hæc & impura animalia, ut despiciamones. Coram igitur colloquemur. De Dulcio (eum enim significari puto) consilium tuum sequar. Ad te scribere aliquid te dignum, mihi hoc crede, gessit animus: & est ὑποδραστήρια, aut innumerabiles potius ὑποδραστήρια. Sed ita pridem versus facere desisti, ut valde metuum, ne nihil succedat. Tentabo tamen, etsi nunc, propter hoc consilium de migratione, animo non sum valde apto ad poeticas hilaritates. Erat & ad Petrum τὸν ἑνδοξαστὴν (1) (inge aliquid ejusmodi nomen aut Latinum aut vernaculum, ita quem dicam intelliges,) ode una jam pridem scripta: de qua, quid faciam, nescio. Nam neque cum homine in eam suspicionem adducto, nisi prius de illius innocentia constiterit, quidquam mihi esse negotii volo: & perire eam, etsi nihili est, nollem. Ad hæc exspecto, quid sentias. Nunc est quod te magnopere oratum velim. In iis litteris, quas ante hos 15. dies ad Petrum Morinum dederam, narrabam deferri mihi conditionem optimam & honorificam imprimis: neque, quænam esset, exprimebam;

(1) ἑνδοξ, siccus. Ital. secco; κρέας, caro. Opinor indicari Petrum Carnesecum, quem Thuanus lib. XXXIX. f. 779. scribit a Pio V. Pontifice Anno 1566. damnatum ad ignem, quod cum se fariis voluisset amicitiam. Multa ejus mentio in Epistolis M. A. Flaminii a Camerario editis, ubi Carneleca vocatur.

ajebam autem, me eam neque accipere, neque plane repudiare audere, nisi bene penitus perspecto ejus, qui me ad se vocat, animo. Nunc cuperem, (ac vide quam improbus sim, qui te quoque mea causa improbum fieri velim,) cuperem (m) igitur, epistolam ad me bene longam ego argumento scriberes, ut laudares consilium meum, qui & lucro præsenti, quod, ut scis, offerebatur, & tranquillitati studiorum meorum, & aliis ejusmodi rebus, hujus familiaritatem, *ἢ δερσινὴν, ἢ ἄλλο τι τοιοῦτόν τινα ὀνομαζόμενον* μάλλιν ἂν δέχοιτο, anteposuerim. Erit tibi campus amplissimus amplificandi conditionem illam, quam repudio, & tamen ex contentione ostendendi, quanto sit hæc honestior ac splendidiôr; dicendi de hominis ipsius laudibus; etiam de iis, qui cum eo sunt, si quis eorum tibi nominatim appellandus ac celebrandus videbitur: idque cum ad meas rationes accommodatissimum fuerit, tum tibi fortassis non inutile ad gratiam ipsius colligendam, & ad medicinam faciendam animo nonnihil, ut scis, exulcerato. Vellem etiam certo prædiceres fore, ut magnos aliquando ex eo industriæ meæ perciperem fructus. Puderet eum fortasse olim, facere te *ἰδοῦσάντιν*. Eam autem epistolam ad ipsum finem tuarum imprimi vellem. Hoc a te vehementer peto. Ea lege tamen, si tibi quoque hoc e re utriusque nostrum fore videtur. Cras cætera. Vale, mi optime & optatissime Manuti. Epistolæ tuæ nullæ præterea sunt, quas quidem edi oporteat. Sunt enim in aliis pleaque omnia *τῶν ἀπορρήτων*. Iterum vale. Hodierna elegantissima est, sed ut videtur, non divulganda. Nicolaum tuum, aut nostrum potius, *ἀντασπάζουαι*.

EIDEM MANUTIO.

XV.

Respondere videtur Epistola Manutii, Constituit animum, qua infra est libri III. II. Caterum in Epistolis Clarorum immixta hac est Epistola decima septima, & mutat quadam, p. 290. seq.

Valde recreatus sum iis litteris, quas a te hodie accepi. Etenim qui natura in omnibus rebus
C 2 meis
(m) gratificatur huic cupiditati Manutius lib. III. Epist.
25. Cum antea.

meis δύσελπις πέρα τῆς μετρίης esse soleam, tantum ex indignatione quadam superioribus diebus concepta ad illam naturalem δύσελπισίαν adieceram, ut non tantum aliis omnibus asper, morosus, ἀπρόσηγος, verum etiam mihi metipsum odiosus atque inuisus esse cepissem. Sed redibo ad me, meque amabo, ne quid non amem, quod ames tu, in quo est, quidquid usquam est, amabile. Rafarium, & illud alterum hominis foranium ποικίλ' ὀμώζων jubeo. Quamquam quæ indignitas est, me a tam indoctis tamque abjectis nebulonibus oppugnari? hocce sæculum? Mihi crede, nisi sustentaret me voluptas ea, quam ex amicitia nostra capio, evaderem aut Atheniensis ille μισάνθρωπος, aut Bellerophon Homericus, qui

καππεδίον τὸ ἀλλῶν αἶος ἀλάτο,

ἐν θυμὸν κατέδον, πάτον ἀνθρώπων ἀλειών (n)

De Pola, quid ego tibi, mi Manuti, gratias agam? aut quibus verbis istam animi tui magnitudinem plane regiam prædicem? Ecquod erit unquam tempus, cum ego tibi, cum liberis tuis, aliquam beneficiorum partem reponam? Sed quo tu liberalior es, & amantior mei, eo me majore studio cavere decet, ne majorem commodi mei, quam tuarum virium, rationem habuisse videar. Neque enim æquum est, ut propter me peregrinum hominem, cui nihil est præter animum bonum & fidem, quicquam de tua re familiari detrahatur, omnia perpeti satius est: non deerit, unde vivam; & si hoc deerit, non deerit, unde moriar. Satis diu vixero, si antequam e vita migrem, insigne aliquod voluntatis erga te meæ testimonium edere potuero. Quamquam quid est, cur hoc sperare debeam? Animus tibi, Manuti, animus pro præmio accipiendus est: quo tu si contentus esse nolles, ad meas maximas acerbitates, accederet illa omnium gravissima, quod homini uni omnium optimo, & de me optime merito, gratiam referre non possem. Vale. A. d. 7. Kal. Septemb. Patavio. Scripseram jam nescio quid litterarum Ferrariam, ad Petrum Morinum; id cum, cui traderem, nescirem, visum est, ad te mittere. Tuum erit, aliquam viam videre, qua illæ

(n) *Homer. Iliad. ζ. Latine sine expressit Cicero III. Tuscul.*
p. 204.

Qui miser in campis mœrens errabat Aleis,
Iple suum cor edens, hominum veigia virans.

illæ & tuto & celeriter perferantur. Id, opinor, per Vincentium Valgrisium commodissime facere poteris. Ille enim solet interdum ad Morinum ipsum scribere. In eis litteris illud etiam adscripsi, cum quid scribere ad me vellet, ut ad te mitteret: te mihi diligenter curaturum. Id ut facias, peterem a te, si opus esse existimarem.

EIDEM MANUTIO.

XVI.

Respondet Manutio ad lib. III. Epist. 10.

Remitto scholia.

MOriar, si quicquam unquam feci invitus: sed tamen effugere non possum, quin tibi de Tibullo parum obsequar. Etenim quæ in eo libro maxime videtur operam meam requirere, ea ego æque intelligo, atque si scripta non essent. In ipso quasi limine, ejus generis nonnulla sunt. Neque tamen despero fore, ut aliquando vel casu incidam, vel labore & diligentia perveniam ad aliquid quod lucem eorum nonnullis adferat. Itaque quantum me amas, tantum a te peto atque contendo, ut me hac in parte animo meo obsequi sinas. Nam quod vereri videris, ne dem sermonem hominibus malevolis, libero te hoc metu. Male, si alterutrum necesse sit, silentium meum culpari, quam audaciam notari. Crede hoc mihi, non sine summa molestia facio, ut tibi petenti negem. Sed tamen jampridem convenerat inter nos, ne quid tu me peteres, nisi quod vires ferrent; quid autem illæ ferant, ego unus omnium optime novi. Nisi qui Columbinum accerferet, Is se cras sub lucem ad me venturum esse dixit. Agam cum eo de re tua accuratissime, & pecuniæ, quantum opus erit, numerabo. Si fieri posset, ut sex aut septem Tibulli regii charta describerentur, esset mihi summopere gratum. Hac de re ipse statuas. Vale & me ama. Postea Id. Jun. Patavio. MDLVIII.

Habetur & in Epistolis Clarorum p. 290. sed vix quartæ partes. Miscet autem Epistolam, quæ supra numeratur 15.

Obscuro te, quid tu tibi vis cum istis inscriptionibus: *Mureto meo, & nolit: sed malo volentem?* Ego tuus esse nolo? aut omnino esset is, quem & esse me & habere cupio, nisi tuus sim, possum? Ego vero (tuum enim tibi regeram) *tuum sum, & si nolis: sed malo volentis.* Quamquam illud verius, nostrum utrumque utriusque, esse neque quicquam esse alteri altero carius; idque quoniam ita uterque vult, alter etiam debet. An vero me aut oblitum esse, aut oblivisci posse putas, quid tibi debeam? Idque me sane conturbasti; & miror, quid tibi in mentem venerit, ut id faceres. Quæ errata sunt in Tibullo, & Propertii principium, sine ulla dubitationes, cras mittam. Nunc eo non possum, quod omnes mei absunt domo, non redituri, ut opinor, ante cœnæ tempus; & quatuor illa Tibulli folia sunt in cubiculo Molunii, quod iste abiens obseravit. De Propertio etiamnum incertus sum; sed facilis iactura: Nunc ad Columbinum: in quo cupio me falli, sed multa concurrunt, quæ suspicionem faciant, cum non optimâ fide tecum agere, & vulpina potius calliditate, quam columbina simplicitate, præditum esse. Primum, quod totum illud genus hominum, qui ex alienis litibus victitat, quæsticulosque sibi ex aliena stultitia colligunt, mihi sane suspectum est; iste autem tuus, (nam quæsi) homo tenuis est, cujus generis, nisi adest probitas eximia, in tractandis nummis subiecta est, ut Plautus loquitur, fides. At hæc *κακοῦ νοῦ* reperi sunt, & me ne animadverterentur quidem in eo, quem tu perveterem amicum vocas, nisi aliâ accederent. Ad me nunquam, nisi ter quaterve evocatus, venit; & iæpe, cum se venturum constituit, fallit. Libellis tribus librum opus esse dixerat ad iter; post quinque petiit; cum ad rem ventum est, aureum præterea nummum poposcit, & abstulit; biduo aut triduo serius profectus est quam di-

EPISTOLA XVIII.

39

xerat, cum, tanquam mox in iter se conjecturus, a me discessisset; qui se mox ut rediisset, ad me venturum pollicitus esset; non nisi biduo post venit, & quidem ter accessit. Deinde σὴν φασὶν ἀναβολαί: se ita rem constituisse, ut certissimum sit, his duodecim aut quindecim diebus pecuniam tibi numeratum iri; melius nihil potuisse fieri. Mandavi ei ut ad te de re tota quamprimum quam accuratissime scriberet: isque ita se facturum recepit: neque tamen fecit, quantum litterarum tuarum sermonem audio. Omnino οὐκ ἀνέβδηλον εἶδ' ἡλικιωὺς negotium. Ego eum denuo conveniam, & urgebo. Litteras quas ad Duditium scribis, urabo. Vale. Vale. A. D. 6. Kal. Quintil. Patavio. Duditius, cum hæc scripsssem venit ad me, & litteras tuas accepit.

EIDEM MANUTIO.

XVIII.

Iteradum eadem isthæc mihi. (o) Tam εὐλογοί sunt istic leges, ut quo de loco neminem nostrum ἐδραμεῖτο cogitare oportere, cum ad locum ὁ Πολλὰς δ' ἰσχύμης (p) tam facile pervenerit? Quos equidem puto, si fo. te is, cui Græce e venali silentio nomen est (q) Bononiam iverit, eadem prudentia τὸν τῷ Ἀθηνάϊς ἐρμηνεύτην in locum illius suffecturos. Ecquid tibi videor σοφῶς αἰνῆτασθαι? Sed tamen πᾶς τῶν κρατέωντων. Redeamus igitur domum. Mihi vero idem plane videtur, quod tibi: nihil esse ad rationes meas accommodatius, quam si istic aliquid, quale volumus, confici possit. Quare a te jam non magnopere

C 4

postu-

(o) His verbis & Cicero auspicatur libri XIV. ad Attic. Epist. 16. Habes ea & IV. Acad. p. 22. itemque II. Tuscul. p. 184. Iteradum, ut facit odum, & similia, dictum censet G. Fabric. ad Terent. Ad. lph. A. III. sc. 5. Nizoli in indice legit; iterandum.

(p) Achillem nescio quem (an Seatium Lustranum?) innuere videtur. Certe Homericæ illa (Inirio Iliad.) de Achille dicta sunt. Lustranum autem istum perstringer etiam Ludov. Carrio II. Lect. Antiqu. 11. Omitto conjecturas alias.

(q) Sigonium interpretor, de quo vide & infra libro III. Epist. 1. & in Manutianis lib. III. Epist. 6. quæ cum præsentem omnino conferenda. Σὴν silentium μένουσι, emio:

Aulo, ut de me agas; studere te illi alteri cuperem. Vi-
deo enim, eadem via mihi quoque aliquid confectum iri.
De te quidem (si ego tuos sensus bene cognitos habeo)
non est, quod Bononienses cogitent. An tu conditionem
quietam, optimam, cum prope certe magnarum rerum ex-
pectatione conjunctam, interposita præsertim & tua & mea
fide, illorum causa relinqueres? teque abjecta valetudinis
cura, suscipiendo laborissimo munere, in præsentissimum
vitæ discrimen abiceres? De Bargæo injecisti scrupulum.
Nam si ille professus fuerit, video petitionem amico illi
nostro difficiliorem fore. Absque eo quidem certus, ut opi-
nor, esset. Te omnia mea causa facturum non dubito, mi
Manuti. Scio enim, te quam constanter, quos semel com-
plexuses, fovere pergas. Sed gratissima mihi tamen est,
quam tuis litteris expressisti, significatio voluntatis tuæ.
Ego, ut me aliquando merito amasse dicaris, omni ope
conabor efficere. Vale. De Philopono oblitus fueram, pu-
to illum apud me esse. Prid. Non. Septemb. Patavio.

EIDEM MANUTIO.

XIX.

A Dolescentes(r), qui ad te has litteras perferent, si ge-
nus requiris, nobilissimo ac splendidissimo inter suos
orti sunt loco; si bona animi, & studia laudandarum artium
spectas, conjecturam facere vel ex copotes, quod, cum ipsis
domi in summis deliciis, & in maxima rerum omnium ab-
fluentia vivere liceret, longinquas peregrinationes suscipere,
feseque excolendi ingenii causa infinitis difficultatibus obji-
cere maluerunt. Si, cum judicarent idem quod omnes, qui
recte sentiunt, judicant ingenii & eloquentiæ gloria Italiam
cæteris nationibus; in Italia autem longe unum cæteris
omnibus Paulum Manutium antecellere: neque se studio
suo satis facere posse arbitrati sunt nisi in Italiam venirent;
neque cum in Italiam venissent, nisi Pauli Manutii aspectu
& colloctione fruerentur. Quod autem descriptis utriusque
nostrum intellexerant, quanta inter nos voluntatum ac
studiorum conjunctio esset: statuerunt, se id, quod cupe-
rent, nullo modo melius quam per me, consequi posse, me-
cum-

(r) Hi sunt, opinor, de quibus lib. III. Epist. 9. quam cum
hac juvabit contendere.

EPISTOLA XX

cumque egerunt, ut eos tibi quam diligentissime commendarem. Ita igitur facio, petoque a te, ut si ulla unquam apud te mea commendatio valuit, quod scio valuisse quamplurimas, huic plus etiam quam cæteris, tribuendum putes adjiciasque ad illam humanitatem, qua omnes excipere solitus es, quidquid rogante atque obsecrante me, adjici potest. Vale. Postrid. Non. Sept. Patavio.

EIDEM MANUTIO.

XX.

Tibulli primum folium accepi. Scholia mitto locis aliquot leviter immutata. Lectionem non perfacilem fore operis puto, tum propter alia, tuæ propter crebras interpolationes. Sed in te spes est, etsi, ne vivam, si non interdum ac sæpe ve eor ne mea scribendi negligentia noceat oculis tuis. Quæso tamen a te, ut hanc molestiam mea causa devores, curesque quod commodo tuo facere possis, ne tam multa hic peccentur, quam in Catullo. Ideo admonere te visum est, quoniam in primo illo folio, quod accepi, novem librariorum errata sunt; levia quidem nonnulla: sed plura animadversione digna, quale est charta tertia: *Sit dives, jure furorem*: cum scribendum sit: *Sit dives jure furorem*, & cætera. Multum autem ad sententiam interest, utrobi nota illa hypodiasioles collocetur. Illud etiam gravius, quod charta quarta, ubi vulgo legitur, *Capiti*, cum ego e veteribus libris emendassem. *Capiti*: nescio qui factum est, ut tui vulgatam scripturam retinuerint. Si me amas, iube eos omni diligentia in exemplar a me emendatum intueri; pertinet ea res non mediocriter ad utrumque nostrum. Columbinus tuus profectus est, quo scis. Ego nudius tertius ei, mox, ut dicebat, iter ingressuro, aureum nummum (tantum enim opus esse dicebat) dedi. Puto hodie reversurum. Quid actum sit; faciam te confestim certiorum. Propertium, sunt qui suadeant ut mittam ad Franciscum Gonzagam, Qua de re aveo scire, quid tibi videatur. Valetudinem tuam cura diligenter. Salve a Molinio. 11. Kal. Quintil. Patavio.

LIBER II.

EIDEM MANUTIO.

XXI.

Venit ad te altera mea ad Pontificem oratio: quam cupio æque placere tibi, atque iis placuit, qui me dicentem audierunt: quod, cum mihi venit in mentem tuarum plane Atticarum aurum, & polituli illius acclimatuli iudicii, vel sperare, improbum puto; cum cogito, quantum me ames, quamque esse soleas mearum rerum non æquus modo existimator, verum etiam benignus prolixusque laudator, ne posse quidem aliter evenire arbitror. Brevis, ni fallor, accipies & tertiam. Quod si progredior ad hoc exemplum, poterimus olim Pontificiarum orationum quasi *propdutor* quoddam concitare. Me a te amari certo scio: neque dubitare te, quin ego tibi in amore respondeam. Salve a Ludovico Beccatello Archiepiscopo. Molinio meo mul-
tam salutem. Vale. A. D. N. 4, Kal. Jan. MDLX. Romæ.
Respondet Manutius infra lib. II. Epist. 22. Gaudeo, mi Murete.

M. ANTONIUS MURETUS S.P.D.

PAULO SACRATO.

XXII.

FEci nuper nescio quid verborum de nobili illa victoria, qua Turcæ a nostris ad Neupactum superati sunt, (f) tanto hominum concursu, quantum ipse non facile credidisset. Quamvis autem res erat nihil, tamen ita multi quotidie petebant describendi sibi potestatem fieri, ut satius visum sit semel, quidquid esset, librariis permittere: præsertim cum Magistratus populi Romani judicarent id ad ipsius populi dignitatem pertinere. Exemplum unum ad te mitto, quod semel inspectum cum Paludino, Canalio, Jacobo Canano, Antonio Montecatino, cæterisque communibus amicis communicare poteris: ut, sive placuerit, capiat ex eo aliquid voluptatis; sive minus, intelligatis tamen, conservari a me ut decet, memoriam vestri. Vale. Romæ 7. Kal. Jan. MDLXX.

LI.

(f) Ea Oratio est Voluminis I. 19.

EIDEM SACRATO.

XXIII.

IN multis, tenuibus illis quidem, sed ipsa assiduitate molestissimis occupationibus meis, usus eram ea libertate, quam tu mihi dederas, ne prius ad literas tuas respondere necesse haberem, quam Episcopus Hadriæ istuc rediret. Quod dum exspecto, etsi quibuldam & meis & ipsius familiaribus negotium dederam, ut me tempestive de discessu ipsius admonerent: prius tamen eum abiisse rescivi, quam de abitu cogitare cognossem. Factum id non modo eorum, quibus id mandaveram, negligentia; sed & consuetudine quadam multos jam menses a me suscepta, nunquam nisi cum urget necessitas, exeundi domo, & perraro veniendi in ædes Cardinalis: non quin & ipse me libenter videat, & ego cum, qua debeo, observantia colam: sed tanta me fatietas, tantum odium & aulæ & rerum aulicarum cœpit, ut nunquam mihi magis solus videar, quam in illa turba: nunquam melius comitatus, quam cum me solus in bibliothecam addidi. Itaque cum Cardinale ipso ter, opinor, aut ad sumum quater collocutus sum, postquam hoc venit. Multi fortassis hanc aut asperitatem, aut rusticitatem vobunt. Vocet sane, ut libet; mihi ægre est, quod non jam pridem ita vivere cœperim, & tamen vivente Hippolyto Cardinali alia ratio erat. Referta erat domus hominibus eruditis, ex quorum convictu ac sermone aliquid perpetuo diceres; ipse, quamquam doctrina mediocri, magno tamen & excello ingenio, & mirifice dedito studiis nostris. Itaque domus ipsius Academia quædam videri poterat. Hic amat quidem & ipse mirifice homines bonarum artium scientia excultos: sed sua ei comitas damno est. Dum enim omnes blande excipit, cum omnibus humane colloquitur, facilem se atque obvium omnibus præbet, excitat quidem admirabiles amores sui: sed a tam multis gratiam ipsius ambientibus perpetuo oblieditur, ut ei vix ad curandum corpus satis temporis superfit. Quid quæris? Ego qui quotidie cum illo altero sua vixissimis sermonibus horas aliquot transigere consueveram, nunc in alium quemdam orbem mihi delatus videor. Sed hæc mussanda sunt; quæ tamen semel in tuum hominis amicissimi sinum effundere volui, putans in eo aliquid levatio-

tionis fore. Nunc ad alia venio. Quod tam sæpe me in epistolis tui tamque honorifice appellas, gratiam habeo: etsi video, te multo plus amori, quam iudicio tribuere. Sed hoc ipsum non minus iucundum est, sentire me a te unice diligi. Quod nunc præterea scribam, nihil habeo, nisi forte illud scire vis, me hoc anno, si Deus volet explicaturum publice libros Politicorum Aristotelis in quibus videor mihi navaturus operam, multa ab aliis interpretibus non animadversa dicturus. Hoc te puto malle, quam quid de bello aut pace dicatur, & quæ ejus generis vulgo a circumstante hominibus disseminantur. *ἕκαστος γὰρ τῶν αὐτῶν κηδεταί.* Vivamus, mi Sacrate, vivamus, & consenescamus in studiis nostris, contemnentes ea omnia, quæ vulgo maximi sunt. Deum & æternitatem cogitemus, alia omnia fluxa & caduca sunt. Vale. Romæ. 3. Id. Julii MDLXXVII.

FRANC. DUARENUS

M. ANTONIO MURETO

Viro Doctiss. S. P. D.

XXIV.

CUM nihil a te post discessum hinc tuum, vel etiam de te accepissem, mi Murete, ac ingenti desiderio tenerer, de statu rerum tuarum aliquid cognoscendi, equidem litteris tuis tam opportune mihi redditis, magnopere delectatus sum. Illud vero me amauxit voluptatem non mediocriter, quod ex eis intellexi, te mei memoriam absentis summa cum fide & benevolentia retinere. Verum hoc mihi aspersit molestiæ epistola tua, quod dolorem illum, aut gravissimum mœrorem potius non obscure testetur, quam tibi ista peregrinatio attulit. At eo magis vicem tuam doleo, quod ante annos, ut opinor, duos & viginti istorum Scytharum *κυρδωνίων* & barbariem expertus sum: quos ne nunc quidem respicere, sed *ἀρχαί* quod illum suum adhuc tueri ac mordicus retinere demiror. Sed hanc materiam atque legem gloriæ integram tibi Deus, opinor, reservat, ut hostibus, qui bello tentati a nobis & lacerati sunt, profligatis, ac de possessione jurisprudentiæ expulsi, splendidum aliquando de iis triumphum agas. Id quod jam præsentire ac prospicere mihi videor, si ad eas copias, quibus abundans, alix paulo
firmio-

firmiores atque instructiores accefferint: quas tibi parare, si nervos in ea re contendas tuos, persfacile est. Ac ideo fore, ut hæc cogitatio & ἐπαγγελία consolationem tibi non minimam adferat; cupio quidem certe. Nam & nos quoque superioribus annis, cum eadem cura sollicitaremur, qua te tunc angere video, ea spes valde confirmavit, nec nos omnino frustrata est. Etsi enim ne hic quidem contestata adhuc res sit, tamen eventus jam prope modum vixit expectationem nostram: adeo plausibile apud nos populareque est, quod Scythæ vestri insolenter, contumaciter, superbe contemnunt atque oderunt. Mitto Principis in nos scholamque nostram studium incredibile: de quo pluribus tecum, si opus fuerit, alias. Itaque quod in extrema epistola scribis, unum illic esse doctorem Cotelium, qui colat nos ac scriptis nostris faveat, ad id ego gloriosius forte & audacius, sed tamen vere, nisi fallor, respondere possum, quod Homericus Agamemnon Achilli, παρ' ἐμοὶς καὶ ἄλλοις. In quibus & Cotelium tuum, immo nostrum, numerari vehementer lætor. Qui si talis est, qualem esse cum mihi facile ex tuis litteris persuadeo, nā εἰς ἐμὰ μύθηαι, ut paucis, quod de eo homine sentio, dicam. Verum quia plerique studiosorum, quibus noti sunt doctores, qui illic sunt, mihi affirmant, neminem in ea urbe jus profiteri isto nomine: tu velim, Anarcharis hic quisquis sit, paulo plenius meliteris edoceas. Quamquam profecto malim, si rationes tuæ ita tulerint, huc ad nos mature te recipias, ut de rebus omnibus coram inter non conferamus. Qua de re & certius & subtilius ad te scribam, cum te mihi totum patefeceris, & quid consilii habeas, (nam de animo dubitare me non sinit epistola tua) aliquanto apertius mihi declaraveris. Sic enim habeto, nos quæ te velle, quæque ad te pertinere significaveris, ea summo studio diligentiaque curaturos esse. Vale, mi Murete. Avarici Biturig. ipso Hilarij die. MDLIII.

LUCAS FRUTERIUS

M. ANTONIO MURETO S. P. D.

XXV.

Meretur hæc Epistola Philologicis Fruterii addi, quas repræsentat Gruterus Tomo V. Lamp. p. 384. & seqq.

Ingratus merito, ne dicam improbus, videri possem; Murete doctissime, si cum a te non semel, verum sæpius humanissime acceptus fuerim, ne litterario quidem officio tantum in me studium tuum compensare studeam. Deteruit certe me hætenus & rusticus quidam pudor, & ut quod sentio liberius exponam, ingenii mei non obscura ténuitas. Nunc vero cum didici ex scriptis tuis, ingrati vicio laborare non modo eum, qui beneficiis amplissimis & bonorum insignibus acceptis ab aliquo τὰ τοῦ δ' ἐπ' αὐτῷ ἐργῶν, ut ait ille, *οὐκ*, sed & illum, qui præstanti ingenio & singulari doctrina virum, in ea loca, ubi & ipse sit, appulsum, non e vestigio liberali quodam scripto honestat: merito sane & ego in vicio sum, nisi te post tot colloquia, tot sermones ultro citroque habitos, non quidem opere aliquo laborioso, (qui enim possum?) sed epistola tamen officiosa munerer. His ego rationibus cum animo meo diligenter expensis, eo deveni audaciæ, ut te & Galliæ totius & Italiæ tuæ clarissimum sydus litterarum mearum eruditare, ab opiparis illis & suavibus Græcorum & Latinorum epulis evocare non dubitem. In bonam ramen spem adducor fore, ut his meis legendis aliquid temporis lubens volensque sis impensurus. Quamquam autem non ea sint, quæ in doctissimas tuas aures, oculosque veniant: do nihilominus hoc humanitati tuæ, quam non obscure hætenus & intelligere & agnoscere potui, ut istæc officii mei in te certissima argumenta, non alieno vultu amplexus videare. Semper enim hoc in doctis viris desideravi, & etiamnum desidero, ut cum ingenio plurimum valeant, & possint, comi non minus alloquio sint, & in omnes sapientiæ studiosos obvia voluntate. Quod quidem in Mureto suo desiderare Fruterius nec potest, nec debet. Non potest certe, quia

EPISTOLA XXV.

humanitatem illius semper promotissimam expertus est, & in dies experitur ampliorem; non debet autem, quia mentiri nec novit, nec veritatem odisse potest. Et hæc quidem in mei excusationem adducenda putavi, Murete doctissime, ut intelligeres quam religiose voluntatem in me tuam conservare, &, si fieri potest, auctiorem reddere cupiam. Nunc autem, ut quanti apud me sit virtus, & ingenium tuum, exploratius tibi innotescat, libuit quædam ex optimis quibique auctoribus per me nuper animadversa, iudicio tuo, ut politissimo, sic humanitatis plenissimo, exactius ponderanda relinquere; & hoc quidem non eo consilio, ut te omnium rerum peritissimum Anagnosten docere videar, quod certe vel cogitare nefas esse duco: sed tantum ut ex te cognoscere possim, sint ne in his meis aliqua, quæ vero esse confutanea putes; quinimo, ut quæ a me si non corrupta, certe non emendata sunt, diligenti tuo studio nobis aliquando saniora reddantur. Satis vero mihi est, loca quædam obscure depravata, qua possum, luce donare, vel certe tibi indicare. Tuum erit vicissim, ea in suam lectionem restituere: quod tibi quam facile succedat, non obscure testantur Variarum Lectionum præclarissima opera, quæ mihi quidem, multo antequam in familiaritatem tuam veni, semper carissima fuere, & nunc, cum divino illo amicitia tuæ bono affectus sim, cariora in dies futura. Sed tandem ad rem: ne multa verborum cruditate offenso stomacho, Theriacam Victorii haurire, non Varronis mulsum bibere (*) videaris.

Festus itaque Pompejus, quem ego auctorem insignitez diligo, tum ob rerum omnium jucundissimam varietatem, tum verborum antiquitatem doctissimam, multis quidem partibus auctior & integrior ex Italia prodit: non tamen omnibus in locis suis se similem ostendit, quod partim Paulo illi Epitomario, partim temporis injuriæ debemus. Sed ut tandem, quod agimus, probemus,

(*) *Enigma hoc est, quod facile solvet, qui lib. IV. Var. Leff. Mureti cap. 14. legerit. Apud Nonium legebatur hoc e Varrone: Vel maxime illic didici, sitienti theriacam mulsum. His verbis persuasus Petr. Victor. credidit theriacam olim bibi solitam, lib. I. Var. Leff. c. 22. Sed Muretus corruptum esse Varronis locum ostendit, leque jubet: sitienti videri acam (i. e. aquam) mulsum*

mus, locus est in P. littera, qui satis quidem obuius est & expositus, sed tamen haud fideliter editus, si modo nec ætate impeditur iudicium meum, nec ipsæ mihi plus iusto indulgeo. † Dicit Festus: *Petissere antiqui proptere dicebant, ea quidem forma verbi, qua sunt lacessere & incessere, sed, ut mihi videtur, tum significabant sapius petere, ut petissunt, sapius petant. Legendum mihi nuper visum est: ut petissunt, sapius petant, (u) alioqui insulsum erit, quod Festus dicet, nam cum subijciat, petissere, sapius petere esse, non opus est, ut opinor, id tertium repetere, & inculcare, sapius jam explicatum, quoniam simile quoddam verbum ad iunctum debuit, quod fecisse ipsum, vel dejetare ausim. Nunc, ut ad reliqua veniamus, faciliora præmittemus; alia, quæ ex auctiori probatione indigent, in finem rejiciemus. † Festus *carissam* apud Lucillum vestram significare vult, malim ego *carissam* dixisset. Nam Catos pro callidis & ingeniosis apud veteres fuisse vel Caro testari potest. At dicat aliquis, carissam ductum litterarum non respondere. Fateor quidem dummodo nec *caprissam* satiscere loco huic concedas, quod ab aliquo difficultatem sentiente ad marginem Veneti codicis adjectum est. Quod vero ad reliquum illum ordinem litterarum, nihil est. Nam veteres Festi omnino sunt confusissimi, ut facile credam, Festum Acrostichidem illam Alphabeticam observasse; non tamen in syllabis curiosulum fuisse. † Alio in loco *Hirrire, Garrire*, genus vocis est canis rabiose. In margine est *ringere* pro *garire*: & certe *garrire* quid ad carnes pertineat, non video: nisi forte, quod litteram canibus esse peculiarem velint Grammatici. *Hirrire* quidem vetus est & prope ignotum: *rabire* quoque, si tibi arridebit, vetus esse incipiet, & obscuritate cum *hirrio* contendere.*

Nunc in aciem producantur validissima illa bellorum robora, quæ in Triariorum vicem succedant, ut illis prioribus suapte natura parum solidis in auxilium veniant. A veteribus nobis exordium erit: quia scimus, eam

(u) Sic habent codices, quos inspeximus. Sed sequentia docent, fuisse a Fruterio substitutum aliud verbum. Quod quale fuerit, alius divinet. Hoc addo: ipsam Festi lectionem ne utiquam sollicitandam videri.

eam Romanorum prudentiam fuisse, ut longo usu bello-
rum exercitatos, & annorum succubibus prudentiores in
belli catastrophes rejicerent. † Prodeant itaque veru-
tissima illa succrescentis Urbis volumina. Numæ nimi-
rum Pompilii sanctissima instituta, quæ ut sunt antiquis-
sima, ita quoque antiquis scripta verbis fuisse negari non
potest. Festus, cum, quæ *Pellices* dicantur, discrete ostendit,
pœnam quæ huic mulierum generi per Numam est
constituta, subjungit his verbis: *Pellex aram Junonis ne tangi-
to. Si tanger Junoni crinibus demissis arnum fœminam cedito.*
Hanc ego legem ut non esse corruptam arbitrer, ve-
tustati tamen suæ reddendam existimo: quod qua ratione
faciendum putem, subscribam: *Pellex aram Junonis ne tagi-
to, si tagit, Junoni crinibus demissis arnum fœminam cedito.*
Veram esse & genuinam legis hujusce correctionem asser-
mare tibi nec ausim, nec possim: non ausim quidem, quia
id gloriosum videri possit; non possim vero, quod singu-
lorum exactam rationem nondum inveni: hoc tamen
polliceri ausim, aut talem omnino, aut similem esse de-
bere legis hujusce sententiam. Quod autem pertinet ad
singula, non tibi novum esse debet, ut nec futurum scio,
si *tagito* reposuerim & *tagit* vel *tager*, cum vel Festo teste
notissimum sit veteres ita loquutos, qui Pacuvii Teucrum
citât, & hunc versum adducit: *Ut ego si quisquam me tagit,
tagam.* Cæterum quod crines demissos non demissos velim,
ratio est, quod hac lege non levem quandam pœnam im-
poni pellicibus sciam; tum quod existimem, Numam ut
sapientissimum, ita & politicum maxime fuisse, neque
omnino sanctissima conjugii fœdera temere violari voluisse;
quin immo graviter admodum in hujusmodi nuptiarum
corruptelas animadvertisse, ut iusserit eas Junoni, quæ &
ipsa pellex est, arnum fœminam crinibus demissis immo-
lare: crinibus vero demissis, ut quod in fœminis honori-
ficum est maxime, iis auferret. Alioqui observare videor
in sacris compitissimas fuisse matronas, & lætissimo cultu;
quod indicat Tibullus, cum puellam suam Junoni sacrifi-
cataram inducit, & Deæ commendat. Sic autem scribit:

Natalis Juno, sanctos cape thuris acervos,

Quos tibi dat reuera docta puella manu.

Tota tibi est hodie, tibi se latissima compsit:

Staret ut ante tuos conspicienda focos.

Tom. II.

D

Hoc

Hoc ego in loco non *Tora*, sed *Lora* legam cupidius. *Arnum* fœminam scripsi, quod sciam ex Festo sic veteres nominasse. † Lex alia est ejusdem Numæ apud Pompeium, ubi quid differentiæ sit inter *occisum* & *necatam* meminit. Lex autem talis est: *si hominem fulminibus occisit, ne supra genua tollito*. In hac Numæ constitutione aliquid desiderari videtur; aut enim dicendum est: *si hominem fulminibus occisit*, nimirum Jupiter; aut hoc pacto legendum: *si hominem fulmen Jovis occisit, ne supra genua tollito*. Fuit tempus cum sic legerem: *Qui hominem fulminibus occisus est, ne supra genua tollitor*. Tu, quid ex his duobus sit sanius, iudicabis. Mihi sat est, tibi vel indicasse quid sentiam. *Supra genua tollere*, esse puro, ad sepulturam tradere. Nam Festus & aliam legem Numæ adducit, quæ de eadem re agens sic habet: *Homo si fulmine occisus est, ei iusta nulla fieri oportet*. Videtur autem mos fuisse olim, qui & nunc Galliæ quibuldam in partibus est, ut restibus quibuldam, vel lineis mantilibus feretro circumvolutis, earumque extremitatibus manibus obvolutis, sanus ultra genu sustollerent, sicque in locum communem Metia porta transferrent. † Hic ego finem legibus esse dabo, si unam modo adjecero, non quidem ex Festo, sed Macrobio, qui libro primo Saturnaliorum, cum de notu concubia disputat, Decemviros ait in XII. Tab. institatissime nox pro noctu usurpasse, & hanc legem citat: *Si nox furtum factum sit, si in aliquis occisus, jure casus esto*. Ego cum hunc locum legerem, miratus sum, cum de persona non admonuisset lex, tamen subungere, *si in aliquis occisus*, statimque suspicatus sum legi posse hoc modo: *Qui nox furtum factum sit, si in aliquis occisus, jure casus esto*. Quam conjecturam meam si calculo tuo dignaberet, Mur. te doctissime, erit quod gaudeam; sin minus, patiar certe vel tantulum temporis subitæ huic emendationi datum esse. Legibus modum imposuisse me fateor, sed tamen omnibus Festi difficultatibus, nego. Sunt enim, præter eas, quas tibi adferam, vel plurimæ. † *Silicernium* genus esse farciminis docet Festus, quo inquit, *stetu familia purgabatur*. Dictum autem *silicernium*, quia cujus nomine ea res instituebatur, is jam *silicem* cerneret. Cæcilius: *Credidi silicernium ejus re esse esurum*. Quid

EPISTOLA XXV.

Quid sibi Pompejus velit non video, cum dicit, quo festu familia purgabatur: nisi forte distinctio interponenda est post quo, & intelligamus farcimine; festu familia purgabatur. Hæc levia sunt, illud gravius. Multa & accurata cogitatio effecit, ut legendum putarem, quo iusefu; quod ipsum & litterarum ductus, & Cæcilius versus probant. Donatus in Adelphis sic hæc Ciceronio meminit: Silicernium cæna est; qua inferitur Diis manibus; quod eam silentes cernant, id est; umbra possideant; vel quod qui hac inferunt, cernant, neque degustent: quod quidem meæ sententiæ opponi videtur. Tuum quidem iudicium esto, ego vel somniis istis meis facile cesserō; tu vero Variis tuis Lectionibus, quas prope diem auctiores exspecto, admiscere poteris hæc loca; genuinæ lectioni suæ per te data. † Properabam ad alia Festi loca; & ecce venit in manus meas & alia XII. Tab. constitutio; quam eo libentius tibi indicavi; quod & in eam Auratus tuus cogitationem & conjecturam suam interposuerit. Talionis mentionem fieri in XII. inquit Verrius hoc modo: Si membrum capserit, ni cum eo pacit; talio esto. Auratus cum legit conjecturam meam statim legi posse putavit hoc modo: Qui membrum capserit & cætera; & capserit interpretabatur privaverit; ut in illo, talpa oculis capiti. Verbum non addam de homine & optimo & doctissimo; tantum a te petam; ut quid tu de his legibus sentias, rescribas. Nulli certe felicius id negotiū committi potest; ne Trebatius quidem alicui. Satis enim superque ostendisti in divinis illis operibus tuis, quantum tibi omnes Latini & Græci auctores & debeant & debere velint amplius; si illos melius quidem iam habentes in ipsissimam sanitatem restituere pergas. † Extremum adjiciam, quod in Festo corrigendum puto: Taminia, inquit; uva silvestris generis videtur Verrius dicta, quod tam mira sit, quam minium. Legendum existimo, quod tam rubra sit; quam minium. Mecum facit Plin. lib. 23. c. 1. ubi sic de Taminia scribit: Maturescit Astaphis; cum vindemia nigrescit, cum Taminia rubentes norivus acinos.

Nunc subiciam loca quædam, quæ & obscura sunt, & correctione indigent; quali vero non dicam; quia

nescio, nec multum scire laboravi: tibi vero facillimum erit ea ingenii tui divinissima acie penetrare, & soluis e tenebris eruere. † Ait Festus, *Redarguisse*, Scipionem Apricanum per litteram protulisse, eundemque *persisum* dixisse non *perresum*, de quo meminerunt Lucillius cum ait: *Quo facetior videre, & scire plus quam ceteri, persisum hominem, non perresum, dicere ferunt, nam genus*. Primum quidem manifesto scribendum *Redarguisse* videtur, cum id agat Festus. Tum Lucillii verius quadrati videntur, quibus tamen nigra est cauda. Tu his iacunis felicissime impletis, nobis pro tenebris oblati, lucem reddes. † Locus alius est eodem in Festo æque deploratus; cui quidem aliquid opis attuli, quod tibi cum indicavi, tuum vero erit, qua es humanitate, nobis eum saniores dare: *sponsis bene, beneque volueris in precatione augurali*, *Messala augur ait significare sponderis volueris*. Cum hunc locum attentius legissem, sensi tandem, Messalam, qui formulam quamdam precationis antiquæ refert, ea verba utpote obscura explicare voluisse, cum dicat *sponsis significare sponderis & volueris*. *Volueris* dico ego vel vel cernere me, vel ætate impediri iudicium meum, aut locum hunc corruptum esse; quomodo tamen corrigendus sit ignoro, nisi forte *vulsis* legas aut *volsis*, itaque precere, *Bene sponsis, beneque volsis*. Alia sunt, quæ mihi sunt obscurissima, sed ea coram agentur latius. Nondum tibi molesta esse desinit infantia mea, quam revera simplicius erit & rectius garrulitatem appellare; quia non tam infans est, quam indecenter loquax nimis. Sed dabis hoc observantiæ in te meæ. Dii enim meliora, quam ut tantum temporis perire cupiam tibi, dum singula hæc inspicias; quinimmo nisi ea essent, quæ studiosis olim omnibus, mihi que imprimis utilissima forent, omnino te ab optimarum rerum studio
 12 avocare inanibus istis somniis nollem. Sed audi, quæ so, quod restat. † Macrobius lib. 2. Saturn. cap. 7. cum de Laberio equite Romano agit, quem Cæsar Julius quingentis millibus invitavit, ut prodiret in Scenam & ipse ageret mimos, quos scriptitavit, hos ejus verus subiungit, quos tamen librariorum culpa corruptos nobis edidit. Sunt autem hi;

Necessitas, cujus cursus transversus imperum

Voluerunt multi effugere, pauci potuerunt.

Quo me detrusit pene extremis sensibus?

Quem nulla ambitio nulla unquam largitio, & cætera.

Hi versus ut sunt venusti multum, tamen venustiores futuri videntur, si unius litteræ mutatio accesserit. Le-gerem itaque libens tertio illo in versu: *Quo me detrusit pene extremis sensibus?* Erat enim Liberio præmium a Cæ- sare oblatum Quinquestorum millium. Quod tu quidem immane esse pretium nosti. Quin addit, se, cum juvenis esset, nulla largitione, nullis honoribus de statu move-ri potuisse. Sic scriberem ego, de te nondum certior, sed brevi, ni fallor, futurus. Intelligere possim, *extre- mis sensibus*, in senectâ ætate: sed nil ad rem, quia subjungit statim:

Ecce in senectâ ut facile labefecit locus

Viri excellentis mente clemente edita

Submissa placide blandiloquens oratio?

Sequitur:

Ego bis tricenis annis actis sine nota

Eques Romanus e lare egressus meo,

Domum revertar minime.

Sic legi debere & versus ratio & ipse orationis con-
tusus ostendunt.

Paulo post est:

Fortuna immoderata in bono æque in malo,

Si tibi erat libitum litterarum laudibus.

Floris cacumen nostra fama frangere, & cætera.

Hæc omnia sunt corruptissima. Quid enim est *littera- rum laudibus floris cacumen fama frangere?* legendum puta- rem *Ludionum laudibus vel lusibus* potius: sic enim locum quemdam Propertii emendavit Auratus noster, ubi agi- tur de Spartæ laudibus, quæ nudas puellas in gymna- sium mittebat cum viris decertaturas. Sic habet ver- sus:

Quod non infames exerces corpore landes.

Auratus ludos legit. Sic itaque Liberii versus repono:

Fortuna immoderata in bona æque atque in malo,

Si tibi erat libitum Ludionum lusibus

Florens cacumen nostra fama frangere,

Vel certe florum cacumen, quod erit, *floridum*. Nam

florus dixisse veteres pro eo quod floridus nunc est; exploratum habeo. Sequitur:

*Cur cum vigebam membris praeviridantibus,
Satisfacere populo & tali cum poteram viro,
Non me flexibilem concurvasti, ut caperes?*

Nec hic quidam bene habet carmen. Nam qui tandem ille est trimerer: *Non me flexibilem concurvasti, ut caperes?* lego, ut *cateros*, vel *caperas*. Certe quiddam huiusmodi substitui debet. Extremum addit Fluterius, non minus, ut sperat, Mureto suo gratum futurum, quam
35 *vel alia omnia.* Cum hæc scriberem, incidi in horum quemdam sodalis mei, ad cuius frontem amylo vel potius visco librario impactum erat folium quoddam membræ, in quo reperi hæc, quæ subscribam: (videbatur autem Grammatici cuiusdam fragmentum aliquod, de quo tamen affirmare non possum) sic habent ea: *Invenimarum proparium, quod tamen in raro est usu, genitivus apud Navium in carmine Belli Punici: Senex fretus pietate dominum adlocutus summi Dominum regis fratrem Neptunum regnatorem marum. Ejus ablativum Cæsar quinto Belli Gallici ponit: Paulo latiores, quam quibus in reliquis nrimur maribus.* In vulgatis codicibus, statim a principio hunc in modum legas: *Ad onera & ad multitudinem iumentorum transportandam paulo latiores, quam quibus in alio mari uti consueverant.* Certe, si hic est locus, quem citat Grammaticus, ille mirum est tam sui dissimilem esse; sed fieri potest, ut in alio Cæsaris libro sit hic versiculus. Tu vel optime id scies, qui optimos quosque auctores tibi familiares habeas, imprimis vero Cæsarem. Hæc pauca sunt de multis, Murete doctissime, quæ ad te scribenda putavi, partim ut *αἰεσίται*, qua tetrius esse vitium nullum puto, a me amolirer; partim etiam, ut, quo in te animo essem, non ignorares. Bene vale, Galliæ tuæ & Italiæ totius clarissimum decus. Cuperem omnino, Murete optime, ut his meis non voce, sed tabellis respondere digneris: quod in suffragiis tabellaris factum nosti. Deus ero, si vel litterulam a te extorqueo. Iterum vale, & nos ama,

MURETUS

JACOBO CANANO MEDICO S.

XXVI.

Convalui. Hoc megratius, aut optatius tibi epistolæ principium reperire nullum posse, certo scio. Febris fuit tertiana duplex, qualem tu a me tertio ab hinc anno Ferrariæ depulisti: nisi quod hæc mitior, & remissior fuit. Itaque octavo me die, postquam corripuerat, reliquit. Curatus sum non medicamentis modo, sed & missione sanguinis: de consilio Angeli Justiniani nostri, qui medicamenta non solum ipse præscripsit, sed & magnam partem eorum sua manu confecit, ac concinnavit. Omnino & ipse, & omnia qui hic sunt; sed præcipue ipse, & Petri Normesini, mirificum quemdam expertus sum in me amorem, miram in curanda valetudine mea sollicitudinem, sedulitatem, assiduitatem. Neque ita hos prædico, ut non cæteris quoque plurimum debere me fatear. Nam & Bartholomæus Ferrus, (puto te antea nescivisse id nomen Theologo nostro esse) & Hieronymus Lippomanus, & Abbas Rossetus contendere quodam modo inter se videbantur, quis pluribus atque expressioribus indiciis studium erga me patefaceret suum. Mihi crede, tanti erat ægrotare. Nunc confirmatus a vide exspecto, quid vos istinc scribatis de nostro in Italiam reditu. Quamquam enim litteræ certa prope & explorata nunciant: non desunt tamen hic, qui sponcione certare parati sint, nos in Gallia hybernuros. Alii aliter putant, sed tamen dubitationis aliquid affert, quod hic nondum pro certo auditum est, Nichetum abiisse. Qui si media hyeme redierit, (& jam vix videtur aliter fieri posse) tamenne se alienissimo anni tempore, asperissimo cælo, inviis viis, tam longinquo itinere commissurus est Cardinalis? Ita disputant quidam, qui mihi non satis cognitum habere ipsius ingenium videntur. Ego enim hoc ipso argumento utor, cur magis augerer fore, ut abeamus. Herus enim noster qua est magnitudinis animi, hanc ipsam occasionem arripiet declarandi omnibus hominibus, virtutem & constantiam suam neque æstatis ardoribus, neque asperitati hyemis retardari. Quare si aliud

nihil obstitit, ibimus vel sic cælum ruat. Meam voluntatem si exquiris: equidem negare non possum, qui tanto mihi desiderio sit Italia, quanto fortasse nemini nostrum: sed ad res meas multo accommodatius esset, expectari a nobis tempus illud,

gelidus canis cum montibus humor

Liquitur, & Zephiro putris se gleba resolvit.

Mea enim maximi momenti negotia citius explicari non queunt. Sed quod fors feret, ut ille ait, feremus a quo animo. Iter hyeme capebundum si fuerit, incommoditatem, reditus celeritate compensabimus; sin expectandum, ver commoditate temporis conficienda quæ volumus, desiderium. Italiæ leniemus. Sed, ut ut futurum est obsecro obtestorque te per amicitiam nostram, ut excipere, si potes, aliquid certi, idque ad me scribas quam poteris certissime. Permagis mea interest, scire quid futurum sit, propterea quod consilium mihi ad rationem itineris dirigendum est, & aliud capiendum, si properatur profectio, aliud si differtur. Cura igitur pro eo, quanti apud te sum, ut mittas ad me aliquid explorati. Id si tacitum haberi voles, nemini indicabitur. Mi optime & aptatissime Canane, Vale, & ama me, ut facis. Salutem quibus videbitur. Nostri omnes te saluant. E Karoliloco, prid. Non. Oct. MDLXII.

EIDEM CANANO.

XXVII.

Ego vero jam subverebar, ne mea hæc nova ad te scribendi ratio parum tibi probata esset, adeoque (vide quanto in errore versatus sum¹) meditabar excusationem. Sed gaudeo contra cecidisse quam putaveram. Nunc tu a me & crebras & longas litteras expectato: ea tamen lege ut mihi liberum sit, nullo ordine, nullo delectu, quicquid in buccam venerit, scribere. Litteræ tuæ omnes mihi redditæ sunt: neque facile credas, quantam mihi voluptatem attulerint. Quamquam enim non sum solitus valde magnam curam suscipere de iis, quæ ad me nihil pertinent, neque quisquam usquam est minus, quam ego sum, rerum novarum curiosus: libenter tamen inteligo progressus istius calamitosissimi belli, præcipue cum ea nunciantur, quæ spem adferunt aut victoriæ, aut ho-

nestæ

nellæ alicujus compositionis. De recepto Avarico jam hic auditum erat multo ante, quam tuas ea de re litteras acciperem. Sed videor per nebulam inaudisse quiddam, quod haud scio, an litteris committere debeam; indicabo leviter. Etenim, si falsum est, nihil periculi fuerit, etiamsi tu, quid sit, non assequare; sin verum, quamvis leviter admonitus, facile totam rem intelliges. Fuere igitur hic, qui pro certo accomperto affirmarent, potuisse oppidum per vim capi, invitissimis hostibus, nulla dedicatione, nullis conditionibus, nisi quorundam aut scelerrata collusio, aut stultæ clementia, altæ virtuti impedimento fuisset. Quod si est, facile fuerit jam nunc prospicere, qui futurus sit exitus. Neque enim dubium est, quin suum quisque institutum conservaturus sit ad extremum. O mi Canane, qui tandem finis hujus tam molestæ peregrinationis futurus est? Quando erit ut ad Eridani, aut, quod malim, ad Tyberis ripam ambulantes, concinere possimus illud Euripidis:

Suavis est laborum præteritorum memoria?

Sed, pedibus nobis ne conficiendum sit iter, metuo, si verum est, quod modo huc alatum est, equos omnes furto sublatos esse. Malam pestem illi abigeo, quisquis est. Sed quid est, quod ait Balbus, ferventius quam unquam antehac, agi de pace? Utinam quidem eveniat! ut nobis tanto maturius in Italiam redire liceat, antequam incidamus in hyemem. Sed hæc, ut opinor, somnia sunt: quæ tamen cuicunque modierant, scribenda tibi fuerunt. Aliud enim nihil erat, quod scriberem. Præclaras illas historias, quas tibi superioribus litteris promiseram, neque vacat scribere, neque nunc quidem satis tutum est. Sed, mihi crede, mirificus homo est ille notter: neque magis in quoquam deprehendi verum esse id, quod ex te sapissime audiavi, vitandam esse ei familiaritatem eorum omnium, apud quos conservare auctoritatem suam velles. Nostri omnes te salutant. Saluta mihi tu istic, quos videbitur, Contarellum præcipue & Gerardinum. Vale. Karoliloci, XII. Kal. Octobr. MDLXII.

Verum est quod audisti. Trepidatum hic est ab omnibus: neque sane injuria. Quis enim constare animo posset, cum audiret, fufum ac fugatum esse exercitum regium, pedites concisos, equitatum disiectum ac dissipatum, ex Ducibus ipsis alios interfectos, alios vulneratos, Comitum stabuli captum. Mihi crede, habent iustam exultationem timoris. Nam mea quidem, ut mox audies, non eadem causa est, quæ cæterorum. Sed cum hic ita crederetur, nihil propius esse, quam ut ad hanc domum diripendam turma aliqua militum accurreret; Theologus noster, homo, ut scis, minime bellicosus, qui videret sibi adversus illos homines nihil in Theologia sua præsidii fore, quanta maxima celeritate potuit, collegit sarcinas suas, & iter in Belgium cœpit. Comitatus eum sunt Abbates duo; neque de iis quicquam postea audivimus. Cæteri, ut scire te puto, Lutetiam ibant, sed cum in itinere alium nuntium accepissent, huc omnes multa jam nocte redierunt. Ego biduo ante Bellovacum profectus eram, quo me Cardinalis miserat. Ita autem fors tulit, ut eodem plane temporis puncto, quo illi redibant, ego quoque redirem. Quo factum est, ut prius redisse sciverim, quam abiisse scirem. Hilaratis igitur omnium animis, multum inter cœnam risimus; multa in eos, qui remanserant, plura in eos, qui fugerant, jocati sumus; mecum omnes præclare actum esse dicebant, qui quasi prospicerem ac divinarem quid futurum esset, & fugissem ab acerbitate prioris nuntii, & ad posterioris lætitiæ accurreissem. Nunc hic ego & Petrus Normannus suavissime vivimus venatu, aucupio, piscatu, & quod caput est, bonis sermonibus: neque vobis invidemus, quos istic ambitio aureis compedibus alligatos tenet. Unum me male habet, Theologi absentia: quem desidero, & ut discipulum magister, & ut magistrum discipulus. Operas enim permutare inter nos cœperamus, ut ego eum Græcæ litteras, ipse me Theologiam doceret. Valde magnam voluptatem mihi attulerunt litteræ tuæ, quod & læta nuntiabant, & omnia accuratissime ac minutissime persequerentur. Conserva, quæso te, istam consuetudinem: sed noli exasperare

stare, ut tecum paria faciam. Tibi enim quæ scribas, plurima quotidie suppetunt: mihi quod scribam, fere nihil est, nisi hoc ipsum, nihil esse quod scribam. Ego & Petrus Normesinus te communiter salutamus, atque a te petimus, ut nostro amborum nomine Contarellum salutes. Vale. E Karoliloco. A D. 7. Kal. Jan. MPLXII.

EIDEM CANANO.

XXIX.

O Tristem nobis & acerbum nuntium de Rege Navarra! Quem nos hîc etsi acceperamus ex aliis, sustentabamur tamen aliqua spe, donec allata sunt litteræ tuæ. Quas ego utrasque heri vesperti acceptas communicavi cum omnibus nostris: neque eorum quisquam fuit, qui non ita certo statuerunt, cum tu ita scriberes, fieri aliter non posse, quin plane deplorata esset optimi & religiosissimi Principis salus, Cujus interitu quantam plagam Gallia, quantam causa Religionis acceperit, vereor, ne paucis diebus magno nostro malo sentiamus. En quos fructus civilia bella pariant! Hoc unum miseræ Galliæ restabat mali, ut veteres illas Thebanas calamitates in suo sanguine renovatas videret. Quid enim interest? nisi quod illic ejusmodi fratres contendebant, ut utrumque cadere expediret, quod & contingit: hic cum & duobus fratribus alter errore ductus, & quasi præstigiis quibusdam obcecatus, contra patriam, quodque gravius est, contra Deum arma ferat; alter nihil unquam habuerit antiquius, quam ut & fratrem reduceret, & famam caputque illius modis omnibus conservaret: ei allata nex est, cujus in vita & fraterna salus & magna ex parte totius regni tranquillitas nitebatur. Quod, si qui pro patria dimicantes mortem oppetiverunt, eorum memoriam summo cum honore omnes anni consequentes excipiunt; si consecrari ac prope divinis honoribus affici post mortem solent, qui Christianæ Religionis defensionem vita tibi priorem ac potiore esse duxerunt: quos tandem honores satis amplos congerere posteritas in eum Principem poterit, qui, pro quarum rerum utravis mortuum esse satis est ad immortalitatem comparandam, pro earum utraque pugnans, anima spoliatus est? Nunc ille cælo receptus, ex alto res mortaliū respicit; & ut nuper auctoritate, consilio, ma-

nu communem Dei, & ut Caroli Regis causam tuebatur, ita nunc precibus ad Deum, cuius aspectu fruitor, fufus, eandem fovere ac fultentare non definit; imprimisque, ut credibile est, filiolo suo ejusmodi duces ac consiliarios precatur, qui ipsum in paternæ potius constantiæ, quam in maternæ pervicaciæ imitationem deducant. De fratribus autem, quos sibi superstites reliquit, pro altero petit, ut quam citissime mutetur; pro altero, ne unquam mutetur. Addit alia iis congruentia, quæ nos sperare fortasse possumus, optare quidem sine ulla dubitatione debemus. Vides quam & ipse otiosus sim, & esse te putem: qui & tecum, Poetarum more de iis, quæ aguntur in cælo, fabuler, & tibi ad hæc legenda otium suppetere existimem. Sed tua quidem conditio melior, qui desinere ubi vis, deinde si quando neque dormire vis, & somnus urget, repetere intermissam lectionem potes: mea deterior, qui homo cum piger ad omnia tum ad scribendum pigerrimus, coger hæc, tanquam ad clepsydram, scribere. Etenim tum denique admoner, cum aliquis statim profecturus est. Duplex autem mihi imponitur difficultas: quod & subito scribendum est, ne officio desim, cum tu ad me creberrimas de omnibus, quæ istic geruntur, amantissime & accuratissime perscriptas litteras mittas; & multa scribenda, quo te expleam: cum in hac solitudine novi nihil, nisi ea, quæ istic adieruntur, audiamus. Dabis igitur veniam nuganti mihi, & quia res non suppetunt, verba fundenti. Scio enim te inanes, dum longas, epistolas anteponere aut nullis aut brevibus. Nunc ad alia venio: hybernaturus in Gallia esse nos, jam, ut opinor, exploratum est: neque id mihi valde molestum erit, dum aut Lutetiæ, aut in aliquo alio oppido esse liceat. Nam horum quidem nemo-rum jampridem tædet; neque mihi quidquam longius videtur, quam dum tecum sim: ut more nostro legamus una aliquid quotidie, seu novi quid suscipere libeat, seu potius Taciti annales persequi; quos ego totos in hoc secessu devoravi. Interea peto a te, ut, quemadmodum institui, scribas ad me, quod commodo tuo fiat, quam poteris sæpissime. Non enim facile credas; quam dulces mihi ac jucundæ sint litteræ tuæ. Saluta mihi amicos omnes, imprimis Contarellum: cui dices me de libello ad me misso maximas gratias agere, & mandata ipsius diligenter curaturum esse.

Hæc

Hæc ego ad ipsum scriberem: sed novi hominis occupatio-
nes. Itaque scribere mehercules ad eum non audeo, nisi
cum est necesse. Salve ab omnibus nostris, & valerudinem
tuam cura. E Karolo loco, postid. Id. Nov. MDLXII.

HORATIUS CARDANETUS

MURETO S. P. D.

XXX.

Mitto ad te, Murete eruditissime, omniumque poli-
tiorum litterarum decus, (liceat mihi, quod sentio,
ac potius, quod docti omnes sentiunt, sine ulla assentionis
suspicionem, vere loqui) paucas aliquot epistolas tuas, (x)
ad me humanissime ac elegantissime scriptas, quas Lucas
Sempronius noster, optimus juvenis, & utriusque nostrum
studiosissimus, tuo nomine a me petiit. Descripsit eas liden-
tor & eleganter Balthasar Antideus, tuusne, an meus dicam?
utriusque certe quantum alter alterius esse potest. Agnoices
facile ipsius manum, qui superiore anno in describendis va-
riis Lectionibus operam tibi suam navavit: tui quidem admi-
rator ac laudator est mirificus. Si de tuarum Epistolarum
editione cogitas, recte cogitas. Nihil enim detrahent de
eloquentiæ tuæ fama, quam luculentissimæ tuæ Orationes
tibi pepererunt. Excellisti quidem, Murete, ac mirus es in
omni scriptionis genere, seu carmen pangas, idque variis
numeris; seu solutam texas orationem; seu poetam, ut
Catullum, interpreteris; seu oratorem, ut Ciceronem,
explices; seu Græcos vertas, ut Aristotelem: quicquid
denique quoquo modo litteris mandes, elegans est, politum,
ingeniosum, eruditum, omnibus numeris absolutum. Tua
me scripta omnia capiunt, tenent, revocant, nulla un-
quam eorum satietas. Veliptæ Epistolæ, quas properanter
exarare te scio, quam venustæ, quam sæpe eruditæ, quam
semper urbanæ! Quod si volumen ipsarum legatur, studioso-
rum manibus teretur, ac, si ullius foret ponderis auctori-
tas iudiciumque meum, ad eas edendas te cohortarer. In
quo Politianos, Bembo, Sadoletos, Manutios (mitto a-
lios) imitabere. Neque levius tibi scriptionis genus videat-
ur, tuoque ingenio, ac eruditione indignum. Proponam
enim

(x) septem illas videlicet, quæ proxime sequuntur.

enim gravissimos doctrinaque principes viros, qui minus sunt illud aspernati, laudemque sibi ex eo quaesiverunt; Plinium, Ciceronem, Platonem. Memini etiam, epistolam me tuam legere, in qua de bene scribenda epistolae difficultate disputas; hanc autem semper sequitur laus. Illud igitur tui iudicii erit, quo excellis. Verum hoc haecenus. Ego, quod jam diu litterarum officium intermisi, hanc arripui occasionem. Velim existimes, tantum me tibi tribuere in litteris, quantum alii nemini. Nisi igitur impudentior sim in petendo, mitte ad nos aliquod ex tuis scriptis, quod tanquam sacrum Balchasar & ego custodiemus, nec emanabit unquam te invito. Appellarem te crebro per litteras, sed partim vereor, ne interpellem nugis, quamquam officiosis, partim per valetudinis infirmitatem, docendique molestas occupationes, quibus invicissime distringor, haud commode licet. Cupio tamen, consuetudinem repetere, mercaturamque istam exercere, quam tu mihi aliquot ab hinc annis (y) proposuisti: quam si exercuissem, multum fecissem liceri. Quod si minus mihi licuerit, dabo negotium Balchasari meo, omnium, quos cognoverim, bonarum omnium litterarum cupidissimo ac studiosissimo, qui jam adest cum tuis epistolis descriptis, ac fasciculum obsignabit. Vale, mi Murete, atque ab eo salve. Lucam Sempronium semel a me tibi commendatum, quo primum tempore ad Urbem venit, nunc iterum commendo, non quod ipse a me petat, sed mea tantum benevolentia, in ipsum suscepta ob gratiam ejus probitatem. Quibuscumque rebus illi commoda veris, mihi commodaveris. 5. Id. Jan. MDLXXIX.

M. ANTONIUS MURETUS S. D.

HORATIO CARDANETO SUO.

XXXI.

Quid ni enim te meum vocem, Horati optime & humanissime, cum & ipse te singulariter diligam, & me ita tibi carum esse sentiam, ut nulli te veterum amicorum meorum in me amando cedere profitearis? Quod quidem ego, ut, quia summe cupio, facile mihi persuadeo vere a te at-

(y) Respice ad principium epistolae paulo post sequentis XXXII.
Scripta a Mureto A. 1564.

que ex animo dictum esse: ita causas, quibus te ad illam voluntatem erga me suscipiendam adductum esse scribis, non agnosco. Imo vero maiorem in modum a te peto, ut si, cum me ac mea diligentius inspexeris & excuseris, animadvertes, non esse in me eam eruditionem eamque eloquentiam, quam tu fortassis aliquando credidisti, noluisse luere ac sufferre poenas erroris tui neve: quasi viciolum aliquid aut morbosum profano emeris, ex ædilitio edico agere ad redhibendum velis. Si me ita amabis, ut hominem & honestis studiis deditum, & ingenuum, apertum, simplicem, rectum, minime fucatum, minime testum in primis φιλόφρονος præstabo tibi ea omnia cumulate, neque unquam in ejusmodi rebus fallam opinionem tuam. Eo tu si præterea aliquid addideris, ut multarum rerum scientiam, ut eloquentiam, ut cætera id genus: ipse, quomodo tibi caveas, videris; ego ea neque polliceor, neque præstabo. His legibus initam mihi esse tecum & constitutam amicitiam volo, quas a te quoque non gravate acceptum iri puto. Atque equidem cum multis de causis antea amaverim Gisbertum Oddum, adolescentem optimum, & plene gradu ita tendentem in ea studia, quibus nos delectamur, ut, quod serius in eam viam ingressus est, assiduitate & diligentia compensaturus esse videatur: habeo posthac cariorum etiam hoc nomine, quod is conciliator, quasque προξενίας hujus nostræ conjunctionis fuit. Magna sane cum voluptate repero memoria tempus illud, cum ipse mecum de doctrina tua, deque suavissimis moribus, & creberrime & amantissime loquebatur. Addebat etiam nonnulla de studio quodam & amore mei tuo, quem sibi ex tuis sermonibus cognitissimum esse dicebat. Ego autem & audiebam ea libenter, & ei fidem habebam non invitus: ut ad credenda, quæ jucunda sunt, faciles natura omnes sumus. Itaque iisdem ex eo sæpe & constanter audiendis, sic jam incalueram, ut quemadmodum in aridissimam, siccissimamque materiam nulla potest incidere tam parva scintilla, quæ non maximum subito incendium excitet; ita nulla posset a te dari tam pusilla tamque tenuis significatio eorum, quæ de Gisberto audieram, quæ non ad me totum mirifico quodam tui amore inflammandum satis habitura virium videretur. Adhuc hæc erant, cum afferuntur a te ad Gisbertum litteræ, non solum scriptæ eleganter ac polite, quod tibi proprium ac perpetuum

tuum est, verum etiam illum amorem in me, de quo tam multa tam sæpe audieram, omni ex parte spirantes. Quid quæris? ita exarsit, ut nihil fieri posset ardentius. Successerunt primis illis alteræ, tertiæ, aliæ deinceps, eadem omnes suavitate perfusæ, iisdem insignes amoris notis. Nonne igitur inhumanus sum, planeque ferreus, nisi tam amanter a te ultro appetitus ac provocatus, tibi in amore respondeam? sed non committam, ut eo nomine accusari possim: semperque sine ulla retractatione, si quid accider, in quo amicitia mea tibi aut usui, aut ornamento esse possit, ne qua in parte veri amici officio defuisse videar, studiosissime operam dabo. Quod ad litteras tuas tardius fortassis tua expectatione responderim, scito, eas mihi nudius tertius tandem redditas esse. Vale. Postrid. Non. Decembr. ex Urbe. MDLXIV.

EIDEM CARDANETO.

XXXII.

Volo tecum, Horati, si modo ab eo voluntas tua non abhorret, quasi mercaturam quamdam instituere litterarum: ut quando iisdem fere in studiis nostrum uterque versatur, si quid & bellum atque elegans, & non vulgare, neque protritum, dum, ut longinqua littora, ita veterum scripta lustramus, reperisse videbimur, id in commune conferamus, & alter cum altero communicemus. Hoc fecisse veteres illos, quos *endo cælo*, ut Cicero in legibus loquitur, *merita losarunt*, Hippocratem Coum, & Democritum Abderitem, Platonem Atheniensem, & Tarentinum Architam: tum e nostris (quamquam illos quoque quid ni nostros vocare liceat?) sed tamen ex illis, quos usitatus nostros dicimus, idem inter se Ciceronem ipsum, Nigidium, Atticum, Varronem factitasse, satis aperte ipsorum monumenta declarant. Quorum ego exemplum, quantum in me est, renovare cupiens, ad hanc te societatem, Horati, voco: quam nisi refugis non dubito fore, ut ex ea primum uterque nostrum; deinde etiam alii, non eorum modo, qui nunc sunt, sed etiam, ut Homeri, co verbo utar, *τὸν ὁ Λύονα*; si non magnos atque uberes, aliquos tamen aliquando capiant fructus. Ejus autem, nisi tibi secus videtur, eæ leges ac pactiones erunt. Primum, ut

ut quidquid alterutri nostrum quocumque in scriptore antiquo occurrerit, quod aut sit, aut videatur obsecrum, ambiguum, depravatum, de eo, ut ipsi alterius sententiam exquirere iustasque sit. Deinde ut is, qui sententiam rogabitur, re diligenter pensitata, cum amicis etiam, si videbitur communicata, quidquid aut commode cogitare ipse, aut ex aliis expiscari potuerit, aperiat. Tum, ut si alterutri aliqua alterius opinio non probabitur, liberum ei solutumque sit, causas, cur eam non probet, exponere, ilque qui reprehenderetur, aut potius admonebitur, non modo non lædi se ac violari in eo, verum etiam beneficium sibi tribui putet. Postremo, ut quidquid alter ab altero acceperit, nunquam neque privatim, neque publice id se ab eo accepisse dissimulet: quin potius uterque omni ope omnes alterius ornandi atque amplificandi occasiones, non tantum oblatas arripiat, sed etiam studiose diligenterque perquirat. Hæc si faciemus, alter alterius industriam acuemus, ingenium excitabimus, & discemus denique vicissim, & vicissim docebimus. Gisberto quidem nostro, quem ego adolescentem quotidie plus amo, quod ipse quotidie honesta studia plus amat, præsens ex hac nostra negotiatione lucrum paratum est. Ego enim, qui cum ad cætera omnia, tum ad scribendum ita piger sum, ut nemo magis, eo posthac, cum ad te scribam, amanuensi uti cogito. Nam & ipse cum laborem causa mea libenter capit, tum hoc studiis suis inutile non fore arbitratur. Vale, 3. Kalend. Jan. MDLXIV.

EIDEM CARDANETO.

XXXIII.

Respondebo tibi breviter, ut & postulas, & occupationes meæ cogunt. Non te præterit, apud optimos utriusque linguae auctores reperiri quædam seu de industria, sed ab aliud cogitantibus peccata, quæ Grammatici modo ἀνακρίσματα, modo σοφιστικὰ vocant: cum illi non ipsam conformationem orationis, aut vocum convenientiam, sed id modo, quod sensum est, respiciunt. Exempla scio tibi non deesse: sed tamen ut videas me tecum ἀτεχνῶς καὶ ἀδόλως agere, congeram quæ in mentem venient. Terent. Hecyra: Nam nos omnes quibus est alicui de aliquis obiectus labor, Omne quod est interea tempus,

Tom. II.

E

prius

prius quam id rescitum est, lucro est. Ut omnia conere, non reperiēs, cum quo cohæreat illud, nos omnes. Salustius: *Sea antea item conjurare pauci contra Rempublicam, in quibus Casilina fuit: de quaquam verissime potero dicam.* Idem: *Interea servitia repudiabat, cuius initio ad eum magna copia concurrebant.* Idem: *Familia nostra cum populo Romano bello Carthaginiensi amicitiam instituit. quo tempore magis fides eius, quam fortuna pendenda erat, quorum progeniem.* Idem: *Abundantia earum rerum, qua prima mortales ducunt.* Atque ut in aliis, ita in hoc quoque Sallustius Thucydideus fuit. Apud illum enim talia ὅσα κόνς. Plautus: *Hos quos videtis stare hic capeivos duos, illi qui astant, ii stant ambo non sedant.* Sed ne apud Plautum quidem talium modus est. Hujus generis sunt & illa Homericæ:

Τέκνον φίλε;

Et

Ἐννίωας μὲν ἀνὰ στρατὸν ὦχετο κῆλα θεοῖο.
Τῇ δ' ἐκὰτ' ἡ δ' ἀγορήνδε καλέσασατο λαὸν Ἀχιλλεύς.

Et

Ἐδρεα πολλ' ὄρνιθων ἀγαθόμεναι περὶ γέσσιον.

Et illud Virgilianum:

*Craſtina lux, mea ſi non irrita dicta putaris,
Ingentes Rarula ſpectabis cadis acervos.*

Et

*Pars pedes ire parat campo, pars arduus altis
Fertur equis.*

Possum e Sophocle, Euripide, Pindaro, aliis quamlibet multa congerere: sed ne longior sum, & ne tibi homini eruditissimo videar diffidere, pauca tantum tibi in memoriam ex ipſo Cicerone revocabo. Ita igitur est in secundo Tusculanarum: Etenim si orationes, quas nos multitudinis iudicio probari volebamus, (popularis est enim illa facultas, & effectus eloquentia: & audientium approbatio,) sed si reperiebantur nonnulli, qui nihil laudarent, nisi quod se imitari posse considerent, &c. Scio esse locum quemdam ubi ad Atticum scribens cum epistolam dixisset, ita reliquam orationis contexuit quasi litteras dixisset, non epistolam. Sed nunc non venit in mentem. Inspice diligenter locum illum ex Catone maiore, ubi citantur hi duo versus Cæciliani:

*Tum etiam in senecta hoc deputo miserrimum,
Sentire ea atate esse odiosum se alteri,*

& vi-

& vide, cum quod ea, quæ statim subiungit, cohæreant: *jucundum potius, quam odiosum*. Neque enim hoc dicit: *miserum est, sentire, se jucundum potius, quam odiosum*: sed hoc: *si quis commodus senex sit & humanus, cum jucundum potius esse, quam odiosum*: Quæ tamen sententia, si verba tantum spectes, effici nullo modo potest. Revocabo te ad illos ipsos libros de Oratore. Ita igitur loquitur in jecorum tractatione: *Ex eodem hoc vetus illud est, quod ajunt, Maluginensem illum M. Scipionem, cum ex centuria sua renunciaret Accidinum consulem, praeoque dixisset, Dic de L. Manlio: virum bonum, inquit, egregiumque civem esse arbitror*. Vide quam conveniat, *Maluginensem illum*, cum verbo inquit, quod postea subiunxit. Eodem igitur modo cum dixisset: *et enim cetera fere artes, & cætera*: ita dixit postea, *cujus terminis septa teneatur*, quasi non bene dicere, dixisset sed *ars bene dicendi*, quod orationis ἀνοδος in postulare videbatur. Habes verbosam & insuavem epistolam, ut scriptam a proferante, & occupato: etiamque, ut tibi molestia duplicetur, mea manu scriptam, ut fortassis etiam in legendo, aliquid tibi negotii futurum sit. Gisbertus enim noster, propterea quod ea hodie ad fores herilis cubiculi assidendum est, ut stans vicibus omnes cubicularii solent, operam mihi dare non potuit. At te peto, ut me ames: quod cum facies, mutuo te facturum esse scito. Vale. Romæ 6. Kalend. Mart. MDLXV.

EIDEM CARDANETO.

XXXIV.

AD eas litteras, quas a te amoris plenissimas nuper accepi, statim respondiſsem, si otiosus fuisset. Sed eram occupatus in recognoscendo volumine quodam Orationum mearum, quod a me his superioribus diebus librarii extorserunt verius quam impetrarunt. Omnino enim constitueram nihil posthac scribere: sed me, ut consilium mutare, amicorum nimis bene de me sentientium non cohortationes modo, sed preces assiduæ cogerunt. In eo igitur eram occupatus, cum accepi litteras tuas: & simul cogitavi, si paulo serius responderem, damni nihil in mora fore. De loco illo Ciceronis non puto te dubitare, quin sententia tua vera sit. Nam vel id ipsum, quod ais videri posse obstare, magis etiam eam, si accurate inspicias, confirmat. Si

quid aliud erit, de quo sententiam meam cognoscere cupias, scribito: non committam, ut quidquam a me, quod ego equidem præstare possim, frustra petas. Amo enim te vehementer, tum quod multis nominibus dignissimus es qui ameris, tum quod ita me amas, ut inhumanitatis notam effugere non possim, nisi tibi in amore respondeam. Vale. Romæ prid. Id. Aprilis, die ipso natali meo, quem tu mihi faustum ac felicem precare. MDLXX. Saluta mihi Gisbertum meum: etsi ei subiratus sum: quod quiddam a me sibi in aranis commissum continere non potuit. Veniam isthuc, ut spero, mense Maio proximo, & præsens ab eo pœnas recipiam. Qui enim tantum triduum domi ipsius esse decreveram, ulciscendi causa totos sex dies manebo. Ad eum scriberem nunc non licet per occupationes: propediem scribam.

EIDEM CARDANETO.

XXXV.

Nemini aut mirabilius est aut molestius, quam mihi, tamdiu differri adventum ad vos meum. Sed nescio quo modo ter jam contigit, ut cum in viam dare me vellem, jamque fasciculas componerem, subito exstiterit aliquid improvisi atque inopinati impedimenti. Itaque nihil amplius ea de re vobis habeo polliceri, nisi illud certe mihi excuti nullo modo potest: veniendum tamen, & quæ obstant, omnia qualibet ratione superatum iri. Sed ἀγχαίον πράγμα alieno arbitrio vivere; præcipue si quis ei terviat, qui pro suo commodo omnia aliorum incommoda non pauci faciat. Equidem manibus pedibusque, ut dicitur, omnia faciam, ut vobiscum una esse possim ante Kalendas Julias: sed, si id non potero, certe quidem mense Septembri, si vivam, istic ero. Vos interea me, ut facitis, amabitis, & ad me scriberis, ubi commodum erit. Ego vos vicissim amabo, de vobis sæpissime & cogitabo & loquar; si quid erit, quod vestra causa efficere possim, studiose atque amice omnia procurabo. Vale. Romæ 9. Kalend. Jun. MDLXX. Marcello Vestrio S. qui etiam meo nomine, nisi molestum est, Paulum Æmilium Comensem salutabit. Vereor ne ad te perlatæ non sint literæ, (z) quas ipso meo natali die scripseram. Nulla enim in tuis earum mentico. E b

(z) proxime hæc præcedentes.

EIDEM CARDANETO.

XXXVI.

Valde tardi effecti sunt tabellarii vestri : qui quadra-
 gesimo deinum die litteras huc istinc adferant. Idem
 mihi accidit haud ita pridem in litteris quibusdam Gis-
 berti Oddi , quæ cum scriptæ ab eo essent mense No-
 vembri , perlatæ ad me sunt ineunte Januario . Sed hoc
 tamen commode , quod hodie potissimum : ut qui dies
 unus ex omnibus summa hilaritate ab omnibus traduci so-
 let , eo potissimum hilararer jucundissimo sermone littera-
 rum tuarum , & recordatione amoris erga me tui ; simul-
 que quoniam ab interpellatoribus nihil est periculi , (lu-
 dis enim & spectaculis omnes hodie detinentur) vacui
 temporis ad respondendam aliquid haberem . Igitur de me
 meisque studiis jam cognosse te aliquid puto ex iis litteris ,
 quas proxime ad Gisbertum dedi : satis enim scio earum
 testatim participem factum . Terentianum illud , *si sit opus* ,
 joci causa dictum est : quasi evenire ullo modo possit , ut
 hoc quoque facto opus sit . Ergo *si sit opus : si quis a me id*
feri posulet ; si quis hoc sibi a me officium tribui petat ; si
quis in eo me sibi gratificari velit ; si quid eveniat , ut pu-
blice intersit eum laborem a me capi ; & , si cogites , multa nos
quoque vulgo ita jocante dicimus : Quando ita jubes , sed do,
cum tamen nemo jubeat : Honoris tui causa ad prandium ibo ,
quasi quid facit , non sua potius causa faciat : Hodie in pran-
dio pulchre tibi operam dedi , quasi qui bene ac libenter vesci-
tur , non sibi potius operam det , quam amico . Ex eodem ge-
nere est illud , si sit opus , de quo satis jam multa . Albedo
 Latinum non est , non magis quam *Nigredo* . Sed ita su-
 mus omnes , etiam qui paulo melius Latine loqui putamur ,
 quam vulgus solet . Dum confidimus , nos jam eam facul-
 tatem consecutos , ut vel aliud agentes emendate loquamur ,
 multa inepta , & ne in pueris quidem ferenda , effundi-
 mus . Isti præcipue delicati , qui omnia sibi præter Cicero-
 nem putere ajunt ; qui , si sine Nizolio possint unam aut alteram
 epistolam scribere , germanos se esse Ciceronis pu-
 tant ; qui Senecam contemnunt , Plinium irrident , Taci-
 tum damnant , ad inferiorum vero temporum scriptores et-
 iam nauseant , qui me aut mirantur , aut miserantur , aut irri-
 dent ,

dent, quod ex Apulejo ipso, aut Sidonio quædam petenda esse dicam ad usum Latini sermonis: illi igitur ipsi sapientia & loquuntur, & scribunt, ut non eos modo, quos ipsi tantopere abiciunt, quos præ se contemnunt, sed eorum pillores ac coquos multo Latinis locutos fuisse constet. Ad omnia epistolæ tuæ capita responsum esse arbitror. Vale. III. Kal. Martii. MDLXX. Romæ, quo ipso die literas tuas accepi, quibus adscripta erat dies VII. Kalend. Febr. ne me tam serio tibi respondisse mireris.

EIDEM GARDANETO.

XXXVII.

Postquam ad te nuper scripsi de illo Terentiano, *si sit opus*, venerunt mihi in mentem alia, quæ apertius confirmarent explicationem meam. Simile igitur est illud Adelphis:

*Tu inter eas restim ductans saltabis, M. probe.
E tu nobiscum una, si opus sit.*

& illud Catulli ex epigrammate in Vettium:

Ita cum lingua, si usus veniat tibi, possis.

Sed nolo alterum versum adscribere, neque puto esse opus. Quamvis igitur sperabam sententiam meam ita tibi probatam esse, ut nihil præterea argumentis opus foret: tamen ne hanc quidem ad te scribendi occasionem prætermittendam putavi. Vale, & Gisbertum mihi saluta, & si quos istic præterea nostri amantes mei. Romæ, postrid. Non. Mart. MDLXXI.

PETRUS JOANNES PERPINIANUS.

M. ANTONIO MURETO S.P.D.

XXXVIII.

ONUS Ætna gravius mihi videntur sustinere, qui alteri fidem suam adstrinxerunt, nisi ejus, aut cui, pro quo sponponderunt, humanitate subleventur. Scis, credo, quid velim. De versibus illis in D. Mariam Lauretanam, qui eos a te optabat, propter singularem expectationem elegantiae & doctrinæ tuæ, is me urgere non cessat. Ego tamē,

EPISTOLA XXXIX. 71

meti, infcio& inconsulto te, me temere recepisse intel-
ligo: tamen hanc temeritatem in spondendo meam, tua
eximia, in re perficienda humanitate compensatum iri confi-
do. Si quid possunt fontes & pomaria Tiburtia, si quid iste
secessus otii a quotidianis occupationibus tuis attulit, oro
te atque obsecro, ut ostendas, me nonnullum apud te gratiæ
locum obtinere. Quædam tecum communicare cupiebam:
sed ea melius, ut spero, coram, ubi ad nos redieris. Nam
summus nostræ Societatis Magister statuit, ut Romæ anno
proximo manerem. Nostrî omnes te saluant. Vale. Ex
Urbe; XVIII. Kalend. Sept. MDLXIV.

Sequitur ad hanc responsio Mureti.

M. ANTONIUS MURETUS S. D.

PETRO JOANNI PERPINIANO
Societatis Jesu.

XXXIX.

CUpio equidem, & meam & tuam fidem liberare: sed
mihi adhuc multa, ne id facere possem, obstiterunt.
Primum; quod quem locum, quodque tempus otii, &
quietis plenissimum putabam fore, in eo me & multa, &
longissime a studiis meis abhorrentia negotia occupatum,
atque exercitatum habuerunt. Nam, ut cætera taceam, his
paucis diebus bis mihi Romam eundum fuit, quod etsi leve
videri potest, tamen eæ mihi profectioes octo amplius dies
abstulerunt. Deinde, quod multos jam & menses, & an-
nos intermisi poetica studia, ut etiam si quid olim fuisset in
meejus facultatis, quod sane aut nihil, aut pertenuis quid-
dam, & perexiguum fuit: effluxisse id tamen & exaruisse
necesse sit. Postremo, (*δὲ γὰρ τ' ἄλυσθ' ἔλεγον*) tardio-
rem me, ac timidiorē facit expectatio illa, quam de
meis versibus concitatem esse scribis. Scis enim quam inu-
tilis ea atque aliena sit placere cupientibus. Nam si illud
a me postulatur, ut tuorum elegantiam æquem, a te ipso
mihi ventura faciunda fuerit. Utur est, meditabor tamen
propediū aliquid: sed si me a nas, (quod quidem ita mihi
perspexisse videor, ut quin ita sit dubitare non debeam)
minue; obsecro quantum potes istam expectationem: ac
perspice, ut ille amicus tuus a me tanquam a malo nomi-

ne, ut nummos, ita versus, etiam si neque optimæ notæ erunt, neque iusti ponderis, æquo tamen animo accipientes putet. Benefactum, quod te Societatis vestræ Magister Romæ retinendum iudicavit. Mihi crede, magnam molestiam cœpisssem e discessu tuo. Nunc spero fore, cum istuc rediero, ut fruar tua suavisissima, mihi quæ optatissima consuetudine, quam ego quanti faciam, spero tere ipsa aliquando cogniturum. Vale. Tibure xvi. Kalend. Septemb. MDLXIV.

Huic ita rescripsit Perpinianus.

PETRUS JOANNES PERPINIANUS

M. ANTONIO MURETO S. P. D.

XL.

Tuum tandem reditum expectare non possum. Timeo namque ne sit ille tardior: mihi autem maturato est opus. Quonam, inquis, adeo festinas, ut pauculos hos dies expectare non possis? Nusquam equidem; noli metuere, ne, mutata Magistri nostri sententia, mihi sit ex Urbe proficiscendum: rem totam a principio audies. Præpositus iterum Rhetoricæ scholæ, a qua me solum penitus ac liberum esse atbitrabar, de Præfetti nostri sententia statui Aristotelis de arte dicendi libros explicare: ut si nihil tanti Magistri subtilitate dignum in lucem potuero proferre, quod ita plane futurum esse video, certe conatus ipse in re perdifficili non nihil ab auditoribus gratiæ & benevolentiae consequatur, summique Philosophi nomen apud omnes illustre, languidiora juvenum studia vehementius excitet ad discendum. Multa igitur ita, ut si, legenti & meditati mihi, quæ ad eorum librorum explicationem usui fore viderentur, quædam occurrerunt, quæ meum animum ita dubium & incertum habent, ut non facile sit statuere quid sequar. De his tuam sententiam exquirere decreveram, ubi redisses. Verum, ut dixi, timeo, ne serius, quam mihi est opus, revertare. Quare agam tecum per litteras absens, quod verbis præsens agere non possum, & quid ex te scire velim, paucis perscribam. Non enim dubito, tametsi longe abes a libris, quin omni me dubitatione, nullo negotio sis liberaturus: eo magis quod de quibus ambigo, ea tibi jam

EPISTOLA LX.

73

dudum quaesita, cogitata, tractata esse scio. Primum itaque velim cognoscere, quid tibi videatur de partitione artis Aristotelæ in III. libros: præteritum ne putes hoc opus, quod nemo Aristotelis esse negat, a Laertio, qui duorum tantum librorum fecerit mentionem; an in numero librariorum fuisse mendosum; an in duas dumtaxat partes totum illud quasi corpus ab auctore distributum, ab aliis postea in tres fuisse divisum? num quidnam aliquando legeris apud antiquos Aristotelis interpretes, aut alios idoneos auctores, ex quo perspicui possit, quot in libros partitus ipse fuerit hanc artem bene dicendi tam accurate conscriptam. Deinde τῶν ἐξωτερικῶν καὶ ἀκροαματικῶν σαγγραμμάτων ecquid comperti habeas? Nam ut a Cicerone, Gellio, Plutarcho, Galeno, Ammonio, Simplicio divisionem hanc operum Aristoteleorum confirmantibus dissentiam, nullo præsertim duce, nullo auctore, cujus nomen grave apud alios esse debeat, animum inducere non queo; argumenta contra sentientium qua ratione refellam, non video. Cur enim in 1. lib. Νικوماχείων, libros de anima, quos subtilitatis plenos esse omnes confitentur, ἐξωτερικάς appellat? Cur hos ipsos de moribus libros ad Nicomachum modo vocat ἐξωτερικάς, ut in 3. πολιτικῶν libr. modo ἀπὸ τῶν ἐξωτερικῶν sejungit; cum in ipsis τὰ ἐξωτερικά, veluti genere prorsus diversa, citer? cur τῶν ἀκροαματικῶν nulla usquam mentio? Quod enim octo libri τῆς φυσιολογίας περὶ φυσικῆς ἀκροάσεως inscripti sunt, eam ego inscriptionem idcirco Aristotelis ipsius non esse suspicor: quod nusquam illi ab eo libri hoc nomine citantur. Postremo, doceri cupio, an Dialecticæ nomen sic ab Aristotele aliquando usurpetur, ut non τὴν τοπικῶν solum, sed totam omnino Logicem comprehendat. Alexander enim in proœmio τοπικῶν, tres tantum tradit huius verbi significationes: de hac vero vulgari notione, prorsus nihil. At mihi in hoc, quod subijciam, loco primi de Rhetorica libri, περὶ δὲ συλλογισμῶν ὁμοίως ἀπαντος, οὗς Διαλεκτικὸς ἐστὶν ἰδεῖν, ἢ αὐτὸς ὅλης, ἢ μέρους τινός, non alia notio ei videtur esse subjecta. Nolim tibi esse molestior: his nunc ero contentus. Si quid est aliud, de quo scire velim quid sentias, id ad tuum in Urbem reditum reservabo, ne jure quaeri possis, ne in otio quidem tibi licere esse otiosum. De versibus, quos avidissime expecto, næ tu prudentissime fecisti: qui tamdiu nostros animos teneris exspe-

expectatione suspensos, ut tanquam poculum aquæ frigida longinqua siti exarescentes, sic nos illi multum cupientes, & diuturo desiderio flagrantés insolita quadam suavitate perfundant. Accipio tamen excusationem, modo quam cunctissime, quod commodo tuo fiat, eos ad me mittas. Nam quod vereris ut expectationem de re concitatam possis explere, vide ne, dum modestus haberi studes, parum de nobis amice existimare videaris. Quid enim? hic tu nos intelligentiæ communis expertes esse putas, ut quantum quoque sperandum sit, videre nequeamus? aut cum parum studiosos tui, ut quemadmodum nobis satisfacias, vehementer sit tibi laborandum? Facis tu quidem, quod te decet; ut nihila te, nisi summa industria elaboratum, atque perfectum exire patiaris: verum, sic habeto, tanta esse omnium nostrum erga te benevolentia, eam de ingenio, & doctrina tua existimationem, ut si quid minus dignum tuo nomine editum a te fuisse videremus, id quod accidere nullo modo posse intelligo, sed si quid a te elucubratum scriptorum tuorum dissimile forte legeremus, noluisse te potius tantum contendere, quantum posses, quam quantum contendisses, efficere non potuisse crederemus.

M. ANTONIUS MURETUS S.P.D.

FRANCISCO BENTIO

Societatis IESU.

XLI.

UTraque litteræ tuæ mihi gratissimæ fuerunt: hæc posterioriore seo etiam gratiores, quod subdubirabam, ne ægre talisses, nihila me ad illas Senenses responsum esse; etsi videbar satis respondisse cum quæ petebas, ad te miseram. Mihi enim videtur melius petenti respondere, qui silentio facit quod rogatur, quam qui verborum assatim rependit, rei nihil. Gaudeo, te Perusiam venisse, unde (opinor) crebrius a te litteras expectare potero. Cupio autem scire, quem potissimum scriptorem explicandum susceperis. Nam, si nihil aliud, ex acua industria tuam: teque fortassis ad hoc quidam diligentius, quam ab aliis solent, tractandos excitabo. Cave enim putes, quidquam mihi accidere posse iucundius, quam videre te *τυχεῖν*, ut ita

ut ita dicam, disciplinæ meæ alumnum, florentem laudibus, & quotidie longius progredientem in ea via, quam me tibi olim monstrare memini: etsi tu quidem, ut a me discessisti, multo, quam ego sum, meliores magistros nactus es. Sed quid dum? blandior mihi γεροντικῶς, & quia te olim nescio quid docui, videor mihi te, quantus quantus es, aut potius quantus futurus es, produxisse. Sed, ut hæc missa faciam, scio, tu me nuper a Pontifice iterum antiquo, ut ait Horatius, inclusum ludo? Cum enim Cæsarius multorum jam stipendiorum veteranus missionem impetrasset, egerunt mecum primum Cardinales, deinde etiam αὐτὸς ὁ ἀρχιεπὶς, ut eam provinciam susciperem. Multa argumenta allata sunt, quæ me moverent, sed unum ἀλυτον καὶ ἀφυκτον, quod pro ducentis aureis annuis quadringentos proposuerunt: homini autem egenti, & propter imminuentem senectutem paulo ad rem attentiori, nullum medicamentum adhiberi potuit efficacius. Itaque redibo jam ad veteres illos Congerrones meos, Ciceronem, Horatium, cæteros, & mihi quodammodo repuerascere videbor. Tumultuantur tamen, qui ex me Pandectas audiebant, & negant, se quemquam alium ferre posse: plerisque etiam, nisi me habeant, Jurisprudentiæ se multam salutem disturos esse profitentur, ipsi viderint. Ego ludibundus quadringentos illos quotannis in arcam, Οὐδ' ἐέλωντος, concludam, ut sit aliquando unde otio frui possim. Beatum te, qui eam vivendi rationem ingressus es, ubi a talibus curis animus liber est. Noli tamen putare a me ipso hæc ita curari, ut angar: Λαμβάνω τὰ διδόνενα, & quia usque huc paulo negligentior fui, ex illa negligentia ita aliquid detraho, ut nihil detrahā ex hilaritate. Adolescentem, qui mihi litteras tuas reddidit, vidi perlibenter: & mihi quantum ex una colloquutione existimandi potestas fuit, visus est tuas commendatione dignissimus. Saluta mihi, si quos istic, noli, studiosos mei. Vale, mi Benti optime & suavissime, & me ama. Romæ. V. Kal. Sept. MDLXXII.

GULIELMUS CANTERUS

M. ANTONIO MURETO S. P. D.

XLII.

E T si satis audacter facere videor, vir doctissime, cum te litteris meis interpellor: quoniam tamen hunc libellum (a) proximis his mensibus edidi, putavi, me non satis ex officio facturum, nisi cum eundem ad te mitterem, tum veniam a te rerum tuarum peterem. Etenim, cum id, quo libellus noster est exornatus maxime, (Athenæi fragmentum dico) a te primum in manus nostras devenerit, postquam tu id cum Aurato nostro communicaras: nemini potius hoc totum, quidquid est, mitti debuerat, quam tibi. Jam, quod ea fuerim audacia, ut rema te *καμηλίσ δικτην* habitam publicare sim ausus, non miraberis, si quanta debeat esse studiosorum hominum inter ipsos rerum omnium communitas, tecum cogitaris. Huc accessit, quod non leviter suspicabor fore, ut alii, nisi ego prævertissem, eam gloriam, cujus ego te participem jure feci, sibi solis essent prærepturi. Quamquam nihil magnopere video, cur ea res gloriæ tuæ, quæ jam pridem est toto orbe clarissimo, multum addere ponderis potuerit. Quis est enim in omni, quæ incolitur, terra ita barbarus & omnis expers elegantiae, ut Muretum non cognoscat, amet, excoletur? Ego certe *ὁ τῶν λόγων ὅσον ἔπω γλυσάμενος*, tanti te, libere ut loquar, facio, quanti haud scio an alium neminem. Sed, ut ad ipsum redeam libellum, in eo si forte alicui majorem videbimur habuisse veritatis, quam hominum rationem, suggeret tibi, spero, memoria tua, qua vales plurimum, quid de veritate Socratem Plato sensisse tradiderit. Quid, quod eam præbent optimæ litteræ suis cultoribus libertatem, ut in utramque partem sine periculo disputare possint? nec enim hic opus est *τὸν περὶ Λυχίης δρᾶμῆν* Quociens, si hoc a te consecutus fuero, vir doctissime, ut nihil hujus libelli editione offensum te ducas, non admodum timebo, ne quis de me conqueratur aliis: sperabo potius me, quod ille dicebat, sine invidia laudem deinceps invenire, & amicos parare posse.

(a) Novas suas Lectiones innuit: in quibus illud Athenæi de quo Paulo post, fragmentum quare lib. III. c. 2.

EPISTOLA XLIII.

77

se. Et quoniam non facile fortassis me, qui sum, agnosces: velim tibi Aurati tui atque mei in mentem veniat, cujus ego convictu, cum tu ante annos duos in Galliam venisses, fruebar: Fruterii quoque, cum quo me aliquando, si non es oblitus, vidisti. Si quid etiam dignaberis rescribere, (quamquam nos tantum boni non meremur) ad Oporinum, vel Petrum Pernam, Typographos Basileenses, litteras curabis. Bene vale, vir doctissime, & eum te a nobis haberi crede, ut quod aliquando de nobis Auratus, condiscipulorum comparatione, ludens dicere solebat, id merito tibi doctorum omnium respectu tribuamus. Quid hoc? inquires. τὰ δ' ἄλλα κορυφῆται τῷ Μυρῷ τῷ. *Francfurti, nundinis autumnalibus anni MDLXIV.*

ALEXANDER JUSTINIANUS

M. A. MURETO S. P. D.

XLIII.

TE post tuum discessum Venetiis in febrim incidisse, ægre sane tuli, ut debui: idque statim meis litteris significassem: sed præter morbum, tibi molestus esse nolui. Nam in dies expior quam molesta ægrotantibus omnia pæne esse soleant. Cæterum, mitescente jam morbo nullum παραμυδικοῖ ελόγους, in tam magno præsertim elatoque animo adversum omnem fortunæ temeritatem, mihi locum relinqui video: fortassis, ipso jam fugato, convalescenti gratulandum potius. Aliquid serii ad te scriberem, nisi id mihi Medicorum legibus περὶ τῶν ἀκαμψομένων interdictum scirem. Scribam alias, & quod toties recepi, tandem cumulatissime præstabo, præsertim cum χρύσια ἀντὶ χαλκίων a te sperare liceat. Interim cura ut valeas. Ego vero, & Joannes Dacianus nostra valemus, teque plurimum salutamus, & cum primum per valetudinem tuam licuerit, a te litteras exspectamus. Vale. Venetiis. prid. Kal. Octob. MDLVIII.

EIDEM MURETO.

XLIV.

VETERIS illius familiaritatis ac necessitudinis, quæ mihi maxima tecum olim Venetiis intercessit, minime te oblitum esse opinor; neque tot annorum ἀπρόσ-
 ηγορέα, ex animo tuo nostri memoriam effluxisse dubito. Plurimum sane momenti ad vulgaris cuiuspiam amicitiae diuturnitatem in assiduitate litterarum positum esse non diffiteor: mutuam vero inter nos benevolentiam, certo iudicio semel susceptam, eam ipsam virtutem, quæ genuit, & continuasse & conservasse certo scio. Nam illa sane παροιμία, quam Athenæus iure μισανδρωποτάτην appellat, ad cuius præscriptum τίλβ' φίλοι ναίοντες ἢ καὶ φίλοι, tibi probari nequaquam credo: cum amicitiam non locorum spatiis, sed amicorum moribus metiendam esse non ignores. Quod si ad meam erga te benevolentiam, accessionem quoque mearum litterarum a te desiderari, mihi significaris, non solum hoc officii genere tibi posthac satisfaciam, sed etiam ejus longo tempore a me prætermissi usuram cumulatissime reddam. Quanti vero te faciam, quamque tui sim memor, testem habes Joannem Biffonerium, quem tibi cum morum probitate, tum doctrina singulari conciliatum esse audio. Eum, mi Murete, sic velim tua humanitate complectare, ut ea omnia, quæ in me, si Romæ essem, conferres, in eum conferas. Est enim mihi amicissimus tuique amantissimus; neque te unquam pœnitebit in eum beneficium contulisse. Experieris mehercule re ipsa & grati animi juvenem, & commodorum memorem. Expectabo litteras tuas, quibus & me a te amari adhuc intelligam, & si quid Genuæ a me agi voles, certior fiam. Vale. Genuæ. VII. Kal. April. MDLXXV.

MARTINUS BELLIVICEJUS (b) PANNONIUS

M. ANTONIO MURETO S. P. D.

XLV.

Juvenis quidam natione Gallus, Vir clarissime, qui Roma huc venerat, scribendarum ad te litterarum ansam mihi præbuit: quarum quidem auctor, vel si sapius eas percurreris, vis tuo innotescet animo. Cum enim mense Martio te & Paulum Manutium Romæ salutarum, quid miri, si usque ad hoc tempus in tanta temporis intercapedine, memoria tua, quæ gravissimis istudiis continuo fatigatur, exciderim? Hoc etsi persuasum habeo, non tamen dubito, quin facile in tui memoriam redigar: præferam si & album tuum, in quem nomen meum relatum esse voluisti, intueberis, & memineris, quibus verbis Huberti Giphanii, Lucretii editionem collaudaveris: cum adlicere, nihil esse quod non Giphanii causa libenter facere. Quare, cum tibi in mentem rediisse nomen meum existimem ad juvenem illum revertor. A quo cum quæsissem quid rerum ageres, an quicquam de Plautina editione cogitares, quam nos jam dudum, & cæteri omnes, qui elegantiorum litterarum cupiditate tenentur, avidissime expectant: a Philosophia naturali ad civilem hanc nostram Philosophiam, quam tu ante aliquot annos, humanarum litterarum causa, intermiseras, te consulisse respondit. Qua in re cum tuum factum vehementer probavi, tum ratus sum, ad studium juris illustrandum, maximum adjumentum allatum iri, si tuum exemplum hujus ætatis Jurisconsulti imitarentur, quos & barbarorum interpretum inanissimas controversias toto animi impetu confectari videmus, & omnes suum studium ad calumnias litium, & ad turpem & invidiosum quæstum conferre. Sed quod Cujacius & tu homines Galli in studiis sapientiæ consecuti estis, id non sine munere divino vobis evenisse credo. Idem sentire videtur Giphanius, Cujacio amicissimus, & tibi charissimus. In hac enim nostra Academia Patavina superioribus diebus fuit, atque de te læpius honorifice loquutus est, & nullo in sermone libentius eum

(b) Berzevicius vocatur Epist. 73. hujus l., & l. II. Epist. 5.

cum versari vidi quam cum de Plauto loqueretur: existimans scilicet, quod res est, bene actum cum studiosis literarum fore, si tam bonus Latinitatis auctor tua diligentia, doctrina, opera nitidior & emendatior in lucem proferretur. Cupit sane esse in tua gratia, quam humanitate tua fretus, tuis verbis ei non solum pollicitus sum, sed etiam sponendi. Itaque non erit tuæ bonitatis committere, ut sponforem appellet, cum ipse facile possis dependere. Unum est, quod a te contendendum mihi putem, ut duas Orationes tuas ad me mittas: quarum altera de laudibus juris studii scripta abs te nuper est, altera in Collegio Pontificum habita. De Plauto fac promissa appareant. Diutius enim deberi politis & ingeniosis hominibus non potest: & hercle tua maxime gloria agitur. Vale, & salvebis a Giaphanio, qui Venetiis apud Oratorem Regis Galliarum degit. Patavio. Kal. Dec. MDLIX.

M. ANTONIUS MURETUS

FRANCISCO TURNONIO S. R. E.
Episcopo Cardinali S. P. D.

XLVI.

SI tempus ad te scribendi usque eo differre voluissem, Francisco Turnoni, Cardinalis Amplissime, dum par a me aliqua tuis erga me plurimis maximisque beneficiis reperiretur oratio: magnopere mihi metuendum erat, ne & in eo quærendo, quod nunquam consequi possem, inani ipse me labore torquerem, & immodica silentii diuturnitate suspicionem tibi aliquam angustii & humilis animi, neque satis, quantum a quoque acciperet, sententiis afferrem. Cum igitur, idem assidue ex die ducens, sine dubio diutius, quam par fuerat, reticuissem, plane obstupefactus admiratione istius erga me tam prolixæ, tamque beneficæ voluntatis tuæ: confirmavi me tandem, & ad hæc pauca, quoquo modo possem, scribenda me contuli: quibus, quod tam multis, tamque claris & illustribus signis, me, quamvis nihil prorsus tale promeritum, tibi tamen non vulgariter carum esse declaraveris, gratias, quando nihil prætereā neque tu expectare, neque ego præstare possum, tibi agerem immortales. Est omnino hæc tota gratiarum actio

actio perpusillum quiddam, perque tenue; præsertim si
comparetur cum magnitudine eorum beneficiorum, quibus
tu me a te ornatum esse voluisti: sed eam tamen, cum
hæc scriberem, pro certo atque explorato habebam tibi
non ingratham, neque injucundam fore: cum; ut scis, ne
Dei quidem bonorum omnium auctoris infinitam in nos
beneficentiam ullo alio modo remuneremur. Officiorum
vicissitudo eas amicitias continet, quibus inter se ejus-
dem sortis homines, aut certe non admodum dispares devin-
ciuntur. Vobis, quos supra cæterorum conditionem eve-
ctos in ipso rerum humanarum fastigio divina providentia
locavit, illud cum corporibus cœlestibus commune est, quod
ut illa efficientiam quidem suam declarant in inferiora
hæc; viresque in ea exercent suas, sed ab eis nihil vicis-
sim accipere, &, ut Græci sua lingua dicunt, pati
queunt: sic vos potestatis quidem copiarumque vestrarum
documenta, sublevandis inferioribus, datis, ipsi vicissim
quicquam ab eis, præter laudem ac prædicationem, te-
stem grati ac memoris animi, percipere non potestis. Ago
igitur tibi quam maximas gratias, Cardinalis clarissime,
humanissime, optime, agamque dum vivam, tibi que a sum-
mo hujus universitatis effectore ac gubernatore Deo assiduis
votis lauta ac felicia omnia precabor; non quod me dignum
existimem, cujus vota ab eo attendantur: sed quod tu di-
gnissimus, pro cuius salute atque incolumitate, etiam eo-
rum, qui per se nullo numero habendi sunt, preces non
negligantur. Ita igitur faciam: conservabo diligenter me-
moria me ejus humanitatis, qua tu me immerentem, talis
tantusque vir, complexus es: utque tuode me amplissimo
atque honorificentissimo testimonio, quantum in me erit,
respondeam, modis omnibus operam dabo. Illustrissimo
quidem Cardinali Ferrariensi, ad quem, tua potissimum
auctoritate adductus, me, cum primum potero, conse-
ram, commissurus non sum, ut unquam venire possit in
mentem, quod fidem tuam in me recipiendo secutus sit
pœnitere. Vale, 3. Non. Feb. MDLVII. Patavio.

EIDEM TURNONIO.

XLVII.

Non puto ulla mihi excusatione apud te utendum esse, quod ad te rarius scribam. Nam tum demum peccare ipse mihi videretur, si tanti me facerem, ut tibi, tanto viro, tantisque assidue occupationibus impedito, frequenter litteris meis obstreperem. Ideoque contineo me: & cum quotidie de te cogitem, vota que, uti debeo, pro tua salute atque incolumitate faciam, in scribendo sum rarior, neque unquam id facio, nisi cum aliquid accidit, ut, nisi scripsero, officio videar defuturus; quale est, quod me hoc tempore, ut scriberem, adduxit. Cum enim nuper octo Variarum Lectionum libros edidissem, etsi satis intelligebam; eos leviores esse, quam ut tu, quem nihil nisi præclarum atque eximium capit, ullam magnam voluptatem ex eorum lectione percipere posses: iudicavi tamen, omnino mihi faciendum esse, ut eorum exemplar unum ad te mitterem: neque dubitavi, quin tu eos libenter accepturus esses: vel quia mei sunt, vel quia scripti ad eum, qui, ut a te singulariter amatur, ita te ipse admirabili non amore solum, sed cultu, medius fidius, atque observantia prosequitur. Unum est, quod, quamquam mihi conscius sum, me optimo animo fecisse, tamen, quia fieri potest, ut confidentius in eo me gesserim, quam decebat: per illam & aliis & mihi imprimis perspectam humanitatem tuam, mihi ut ignoscas; etiam atque etiam a te peto. Ausus enim sum quodam ex eis libris loco (c) nominare te: ac versus etiam aliquot ponere, qui mihi in memoria hæserant ex idyllio, quod olim ad te mihi una cum tragoedia, quam de C. Cæsaris cæde factam in tuo nomine divulgaveram. Qua in re si quid a me peccatum est, (nihil enim debueram te inconsulto facere, præsertim cum te Venetiis venissem) peccatum est incredibile quadam abundantia amoris erga te mei: quam ut æque animo feras, omnibus a te precibus, atque omni obsecratione contendo. Etenim, vere hoc dicam, nihil videtur esse ita difficile atque arduum, in quo ego paratus non sum voluntati & auctoritati tuæ morem gerere. Unum est, in

EPISTOLA XLVII.

in quo tibi, ne quid dissimulem, non possem, nisi invictissimus, obtemperare: si me juberet tacere de tuis virtutibus, & continere in sinu immortale illud gaudium, quo effector, quia me tibi carum esse sentio. Hac una in re dum me mihi obsequi, & animo indulgere patiaris, quominus aliud mihi quidlibet imponas oneris, non recuso. Quod scribam, aliud nihil est, nisi omnes hic omnia tibi fausta & prospera precari, & gratulari aequis istis; quod eas tibi salubres & fuisse & esse audivimus. Vale.

CORNELIUS VALERIUS

M. ANTONIO MURETO S. P. D.

XLVIII.

Vide, quanta in te sit humanitas, eruditissime Murete, & quæ opinio apud exterarum gentes. Justus Lipsius, familiaris & idem discipulus meus, qui litterarum & antiquitatis causa in Italiam proficisci velle coepit, petiit a me; amicis quibusdam commendari; imprimis autem contendit, ut ad te, cujus cognoscendi & videndi studio mirifice flagrat, litteras sibi darem. Ego autem, etsi videbam putidum esse, me, hominem fortasse ne fama quidem tibi cognitum, litteras ad te dare, ejusmodi præsertim, quibus nonus aliquod officii tibi imponerem: morem tamen gesti adolescenti tam vehementer petenti, & voluntati ejus obsequi volui potius, quam aut naturæ aut pudori meo. Quod fecero libentius, quod non ad aliquem nescio quem duris & asperis moribus scribendum mihi viderem: sed ad eum virum, qui, cum humanitatis studiis & iis artibus omnibus, quæ ingenuo homine dignæ sunt, sit perpolitus, abesse non potest, quin tum in omnes, tum præcipue in eorumdem artium studiosos propenso animo sit ac humano. Accedit similitudo professionis & studiorum nostrorum: nam & nos pro mediocritate ingenii nostri, eloquentiæ & humaniorum litterarum studia, voce & scriptis, quod in nobis est, in hac Belgica nostra excitare conamur, & tu, M. Antoni, antea quidem in Gallia, nunc in illa Italice luce hæc ipsa studia cum immortalis tua laude & omnium gentium admiratione tractas. Quare non tam quærenda mihi est excusatio & prætextus pudoris mei, quod scripseram, quam

gaudendum, oblatam mihi in amicissimi mei negotio facultatem scribendi simul & testificandi amoris mei. Sed veniam ad id, quod caput est epistolæ meæ. Mitto ad te, Murete, hunc Iustum Lipsium, alumnum, ut dixi, disciplinae meæ, adolescentem ea probitate, modestia, ingenio, eruditione, iudicio, quanta testari possum equidem, me in alio nullo, in ista imbecillitate ætatis, adhuc esse expertum; tum vero, quod apud te plurimum valet, studiosum antiquitatis & artium illarum, quas tu amas, & in quibus maxime excellis, id est, optimarum. Cave autem exultimes, me hæc ambitiose & supra quam res est, commendantium more, scribere: immo vero minus fortasse, quam virtus & eruditio adolescentis merentur, scribo, ne, dum eum laudo, videas ne ipsos institutionemque nostram velle extollere. Quamobrem rogo te, Murete mi, vel potius precibus omnibus oro atque obsecro, per communia studia nostra, per illum amorem, quo litteras & litteratos omnes prosequeris, adolescentem hunc omni studio, amore, benevolentia tua complectare atque devincias, Et quoniam is honesto quidem genere & optimis parentibus natus, ea tamen mediocritate fortunæ est, ut se in longinqua & externa regione difficulter sui facultatibus sustentare possit: verecunde etiam hoc a te petam, (vides quantum mihi summam) ut, si qua in re commendatione & opera tua juvare eum potes, quod certe potes, ei ut ne desis. Hoc quidem tibi spondeo & in me recipio, te, si quid ei accommodaveris, non minorem ex eo voluptatem percepturum, quam nos universos. Impedior verecundia, ne pluribus verbis te rogem. Illud tantum dicam, quod in sermone sæpissime mihi significavit, cum pæne non alia ulla de causa in Italiam e tam longinquis regionibus venisse, quam ut te imprimis tuique similes eruditissimos viros videret & cognosceret. Quærit æquius, ejus laborem per te ex parte levari, cui tu laboris causa fuisti. Quod si tu aut amicorum aut familiarium tuorum aliquem hic habes, ut fortasse habiturus es, utere eadem audacia & familiaritate apud me, qua ego tibi prævi: efficaciam ut intelligas, mihi ad benignè faciendum nec voluntatem deesse nec facultatem. Litteræ hæc meæ si aliquod pondus apud te habebunt, dupliciter gaudeo: primum enim Lipsio meo, cui vehementer cupio, commodavero; deinde mihi ad amicitiam tuam quasi fores & aditum patefecero. Quo nihil mihi potest

EPISTOLA XLIX.

83

potest contingere optabilius. Vale. Lovanio, ante diem
14. Kalend. Septembr.

Sequitur Mureti responsoria.

M. ANTONIUS MURETUS S. D.

CORNELIO VALERIO.

XLIX.

Redit ad te Lipsius tuus, & redit magno meo dolore. Ita enim me devinxit sibi præstantia ingenii & doctrinæ, integritate morum, suavitate sermonis ac consuetudinis suæ, ut, eo discendente a memetipso avelli viderer. Felicem te, Corneli, cujus ex disciplina adolescens tam rari exempli prodiit! Equidem antea & magni faciebam te ex scriptis tuis, & amabam pro judicio quod amantissime de emendatis a me Terentii fabulis feceras. Nunc vero, mihi crede, tanta accessio propter Lipsium facta est & ad opinionem de te, & ad amorem erga te meum, nihil ut magis cupiam, quam occasionem mihi aliquam dari declarandi tibi re & factis, quanti apud me sis. Cujus rei si libebit periculum facere, quæso te, si qui huc venient, quos tu ames, præcipueque qui habeant aliquid simile Lipsii, ut eos mihi potissimum commendandos putes. Nam eadem opera & ego mihi videbor abs te beneficium accipere, & conabor efficere, ut ipsi quoque eo nomine aliquid se tibi aliquando debere fateantur. Vale. Romæ. 3. Non. April. MDLXX.

M. ANTONIUS MURETUS

NATHAN CHYTRÆUS S. P. D.

L.

Cum 5. Id. Octob. anno abhinc quarto Romam ex Campania rediissem, postridie ejus diei magna cum admiratione te, Murete clarissime, orantem audiui, coram Pio V. Pont. Max. cum Christianissim. Regis Legatus, usitata solemnitate, magnifice exciperentur. Ea ego ratione, etiamsi jam antea ex monumentis scriptorum tuorum, qualis esses, cognovissem, ita sum tamen admiratione tua

F 2 in-

inflammatus, ut ex omnibus, quos ego antea præstantissimos existimassem, tibi unus in Oratoria palmam deberi certissimo mihi persuaderem. Quin si animo tum obsequili-
cuisset, una cum illo exclamare ventus non fuisset: ὁ δὲ
νεῖται. ὁ λόγος. ὁ μὲν γὰρ. ὁ συνδύχων. μακάριος ὁ λέγων αὐτόν,
μᾶλλον δὲ φρονεῖν αὐτὸν δυνάμενος. Cum autem id, eo qui-
dem in loco, & in clarissimorum virorum corona, me
non deceret, illo ipso die te adii, ut amorem tui sanear-
dentissimum, qui oratione tam excellenti in animo jam
inflammatus esset meo, apud te ipsum detegerem, &
litteris Caselij nostri, quas tunc mecum habebam, amici-
tiæ tuæ quasi fores mihi aperirem. Accepisti tum me, ut
soles, humanissimo amplexu, & litteris nondum lectis,
tum me tibi esse, ex sermone Caselli, quem tecum ad
oppidum Sancassianente paulo ante habuisset, ostendebas.
Id certe longe mihi fuit gratissimum, cœpique, ut ac-
tea doctrinam, & eloquentiam tuam admiratus fueram;
ita hinc etiam virtutem & bonitatem tuam suscipere,
& exosculari. Verum illa congregatio, fato quodam meo
infelici, diuturna esse, firmasque radices agere non potuit.
Senis enim cujusdam interventu, vix dum inchoata col-
locutio nostræ, interrupta est: & ipse etiam, propter co-
mitum festinationem, & hyemem imminentem, celerius
opinionem istinc sumavulsus. Quod itaque tum necessitate
quadam impeditum est, quid vetat, quo minus id ipsum
litteris restituiamus: cujus quidem consilii auctorem habui
eundem illum, qui me primus in animum tuum insinua-
vit. Cum eo enim ego hic in iisdem litteris & studiis,
in quibus tuæ quoque lucubrationes non parum nos adju-
vant, vivo amantissime. Quod si ille, ut primo fuit, ita
nunc quoque felix erit, tuamque mihi hoc modo benevo-
lentiam denuo conciliabit; quis me erit beatior; quis ip-
sique denique in animis hominum conglutinandis fortuna-
rior? Ego certe Mureti notitiam & benevolentiam omni-
bus Cressi thesauris longe anteposui. Vale. V. Rost-
chio Kalend. April. Anno MDCXX.

Non rescripsit Muretus. Causam ipse exponit infra epist. 91.

M. ANTONIUS MURETUS

AGAPETO GIDETO SUO S. P. D.

L I.

Vere es, qui diceris: neque, quam tu, ἀγαπητότερος
 quisquam. Itaque nihil mihi longius videtur, quam
 dum Romam redeam, te ut videam, tecum quotidie ut
 sim; tibi que vel prosum re aliqua, vel certe prodesse coner; ut
 voluntatem erga te meam vel declarem re ipsa, vel tibi
 saltem conatu probem: quorum hoc, si me tantum respi-
 ciam satis est; illud, quia te ex animo amo, multo opta-
 bilius mihi videtur. Et quamquam nihil mihi iucundius
 est, quam abs te quam maxime amari: tamen, ita mihi
 eveniat quæ volo, ut, si mihi detur optio, malim, justam
 tibi causam esse, cur me ames, quam abs te sine ulla ju-
 sta causa amari. Agam causam meam. Debes, & tu ta-
 lem amicum magnificere, qui nihila te aliud experiens,
 eo te tantum amat, quia dignum iudicat, qui ameris. Quod
 M. Antonium Bizonum potissime delegisti, ad quem ita res,
 cui crederes, cui te in disciplinam dares: vehementer te, mi
 Agapete, laudo, & ut eum affecteris, ex ejus ore pendeas,
 ejus doctrinam avidissime combibas, suadeo. Spero me istic
 fore ante Kalendas Septembres: & ut sim, operam dabo;
 eo magis, quia te videre discupio. De Macarano meo, qui
 mihi perpetuo ante oculos obversatur, quæso, Agapete
 mi, si quid habes, quod me exhilararet, scribe. Vivere ipse
 mihi non videor, donec vitam ipsius in tuto esse cognovero.
 Nolito ægre ferre, quod dicam, illum unum plus amo,
 quam te: & ne hoc tibi durum videatur, te a me pro-
 ximum habeo: illum æque amo ac memetipsum. Vale.
 Tibure, 3. Non. Augusti. MDLXXVII.

EIDEM GIDETO.

L I I.

Vix ausus essem a te postulare, ut ad me Latine scri-
 beres, veritus ne id tibi oppido difficile videretur.
 Quo mihi gratiores fuerunt ex litteræ, quas a te Latine
 scri-

scriptas nuper accepi : non illæ quidem omni ex parte emendatæ, multo tamen nitidiores & cultiores, quam credidissem. Itaque bene te sperare jubeo, neque dubitare, quin aliquando, duce me, aliquam sis hujus quoque generis facultatem consecuturus. Adventus huc tuus quam mihi optatus ac jucundus futurus fuerit, nihil necesse est affirmare. Satis enim, ut opinor, nosti magnitudinem amoris erga te mei. Sed ita multos hinc adolescentes, qui Roma venerunt, ægrotare video, ut veritus sim, quid tibi ista hoc tempore cœli commutatio periculi adferret. Ego ante nonum Kal. Septemb. spero fore ut non nihil remittant calores. Tunc igitur, si Deus volet, excurram istuc, cupidus videndi tui : teque statim accersî jubebo. Non habeo nunc ad manum superiores illas tuas, in quibus nescio quid quærebas de dominio directo & utili; cujus tamen totius quæstionis molestia facile liberare ipse te potes. Dominium enim directum & utile, nusquam a Jurisconsultis, nusquam ab Imperatoribus nominantur, sed commenta ac somnia sunt eorum, qui obscurando & ineptiis suis contaminando jure civili, sibi se acuminis, & eruditionis laudem quæsituros putarunt. Quod usufructus, sit pleno jure ejus, qui usufructus cepit. Qui tamen si postea id pro derelicto habeat, æquius est, rem redire ad veterem dominum, si eam forte recuperare studeat, quam adjudicari ei, qui neque usufructus cepit, & sine titulo possidet. Datur igitur vindicatio veteri domino adversus eos, qui pro possessoribus, ut dicitur, possident, æquitate quadam, qua fingit lex, eam rem nunquam usufructu fuisse. Nam cum is, qui usufructus cepit, jure illo sibi quæsito uti velle desierit, prope pro eo est, ac si usufructus capta non esset. Erat & aliud quiddam in iis litteris, de quo quærebas : sed nunc non recordor. Hujus generis litteras, in quibus aliquid est, quod ad studia tua pertineat, & ego libentius scribam, & tu majore cum fructu leges. Heliconio, Antonio, fratribus tuis salutem. De Mattheo vehementer doleo, sed gratum est, quod scribis, spem esse, eum, sine ope prætoris, in integrum restitutum iri. Horatio audio melioscule factum esse : quod quam mihi jucundum sit, ipse scis. Vale. Agapete mi, meque amare ut facis. Tiburi, VII. Id. Aug. MDLXXVII.

CONSTANTINUS BARGELLINUS
Episcopus Réatinus

M. ANTONIO MURETO S.P.D.

LIII.

Afficior lætitia incredibili, quod, ut ex litteris tuis accuratissime scriptis intellexi, a nonnullis Lutetiæ impressoribus urgeris, ut Epistolas tuas mittas, quas prælo subjiciant. Augurior enim ex eo, bonarum litterarum studiosos multum voluptatis, plurimum etiam utilitatis, ad Latinam eloquentiam vel comparandam vel augendam, percipienturos. Equidem etsi fateor, in his politioribus litteris, quæ ab humanitate nomen acceperunt, me nuperrime non esse versatum, gravissimis occupationibus abductum: tamen, ut sententiam meam dicam, necesse est. Nihil epistolis tuis elegantius, nihil eruditius, nihil uberius fieri posse existimo, nihil, quod ad illam Ciceronis majestatem propius accedat. Atque id antea testatum apud animum tuum reliquisssem, nisi me verecundia mea a rei perspicuæ testimonio non necessario revocasset; nunc quando te amicis tua scripta flagitantibus invitum gratificari intellexi, audaciæ notam subire malui, quam in bonum publicum inofficiosus judicari. Illa etiam non levis conjectura ad id me valde impulit: his enim diebus, cum schedas aliquot, quibus olim in arena mea uti consueveram, evolverem, nihil tale opinanti epistola tua in manus venit, quæ me, quod amantissime, & disertissime loqueretur, mirifice delectavit. Itaque cum eam ipsam vesperti inter alia scripta, quæ forent magis in promptu, retulisssem, postridie mane ecce tuæ litteræ, quibus epistolam postulabas; sic admirantem ea cogitatio me excepit, ut illam exstare Deus sine dubio velit. Ejus igitur exemplum mitto, teque hortor, aut si pateris, rogo ac flagito, ut negotium conficias, neve in aliud tempus rejicias. Quod scire cupis, an æquo animo laturus sim, si quæ a me scriptæ sunt litteræ, una cum tuis emittantur, vereor, mi Murete, ne quod ajunt, *καλοῖς ἢ πῶς*. Ego profecto non tam tuas admirari, quam meas improbare soleo: tamen ubi, quove pacto amicos tuo nomine cohonestare possis, tui consilii est, nec est cur

LIBER II.
cur aliorum sententiam exquiras. Quod si tibi statutum
est, ut illæ horridæ meæ litteræ exeant, impones extre-
mam manum. Sunt enim indiligenter scriptæ, quod res
ipsa declarat; nec earum editionem aut probarem, aut
paterer, nisi ut nostra amicitia, in qua non minimum
mihi ornamenti pono, omnibus esset nota, vehementer
desiderarem. Vale, mi Murete, & de bonis litteris opti-
me mereri, quando id vel uni tibi maxime licet, ne de-
sistas, ac Bargellino tuo ad omnia utere.

EIDEM MURETO

LIV.

ITa diu jucundissime vivam, mi Murete, ut allatato nuncio
de tua valetudine, quæ re in vita periculum vocaret,
acerbam mihi vitam putabam, Equidem ita fui commotus,
ut magis fortassis nemo, cujus præcipuum aliquid bonum re-
pente in discrimen esset adductum. Incredibilis est enim
amor in te meus. Nihil eum extrinsecus accedens nihil ad-
ventitium peperit, sed virtus, quæ est ipsa per se amabilis,
cujusque omnia in te elucent ornamenta, & animi inductio
cum perpetuo quodam judicio meo conciliavit. Postea vero
quum te morbo levatum esse cognovi, difficile dictu est,
quantogaudio pene exsiluerim. Ex diuturna enim animi
perturbatione ad aspiciendam lucem nunc primum mihi vi-
deor esse revocatus. Qua quidem de re tibi magna opere gratu-
lor, etsi nostra certe gratulatio omnibus, qui modo sint & vir-
tutis amantes, & humanitatis pietatisque non expertes, iure
debet esse communis. Stenim quis te non amet, tanta probi-
tate, virtute, humanitate, tam denique excellenti erudi-
tione, atque industria virum? cui salus tua æque exoptanda
non sit, ac sua? Eum profecto ferreum & ab omni humani-
tate alienum esse dicam, nihil perspectæ, spectatæque vir-
tuti, nihil illustri gravissimi viri gloriæ dare, haud temere
affirmarim, qui Muretum omni liberali doctrina politissi-
mam humanissime vivere non modo non expetat, sed ab immor-
tali præciis ac votis non contendat. Maximam ex eo
capio voluptatem, gaudeo, triumpho. Jam, ut spero
(id quod Deo omnino maximo acceptum referendum est)
poteris suis suis operam reddere: cum quibus quoque præ-
clare actum putem, cum omnes delicias, amores, omnia
denique

denique ornamenta, te incolumi recuperarint, iis omnibus carituræ, si te (quod Deus omen avertat) patronam, te ducem, infelici ipsarum fato morbi vis eripuisse. Quocirca mihi gratissimum feceris, si illis incolumitatem tuam meo nomine fueris gratulatus, atque in earum clientelam me quam diligentissime commiseris. Hæc hætenus. Mitto tibi nonnullas radículas ex melle confectas conditasque, quales fert hæc regio. Exiguum, inquis, munus. At tibi maxime consentaneum, e cujus lingua, quod Nestori tribuit Homerus, melle dulcior fluit oratio. Habebit etiam meæ erga te ænevolentiæ significationem: de qua etsi te pro tua haminitate non dubitare video, eam tamen & omnibus cognitam esse, & studis, officiisque quamplurimis colere, & confirmare desidero. Quod si per tenuitatem meam assequi non potero, certe hanc voluntatis meæ propensionem liberalissime, uti soles, complectere. Interveni viderudini: hunc quantum studii, diligentiaque adhibueris, tantum te mihi, publicæque utilitati, cui consulere gloriosum est, largitum esse cognovero. Reate, ex ædibus nostris. Non. Febr. MDLXXVI.

Hic Muretus ita respondit.

M. ANTONIUS MURETUS,

CONSTANTIO BARGELLINO

Episcopo Reatino S. P. D.

LV.

Nuquam putassem fore, non modo ut ex tuo, sed ut ex cuiusquam dolore voluptatem capere possem. Et tamen, si vera dicenda sunt, fatear necesse est, jucundissimum mihi fuisse, quod ex litteris istis intellexi vehementer doluisse te, cum primum de invaletudine mea nunciatus allatus est. Dolor enim ille aliunde quam ab exilio quodam amore erga me tuo, proficisci non potuit; & mihi, ex quo te primum vidi, atque ex aliis plurimis audiui, qua tu eruditione ac virtute vir esses, nihil optatius fuit, quam ut abs te amarer. Jam optabilem rerum signa atque argumenta omnia iucunda esse, notum est. Incredibiliter igitur gavitus sum, Bargelline, vir præstantissime, tanti me a te fieri, ut & mirificum

cum dolorem senseris, cum me gravitate ægrotarè audisti; & exhilaratus sis, simul atque Dei beneficio, morbum depulsum esse cognosti. Quamquam ego ipse nondum satis constitui, utrum mihi satius fuerit, ex hujus vitæ miseriis quamprimum eripi, an diutius hic manere. Certe enim, cum omnes summò consensu Medici dictarent, nullam prope amplius reliquam esse spem evadendi: ita me compararam, atque ita animum composueram, ut neque angerer, neque terrerer mortis, ut putabatur, imminens metu; neque quidquam aliud a Deo peterem, quam ut mecum misericorditer ageret, condonaret errata antea vitæ, neque pateretur, me in illa separatione animi a corpore, aut diutius, aut vehementius torqueri, quam vires meæ ferre possent. Hoc ego tum unum agitabam animo; hoc ex animo precabar; hoc cæteros quoque qui mihi assidebant, ut a Deo mihi impetrare conarentur, obsecram. Spero tamen relictum esse me a Deo in hac vita, ut maculas superiori ætate contractas lacrymis deleam tandemque omiſſis & abjectis viciis illecebris, saltem jam senex eam vivendi rationem capeſſam quam tenere a principio debuifsem. Atque a te, vir clarissime, etiam atque etiam peto, ut me ad hoc animi mei propoliturum persequendum, ut exemplo incitas, & ita monitis ac præceptis & suis pro me ad Deum precibus adjuvare digneris. Iucundissimum mihi fuit munus tuum. Nam radicula illæ non tantum palato suaves sunt, sed etiam ad valetudinem meam valde accommodatæ. Mitto ad te, ut te pro opibus remunerer, librum unum Orationum mearum, & Poemata quædam, quæ spero te libenter lecturum esse, non quod valde bona sint, sed quod mea. A te peto, uti me amare pergas, tibi quoque pro certo persuadeas, te a me ita observari, accoli, ut paucos admodum habeas tui, quam ego sum, studiosiores. Vale. Romæ. xiv. Kal. Mart. MDLXXVI.

Sequitur ad hanc responsoria Bargellinæ

CONSTANTIUS BARGELLINUS

Episcopus Reatinus

M. ANTONIO MURETO S. P. D.

LVI.

A Mavi te semper, mi Murete, ex quo primum die cognitus es mihi, cum te nunquam antea vidissem, commotus fama laudum tuarum; postea vero quam te de superiori loco docentem audiui, ita tui studio sum incensus, ut nullam amoris accessionem fieri posse putarem. Acceptus tuis litteris XIV. Kal. Mart. datis, (fatear necesse est), ad summum amorem tantus cumulus accessit, quod fieri jam non posse arbitrabar, ut nunc denique videar amare, antea dilexisse. Nam si omni observantia insignes doctrina, & gravitate viros colere debemus, quanti fieri a meipso debes, qui omni liberali doctrina ita sis excultus, ut habas paucos admodum pares, superiorem vero neminem, cum hæc ipsa sint tibi cum tanta Christiana pietate conjuncta? In qua quidem nemo sapiens veras virtutes omnes inesse negabit, quibus nobis ipsi felicitatem comparamus. Hanc unam laudo, & admirror, & ante omnia expetendam esse censeo; hanc non modo Crassi divitiis, sed omnibus etiam animi ornamentis, quæ humanis viribus pateant, antepono: hæc ipsa te olim mihi charissimum, longe jam chariorem reddidit. Hinc illa tua in periculosissimo morbo fiducia modo concepta. Non angebaris, non terrebaris mortis imminenti metu, sed ad Deum optimum maximum toto animi impetu ferebaris, sperans fore, ut ejus beneficio, post has ærumnas & calamitates, tandem beatiorum vitam consequi posses. Hi sunt nimirum animi fructus, nullius culpæ, quæ Dei Gratiam discutiat, sibi consciis: qui cum a corpore separabitur, licet sit periculis, ac terroribus undique circumfusus, nihil tamen, benefactorum conscientia fretus, timendum arbitretur. Hoc oro non modo ut utrique nostrum, sed cunctis salutaris renatus aqua contingat. Quod autem dubitas, utrum satius tibi fuerit, ex hujus vitæ miseriis quam primum eripi, an diutius hinc manere; id, etsi est hujusmodi, ut non facile explicari possit; tamen est quod Deo immortalis gratias agamus incredibiles, qui tibi

vitam, optabile suapte natura donum, prorogarit; bonarum artium cultoribus consuluerit; teque sine dubio ad maiorem laborum tuorum mercedem reservarit. Præclara enim ista tua a Deo accepta dona si intelliges, te ea conditione accepisse, ut cum ea ad communem utilitatem contuleris, reddere cum sœnore debeas; quis dubitet, uberiora, ac præstantiora præmia tibi parata fore? Quare te horror, ac si æquum est, rogo, ut habeas rationem valerudinis paulo diligentius, teque in dies magis magisque confirmes, sentiasque, in eo verti communem causam: quam quidem, ut arbitror, nemo unquam, qui sciret, non privatis commodis anteposuit. Ego vero etsi me exiguis omnino meritis adjutum esse probe novi, tamen a Deo summo petere contendam, ut te incolumem diu servet in vita, atque ad eorum numerum adscribat, quos antequam orbis conderetur, elegit. In quo quidem si minus gratia potero, gaudebo, me tamen pietati, amicitiaque debitum officium præstitisse. Venio ad Orationum ac Poematum tuorum librum, quem sane legi libentissime. Orationes habitæ de Philosophia me delectarunt, quantum vix credas: omnes vero ea eloquentia, ac doctrina conscriptas esse video, ut, quemadmodum mea fert opinio, quam tamen ab amore falli non credam, summa vigeant eloquentia præstanti; cum eruditione conjuncta. Non verborum elegantiam; aut splendorem, non sententiarum gravitatem desideres. Quid est vel antiquitatis, vel historiae, vel exemplorum, quod non ita proferas, ut nihil ignorare videaris? Sed mirari satis non possum quam venuste quantaque cum dignitate Theologiæ locis eas perspergere consueris; ita fit, ut & summum Oratorem expriment, omnique scientiarum genere perpolitum redoleant. Quas equidem dum lego, etsi *ἀπαροι* sunt, crebro tamen aures meæ præclara illa voce tua, qua prælegens in publicis gymnasii uteris, personare videntur. Poemata mirum in modum me cœperunt. Quid enim vel a diuturno studio, vel a divite vena proficisci potest, quod non fueris consecutus? & quidem tum illa profunt, tum magnopere delectant. Crebræ sunt, & acutæ sententiæ; miros pietatis igniculos excitant; Nilis quoque ita rei consentaneus, ut facile quivis intelligat, te parem, eandemque in utroque genere laudem assecutum. Quamobrem tibi cum plurimum debeo, tum vero quibus

EPISTOLA LVI.

95

verbis gratias agam, non reperio. Sed cave suspiceris, me hoc auribus tuis dare. Nam etsi mirifice amicos colo: plus tamen veritati tribuo. Quod enim ita sentio, idcirco meam de tuis sententiam aperire non dubitavi. Utinam aliquid esset in me ingentii, laudes tuas non deterrerem, sed augerem. Scio, id a modestia tua minime postulari; malui tamen iudicium periclitari meum. Dicendo, quam silentio rem non sine suspitione improbitatis præterire. Da operam ut valeas, atque meipsum unam cum universa familia mea ad omnia tua paratissimum esse confidas. Reate. vi. Id. April. MDLXXVI.

AD M. ANTONIUM MURETUM.

L VII.

O Qui flos hominum pelittorum es,
Quot sunt, quotquot erunt, quot aus fuerunt,
Doctrina decus elegantioris.
Lumen Italia, Murete, salve.
Salve, & has aliquid puta esse nugas,
Quas mittis tibi maximo Poeta,
Longe pessimus omnium Poeta.
Sic Calvus tenero ausus est Catullo,
Saturnalibus optimo diervam,
Done mittere pessimos Poetas,
Quis is continuo die periret.
At tu, ni caveas, Murete, nugis
Istis, tam illepidis & invenustis,
Plenis raris & infcitiarum,
Non dies aliquot velut Catullus,
Sed totum male naseabis annum.

Justus Lipsius.

M. ANTONIUS MURETUS

ALEXANDRO RIPARIO SUO S. P. D.

L VIII.

Dulces litteræ tuæ, ut omnia, quæ a te profisciscuntur: etsi in eis multa peccaveras. Sed ut filioli balutientes libenter audiuntur a patribus, suntque eorum etiam

etiam ipsi errores voluptati: sic mihi ista tua in litteris infantia jucundissima est. Has ipsas ad te remitto mea manu emendatas. Scis enim ita inter nos convenisse. Tu, mi Alexander dulcissime ac suavissime, sequere magno animo eam viam, ad quam & tua te natura fert, & ego tibi hortator atque impulsor fui. Magna de te spes meo testimonio apud parentes tuos concitavi: quæ ne & eos & me fallat, omni tibi cura ac studio providendum est. Vale. Nonis Julii. Tibure. MDLXX.

EIDEM RIPARIO.

LIX.

NE priores litteræ tuæ ad te pervenirent, Caroli incuria factum erat, cuius tu quoque negligentiam nosti. Nunc una cum his meis utraq; tuas accipies: simulque hoc intelliges, (quod tibi gratuleris) posteriores multo meliores esse prioribus: ut, si ad istum modum pergas, magna mihi spes sit, te præclare responsurum expectationi meæ. Vide igitur, si me amas, (quod & facis, & facere certe debes) ut, omnibus aliis rebus neglectis, quantum quidem valetudinis ratio patietur, urgeas studia tua: multa legas, multa ediscas, multa audias, frequenter cum iis versere, quorum familiaritate, ac consuetudine melior, ac doctior heri potes. Fac cogites, gravissimam esse jacturam temporis: præcipue autem ista ætate, qua tu nunc es, hora nulla tibi perire sine magno dispendio potest. Saluta mihi præceptorum tuum, cui meas ad te litteras ostendas licet. Has quidem, quas tu ad me missurus es, nemini prorsus ostendi volo: eas enim mihi gratiores faciunt ipsi errores tui. Vale mi dulcissime Alexander. iv. Id. Julii MDLXX. Tibure. Oblitus eram scribere, heri in mensa injectum esse sermonem de comœdia: qua occasione multa de te quoque dicta sunt. Valde tibi tunc aures tinnivisse oportet. Omnino spero fore, ut huc tibi ad me veniendum sit.

EIDEM RIPARIO.

LX.

Perge, ut facis, mi Alexander, amare litteras, eis te oblectare, in eis omnia & seria & joca tua collocare.

Non

EPISTOLA LXI.

97

Non magnus labor magno tibi olim honori futurus est :
Ista via, quam tu nunc ingrederis, multi humili & ob-
scuro loco orti ad amplissimas dignitates pervenerunt. At-
que etiam si nulla ejusmodi præmia litteris propo-
ita essen- : ipsa tamen doctrina amanda est per se : neque quidquam in
homine ingenuo turpius est ignoratione earum rerum, qua-
rum scientia sine litteris comparari non potest. Voluptas
quæ ex turpibus capitur, celeriter transit; dolorem autem
in animo diuturnum relinquit : at labor in rebus honestis
collocatus, ipse quidem effugit; memoriam autem sui in
animo relinquit plenam honestissimæ & solidissimæ volu-
patis. Hæc cogita, & vale. Postrid. Id. Jul. Tibure.

EIDEM RIPARIO.

LXI.

ET si nihil erat quod scriberem, ac præterea mirum
me quoddam scribendi odium tenebat : nolui tamen
verberonem hunc meum sine meis ad te litteris istuc venire.
Amo te quotidie magis, quod a te litterarum studia eodem
modo amari confido. Sed velim ad me diligenter scribas,
quo te nunc scriptore oblectes, Cicerone, an Terentio,
an, quod malim, utroque? Dare etiam oparum debes, ut
iis, quæ ad me scribes, iis loquendi generibus utare, quæ
in illorum scriptis notaveris; ut ea ipsa res fidem mihi
faciat diligentia in eis legendis tuæ. Vale. Tibure. v.
Kalend. August. MDLXX.

EIDEM RIPARIO.

LXII.

Nemo est omnium, ad quem libentius, quam ad te scri-
bam. Sum enim animo ac voluntate erga te plane
paterna. Sed vix credas, quam sim in hoc secessu occupa-
tus; quem tamen plerisque omnes esse plenum otii putant.
Et quotidie quinas aut senas ab amicis litteras accipio, ad
quas si respondere omnes velim, nil aliud agendum sit.
Gratum est mihi, quod applicuisti te ad consuetudinem P.
Emilii, & Horatii Macarani. Eorum enim uterque te &
doctrina & exemplo efficere meliorem potest. Tales sectare.
Qui autem alio ingenio sunt, eorum consuetudinem qua-
si pe-

Tom. II.

G

si pe-

si pestem aliquam vita. *Ætati tuæ nihil diligentius providendum est, quam quibus sodalitatibus utare. Neque ego severum esse te ac tetricum, omnique genere voluptatum inimicum volo. Hoc tantum moneo, nos eas amicitias querendas, quæ dulcissimæ videantur, sed inducendum animum ut quæ honestissimæ sunt, easdem etiam dulcissimas esse ac suavissimas putēs. Mi Alexander, etiam atque etiam vale. Tiburæ. v. Id. August. MDLXX.*

EIDEM RIPARIO.

LXIII.

Vide quam te amem! cum a multis hodie litteras acceperim, nihil mihi prius faciendum esse duxi, quam ut ad te potissimum rescriberem. Cave putēs, Alexander mi, ipsi te patri tuo chariorem esse quam mihi. Ac si quæras, quæ causa sit huius erga te tanti amoris mei, ne vivam, si aliam adferre possum, quam quod videor mihi animadvertisse in te ingenium excellens, &, si tu volueris, ad omnia summa natum. Sed tu hoc facito tecum cogites, multas res esse tuapte quidem natura bonas, sed quæ culpa eorum, qui illas possident, interdum pessimæ ac perniciosissimæ fiant. Bonæ sunt opes, sed si quis non recte utatur, male. Bonum forma, sed id bonum multis exitio fuit. Ex eodem genere est ingenium. Si recte utaris, nullum prope hominum generi dari potest majus, aut præstabilius donum: sed si ad bonum ingenium mala mens accesserit, idem erit, ut gladius in manu furiosi. Quo erit melior & acutior, eo plus adferet mali. Ego autem te, Alexander, amo nunc, quia ingenio bono es; amare desinam, si tu bono ingenio male uti cœperis. Sed id spero non fore, teque bono ingenio bene uturum esse confido, vel tuapte sponte, vel quia videris mihi valde amare amorem erga te meum: quem tueri ac conservare alia ratione nulla potes. Vale, &, si me amas, virtutem ac litteras ama. Nulla in humanis rebus majora bona sunt. Iterum vale. Tiburæ. viii. Kalend. Sept. MDLXX.

EPISTOLA LXIV.

99

EIDEM RIPARIO,

LXIV.

Accepi tertias tuas litteras: in postremis autem quædam erant ita negligentè scripta, ut facile constaret, aliud egisse te, cum illa scriberes. Ostendam ea tibi, cum istuc vewero, & auriculam pervellam tibi: ut postea in scribendo attentior sis, & saltem eos solacismos effugias, quos effugerent etiam pueruli, qui primis litteris imbuuntur. Noli tamen ex hac mea admonitione molestiam ullam capere. Non enim propterea volo quidquam de tua hilaritate detrahi, sed ad diligentiam addi. Vale. Tibure ix. Kalend. Octobr. MCLXX.

EIDEM RIPARIO,

LXV.

Versiculi, quos ad me misisti, ostendunt illi quidem, te, si ad Poeticam ingenium tuum contulisses, & bonos magistros nactus, in eo studio perstitisses, ad aliquam præstantiam pervenire potuisses. Nam & numerosi sunt, & sententias habent neque inconcinnas, neque ineleganter collocatas: & ipsum dicendi genus non abhorret a recto. Planeque sperare posse, te aliquando bonum Poetam fore, si hoc agere velles. Sed majora tibi proposita sunt, quæ, quantum potes, urgeas, censeo: & subsceivis horis veterum Poetarum scripta manibus teras, non tam ut imiteris, quam ut eis te oblectes; simulque aliquid ex eis assidue, quod tibi usui sit, colligas. In scribendis versibus tempus a te collocari, verum ut faciat, nolim. Malos versus facere, turpe est; mediocres, inglorium; bonos difficilior, quam ut præstari possit ab iis, quibus aliud agendum est. Quid in tuis lima egeat, præsens præsentem monere possem: per litteras non æque facile possum. Recteque ac vere mihi videtur Ovidius dixisse, emendandi laborem majorem esse, quam scribendi. Mihi hoc credas velim: me hodie non difficilior ad saltandum, quam ad faciendos versus adduci posse. Si quid erit serium, in quo meam operam desideres, non deero: in his levioribus, si quando de me cogitabis, peto a te, illud quoque cogites.

LIBER II.
gites, non multo juniorem esse me, quam erat Horatius,
cum illa de se scriberet:

Nunc itaque & versus, & cætera ludicra pono.
Vale. Romæ. Id. Febr. MDLXVIII.

M. ANTONIUS MURETUS

PAULO SACRATO SUO S. P. D.

LXVI.

TAndem ad te remitto epistolas tuas: neque enim per
assiduas occupationes, & per molestissimum oculorum
dolorem, quo dies aliquot laboravi, citius liquit. Ex si
conquerentur, se a me paulo severius acceptas esse; recor-
dari debebis, hoc ipsum a te mihi mandatum esse: ut si mol-
lius ac lenius eas tractare voluissem, verendum mihi fuerit,
ne tibi non satis oblique viderer. Sed de his satis. Nunc
exponam tibi totum illud negotium Polonicum, quando
litteræ, quas ad te, re adhuc recenti, scripseram, perie-
runt. Stephanus Poloniæ Rex, qui & aliis rebus virtuti-
bus ornatissimus est, & hoc supra cæteros omnes Reges,
qui multis ab hinc sæculis vixerunt, eximium habet, quod
& amat unice homines eruditos, & ipse omni elegantis
doctrinæ genere mirifice excultus est, miserat in Italiam
unum e domesticis suis, qui quasi delectum quemdam ha-
beret præstantium doctrina virorum, eosque, optimis ad-
modum propositis conditionibus, in Poloniam invitaret ad
Academiæ novam, quam Rex Cracoviæ instituere para-
bat. In mandatis autem regis, quod ad alios quidem atti-
net, facta erat potestas ei, qui huc venerat, optimum
quemque & in docendo exercitatissimum deligendi: de
tribus nominatim perscriptum erat, de me, de Carolo Sig-
nio, & de Fulvio Ursino. Ac mihi merces proposita quin-
quingenti quotannis aurei nummi. Addebat Rex, si sacris
impitari vellem, (vondum enim sciebat, me Sacerdote em-
se) perfecturum se, quo mihi magis liberet manere in Poi-
nia, ut intra breve tempus honesto aliquo Sacerdotio, ex quo
non minus quingentos annuos aureos nummos caperem, coho-
nesterer. Ea de re unus e primoribus illius regni, Joannes Za-
moscius, qui nunc magnus regni Cancellarius est, litteras (1)
ad

(d) eas habes infra Epist. 79. hujus libri.

ad me permanenter perque honorifice scriptas dedit. *Contem-
motus sum non tam ipsius præmii magnitudine, (et si his
quidem temporibus inusitata) quam tanti regis tam pro-
pensa ac benefica erga homines litterarum studiis deditos
voluntate. Neque me commovebat itineris difficultas: qui
exploratum haberem, cum leſtica, una cum filio fratris
mei, puero sex annos nato, quem mecum illuc ducere co-
gitabam, ad fanum Lauretanum, (eo enim, religionis ac
pietatis causa, iter facere decreveram) gestatus essem; pos-
se me cilio Cracoviam usque commodissime vehi. Et jam
convenerat, ut mihi Regis nomine ad iter consociendum
darentur trecenti aurei nummi; ad quos ego ducentos de
meo præterea addere cogitabam. Jam mihi illud sanctita-
tis & doctrinæ specimen Stanislaus Cardinalis Vermienſis:
gratuitam habitationem in palatio, quod Cracoviæ habet
amplissimum, offerebat. Multæ a summis viris litteræ com-
mendatitiæ in Germaniam & in Poloniam promissæ erant,
ut cum eo venissem, nunquam fere in diversoria publica
ingredi necesse haberem. Neque verebar illam, quæ in
Polonia esse dicitur, inclementiam cœli asperitatemque
frigoris. Sciebam illa omnia re multo minora esse quam fa-
ma: & alioqui sum ipse quoque natus in parte Galliæ maxi-
me mentosa ac frigida. Quod autem quidam, qui deterrens
mecuperent, clamabant, gentes illas feras ac barbaras es-
se; interdum mihi risum, interdum stomachum movebant.
Magna mihi, Sacrate, cum multis Germanis, magna cum
permultis Polonis familiaritas, magnus usus, magna neces-
sitas fuit. Semper eos expertus sum bonos viros, rectos, sim-
plices, apertos, humanissimos præterea, & prope omnes
eo vitæ cultu, ac munditia, quæ ad elegantiam potius
quam ad ullam barbariem accederet. Nugæ istæ sunt homi-
num, eos, qui adulari, & fallere, & aliud loqui, aliud co-
gitare nesciunt, barbaros vocantium. Utinam nos eo mo-
do barbari essemus! Uti vero barbariores sunt: nati in me-
dia Italia, quorum vix centesimum quemque reperias, qui
Latine aut Græce loqui sciat, aut litteras amet? an Ger-
mani, ac Poloni, quorum permulti, & earum linguarum
utramque perfectissime callent, & ita litteras ac liberales di-
sciplinas amant, ut in eis tempus omne consumant? Olim illi
fortassis asperi ac barbari fuerunt: hoc quidem sæculo vereor
ne ad nos barbaries, ad illos cultus & splendor vitæ, &*

eruditio atque humanitas, mutatis sedibus, commigra-
riot. Itaque, ut verum tibi fatear, libentissime eo com-
meassem, si nihil obstitisset. Quicquid enim commodi mei
causa ab eis petebam, id omnes prolixè ac copiose offere-
bant; ut jam constaret, inter nos sine ullo negotio conven-
turum esse. Quid quæris? Fidem ei dederam, venturum
esse, si per summum Pontificem, cui servio, & per Car-
dinalem Estensem, cuius in clientela ac familia sum,
liceret: alioqui enim non possem me, nisi eorum permisso, de
me ipso quidquam tale polliceri. Putabam autem, neu-
trum eorum hoc iniquo animo laturum; cum Cardinalis
quidem gratis me alar, (nullam enim ad rem mea opera
utitur) summus autem Pontifex ingentem copiam habitu-
rus esset eruditissimorum hominum, qui se in locum meum
substitui postularent. Contra tamen accidit, quam putarem.
Etenim, cum rumor de meo discessu tota jam Urbe pervul-
gatus esset, Conservatores populi Romani (is summus Ma-
gisfratus est eorum, qui hodie populi suffragiis defen-
tur) ad Pontificem accedunt, cum præsentibus etiam adde-
sent ii ex Cardinalibus, quibus studiorum cura commissa
est, remque ei exponunt: atque ab eo supplices petunt, ne
me abire patiatur: addunt multa de me, quæ malo te
ex aliis cognoscere. Pontifex benigne cos audit; bono ani-
mo esse jubet; se quod opus foret, imperaturum esse con-
firmat. Paucis post diebus, per Ludovicum Castaneum
Rupipozæum Christianissimi Regis Oratorem, virum &
claritate generis, & virtute, & eruditione præstantem,
jubet mihi denuntiari ne abeam: & curæ fore, ne me, quod
auctoritati suæ parvissem, peniteret. Respondi, nullam
pecuniam mihi esse tanti, ut mihi quidquam placeret,
quod Pontifici displiceret: & honorificum quidem mihi
vilem esse, quod a tanto Rege vocarer: sed multo ho-
norificentius, quod & a Pontifice, & a tali Pontifice, re-
tinerer. Pontifex postea epistolam ad me misit amantissime
scriptam, qua ad stipendium quingentorum nummorum au-
reorum, quod jam pridem capiebam, significabat, sed duce-
tos præterea addidisse. Eodem tempore Marthæus Conta-
rellus Pontificis Datarius, vir & eximia quadam integritate
vitæ, & singulari Romanarum rerum intelligentia insi-
guis, & mei, ut scis, amantissimus, certiore me fecit, sibi
a Pontifice mandatum esse, ut mihi quamprimum attribueret
& al.

EPISTOLA LXVII.

203

& assignaret annuam trecentorum aureorum nummorum pensionem. Itaque Rex tam longinquus effecit testimonio & iudicio de me suo, ut sanctissimi Pontificis liberalitate ad veteres fortunulas meas accesserint annui quingenti aurei nummi. Sed & Cardinalis Estensis, simul atque istinc rediit, amplo me atque honorifico munere donavit; quod eo magis prædicare gestio, quod ipse tacere me iussit. Paren- dum tamen est, ne dum gratus haberi volo, me illi non satis morigerum præbeam. Sed & ego scribendo defessus sum & te suspicor, cum hæc tam verbose scripta legeris, fessum fore. Vale. Romæ Prid. Kal. Maji. MDLXXVIII.

M. ANTONIUS MURETUS

JACOBO CUSACIO J. C. S. P. D.

LXVII.

Biennium jam est, & eo amplius, Cusaci V. C. cum Lælius Ubaldinus, & Octavius Bandinus, summo genere nati adolescentes, in Galliam se studiorum causa, auctore potissimum atque impulsore me contulerunt. Nam cum ex me ipsorum propinqui quæssissent, quid eis potissimum faciendum esse, quaque ratione ipsorum studiis optime consuli posse censerem: auctor eis fui, ut Lati- nam primum irent, ibique se Græcarum litterarum & Philosophiæ magistris recoquendos darent; deinde Jus civile: cujus studio incensierant, neque ulquam hodie nisi in Gallia, neque in Gallia: nisi a Cusacio, recte ac vere disci posse sperarent. Ita igitur facerem: & quod meo consilio patuerint, sibi magis magisque in dies gratulantur. Ego autem, Cusaci ambiciosum fateor esse, & quod Thucydides ait unum hoc τῶνδε senii expertus esse, vere ab eo dictum, de- mum experior. Quare cuperem, eos, qui mihi jam multum se debere agnoscunt, quod indicaverim sibi iter ad fontem, debere etiam mihi, quod a te, mea causa, libenter vide- rentur, exciperenturque ea humanitate, ac comitate, qua tu excipere omnes ingenuo ac liberali præditos inge- nio soles. Sed vereor, ne mea iam sera commendatio sit: neve ipsi, qua sunt & morum & ingenii elegantia, ita se jam hominem ὑπὸ τῶν τοιούτων δόλοτον, cæperint,

ut novæ commendationi nullus supersit locus. Peto tamen a te, quantum me amas, (& puto me a te non vulgariter amari) ut si ve aliquid est, quod addi ad tuam erga eos benevolentiam possit, id mea causa adjicias; si ve ita jam eos amas, ut nulla fieri possit accessio; reperias ipse tamen, atque excogites aliquid, commendatione mea adductus, eorum causa facisse videaris. Ego te, Cujaci, eximie amo: & quantum in me est, excito horum hominum ingenia ad evolvendos libros tuos, & ad cognoscendam doctrinæ tuæ præstantiam. Te quoque æquum est aliquid mea causa facere. Majus autem facere nihil potes quam si his duobus adolescentibus ostendas, meam commendationem aliquid apud te valere. Vale. Romæ, vii. Kalend. Feb. MDLXXIX.

JOANNES CASELIUS

M. ANTONIO MURETO S. D.

LXVIII.

EGovero quam sum importunus! Toties te interpello, si ve hoc facit tuus in me animus, si ve mea de te persuasio; si ve hominum tui sitis: Mihi enim quævis harum causa sufficit ad excusationem. Ut autem præteream, quæ in nobis mutua esse lubens mihi persuadeo, nemo est vel modicum tinctus litteris, quin & te magnificat, & si istuc proficiatur, audire vocem tuam, vultum contemplari, & humanitatem experiri velit. Vides quid dicturus sim. Hi amici mei Joannes Lubecius & Gallus Beccius Germani, fama tui non nis permoti, & ipsi te salutare jam pridem in animum induxerant. Quod cum mihi mirifice placere intellexerent, ut qui te jam penitus perspexissem: nisi sunt a me epistolam hanc cupere, quam ipsis dedi brevem & inculcam, ut vides. Hæc tamen munus suum objerit, si ipsis fore in sermones tuos patefecerit, quod haud dubie si ve illa etiam, antequam huc legendo processeris, si ve tua humanitas faciet. Si tamen hoc requiris præterea, cognosces viros & virtute præditos; & litteris probe exultos, & cum omnium eruditorum, tum qui observantissimos. Quæ cum in iis deprehendes, erunt tibi, me quoque tacente, commendatissimi: cui commendationi si fiet quædam quoniam ex hisce

EPISTOLA LXIX. 705

hisce litteris accessio, multo magis & ipsos & me tibi obligabis. Vale, Murete clarissime. Florentia. Kal. Martiis, Anno MDLXVII.

ANDREAS DUDITIUS

M. ANTONIO MURETO V.C.S.P.D.

LXIX.

Pudet me ad te, virum eloquentissimum, scribere. Neque tamen impetrare a me ipso possum, ut nullas potius, quam ejus generis, cujusmodi soleo exarare, litteras ad te scribam. In quo tu, humanissime Murete, non quam in scribendo sum infans, sed quam studiosus, quam tui cupidus, spectare debes. Magnum mehercule benevolentiae cum verecundia fuit certamen: sed vicit tandem benevolentia erga te mea, & ad scribendum me impulit. Neque vero nullos stimulos addidit ingensilla, perspecta mihi & cognita superiore anno humanitas tua, cum ego te officii causa adirem: qua tu me hominem tibi ignotum ita obstrinxisti, ut quibus plus, quam tibi debere me sentiam, quam paucissimos habeam. Admirabar equidem antea doctrinam, atque incredibilem quamdam in dicendo suavitatem tuam, ac summam in familiaritate, atque amicitia tua gloriam statuebam. Nunc vero, non id modo, sed ex quo die te cognovi, ita te amare coepi, ut illis, quibus tua consuetudine frui datum est, demum invideam, illos solos felices esse ducam. Atque utinam hac eadem & mihi felicitate frui liceret! Sed non licet. At quod licet facio, meumque incredibile hoc tui fruendi desiderium levo frequentissimis & honorificentissimis de te, deque excellenti tua doctrina, sermonibus. Ex quo enim ego te die coepi diligere, omne studium, omnem orationem meam, qualiscumque ea sit, ad laudem, & tui nominis gloriam contuli. Quod sane non eo dico, quod meis sermonibus, & praedicatione quidquam ad tuam famam purem accessisse, (neque enim tam sum a ratione alienus, ut facibus Solem illuminari posse credam) sed ut, quanti te faciam, quam observem, quanta benevolentia complectar, intelligas. Quod tibi persuasum esse ita cupio, ut nihil optem magis.

Au

Audio te habere paratos quosdam Annotationum libros, quos in manus hominum emittas: quos equidem quales expecto, futuros auguror, hoc est, omni doctrina eleganti repletos. Quid enim aliud a tali, tantoque viro expectari queat? Peto abste, ut cuius generis id totum sit, ad me perscribas, & quæ tua est humanitas, si quid iam est a typographo descriptum, ad me mictas. Nam plane non fero desiderium legendi ejus libri. Superioribus annis, cum Lutetie Parisiorum, magna tua cum laude, & omnium admiratione Philosophiam ita doceres, ut non minus sententiarum gravitatem quam verborum elegantiam dicendique artificium homines admirarentur, audio, te quiddam in quintum Aristotelis *ἔκκλον Νικομαχείου* librum scripsisse, quem ego librum jam ab aliquot annis legere discupio. Pergratum igitur feceris, si etiam hunc mihi litteris tuis adjunctum miseris. Vale, mi optime, atque eruditissime Murete, & meæ libertati ignosce, ac hominem tui studiosissimum, cupidissimumque mutuo ama. Patavio . 6. Id. Maji. MDLII.

PETRUS MORINUS

M. ANTONIO MURETO S. P. D.

LXX.

Cum Theologum Græcum prædicatione incitatus tuus admirari cœpissem, isque huc venisset, cum ego discipulo meo forte operam darem: permoleste tuli, ea me conveniendi hominis doctissimi atque humanissimi potestatem per imprudentiam amisisse. Et quo dolorem meum desideriumque tanti viri lenirem, & aliquid earum litterarum elicerem, quibus imprimis delector, scripsi ad eum, mandavique ei, cui litteris dederam, ut studiose percontaretur, ubinam esses, ut valeres, quid ageres. Is te tibi esse renunciavit, se veritum esse tecum loqui, & propter redoundantem festinationem expectare non potuisse, dum esset commodum. A tesummo studio peto, mi Murete, ut de rebus, de litteris, de consiliis tuis ad me scribas; Amicumne convenieris, & quid ei gratum feceris de Plutarcho, de Victorino? hic si etiam in manibus, an jam divulgatus? consiliumne sit sacros & ecclesiasticos reliquos Scriptores studio & opera simili adjuvare, atque Victorinum? Jam enim leviores

gioreſ litteræ, παιδιαὶ τibi ſunt; σπουδὴ καὶ διαγωγή; ſan-
ctiores. Tu illa αὐτοχρηδίαſαι. Ad hæc vero, matura jam
ætate, animum ſtudioque tuum contuliſti. In quibus te
jam arbitror, ut ait Theognis, τὸ μὲν μῶσται, τὰ δὲ θε-
μύναι, ἀλλὰ δὲ ποιῆς. Velim item, teque id etiam atque
etiam oro, ſi quando erit otium, ſi quid homini amiciffimo
& obſervantiſſimo tui cogitationum tuarum impartiendum
putas, perſcribas ad me, quid de his miſerrimis tempori-
bus ſentias, quibus ἐκ τῶν νεωτεριſμῶν, ἐκ τῆς κιντὴν τῆ
ἀλγύτης, καὶ καὶ μὴ νύνη καὶ χθὲς ζῶντα, in hanc pernicio-
ſiſſimam ſαπιſτίαν & ἀναρχίαν incidimus. Græcum Theo-
logum meis verbis plurimum jube ſalvere. Vale. Canti-
li. A. D. iv. Kal. Septembr.

IDEM M. ANTONIO MURETO
Viro Optimo ac Doctiſſimo, & homini
amiciffimo, S. P. D.

LXXI.

Proximæ congreſſionis noſtræ grata jucundaque recorda-
tio facit, ut ſermonis vel non neceſſarii occaſionem
& facultatem etiam abſens quæram. Atque hoc vel ſingularis
humanitas tua, vel noſtra conjunctio, mutuaque benevo-
lentiâ patitur, vel requirit potius, ut nullo ſcribendi argu-
mento, inter nos tamen per litteras nonnunquam colloqua-
mur. Tu quidem, quæ mihi epistolæ materia prope una
fuerat, ut res meas curæ tuæ bonitatisque committerem, &
commendarem, eam mihi ſingularibus tuis in me ſtudiis, &
eximia liberalitate præripuiſti. Nam cum antea ſemper
rationibus meis per te conſultum eſſe voluiſti, tum nuper
in hac provincia, quam te potiſſimum auctore ſuſcepi, ſic
dediſti operam, ut ea mihi quam honeſtiſſima & quam fru-
ctuoſiſſima eſſet: ut ſi de fratre laborares tuo, (etſi me qui-
dem fratris loco ſemper habuiſti) nec diligentius a te, nec
amantius agi potuerit. Quo in munere cum non ſolum
rem meam, officium, famam agi viderem, ſed etiam exi-
ſtimationem & gratiam tuam; effeci, quantum potui, ut
id in me judicii, re haud temere contuliſſe homines exiſti-
mare poſſent. Atque in eo negotio, quod tuo hortatu ſu-
ſceperam, eo majorem curam & diligentiam mihi adhiben-
dam eſſe conſtitui, quod in eo gerendo me, intelligerem
aucto-

authoritati & voluntati tuæ inservire. In quo, ut coram tibi significavi, gratiam ab hominibus inveniendam mihi duci esse, τῷ, κατὰ τόντιον Οδυσεΐα, χεῖρα ἔχων ἐργάτι, γλώσσα γὰρ ἐν ἑνὶ ἔργῳ in opere, reliquis temporibus celsationi suæ veniam speravit datum iri, καὶ ἀγνωμόνων ἀνδρῶπων τὰ ἔξωθεν: quod ut jam ne me fefellerit, confido quidem certe. Hoc vero docendi officium cum consilii & moniti tui memor studerem adducere, processit quidem; sed tamen hominibus valde repugnantibus. Itaque ἀποτῆναι μενέτω. Tu, ut spero, conficies, πᾶν δὲ τέλος ἐκ τῶν ἔργων. Ego te illud tuum honestissimum otium ad Ecclesiæ historiam litteris tuis illustrandam conferre, jamque tibi, quod de Basilio Magno Gregorius scripsit Theologus, λόγος τὸ πᾶρρον εἶναι, mirabiliter lætor; Vident scripta tua in æterna hominum memoria, & valebunt ad faciendam & stabiliendam veterem perpetuamque Ecclesiæ disciplinam, & eos homines errore pravisque opinionibus liberandos, οἱ τινες, ὡς ὁ ἡμέτερος ἐφη ἀπόστολος, τοῖς θεοῖς ἐκείνοις ἐπὶ τὰ θεῖα φράνται, διὰ τῆς σοφίας τοῦ Θεοῦ, τὸ θεῖον ἐκβάλλων περὶ τὸν σέβας. Peto a te, ut Nicæo, quas ad eum scribo litteras, reddendas cures, ejusque voluntatem tibi quam maxime ad me tuendum & augendum adjungas. Si quid tu ad me litterarum, ut & opto & spero, quod ad Julianum Granuccium Medicum miseris, is ad me perferendum curaturum te est pollicitus. Vale. Poli. Postridie Non. Sept. MDLXVII.

I D E M M O R I N U S

E I D E M M U R E T O.

LXXII.

CUM exspectarem, dum aliquod serium argumentum haberem ad describendi, litteræ a Nicæo venerunt comitatz tuis. Ibi ego, agnita manu mihi charissima, teneri non potui, quin vel nulla materia, aliquid tamen exararem, & apud te, qui hujusmodi negotium perbelle devorare soles, περιαντολογίᾳ ineptirem. Ex hoc mi Muræte, tam diuturno litterarum mearum silentio intelligere potuisti, quam otio & præter consuetudinem nihil agendo languescerem. In qua tamen desidia narro tibi quid mihi opta-

tissi.

tissimum & jucundissimum nec opinanti contigerit. *Ædes* hic *scra* est *D. Virgini* dicata, ejus *ædis* cultos & præses, senex optimus ac religiosissimus, cœtum habet virorum summa nobilitate, & humanitate præditorum domi suæ, quæ divinæ juncta est. Quo ex numero cum apud Archiepiscopum esset vir singulari virtute, doctrina, probitate, in eumque ego casu incidissem, Quid tu, inquit in hac solitudine consulescis? & simul me humanissime invitavit ut secum apud eum, quem dixi, æditimum, si quando liberet, esse vellem. Ego ejus studium & liberalitatem secutus, pauculis post diebus cum me eo, quo vocarat contulissem, hominem offendi cum illo sanctissimo sene *Gregorii Theologi* scripta studiose legentem. Adjunxi me vel auditorem, vel interpretandi arbitrum perlibenter, dedi me utrique; alterum etiam assidue in *Repubblica* versantem, & studium rhetoricorum *Aristotelis*, ac *Demosthenis* orationum, ut potui, adjuvi. Hi etiam viri humanissimi & probissimi aliquid esse credunt. *Gregorium* nulla meditatione interpretari, (cujus ego librum tum lætando decriveram) & *Demosthenem* explicari ab homine *Manutii*, *Mureti*, talium virorum discipulo mirantur: ut mihi (facendum est enim, præsertim apud te) paulo jam beator esse videar, & hæc nostra studia non adeo contemnenda ducam. Nunc nobis *Magnus* ille frater *Gregorii* est in manibus, ut ab amobus, eruditione, sanctimonia, gloria germanis, communia & intelligendi & bene vivendi præcepta ducantur. Tantum est, cujus te participem fieri, & mea causa lætari cupiebam. Ab Archiepiscopo quidem ita liberaliter & a principio sum acceptus, & quotidie tractor, ut quid Illustrissimo Cardinali *Sirleto* debeam, quid etiam vobis, qui me ei commendastis, non solum scribendo, sed ne cogitando quidem assequi possim. Utor imprimis familiaritate *Vicarii*: qui Jurisdictionem exercens sibi demandatam, & adjudicandis controversiis operam navans, mihi sæpiissime, negotiorum molestia pressus, gratulatur, qui rationem cum multis humanioribus & sanctioribus litteris habeam; dum ipse, litibus & turbis implicatus, horridas interpretum *Juris* chartas non sine stomacho pervolutat. A quibus etiam, si quando rogem utendas, me deterret, nec a veterum Jurisconsultorum, quos sæpiuscule in manus sumo, usu discedere patitur: nec quicquam proficio, quod dicam

cam consecuturum me, cum illa degustaro, ut ipsi & Archiepiscopo in consilio esse possim: otium hoc tuear, & non infortunat meas, qui politionum & elegantiorum litterarum studio incultis sordidisque caruerim. Hoc idem ambo hi mei συμφορολογοι diducant. Qui quidem se suaque omnia liberaliter mihi detulerunt, &, nisi meas copias viderent, uti cogerent suis; habent συμμελετητήν rebus necessariis instructam, non sumptuosam, non gravem amicis; & tamen aliquid a se sumere voluerunt, qui hanc mediocritatem interea tueor. De epistolis, mi Murete, maximam habeo gratiam: iis utar, si opus erit, id est, si Mediolanum proficiscar. Nondum enim quicquam certi consilii cepi, ac minimum unum me hinc mensem etiam commoraturum puto. Vale. Genuæ. post. Id. Jan. MDLXIX.

HUB. GIPHANIUS

M. ANTONIO MURETO S. D.

LXXII

ET si de tua liberalitate atque facilitate multa sæpe in Gallia Auratum, Fruterium, & Canterum prædicantes audiui; atque adeo ipse viderem, doctrinam tam egregiam singulari humanitate junctam esse debere: nunquam tamen (qui meus est pudor) imperare mihi potui, ut, nulla accepta occasione, mea sponte ad te mihi viam aditumque munirem. Nunc eam nactus percommodam, nihil prius habui, quam ut studium in te meum, & quo ab ineunte ætate te ob scripta & magnas a Deo in te collatas ingenii dotes, licet ignotus, colui, amorem litteris ad te datis testarer. Nam Berzevicæus (e) juvenis Hungarus, amicus meus, Roma nuper huc reversus, cum tuos de me minime licet idoneo, humanissimos sermones commemorasset: facile impulit, ut has ad te litteras darem. Ego, mi doctissime Murete, non is sum, de quo tam præclare sentire & existimare debeas. Dedi quidem semper operam, ut cum Jurisprudentia nostra encyclicia & humanitatis studia jungerem: sed sentio & agnosco, eam esse ingenii imbecillitatem, ut in utroque, (quando ad Juris

(e) Hujus ad Muretum Epistola supra legitur nu. 45.
mi tamen Bellivicejus scribitur.

scientiam Philosophiam necessariam esse non ignoras) satis mihi respondere votoque meo non possim. Et sunt tamen subcivica quædam, quæ suavissimæ illi humanitati non possum, quin assignem. Hinc ea in Lucretium perpusilla, hinc & in Gellium quædam jam diu paramus: quamquam post tam male acceptum Parisiisa Lambino Lucretium nostrum, aut me potius, haud scio an quicquam in eo genere navare debeam. Mirifice tamen Gellium expolitum cuperem. Sperabam posse me hic, quod in Gallia non potui, integrum aliquod idque perverustum eius exemplum nancisci. Sed nihil dum reperire potui. Utinam tu hac in re nos juvare velis: nam quin possis, non dubito, in tanta librorum veterum, quos Romæ esse audio, copia. Ad solos 7. priores libros vetustum hoc est in quo & diphthongi sint pleræque integræ, & Græca, exemplum requiro. Nam reliquos ad vetustissimum collatos & emendatos habeo. Ecce autem meam libertatem, ne dicam impudentiam, qui in primo familiaritatis, ut ita dicam, vestibulo & aditu onus etiam imponere tibi non sum veritus. Sed hoc tuæ humanitati partim ut tribuas, deinde & studiis communibus ut des, rogo. Neque vero ignoras, teneras etiam familiaritates, officiis utrinque maxime ali & augeri. Quod reliquum est, te oro ut eorum loco numeroque me esse velis ac patiaris, qui te & colere, & observare ob singularem tuam eruditionem consueverunt. Quibus ego etsi rebus aliis facile concedo: fide tamen, diligentia, summoque in te studio: ne minimum quidem cedere sum paratus. Vale & salve. Si quid rescribes, facile poteris, ad ædes Legati Regii (f). Solutat te Alphonfus Delbenius Venetiis.

Respondet Muretus lib. II. Epist. 5. Litteræ tuæ supra.

HU-

(f) Pauli Foxii, Legati Regis Gallia; apud hunc enim degebat Giphanius: Vide supra. Ep. 45. extremam, & infra lib. II. Ep. 5. prope finem.

HUBERTUS GIPHANIUS

EIDEM MURETO.

LXXIV.

Respondet Mureto ad memoratam modo
Epistolam: *Litteræ tuæ supra.*

NE me putes, clarissime Murete, vel oblivione tui, vel graviore culpa tardius ad te rescribere; quem cum alias & antehac semper, tum post litteras illas ad me tuas omnis liberalitatis plenissimas, amare & in oculis ferre soleo. Longinqua, mihi crede, peregrinatio culpam omnem sustinet. Domum igitur, hoc est, Venetias, tandem aliquando revertor, nihil prius mihi faciendum putavi, quam ut humanissimis tuis litteris responderem. Quibus ut *ὀμνικῶς* respondeam, scito, Illustrissimo Legato nostro (g) gratissimam accidisse voluntatem illam tuam, quam nus aliquod illi ostendis. Quod si ille gravioribus rebus districus, exigere non curaverit: ego tamen urgere & flagitare pergam. Ne tamen nostri sensus ignores, si forte hoc tibi utile ad eam rem futurum putas, multus est in Aristotele, eoque imprimis delectatur; maxime Physologo: quod equidem sæpe miror. Cæteroqui omnia tua illi pergrata esse & fore, tibi confirmo. De studio in acquirendo Gellii exemplari gratias tibi agam, cum erit commodum: nunc quam possum habeo maximas. Intellexi postea ab iis, qui Romæ superioribus mensibus Fulvium Ursinum, de quo litteris meministi salutarunt, habere illum Gellium satis antiquum, etsi non integrum: vidisse namque se illum apud Fulvium mihi confirmarunt. Quare etiam atque etiam a te peto & quaeso, mi Murete, ut mihi librum illum ab Fulvio, homine, ut audio, perfacili tibi que amicissimo, ad paucos dies nobis impetres: eumque commodè compositum & involutum vel tabellario Veneto, aut amico notoque, si qui certus occurrer, des huc perferendum. Dabo operam, ut paucis post diebus ad te istuc referatur. Nam de fide mea ne dubites, tuam tibi prudentiam & constantiam testor, qui & apud quem virum agam, memineris.

(g) Paulo Foxio, de quo modo dictum.

EPISTOLA LXXIV.

113

neris, & ipse me in amicitiam jam susceperis. De fructu
& utilitatibus, quæ ex hoc scriptore mea opera expectan-
da sint, etsi pudor multa polliceri me vetat: quædam ta-
men hic apponam, ex quibus tui conjector hac in re sol-
lestissimus, conjecturam de reliquo capere possis.

† Libr. X. cap. XV. initio: *item casus multiplices*, le-
gendum ex vetere libro puto, *item casus multiplices*. Quid
casus; apud Nonium & Festum. Minuebatur, in fine.
Eod. cap. legendum *cum struo arque ferro*, & mox, *ar-
borem felicem*, & quod in *rica* ex vetere libro: etsi in ve-
tere erat, in *rita*, De *rica* Festus, & de *ferro*. † Cap. 2
XXI. *Ælius illo*. Legendum ex veteri codice, *L. Ælius*
Stilo: & mox: *Quod extremum*, inquit, dicebatur, dici
novissimum caprum vulgo. † cap. XXV. *rumices*, *trifaces*. 3
De utroque teli genere Festus. †. Cap. XXIV. *Sicut pri-* 4
stini & pristini: legendum, *prasilcini & prepsicini* (h) Et
mox: *Sacerdotes populi Romani cum condicunt*. † Libr. 5
XII. Cap. I. *Non partitionem solam*, *tanquam ille*. † Ac- 6
cipe quoque versus pulcherrimos Ennii lib. XII. cap.
IV. ita emendatos ex libro vetere.

*Hæc locutus vocat qui cum bene sepe libenter
Mensam sermonesque suos, rerumque suarum
Comiter impertit, magnam cum lassus dici
Partem fuisset, de summis rebus gerundis
Consilio, cædo foro lato, sanctoque senatu,
Cui res audacter magnas parvasque jocumque
Eloqueret, & cuncta malus quæ & bona dicta
Evomeret, si qui vellet tutoque locaret.
Quo cum multa voluptia gaudia clamque palamque
Ingenium, cui nulla malum sententia suadet,
Ut faceret facinus levis, haud malus, doctus, fidelis,
Suavis homo, facundus, suo contentus, beatus,
Scitus, secunda loquens in tempore, commodus, verbum
Paucum, multa tenens antiqua sepulta verustas
Quæ faceret & mores veteresque novosque tenentem
Mulptorum veterum leges, diuimque hominumque
Prudentem, qui dicta loquendo facereve posset.*

Tom. II.

H

Et

(h) Haud obscure probat hanc emandationem Mure-
tus lib. IX. Var. Lect. c. 3. sub fin. Unde simul
intelliges, Tibure ipsum fuisse, cum has a Ci-
phanio litteras acciperet.

7 Et mox, *L. Ælium Sclonem*. † Et lib. XVI, cap. IX. versus Lucilii ita legendi ex veteri codice:

Illud opus durum, ut Setinum accessimus finem,

Αἰπῶνι montes, Ætna omnes asperi Athones,

Ejusdemmodi complura adferre possem, adeoque vellem, nisi illa jam nimia esse vererer. Videbis igitur, humanissime Murete, an expoliendum mihi scriptorem illum putes; hoc est, adjuvandum me in Fulvii libro impetrando. In Cæsare similem operam posui, quod ipsum pronuper in epistola ad lectorem Lucretio præfixa sumus testati: verum ab Lambino postea ita verberati; & quia a jure paulum temporis locique nobis, ut ita dicam, subciditur, omniaque quam accuratissime sine librorum veterum copia expoliri nequeunt, tardius fortasse quam debueram, certe, quam putaram. Cæsarem tamen brevi, Deo volente, daturus sum, adjecta explanatione modica, (gratum, ut spero, opus Celtis nostris, seu Transalpinis futurum) tua illa epistola (eo namque redeundum est) mirifice recreatus, atque adeo municus adversus furores illos Dionysiacos (i) quem jam audio libellum illum, qui vulgo Æmilii Probus, a me certissimis rationibus in Lucretium plurimis in locis Cornelius Nepos dicitur, de illustribus Imperatoribus Grecis, explanationibus longissimis, ut solet, oneratum in lucem edidisse. In quo libello, si, quemadmodum in Cicerone, omnia illa, quæ in collectaneis Lucretianis emendata proposui, sumpsit, sibi que arrogavit: veniam mihi viros eruditos daturus spero, si, manu injecta, illa, quæ mea legitimis documentis ostendero, asseram & vindicem, *in cussu plagiario pudore*, quando aliud non licet. Vale, doctissime & humanissime Murete. Venetiis. Idib. August. MDLXIX.

Huic & sequenti simul respondet Muretus, ut postea dicitur.

HUBERTUS GIPHANIUS

EIDEM MURETO.

LXXV.

Quia Tibure Romam te jam reversum puto, auctore etiam Tesserano nostro, qui tuam in me singularem voluntatem prædicavit, tertium ad te scribo de Gellio: teque

(i) alludit ad nomen Dionysii Lambini,

teque etiam atque etiam oro, ut a doctissimo Fulvio librum illum auferas, quem vel ad paucos dies huc mittas, vel quod commodius fortasse erit, cum editione aliqua comparandum des, non totum, sed id dumtaxat, quod in coexemplo reperietur ad VII. primos libros ejus scriptor's. Cave enim putes, mi Murete, ullum scriptorem mendosorem reperiri posse. Ex posterioribus libris cum passim adterre loca innumerabilia, tum proxime quædam indicavi. Quo argumento commotus, non dubito, quin priores simili malo laborent; præsertim qui jam periculum & in his fecerim, adjutus nonnihil a libris quibusdam, sed minime vetustis. † Verbi gratia libro primo cap. VIII. *expavidusque Demosthenes avertit iter*: in veteri codice reperi, *avertitur*; hinc legendum fortasse *avertit*, inducto *iter*, ut Plato in Phæd. *ἢ ἀπαδ' ἀχρῆστας; μεταστροφόμενος ἀπ' ἧς* † Et cap. XX. *quales sunt ferme mete triangula quas*, sic scilicet legendum. † Cap. XXVI. *Convertit ad me*, sic verus liber. 3 † Et libro secundo capite VI. *Sic in actionibus civilibus auctor laudari dicitur*. † Et capite septimo; aut 5 pro reo Catilina aliquo, aut Tibullo; aut P. Clodio. De Tubulo, sæpe hic. Habeo emendationes aliquot in Epist. Cicer. famil. quas Manutius (eum explanationes scribere, ex filio ejus, qui jam pridem hinc Afulæ abest, cognovi) si me mittere ad se volet, mittam quam primum, sed tua fide & auctoritate. Nam Manutium, etsi virum doctissimum esse scio, & filio Al. do sum usus perquam familiariter, temere tamen meis non nimis acutis emendatiunculis interpellare ipse non ausim. Vale, mi humanissime & doctissime Domine. Venetiis VI. Kalend. Dec. MDLXIX.

Huic, simul & præcedenti Epistolæ responderet Muretus infra lib. II. Epist. 6. Pudet me.

HUB. GIPHANIUS

MURETO S. P.

LXXVI.

Respondet Mureto ad modo dictam
Epistolam: Pudet me.

Magnam tibi gratiam habeo, Murete humanissime, qui laborem eum ipse ceperis, quo nemo id melius præstare possit, teque rogo, ut, quod facis, aliqua item descripta usque ad libr. IX. quæ quidem reperies, mittere velis. † Valde gaudebam de Tubulo, libro secundo capite septimo (κ) ibi, *Catilina aliquo aut Tubulo*. Nam ex clarissimi Pinelli libro, minime tamen vetusto, in quo ita erat, *aliquo aut cubant*, jam pridem, *Tubulo*, conjeceram, quod an ad te præscripserim, dubito. Sambucus certe, ad quem ea de re scripseram, nuper ita rescripsit: *De Tubulo conjectura non displicet: cum facilis sit lapsus de Tu in Bi*. Nam de Tubulo qui palam obrem judicandam, pecuniam accepisset, condemnato, viro improbissimo, Cicer. 2. de finibus, 3. de natura Deorum, & pro Scauro meminit. In fragmentis orationis pro Scauro hæc Ciceronis verba: *Si me hercule, iudices, pro l. Tubulo dicerem, quem unum ex omni memoria sceleratissimum & audacissimum fuisse accepimus*, & cætera. Ea inquam verba huic loco imprimis conveniunt. † Existimo in veteri codice vestro, caput 1. libri I. desiderari. Scio namque varietatem aliquam reperiri in aliis, atque adeo in primis versibus. † In cap. XIII. lib. I. scripsit *ad magistrum ἀρχιτέκτων* molis Atheniensium. In veteri codice quodam vidi, *ad Magistratum Græcum more Atheniensium*. Ex quibus verbis mendum odoratus, legendum putabam, *ad ἀρχιτέκτων Atheniensium*. Hoc igitur confideres velim. † Deinde an eodem libro cap. XXIV. pro, *Orchio traditus thesauro*, non sit scriptum, *Orcivo*; † & libro II. capite X. *Favissa*, duobus SS, an uno S, exaratum sit. † De nomine scri-

(κ) locus Gellii designatur. Ad quem autorem & sequentia hujus Epistolæ referenda.

EPISTOLA LXXVI. 117

scriptoris et si ipse dubito, (nam ea quoque in se Lucretio infinite illum voco scriptorem Noctium Atticarum) tamen argumenta in utramque partem quæ habeo proximis tibi perscribam. Nam Lambinus, qui paulo momento huc illuc impellitur, & in Ciceronem plerumque Agellium vocat, cur nunc (l) ita clamat contra se quoque, tu fortasse ignoras? ego nunc etiam tibi indicabo. Et quia vidisse te sentio (m), ponderosas illas explanationes in Cornelium Nepotem, seu Æmilium Probum, deprehendimus nos, eum nostras emendationes in eum scriptorem, quæ de veteri codice, quem habemus, desumptas, in Lucretiana collectanea conieceram, sibi sumpsisse omnes. Quæ de re memini ad te scribere timide. Sed ipse faciam ut comperias ita rem se habere, si libebit conferre hæc loca ex collectaneis nostris, & commentario Lambini, quæ hic notavi. Sunt hic eruditi viri, qui, re cognita, fabulam egisse dicerent Lambinum: qui ut aliis persuadeat, se non legisse nostra, Putzneum (n) ὁσπερ δὲ τινὰ ἀπὸ μηχανῆς adhibet, cum nodus vindice dignus occurrit. Excusatum me habebis, quæ tua est humanitas, mi Murete, qui in rerum nostrarum vindicatione diligentior fortasse tibi videar: in quibus usurpandis vir ille propriis lapsis, machinas etiam adhibuerit. Laudat te, quem ita tamen accepit. Scit scilicet, quem

H. 3. 1. 1. lau-

(l) Innuit locum Lambini e præf. Lect. Comm. in Corn. Nepotem; ubi hæc verba: Aulus Gellius (Aulus Gellius inquam, non Agellius, ut quidam nuper exortati homines, novitiatis, quam veritatis, cupidiores, novo & Romanis inaudito nomine appellare cœperunt.)

(m) Unde hoc sentit Giphanius? Ex his Mureti verbis II. Epist. 6. (cui hic respondet.) Jam clamat Lambinus indocte atque inscienter facere, qui hunc scriptorem Agellium vocent. Hæc enim scribens Muretus haud dubie mentem habuit in eo Lambini loco, quem modo e Comment. ejus in Nepotem descripsimus.

(n) Cum quo Schedas ac membranas Cornelii Neporis suas communicaverat Giphanius, ut intelligo e notis in hunc scriptorem Andr. Schotti & Jo. Savaronis, ad quos hæc ipse quoque Scheda de Bibliotheca Putneæ pervenerunt. Illum vide præf. ad Lect. hunc Elencho MSS. & exemplarium.

laudet, & cur; metuit, ne offendar solido. Valde laboro in prænominis Cornelii Nepotis inveniando. Tu, si potes, me explica. Vale, mi doctissime & humanissime Domine. Salutem dixi clarissimo Oratori. Venetis, Kal. Jan. MDLXIX.

Respondet Muretus non ea tantum, quæ jam sequitur, Epistola: Tum demum: sed & alia, quæ est libri II. 7. Riti, conferens: quam & posterius scriptam dixerim, licet repugnet adscriptus illi dies: puto enim errorem ea in die admissum.

MURETUS

GIPHANIOTIS.

LXXVII.

TUM demum non recusabo, quin te mihi aliquid debere fatearis, mi Giphani, cum tua causa laborem aliquem cepero. Quæ enim utque huc a te oratus feci, non magis causa tua feci, quam mea. Nihil est enim, quod libentius faciam, cum quid vacui temporis datur, quam ut libros pervulgatos cum veteribus conferam. Nondum possum ad te mittere quod reliquum est iis occupationibus, quæ tibi quoque ipsi non ignotæ sunt, impeditus. Contuli loca, quæ notaveras: & admiratus sum hominis (o) impudentiam: quam tamen in memetipso jam pridem expertus eram. Non enim tantum, cum multa a me accepta pro suis publicasset, ultro conquestus est, sua sibi a me subrepta esse: sed etiam, (vide, quæso te, inauditum improbitatis genus!) cum admonitus esset a me de locis quibusdam Horatianis, quos ita stulte interpretatus fuerat, ut omnibus eruditis debere ludibrium videretur; non est veritus dicere ac scribere, eam ipsam sententiam, a qua ipse monui meo discesserat, meam fuisse; meque, ut illius auctorem, exagitare iisdem illis argumentis, quæ a me acceperat. Qui ejusmodi homini facias, aut quid ad eam insignem impudentiam addi posse arbitrare? Sed bene, quod non in me usum eo modo injurius fuit. Reperiet alios minus injuriæ patientes, quam ego sum. Fortassis ne ipse

(o) Lambini.

Ipse quidem tacite hoc tulisset calidus juvena. Nunc vix credas, quam mihi a toto illo controversandi genere abhorreat animus. Tu quoque, si me audis, non nimis acriter eum insectabere. Ulciscuntur hominem mores sui, Vale. Romæ, id. Jan.

Coniungenda hæc est Epistola cum alia ejusdem Mureti ad Giphanium: Risi conferens, quæ est libri II. 7.

HUB. GIPHANIUS

MURETO S.

LXXVIII.

Paulo tardius rescribo, quod de auctoris (p) nomine quæ requiris denuo mihi conquirenda fuerint. Quæ etsi olim Burgas ad Guidonem Laurinum diligenter collecta perscripseram, cum & ille de Cafrania aliisque id genus conditionibus (q) monuisset, nunc tamen in schedis, quas huc mecum attuli, reperire non potui. Petendi igitur hinc inde libri, quos fere nullos hic habeo. Sed de Lambino *qui tunc fraudas* in quem ut omnia pulchre conveniant, accipe & aliud ejus stratagemata. Cum Lutetiæ Thyrsum, non Lucretianum illum, sed suum in me quater instituisset, (ego interim domi virgam tam pueriliter peccanti minitabar) prima concione dixit, cum Belgis omnibus familiaritatem sibi esse, me unum sibi male cupere: protulitque duodecim fere Belgarum nomina, qui tum ibi agerent studiorum causa. Multi ex his, admirati hanc publicam testationem & citationem, quod illum ne salutassent quidem unquam, me autem uterentur familiarissime, imo eo ipso tempore epigrammata in illum partim proscripserunt: ad me accurrerunt, & acumen Lambini, artesque ejus oratorias mihi exposuerunt. Mirantibus omnibus unde eorum nomina collegisset, intervenit mox ejus convictor, Bruxellensis, qui scrupulum illum nobis ex-

H 4 mit,

(p) Nostium Atticarum: Selliū enim innuit.

(q) Editio Epistolarum Ingolstadiensis anni 1584. p. 170. contentionibus. Lego: contradictionibus, ut infra in hac eadem epistola, ubi Cafraniæ mentio recurrit. Fuisse enim qui ex C. Afrania contraherent Cafraniā, intelliges ex Epistola Mureti lib. II. 6.

mit. Se namque rogatum & coactum fuisse Lambino petenti domi aliquot Belgarum nomina dictare, causæ ignarum. Atque ita res in risum abiit. De *Agellio* quæ adferam, te rogo, ut accurate perpendas: quæ si tibi probabuntur, sic ut ratione aliqua adfirmes. Contuli igitur manu scriptos septem. Lovanii Buslidianum antiquum satis, sed minime integrum; alterum Cujacii, in quo decem libri posteriores, item bonum; tertium Mæmianum, clarissimi senatoris Henrici Mæmii, ejusdem bonitatis ac magnitudinis; duo præterea erant Pinellini, quos tamen, quia minime essent vetusti, non libuit totos conferre, ut neque Rhedingeri unum, juvenis nobilissimi Germani. Septimus quem Lutetia diligentissime contuli, Danielis, amici cujusdam mei advocati Parisiensis erat, omnium longe pulcherrimus & antiquissimus. Accedat huic, bonitate, ni fallor, proximus Fulvianus. In iis omnibus, uno, eoque optimo excepto, in quo *A. Gellii* ter scriptum reperi, (neque sæpius nomen in eo codice aderat) constanter vidi exaratum *Agellii*. Itaque veterum codicum auctoritate sola usitatum descriptionem mutare nolim. Nam tametsi omnes alii habent, *Agellii*: unus tamen omnium antiquissimus habet *A. Gellii*, Rufus hic etsi jam vetustus est, unus tamen habet *A. Gellii*: cum reliqui omnes, ex quibus duos aut tres etiam bene vetusti, habeant *Agellii*. Hoc igitur ex vetustis codicibus argumentum in medio relinquendum censeo. Reliqua sunt duo; prius, meo quidem iudicio egregium; quod hic auctor nunquam adducatur (sæpe autem adducitur) *Gellii* nomine, sed semper *A. Gellii*, ut quidem in vulgatis codicibus perscribitur. Ab Servio in Virgilium, minimum ter adducitur, a B. Augustino, usurpatur quinquies, a Prisciano ter. Loca sunt hæc: Prisc. lib. VI. *A. Gellius notium Atticarum*. IX. *Historia ex libris Heraclida Pontici*, & cætera. Eodem libro: *A. Gellius notium Atticarum* VI. Sole medio, inquit, & arido, & cætera. Et lib. VII. Unde *A. Gellius notium Atticarum* inscripsit. August. de civit. Dei lib. IX. cap. IV. In libris quibus titulus est *notium Atticarum*, scribit *A. Gellius*, vir elegantissimi eloqui, & multa ac facinorosa scientia, & cætera. Mox ibidem: Narrat *A. Gellius* & cætera; postea: *quæsit A. Gellius a Philosopho*, &c. in colubrose legisse dicit *A. Gellius*, & cætera; & hac ut putui, non quidem commodius *A. Gellio*, sed certe brevius, & cæ-

& cætera. Sic Augustinus in uno eodemque capitulo. Servius in commentario Virgillii ad illum versum lib. 5. *Et me servus equis oriens adflavit anhelis: Hac autem* (inquit) *plene exsequitur & Cicero in Auguralibus, & A. Gellius in libris Atticarum, & lib. VII. ibi: Et quos malifera despectent nomina, & cætera; & in Georgicis, ni fallor, semel.*

Alterum est argumentum, quod illis omnibus in locis, in codicibus eorum scriptorum manu descriptis constanter exaratum vidi, *Agellius*, & interdum *Agerius*. Contuli autem codices Prisciani sex manu scriptos, Servii duos, Augustini unum, omnes valde antiquos, sed Augustinum illum antiquissimum. Possem & auctoritates doctorum quorundam hominum adferre, quibus hæc probarem. Nam Lambinus ut solet, paulo momento huc illuc impulsus, in edendo Cicerone Agellius probat, in Nepote detestatur. Accipi, Gabrielem Faernum Agellii quoque nomen probasse, commotum maxime versiculo quodam antiqui nescio cuius Grammatici, in quo hæc vel similis fuerit clausula: *ut doctus Agellius inquit. Tu si eum Grammaticum & versiculum (Fulvius fortasse eum tibi subjiciet, quem valde familiarem Faerno audio fuisse) mihi indicaris, magnopere hanc opinionem confirmaveris.*

Agellii autem nomen Romæ usitatum fuisse, (ut & Agerii, de quo cum alia in Pandectis loca, tum l. qui Romæ Agerius, de verbor. obligat.) cum ex inscriptione quadam antiqua, quam reperi in iis, quas multas, & fortasse nimis multas, in parvum libellum suum de Ottographia retulit Aldus junior, & ex Statii Poetæ matre, quam vocatam Agellinam scribunt, tum ex Prisciano, qui mihi nostrum auctorem *αἰνῶτατον* videtur. (r) Sic igitur ille lib. IV. (s) *In ius desinentia sive a nominibus, sive a verbis derivata, servant i ante us, & cætera; ut servus servi Servius: servilis servilis: agellus agelli Agellius: silva silvius: virgula Virgilius, & cætera.* Nunc respondeamus objectionibus, quas puto esse posse duas. Una est, potuisse depravari manuscripta contractione quadam facilique lapsu, scripto Agellio, pro A. Gellio, ut in Castrania & aliis nonnullis accidit. Altera est, Romani hominis nullum fore præ-

(r) Supple confirmare me posse arbitror: aut quid tale.

(s) P. 634. ed. Grammaticor. Hel. Putschii.

prænomen, quod novum sit & inusitatum. Prior nullam vim mihi videtur habere. Proferat enim quis nomen ali- quod scriptoris noti, quod constanter & perpetuo ita con- tractum & depravatum in plurimis locis reperiatur; quod certe nemo unquam (aut valde erro) facturus est. De præ- nomine, ea ætate mirum non sit, qua certum est mul- ta Romanorum propria instituta jam exolevisse. Fortasse & prænomen & cognomen habuit hic noster, quæ tamen interciderint, aut quæ ipse auctor, Agelli nomine notior, prætermiserit adscribere. Pauli & Ulpiani & omnium fe- re Juris auctorum prænomena, quis unquam audivit? Pos- sem fortasse probabiliter, A. Agellinum dicere appellatum, sed conjecturis hujusmodi non puto esse opus. Hæc fere sunt, quæ de Agellio habeam: quæ, si probas, obsecro, si potes, adjuva, maxime illo Faerni versiculo; si minus probas, tamen & versiculum illum, & tua perscribas. Sed enim volumen ut habeas, teque civiliter lacescam, cupio mihi explices, tuamque indices sententiam, cur Ulpianus Jura justitia deducat. Ego quidem etymon hoc non grammati- cum, sed philosophicum esse puto: Jus enim, ut actionem, ex habitu justitiæ manare. Quæro etiam, cur Juri gentium Florentinus adscribat vindicationem in l. tertia: cum & belluis ea sit communis. Plura aliis, jam satis. Vale, mi- doctissime Murete. V. Kal. Febr. MDLXX.

JOANNES ZAMOSCIUS

Regni Poloniæ Vicecancellarius, Belzensis, Knissynensis,
Zamchenfis Capitaneus, &c.

M. ANTONIO MURETO S.

LXXIX.

*Hujus Epistola mentio supra Epist. 66. Ad præsens autem
negotium referenda sunt & sequentes epistola tres.*

TUM ex constanti fama, tum ex scriptis tuis, quæ in lu-
cem a te edita manibus omnium, obeerum elegan-
tiam, teruntur, cognovi quantus sis in litteris. Facile igitur
tua virtus me, etsi tanto locorum intervallo a te remo-
tum, & eum, qui te nunquam viderim, in tui amorem tra-
hare

here potuit: cum & ipse eas, licet earum ignarus, ac in
vita civili occupatus, amem. Id tibi litteris hſce meis bre-
viter ſignificare volui. Plenius vero per Generoſum Joan-
nem Zamolſcium Sereniſſimi Regis noſtri Secretarium, qui
iſtuc a Rege miſſus eſt. Cui tu fidem in iis, quæ tibi nomi-
ne meo nunciabit, adhibebis, & me tui amantem, redama-
bis. Vale, ex caſtris ad Gedanum, III. Kal. Julii. MDLXXVII.

Sereniſſimo & Potentiſſimo

PRINCIPI STEPHANO,

Dei Gratia Poloniæ Regi; &c.

M. ANTONIUS MURETUS S.P.D.

LXXX.

Nihil in vita aut optabilius, aut honorificentius mihi
contingere potuit, Sereniſſime Rex, quam ut homo
neque ingenio neque doctrina præter cæteros præſtans, am-
pliſſima & honeſtiſſima conditione propoſita, a Majeſtate
tua in Poloniam vocarer. Quo equidem venire cupiebam,
non tam privati commodi ſpe, quam miſerico quodam ſtu-
dio incenſus videndi ac venerandi cominus cum Principem,
qui ſolus hodie confirmat vetus dictum hominis ſapientiſſi-
mi: *Tum demum beatas civitates fore, cum aut Philoſophi re-
gnarent, aut Reges philoſopharentur.* Sed id, cum ita cupe-
rem, ut nihil unquam cupierim ardentius cur efficere non
potuerim, Regia Majeſtas tua ex Joanne Zamolſcio Secreta-
rio ſuo intelligit (1). A quo ſupplex peto, ut ne propterea
dedignetur, me in ſuorum numerum adſcribere: neque ini-
quo animo ferat, me, dum vivam, quibuſcumque modis po-
tero, & loquendo & ſcribendo, quantum Regiæ reſuſ libe-
ralitati debeam profiteri ac prædicare. Deus Opt. Max. Re-
giæ Majeſtatem tuam rebus omnibus florentiſſimam quam
diutiſſime ſervet. Romæ Kalend. Decemb. MDLXXVII.

M. AN-

(1) *Intervenit nempe Pontificis autoritas. Lege ſequentem
epiſtolam.*

M. ANTONIUS MURETUS

JOANNI ZAMOSCIO

Regni Polonia Vicecancellario, Belzensi, Knissynensi,
Zamchensi Capitano, &c. S. P. D.

LXXXI.

PRæter spem & opinionem meam accidit, ut cum inter me & Joannem Zamoscium Serenissimi Regis Secretarium omnibus prope de rebus convenisset, jamque ego me ad iter accingerem, atque isthuc animo & cognitione totus essem: subito ostenderit Gregorius Pontifex Maximus, professionem meam sibi non placere; meque per viros summa auctoritate præditos monendum curaverit, ne ex Urbe discederem; sibi curæ fore, ut ne in Urbe deteriori conditione essem, quam quæ mihi in Polonia deferretur. Quin etiam ad quingentorum aureorum nummorum stipendium, quod mihi jampridem constitutum erat, statim ducentos adjici jussit, mandavitque Datario suo, primo quoque tempore quoquo modo efficeret, ut aliunde mihi trecenti aurei nummi quotannis penderentur. Ea re factum est, ut coactus sim deponere consilium, quod ceperam, veniendi ad vos: a quo ne vivam, si me alia ulla res, quam summi Pontificis voluntas atque auctoritas abducere potuisset. Interea, etiam tacentem me, facile omnes vident, quantum Serenissimo ac potentissimo Regi Srephano, quantum tibi, Zamosci clarissime, debeam. Vobis enim, nisi plane ingratus sim, hanc tam luculentam fortunarum mearum accessionem acceptam feram necesse est. Quare dum vivam, me utrique tantum debere fatear oportet, quantum ab homine deberi homini plurimum potest. A te etiam atque etiam peto, ut mihi veniam a Serenissimo Rege impetres: tibi que persuadeas, si ullum tempus unquam eveniat, ut me vitam ipsam vel pro Majestate ipsius, vel pro tua, clarissime Zamolci, dignitate in discrimen exponere oporteat, nemini me concessurum, qui id promptius aut majori animo faciat. Vale. Romæ Kal, Decemb. MDLXLVII.

Sequitur Zamoscii responsio.

JOAN.

JOANNES ZAMOSCIUS

Regni Poloniæ Cancellarius, Belzensis,
Knissynensis Capitaneus, &c.

M. ANTONIO MURETO S. P. D.

LXXXII.

NOstrum tui studium tam bene cessisse tibi, ut scribis, tibi quidem gratulor: mihi gaudere non possum, qui tibi careo, ubi & frui e propinquore loco poteram tuis litteris, & eas etiam ornare magis, ut quidem summo opere cupiebam. Sed hæc Deo committamus, qui necessario obtemperatum est. Tu vide, ut ad nos quam sæpissime scribas, & cum quid habes, quod tuis ipsius oculis atque auribus dignissimum esse arbitrere, nos quoque eo beare ne prætermittas. Rem nobis feceris gratissimam, & nostra amicitia dignissimam. Vale. Datum Varsoviæ, die 25. Mart. Anno Domini MDLXXVIII. Scias te Regi nostro imprimis commendatum esse.

MURETUS

GERARDO SUO S. P. D.

LXXXIII.

Mihi crede. Irascerer Titio nostro, nisi vererèr, ne ipse eandem rationem iniret placandi mei, quam iniiit abhinc biennium. Etenim, si nescis cum ego eum, nescio qua de causa, subaspere appellassem, meque illi iratum esse dixissem: renidens ille, *Faxo*, inquit, *istud verbum magno redemptum velis*. Ego ipso die sub vesperam, cum mihi iam parata cœnula esset, ecce tibi homo ad fores. Quid tu, inquam, huc? *Tecum*, inquit, *ut cenem, si forte placare te possim*, *φιλικὴν ἀμοιβὴν πρὸς πρᾶξιν*. Tu vero cœnare mecum potes; placare me neque tam cito, neque tam facile potes. Inter cœnam, multa, ut solet, festiye narrare, multa urbane dicere: quæ omnia ego, non facile quidem, sed tamen mihi imperans silentio audiebam; ita composito ad severitatem vultu, ut ne illud quidem facerem, quod

quod canes iratæ solent. Discessurus, *Etiame*, inquit, *iratus es*? Multo, inquam, iratior, quam prius. Poltridie eadem horam, cum tanquam ad constitutum venisset, quærenti mihi: Quid tu huc denuo revoca us? *Αὐτόματος δ' ἐγὰρ εἰμι*, inquit ille. Itane, inquam, falsis dictis & vericulis cœnam te quotidie nacturum putas? At ego, ne erroris, hodie non cœno. *Recte sane*, inquit, *ego igitur, respiciente, bona tua comedam*. Scio enim, quid tibi in cœnâ paratum sit. Forte autem eo die amicus quidam ad me turbos & ficedulas aliquot miserat. Quarum cum partem coqui, partem in castinum servari vellem: præteriens ipse coquo meo, homini simplici ac credulo, apud quem valde gratus est, persuaserat, ut omnes coqueret; alii qui enim fore ut corrumpèrentur. Ita mihi denuo ho-pes habendus fuit non multi tantum joci, sed multi etiam cibi. Ubi adsedimus, tam multa dixit, ut non cæteris tantum domesticis, risu illa distenderit, sed postremo mihi etiam ipsi, qui tristitiam simulare cupiebam, risum invittissimo exco-sserit. Facile jam perspicere poterat, iram in se meam aut nullam fuisse, (& ita erat) aut plane depositam esse: sed expediebat homini, putare me adhuc iratum sibi. Redi-tertio: & quærenti, quid hoc negotii esset: *Volo*, inquit, *parere veteri sententia: Οὐ χρὴ συμποσίοις φίλοι ἀπέχεσθαι ἐταίρων Ἀνθρώπων*. Tum, tu igitur, inquam, unum me totalem habes? Ego vero, inquit, *te unice magis unicum*, neque mihi unquam bene est, nisi cum *tu* esse & commisse una tecum licet. An tibi igitur diu videris abfuisse, qui mecum & heri & nudius tertius cœnaveris? *Quinimo*, inquit, *ita erga te affectus sum, ut Medus ille erga Cyrum, καὶ ὅσον σκαρδαυνοῦ τὰ χροῖον πάνυ πολλοὶ μοι δοκεῖ εἶναι*. Abi, inquam, quo dignus es, cum istis tuis ineptiis, an te mihi pro ignoto verba dare postulas? Licuit dicere, licuit objurgare: ipse tamen absterri nuncquam potuit, quin mecum cœnaret. Sublatis mensis, Quæso, inquam, amoto ludo, an hoc quotidie facturuses? *Quotidie* inquit, *donec te mihi plane placatum esse cognovero*. At ego, inquam, potius jusiurandum in eam rem arbitratu tuo dabo. Quid quæris? Nisi irasci desissem; adhuc opinor, eum *συνδαιτυνών* quotidianum haberem. Itaque quid vis jam perpeti possum potius, quam ut istis irascatur, qui se tam bene vindicare norunt. Extra jocum; mi Ceratæde, neque Titio quisquam vir melior est, neque officii ple-

nior,

nior, neque cuius aut sermo aut convictus mihi dulcior sit: sed tamen interdum in me nimis sibi multa permittit. Nihil est in bibliotheca mea ita abstrusum ac reconditum, ut ei non pateat: omnia inspicit, omnia perscrutatur. Fuit etiam tempus, cum, quicquid visum erat, etiam me inconsulto, auferbat, ac deinde referebat: sed id facere desit, postquam me ægre ferre animadvertit. Et tamen sic quoque, absente me, pervolutat omnia, omnes forulos excutit, neque si quid modo absolutum ac perpolitum est, sed rudia etiam, si collibuit, & inchoata describit. *Quis neget hoc nimium?* ait Hispanus Poeta: sed sit satis; saltem ne me traduceret, sed (quod semper pollicetur, nunquam præstat) nugas meas legeret solus. Nunc, quia ita me amat, ut mea omnia miretur, vos quoque sibi esse hujus erroris socios putat, & ea sæpe vobis, ut admiranda, dilaudat, quæ vos, sat scio, contemneretis. Mitto cætera. Hoc de Græca tragœdia quale est? Neque enim uni tibi, ut putas, sed aliis compluribus amicis dixit, vidisse se apud me tragœdiam quamdam Græcam admirabilem: cum tamen ego Latine quidem duas tantum adolescentulus tragœdias scripserim, de Græca tragœdia scribenda nunquam, ne per somnium quidem, cogitarim. Non ea vis animo. Et tamen vix credas, quot mihi tragœdias fissa illa tragœdia concitarit: multis qui ex eo illud audierant, ejus legendæ potestatem sibi fieri postulantibus, mecumque, quod id non facerem, expostulantibus. Narrabo tibi rem totam, ut tu porro narrare aliis possis. Sumpseram haud ita pridem otiosus in manus Senecæ tragœdias, easque animi causa evolvebam, ac forte incideram in principium Troadum: ita enim vocandum puto, quæ vulgo dicitur Troas. Libuit tentare, num quid Græce simile possem: & subito quodam impetu ita exorsus sum:

Εἶ τις τυράννω θυμὸν ἐξαρθεῖς τύχη
 Φρένας γέγηδε ταῦρος, ἢ κομπάζεται,
 Εἰς αἶν' τὸ δῶρον ταυτὸν ἐλπίσας μινεῖν,
 Εἰμότε καὶ σοὶ δύσμορε Τρῶι ἐμβλέτοι.
 Οὐ γάρ ποθ' οἱ θεοὶ τὰ παρὰ τοῖς ἀνθρώποις σμενᾷ
 Σαφέστερον ἀπέδειξαν, ὥς πᾶντ' ἀσθενῇ.
 Παῖδων γ' ἄθυρμα, καὶ καπνὸς σκιάς ὄναρ.
 Φῶ, φῶ τὸ κλεινὸν ἔρασμα τῆς πρὶν Ὀλβίας

Αἰσά-

Ἀστιάτιδος γῆς, διῶν πεπονημένον χρεὶ
 ὧς ᾤχετο πυλεμίας κατασκαφδὴν δορῆ,
 Κάται τε φρεδὸν οἶον ἐξ οἷ φανέν.

Vereor ne propicias epistolam, si perrexero. Et tamen blandiente progressu, persecutus sum totam illam Hecubæ ῥήσιν. In illud ἀντοχεδίασμα absente me, inciderat Titius, & putans, se reperiisse, quod pueri in faba, avidissime legere exorsus, superveniente me, destitit. Vix a me digressus erat, cum, in quemcumque amicorum inciderat, spargit, mirificum queram esse me: visam a se tragœdiam Græcam meam, δαίμόνιον τι χρῶμα: sed me non temere quemlibet ad mea legenda admittere. Jovis, ut ait Horatius, auribus illa fervare. Paucis post diebus, ut quisque amicorum mihi obviis factus erat, ita omnes orare, obsecrare, obtestari, uti sibi saltem inspiciendæ præclaræ illius tragœdiæ facerem copiam. Cum ego, qui vix jam illorum verbum memineram, negarem, ullam unquam a me scriptam esse tragœdiam Græcam, idque etiam iurejurando confirmarem; neque tamen aut hoc persuadere possem, aut ab eis cognoscere, quis eius fabulæ auctor fuisset: existit tandem unus, qui Titium nominaret. Audito hominis nomine, statim suspicatus sum id quod reserat. Itaque cum quibusdam eorum, iis præcipue, quos videbam iniquiore animo ferre, quod parum amice agere me secum putarent, eos versus ostendissem: feci, ut tragœdia in mimum vertetur. Video tibi quoque illud mendaciolum aspersum. Ta vero, mi Gerarde, cave quidquam meorum esse arbitreris. quod ego non tecum libentissime communicem. Quod si tantiessem, ut quidquam tale scripdissem, non te modo auditorem, monitorem, censorem admitterem: sed alios operis inspectores quum possem plurimos corrogarem. Neque enim mihi cornea fibra est. Neque quisquam unquam, qui bonos versus aut fecisset, aut fecisse se putaret, occultos illos habere voluit. Ego de tua valetudine, de studiis tuis, quid in isto amœnissimo secessu legas, quid scribas, cognoscere discupio. Vale, & alumnum tuum præstantissimum adolescentem, Ascanium Columnam quando me ab eo amari scribis, meo nomine saluta. Romæ, Prid. Id. Sextil. MDLXV.

EPISTOLA LXXXIV. 129

M. ANTONIUS MURETUS

AUGUSTINO VALERIO

Episcopo Veronensi S. P. D.

LXXXIV.

Soleo libenter, quoties incidit occasio, de summis virtutibus tuis loqui, & commemorare in omni sermone eum usum, qui mihi tecum olim Venetiis maximus ac suavissimus intercessit: cum & ego te propter tantam doctrinæ copiam tantamque morum sanctitatem, quantam in homine adolescente nunquam videram, colerem, atque adfectarer, & tu mecum, quæ tua est humanitas, tua omnia familiarissime communicares. Ex eo igitur plerique, qui mecum versantur, in eam opinionem venerunt, ut putent, me apud te aliquid posse; neque ego, ut verum fatear, hanc ipsorum opinionem aut refello, aut imminuo; confirmo potius, & quantum in me est, augeo: qui præclare intelligam, quanto opere mihi pulchrum atque honorificum sit, arbitrari quam plurimos me a tali viro amari. Sæpe igitur multi, qui a te obtinere aliquid vellent, egere mecum, ut ad te sua causa scriberem: quod tamen facere usque adhuc nolui, quod, quæ ipsi volebant, non erant ejusmodi, ut ea vel mea quoquam, vel a te quemquam petere debere arbitrarer. Nunc cum ea se res obtulerit, in qua non modo clarissimi viri mihi que amicissimi commodum, sed, quod multo pluris est, exultatio tua quodammodo agitur: putavi, me, nisi ad te, præsertim rogatus, scriberem, officio defuturum. Jam diu est, cum qui hinc Pauli Sodoleti Carpenteradensis Episcopi, viri præstantis, planeque magno illo patruo digni, negotia gerunt, conqueruntur, non solvi pensiones annuas: quarum alteram ipsi, alteram eius fratri patrueli Camillo ex Ecclesiæ tuæ proventibus deberi adseverant. Jamque hic tertius mensis est, cum ad te super ea re, ipsorum rogatu, Hippolytus Cardinalis Ferrariensis, cujus ego, ut scis, in familia sum, litteras dedit. Cum hoc omnibus, qui te norunt, novum atque incredibile videtur, dare te cuiquam causam ullam de te querendi: cum te nihil dum ad Cardinalis litteras respondisse, non alii tantum, sed & ipse miratur.

Hic ego, te, Valere optime ac sapientissime, non orabo, des operam, ut Sadolero quamprimum satisfiat: novi non integritatem modo, sed & altitudinem animi tui longissime remota a sordibus, & præ honestate nihili cætera omnia facientis. Hoc tantum petam, ut cum eis satisfaciendum curaveris, quod te celeriter facturum non dubito, & certo mihi persuadeo per te non sterisse, quominus suo tempore factum sit; hoc igitur cum feceris, ut significes Cardinali, litteras ipsi tantum abud te, quantum debent, ponderis habuisse. Vale. Romæ. Idib. Mart. MDLXVIII.

M. ANTONIUS MURETUS

JOANNI ANTONIO ODISCALCO SUO S.

LXXXV.

ET si pro mutua inter nos voluntate tibi dubium esse non potest, quin tua omnia mihi chara ac jucunda sint; tamen mihi hoc affirmanti credas velim, litteras tuas mihi etiam jucundiores fuisse, quam tu existimare facile possis. Nam & quod ego summo opere cupiebam, continebant *λεπτομυρέστα* totam rationem itineris tui, & quæ istic vita; qui mores; quæ cum cæterarum artium, tum juris docendi ratio, ita diserte ac luculenter explicabant, ut Ulixis Homericæ narrationem Alcinoos, ac Phæacibus minus fuisse jucundam putem. Admiscueras etiam eis plurimum nativi illius leporis & *αὐτοφύου* urbanitatis, quæ præbens sermones tuos condiebas, ut eas legens, tantum non spectare te ac tecum confabulari viderer. Accessit ad voluptatem meam, quod patruus tuus V. C. qui eas mihi ulque in Quirinalem (ibi enim nunc sumus) ipsemet attulit, ostendit mihi etiam eas, quas ad alterum patrum scripseras: quibus eadem prope quæ in meis, sed Latine expressa continebantur. Tum demum agnovi, quid te adduxisset, ut ad me populari sermone scriberes. Neque enim illud te movit, in quo Iocaris, Phormione exemplum: sed id potius fecisti, *φιλοτιμύμενος παρ' ἡμῖν ἐπὶ τῇ ἐν ἀμφοτέρωτοι ἰδιώματι ἐνέπναι*. Quod artificium tuum cum jam detectum esse videras, ce nro posthac ad me quoque Latine, si videbitur, scribas. Quod tamen ea lege a te peto, ut ne propterea minus crebras, aut minus longas litteras des.

Quid.

EPISTOLA LXXXVI. 131

Quidvis enim malo, quam earum fructu carere. Gaudeo, metum meum de iis, qui illic Jus civile profitentur, vanum fuisse, & eos scriptores, quos ego tibi dilaudare consueveram, etiam illic vigere. Felicius hac in parte tecum actum est; quam cum quibusdam aliis *suppositis* tuis, qui, ut a me digressi sunt, inter illos *suppositos* ac *suppositos* *splendidarum ineptiarum* magistros conentescunt. Ego & tibi hoc nomine, ut debeo, gratulor, & cupide tempus illud exspecto; cum ad nos non illa inani *donnoισαφία*, sed vera ac solida Jurisprudencia instruatissimus revertaris. Nondum audisse te puto, me hic Pandectas publice interpretari, non sine aliqua molestia eorum, qui nollent configi oculos cornicibus; & *qua juvenes didicere; senes ridenda fateri*. Equidem dabo studiose operam, ut eripiam ex animis hominum stultissimam illam opinionem, nihil in Jure aut sapienter cogitari posse, quod non ex illis lacunis hauriatur, aut erudite dici, quod non infulse ineleganterque dicatur. Spero, me his æstivis mensibus, quibus res proferentur, in Tiburtino secessu aliquid novi edolaturum. Quidquid erit, si quid modo erit, sum enim mirifice Callippides, ad te mitteur. Interea amabis me, ut facis. Scis enim, te id mutuo facere, & ad me, quam sæpissime poteris, scribes. Vale. Romæ. III. Non. Januar. MDLXVIII.

HIPPOLYTUS CARDINALIS
Ferrariensis, Archiepiscopus Auscitanus,

AD SORBINO THEOLOGO S. P. D.
LXXXVI.

Cum allatum esset ad nos de doctrina, & eruditione tibi in rebus sacris a Deo concessa, deque studio, quod a te perpetuo adhibetur in vera & Catholica religione defendenda, atque in pravis opinionibus refellendis, ac labefactandis, libenter sine fecimus, ut te potissimum diligereamus, qui in Ecclesia nostra Auscitana Theologi locum ac gradum obtineres. Quod munus, hortamur te, ut magno animo suscipias, utque te, cum primum poteris, ad ipsam Auscorum civitatem conferas: ut animus noster, de populo illo dies noctisque sollicitus, aliqua ex parte in tua fide

ac diligentia conquiescat. Multa nobis de te pollicemur, neque diffidimus, ea a te, Deo adiutore, præstitum iri. Laborum, ac vigiliarum, quas in populo illo docendo collocabis, vera quidem & solida præmia ab ipso Deo, cui servies, expectare te convenit: sed ne nobis quidem ullo aut loco aut tempore ornandi tui voluntas defutura est. Hoc re ipsa verum esse comperies. Vale. Romæ. 6. Idib. Mart. MDLXVII.

PETRUS VICTORIUS

LUDOVICO CASTANEO RUPIPOZEO

Oratori Regis Christianissimi

AD GREGORIUM P. M.

LXXXVII.

Nosti, maxime illustris, & omni liberali doctrina erudite Orator, quod litteris proditum fuit a M. Cicerone de Themistocle, sapiente ac forti viro, respondisse eum, cum quidam illi pollicitus esset, se artem ei memoriæ traditurum, oblivisci se male discere. Quæ sane vox egregia est, & summo hoc homine digna: recteque fecisset, quicquamque litteris mandasset, ne prudentia plena sententia vetustate interiret. Laudo igitur Ciceronem, qui in illustri loco ipsam collocavit. Nam Plutarchus, qui vitam ejus diligenter scripsit, in aliis pluribus ejus ἀποδείξεις, hanc non commemoravit: non tamen, cum de ipsa sæpe mecum accurate cogitarim, probo declarationem ipsius, qui putavit hoc a Themistocle dictum esse, quod hærebant in memoria, quæcumque audierat ut viderat. Et si namque hoc præstare potuit, ut novum illud artificium despiceret, cum minime ipso egeret; nihil tamen valebat ad aërem cupiditatem, sitimque explendam, quæ in animo Themistoclis vigeat, ejiciendi inde, quod tum molestum erat, ac dolorem ingentem homini inurebat. Arbitror igitur, (ut libere, quod sentio, loquar) hoc summum illum virum significare voluisse, se valde omni mortali obligatum futurum, qui rationem ipsi viamque monstrasset, qua penitus oblitteraret cuncta, quæ non sine dolore in memoria insiderent; præsertim cum feratur Themistocles in adolescentia culpas non parvas admisisse, fama que ipsius eo tempore, quasi ad metas hæserit; quod postea ipse quoque confessus est, & simili, ad rem declarandam satis accommodato,

EPISTOLA LXXXVIII. 133

purgare conatus. Et sane existimo ego paucos mortales in-
veniri, qui vacui penitus fuerint ab omni labe ac vicio inlu-
brica illa ætate, & cui voluptas corporis libidoque domi-
natur, quæ imperium suum, durum atque injustum exercet
aliquando etiam in graves & moderatos viros. Cum igitur
mecum multum jam de hoc quæsserim, expecto modo
de ipso iudicium tuum; teque iudicem huius quæstionis
statuo; quem ob exquisitam honestarum artium scientiam,
magnumque usum rerum, spero facile cogniturum, an
verum ego in hac re attigerim, siue contra lapsus opi-
nione fuerim, valdeque peccarim, qui temere a tanti
auctoritate discedere ausus sim. Vale, Florentia. vi. Kal.
Jan. MDLXVIII.

LUDOVICUS CASTANÆUS RUPIPOZÆUS

P. VICTORIO S. P. D.

LXXXVIII.

Fontes quidem ipsi, quod dicitur, siciunt, Victori, cum
tu, talis tantusque vir in hoc genere litterarum, de
eo quod ipse statuisti, cujusquam tibi sententiam præterea
exquirendam putas. Sed si maxime aliquem quærebas, qui
de tuo iudicio judicaret: ego tamen minime omnium ad
eam rem idoneus videri poteram, qui dicis tantum cau-
sa, ut vos loquimini, hæc studia attingo, multisque
ac gravibus curis impeditus excepras tantum & subcissas
horas eorum tractationi tribuo. Facile itaque adducor, ut
credam, te magis ornandi mei causa fecisse, ut quæreses,
quid mihi de tua Themistocli dicti interpretatione videretur,
quam quod me valde bonum talium rerum existimato-
rem esse judicares. Sed tamen, si mihi quoque in vestro
eruditorum hominum senatu sententiæ dictio est adsen-
tior tibi, Victori, atque ita adsentior, nihil ut purum
super hac re verius aut sapientius cogitari posse. Nam, ut
tu recte ratiocinaris, si omnia in animo Themistocli,
quæcumque aut audierat, aut viderat, hærebant: poterat
quidem despicere artem illam memoriæ, ut sibi minus ne-
cessariam; sed nihil tamen erat causæ, cur artem præte-
rea requireret obliviscendi. At cum gaudium, quod capie-
bat e rebus suis præclare gestis, contaminaretur recordatio-

ne eorum, quæ adolescens libidinosè ac nequiter fecerat, non inmerito cupiebat, eorum oblivisci posse, ut illi gaudio liquido sinceroque fueretur. Habes igitur me adslipulcorum sententiæ tuæ: quod tu quanti facurus sis, nescio: ego ita demum a te non omnino parvi me fieri putabo, si, quod tuo commodo fiat, talibus epistolis sæpe provocaris. Interea, mi Victor, si quid vides, quod ego hic aut tua, aut tuorum causa facere possim, fac ut sciam, atque hoc pro certo habeo, tua omnia majori etiam studio, quam mea, semper a me procuratum iri. Vale, Romæ, 6. Non. Jan. MDLXIX,

M. ANTONIUS MURETUS S.D,

HERCULI CIO PHANO

LXXXIX.

ITa crebra sunt tua erga me officia, ut ego, quia nihil adhuc causa tua ex animi mei sententia efficere potui, quoties de te cogito, (id quod facio sæpissime) totus pudore suffundar. Sed tanta his temporibus in Urbe est æque conditionum, quæ quidem ex usu tuo esse possint, ut nunquam fuisse majorem putem. Video hic quotidie homines adolescentes optimo ingenio, amabilissimis moribus, mediocri utriusque earum linguarum, quæ in pretio sunt, intelligentia; qui, cujus domi vivant, reperire neminem possunt. Non desistiscam tamen experiri, eniti, labore, πᾶσι ταῖς δόξαις, ut Græci dicunt, κινῆν, donec aliquam rationem reperero, quæ nobis una vivere liceat. Remitto ad te orationes, quæ mihi non magno usui fuerunt. Liber est neque antiquus, neque descriptus ex ullo valde antiquo, & negligentissime scriptus. Ago tamen de eo tibi gratias laque maximas. Priscianum, qui mihi incredibiliter gratus fuit, spero, aut potius video, multo meliorem fore. Si frater Vincentii Stampæ eos ad me libros, de quibus scribis, mittere voluerit, obstringet me tibi memoria beneficii sempiterna. De Gellio, amabo te, da operam, ut noster sit. Sumptuum quidquid factum erit, statim tibi diligenter & cum fide curabitur. Sardum tuum, aut potius meum quoque, salutabis meo nomine diligenter. Velim, dum istic es, si qua ratione potes, Græci sermonis saltem pri-

ma elementa perdifcas. Ex labore non magno magnos fructus, si feceris, capies. Mi Ciofane optime & suavissime, etiam atque etiam vale. xiv. Kal. April. MDLXIX. Ex Urbe. Sardus ecquid litterarum a me accepit, teire cupio.

M. ANTONIUS MURETUS

M. ANTONIO CIOFANO S. P. D.

XC.

TU vero neque mihi illiberalis visus es, neque videri unquam potes: neque tantum apud me pondus habere debuit ablectissimorum hominum cupiditas, ut quidquam de te suspicatus sim alienum a moribus & natura tua. Munus quidem tuum mihi supra quam dici potest, gratum atque acceptum fuit: partem autem illius interceptam fuisset antequam ad me pervenisset, ex tuis primum litteris intellexi. Factum quidem ab eis est sordide & illiberaliter, qui si quid a me eo nomine amplius pecuniæ postulassent, dedissem non invitus plus etiam, quam quanti erat, quo ipsi me fraudarunt. Sed in ea re est, quod tibi gratias agam, ut sane ex animo facio, valdeque cupio, occasionem mihi aliquam objici declarandæ voluntatis erga te meæ. Ipsos propterea in iudicium vocari nolim: objurgari modeste possunt: ut discant posthac; si possunt esse fideliores. Ad Herculem fratrem tuum quod attinet, ego in eo amando vix tibi ipsi cedo. Itaque curabo & adjuvabo, quacumque re poterò, ipsius commoda; neque committam, ut ullum a me munus hominis vere amici, aut ipse aut tu ullo aut loco aut tempore desiderare possitis. Interea peto a te, ut amare me pergas, & tibi plane persuadeas, te a me fraterne amari. Vale. x. Kalend. Maji. Romæ MDLXX.

EIDEM ANTONIO CIOFANO.

XCI.

ET ad litteras tuas, & adversus suavissimi adolescentis Julii Roscii (u) citius respondissem, si habuissem, per quem arbitrarer, litteras meas ad vos perlatum iri. Ceterum tandem hoc consilium, ut eas mitterem ad amicum

I 4 quon-

(u) ad quem epistola paulo post 93.

quemdam, qui mea causa eas perferret in seminarium ad Rosticium; a quo spero has quoque tibi reditum iri. Eadem causa est, cur nihil rescribam ad litteras Germani illius (x) quas tu a Manutio tibi datas ad me misisti. Scribit enim ad me Rostochio, cuius ego oppidi nomen nunquam antea audiveram; neque ubi terrarum sit scio. Et alioqui, ut verum tibi fatear, non admodum libenter scribo ad homines ignotos; præsertim ortos in iis regionibus, ubi vulgo a recta & vera religione homines desciverunt: vereor enim ne imprudens ad aliquem τῶν περιεσμένων¹ litteras dem, cum quibus ego nihil mihi esse aut familiaritatis aut commercii volo. Nec causa quidem ulla est, cur hoc quidem tempore præsertim occupatus, respondeam ad litteras fratris tui, quibus mihi gratias agit, quod se Episcopo Sulmonensi commendandum curaverim. Ego semper, quæ ad te, quæque ad illum pertinebunt, studiosissime procurabo: neque in tanta nostra conjunctione ullus unquam gratiarum actione futurus est locus. Manutium, si adhuc illic est, meis verbis salutes velim, eique ad firmes, in valetudinem ipsius mihi summo dolori esse: qui si forte animum induceret huc ad nos secedere, & nobiscum transigere hos æstivos calores, fortasse perciperet eandem utilitatem & salubritatem cœli Tiburtini, quam multi alii capiunt: a me certe expectare posset ea omnia officia, quæ vetustissimæ inter nos amicitix & summis ipsius erga me beneficiis debentur. Salutabis etiam meo nomine optimum & eruditissimum hominem Fulvium Cardulum: eique, quod adductus mea commendatione rationibus tuis consulere conetur, ex me quoque gratias ages. Plura scriberem, sed avocor. Vale. ix. Kal. Sextil. MDLXX.

EIDEM ANTONIO GIOFANO.

XCII.

GRatulare mihi; Cæsar valet: cuius in valetudo tantum mihi mœrorem attulerat, quantum ego ipse nunquam credidissem. Mihi crede, non putabam eum tantopere a me amari. Fuit ille quidem ita propinquus, ut Poetæ

(x) Nathani Chytrao, ad epistolam, quæ supra nuntiat^{ur} 30.

tæ loquuntur, ἀδὲ πύλαι ut jam jamque efflaturus animam videretur. Aliter Deo visum est, qui maluit, eo conservato, quam sublato, sibi gratias agi. Potero nunc (antea enim non poteram) ad fratrem tuum scribere, eique ut decet, gratias agere, & de vasis quatuor, quæ ad me misit, sane elegantibus & operis eximii; & de litteris amantissime scriptis. Interea tu cum ad eum scribes, significabis ei, munus mihi fuisse gratissimum: purgabisque me, quod ad ipsum non statim scripserim. Nihil tunc ad aliud quam de Cæsare cogitabam. Nunc quoque expectandum est, dum hoc recens gaudium conquieverit. Ita fumus homines: & dolore & gaudio æque impedimur. Vale. Tiburæ. v. Id. Sept. MDLXX.

M. ANTONIUS MURETUS

JULIO ROSCIO S.

XCIII.

EX Elegiis, quas a te nuper accepi, dici non potest, quantum ceperim voluptatis: non tantum quia me laudabant, etsi (ἡδίστον ἀκυσμα ὁ ἱπαινος) sed quia id elegantissime vetustissimeque faciebant. Omnino multa mihi Hercules noster de ingenio tuo, deque præstantia in pangendis versibus dixerat. Sed tu eam opinionem, quam ego ex ipsius sermonibus de te conceperam, longe multumque superasti. Vere hoc tibi adfirmo, nullum a multis jam annis vidi æqualem tuum, quem tecum in hoc genere conferendum putem: neque dubito, si perrexeris, quin possis aliquando inter optimos hujus sæculi Poetas censerī, *insignemque tuo capiti plectere inde coronam. unde prius paucis velarint tempora Musæ.* Sin te quod fore auguror, gravius aliquod studium, progrediente ætate, ab amœnitate poematu n abduxerit: tamen te, mi Rosci optime & suavissime, hortor, ne Musas unquam plane deseras, neve unquam ira te addicas cuiquam illarum severioris, ut ita dicam, supercilii artium, ut non tibi identidem ex Musarum cantibus, si nihil aliud, petendam certe graviorum cogitationum allevationem putes. Neque te hoc facturum esse diffido. μέσαι γὰρ θάνατος ἰδὼν ὀμμήτη πτόδας, Ἀχὼ βί'ε πολίης ἐκ ἀπὲ θεντο φίλος; A me

A me vero ut posthac omnia officia expectes, quæ ab homine amicissimo expectari possunt: te etiam atque etiam oro, Cumque rediero, erit mihi gratissimum, si interdum ad me, quod modo permisso eorum fiat, apud quos educaris, ventites, meque ac rebus omnibus meis æque libere utaris, ac tuis. Spero autem, consuetudinem sermonesque nostros ad istam ipsam laudem, ad quam aspiras, consequendam tibi non prorsus inutiles fore. Vale, mi Rosci, tibi que persuade, te a me plane in filii, & quidem ὄχι γόνα, loco amari. xi. Kal. Sextil. MDLXX. Litteras, quas cum his accipies, (y) peto ut Ciofano, cum primum poteris redendas cures,

EIDEM ROSCIO.

XCIV.

IN hac commutatione consilii de instituenda ratione studiorum tui, nihil me magis sollicitum habet, quam quod nescio, quos progressus in Græcis litteris feceris. Quarum sine mediocri saltem cognitione cave putes ad ullam doctrinæ præstanciam perveniri. Eis si ita imbutus es, ut possis Aristotelem suapte lingua loquentem intelligere, ejusque etiam interpretes Græcos, sine cuiusquam interpretatione Latina consulere, non invitus patiar, et ad studia Philosophiæ gradum facere; etsi, ut verum fatear, Demostheni, Thucydidi, Herodoto, Xenophonti, & hujus generis scriptoribus, præteraque Poetis Græcis annum adhuc unum dari maluissem. Volo equidem, quicquid ages, prospere tibi ac feliciter evenire: sed tamen non committam, ut si absque illo instrumento te ad Philosophiam contuleris, dicere unquam possis, Muretum tibi ejus consilii autorem fuisse. Neque hæc a me ita disputantur, quasi tibi in his litteris, quæ humaniores dicuntur, consensendum arbitrer. Longe semper ab ea sententia meus absit animus: sed tu & ea ætate es, ut properare non debeas: & eo ingenio, ut, si firma ac solida doctrinæ fundamenta jeceris ad summa omnia facile perventurus esse videaris. Nam, quod ais, sine eloquentia multos ad summam amplitudinem pervenisse, sine sapientia neminem: verius dixisses, & sine sapientia, & sine eloquentia, & sine ullo vero bono

(y) eas habes supra num. 91.

EPISTOLA. XCV.

139

bono multos ea, quæ vulgo habentur amplissima, & olim consecutos esse, & quotidie consequi. De quibus contumueram hoc loco pluribus differere: sed avocor. Tres enim hic habemus Cardinales, Augustanum, Varmensem, Alciatum: qui mihi omne prope tempus eripiunt. Mi Rosci, ignosce occupationibus meis; & vale. Tibure, XII. Non. Octobr, MDLXX.

M. ANTONIUS MURETUS

HERCULICIOPHANO SULMONENSISP.D.

XCV.

Acepi volumen orationum: de quo amo te, ut debeo, plurimum; eo simul atque usus ero, remittam. *De mere partem de solido die* apud Horatium, siue ulla dubitatione est *meridians*; id est, ipso meridie horam unam aut alteram dormire: quod qui faciunt, diem quodammodo frangunt, ac dividunt, neque eam unam ac solidum & *ὁλόκληρον* esse patiuntur. Itaque is, qui demit partem de solido die, dicitur id facere *nunc viri membra sub arbutu fratris, nunc ad aqua lenae caput sacra*. Et hoc ipsum Varro alicubi vocat *diem dividere*. De verbo *deducendi*, cur eorum ullam significari putes, non sane video. Cleopatra quidem neque volens, neque invita in triumpho ducta est. At non est tamen dubium, neminem volentem *δραμβέυσσαι*. Nemo enim volens vincitur, aut poenas dat ei adversus quem bellum gessit. Versus tui non insuaves sunt: & erit mihi gratum, si te, cum licebit, in hoc quoque genere exerceas. Vale. Romæ. IV. Id. Mart. MDLXXI.

P. GILBERTUS MALLOCIUS

M. ANTONIO MURETO V.C.S.D.

XCVI.

Dupliciter sum delectatus tuis litteris: & quod me ad amicitiam applicare, propiusque adungere cupientem, tam humaniter, tamque benevole exceperis; & quod Francisci Flehardi Episcopi nostri causam ita sis amplexus, ut in ea juvanda, & consilio tuo promovenda, non medio-

cre

crem naturæ tuæ bonitatem & humanitatem expresseris. Quæ quidem de re, non solum apud me, qui tibi multa debere cupio: sed apud illum quoque suosque omnes summam mirificamque gratiam iniisti. Ille igitur, te admonente & hortante maxime sacris initiatus, in numerosque relatus est, ut, quæ antea rebus absolute perficiendis difficultas opponebatur, nunc penitus sublata, ereptaque videatur: adeo ut ex postrema litterarum tuarum parte in spem certam venerimus, totam negotii istius explicandi rationem pertacilem jam fore atque expeditam. Quod totum prudentissimis tuis consiliis, amantissimisque admonitionibus acceptum ferre volumus. Episcopum itaque nostrum rursus tibi commendare, necesse non habeo: commendo tamen: hoc enim ad officium meum adeo pertinere arbitror, ut nunquam, nisi re perfecta & absoluta, de illa & elaborare & sollicitus esse desinere neque possim, neque debeam. Te vero vehementer oramus, obtestamurque, ut, quemadmodum præclare initia posuisti, ita in eadem voluntate perseveres. Quod de te & speramus & sane confidimus, De turbulento rerum nostrarum statu nolo quicquam ad te scribere. Neque enim id ego præstare possum sine mœrore, neque tu sine summo doloris sensu intelligere posses. Satiùs est igitur res nostras silentio involvere & obtegere: quæ aliud nihil sunt, quam *bella infanda, neces, incendia, furta, rapina*, ut uno verbi complectar omnia. Nolo enim tibi esse molestus in recensendis particulatim nostris miseriis: tamen si non dubitem, te patriæ quoque calamitatibus, etiam longe dislitum, non mediocriter affici & commoveri. Neque enim solus Ulysses amans est patriæ. Ad rem nunc redeo: ego certe, Murete, vir clarissime, nisi pro illo tuo tam propenso ad me amandum complectendumque studio, proque illa, quam de me habes, opinione tibi perpetuo devinctus, obstrictusque permaneam, ingratus plane sim, meique dissimilimus. Quod nulla neque dies, nec anni efficere poterunt consequentes. Extremum illud erit, ut Drachium ad nos, re peracta, latum contemptumque quamprimum dimittas. Vale. Gratianopoli, XII. Kal. Octob. MDLXX.

M. ANTONIUS MURETUS S. D.

SINIBALDO ANTONIO SUO.

XC VII.

IN summis occupationibus meis, Sinibalde Antonine, quæ me respirare vix sinunt, legi tamen Dialogum tuum, & voluptatem longe maximam ex ejus lectione percepi. Delectarunt me argumenta & ingeniose excogitata, & densa, & vivo (ut ita dicam) ac spiranti orationis genere expressa. Itaque ut Pythagoram ajunt, modulo pedis, quanta corporis mole fuisset Hercules, judicasse: sic & ego ex hoc brevi commentariolo facile de tui ingenii magnitudine ac præstantia judicavi. Amor autem erga me tuus, quem plane singularem omni ex parte declaras, noli quærere, quantopere mihi gratus ac jucundus fuerit. Neque enim ullum unquam mihi majorem fructum vigiliarum, ac laborum meorum proposui, quam ut a tui similibus amaret. Quare, etsi non agnosco eas laudes, quas tu ἀντὶ τοῦ διλάκῃ, ut ajunt, in me congeris, summe tamen amo istum amorem, qui tibi homini tam acuto, ac perspicaci tenebras offuderit, eaque de me sentire, ac prædicare coegerit, quæ ne tu quidem, quanquam disertus es, alii cuiquam facile persuadere posses. Dialogum edas, censeo: nolo enim ita modestus videri, ut gloriæ tuæ mea modestia obstat. Auctor enim tibi sum, ut alta meditere, ac procudas: neque reformides obrectarum voculas: quæ in proscaenium prodeunti nonnihil fortassis molestæ futuræ sunt; ubi tibi semel ipse audientiam feceris, conticescent. Vale. Romæ Idib. Decemb. M D L X V I I I.

M. AN.

M. ANTONIUS MURETUS

FRANCISCO BENCIO,
e Societate Jesu S. D.

XCVIII.

Dedicatio est interpretationis duorum Aristotelis Rhetoricorū.

Quod non difficile modo factu, sed prope incredibile suapte sponte videri potest, id mihi tecum usu venit, Francisce Benci; ut inter homines summa inter se charitate devinctos intercedat tamen prope quotidiana contentio, dum & tu, alienorum officiorum benignissimus æstimator, summa quædam mihi debere te prædicas, & ego contra tantum mihi a te tributum esse profiteor, ut omnis mihi spes plane præcisa sit tecum unquam paria faciendi. Nam si rationes putandæ, & ad calculum res vocanda sit: quid a te mihi aliud acceptum ferri potest, quam quod multos ab hinc annos efflorescentem ingenii tui vim admiratus, ducent me tibi ad eas artes præbui, in quibus postea Dei ope, & industria tua fretus, eos progressus fecisti, ut in te jam pridem & eximia dicendi vis, & minime vulgaris eruditio, uno omnium ore celebretur? Cujus qualiscumque officii erga te mei abunde mihi magnam gratiam percipere videor, cum, qui ad te audiendum confluunt, ad Mureti auditorem atque alumnum ire se prædicant, eaque in te viva ac spirantia agnoscunt, quorum in me olim umbra fortassis aliqua ac simulacrum fuit. At ego, nisi prorsus ingratum haberi me velim, quæquantaque tibi me deberi agnoscam necesse est. Tu me prius, tanto adolescentior tanto seniore, humana contemnere, & pleno gradu ad divina properare docuisti: cum in ipso vernantis ætatis flore, posthabitis voluptatibus, ambitione deposita, rejectis aliis omnibus curis, in istam te sanctissimam & orbi terrarum fructuosissimam hominum cultui divino mancipatorum sodalitatem contulisti; cum in suscepto semel consilio tam constanter perstitisti: neque cessisti illorum vocibus, qui cum in collegiis vestris educati essent, & illic didicissent istud nescio quid, quod jactant, litterarum, a quo ipsi ordine flagitiose desciverant, in eum

ne nomen dares abstertere te conabantur. In quem tu semel
 admissus ita vitam instituisti, ut facile declaraveris, non
 illum cœcum quemdam, ut ipsi mentiebantur, ac temera-
 rium impetum, sed divini numinis instinctum atque affla-
 tum fuisse; & (ut ad ea redeam, quæ ad me proprie per-
 tinent) nunquam ex illo consiliis, præceptis, cohortatio-
 nibus juvare me, & faces ac stimulos animo meo ad pietatem
 subdere destitisti. Merito itaque ita te amo & ut patrem
 filius, & ut filium pater: his enim nos, quæ maxima sunt,
 charitatis vinculis bonitas divina copulavit. Quare, quod
 & in cæteris rebus, quoad potero, sedulo faciam, libenter
 his paucis diebus obsecutus sum studio tuo, (z) &, qui
 pridem conatus essem secundum Rhetoricorum Aristotelis
 librum Latine reddere, quamquam hoc tempore, & multis,
 ut nosti, occupationibus obrutus, & molesto ac difficili
 pedum morbo octavum jam mensem impeditus, in tuam
 tamen gratiam etiam primum addidi. Tertium, ut sæpe
 ex me audisti, Latine reddi posse vix puto. Sed si quid
 unquam mihi vacui temporis dabitur, quod optare ma-
 gis quam sperare possum, non ego quidem illum inter-
 pretabor: sed Aristotelea præcepta, quæ eo continentur,
 meo more tractare, & Latinis exemplis illustrare conabor.
 In his autem, quos nunc ad te mitto, quosque amoris erga te
 mei monumentum esse cupio, facile prospicio fore, ut
 multi multa mirentur, partim longe aliter a me recepta,
 quam ab aliis, partim etiam a vulgata Græcorum libro-
 rum editione discrepantia. Qui hoc velim cogitent, neque
 causam mihi ullam fuisse suscipiendi novi laboris, si nul-
 la in re dissensissem a cæteris: & ipsos inter se Græcos libros
 ita variare, ut a multis discedere necesse sit, quicumque
 unum sequi velit. Spero autem me brevi breves quasdam
 notas in hos libros editurum, ex quibus, quid in eis aut
 præstiterim, aut præstare voluerim, curque locis aliquot,
 non ab aliis modo, sed ab ipso quoque eruditorum Coryphæo
 Petro Victorio, cui debetur, quicquid fructus hac ætate
 ex horum librorum lectione percipitur, dissentire ausus
 sim, commodius intelligatur. Romæ. Id. Febr. MDLXXXV.

E I-

(z) confer, qua Muræus ad Barthorem scribit l. III.
 Ep. 73.

M. ANTONIUS MURETUS

JACOBO PONTANO,
e Societate JESU, S. D.

XCIX.

Q Uod ad te scribendi principium capiam, nescio: ita me pudet tam diu in ære tuo fuisse, & humanissime scriptis a te litteris nihil adhuc respondisse. Sed magna mihi spes est in facilitate & comitate tua, daturum te non gravate veniam occupationibus meis, quæ me ita undique districtum tenent, ut erga plerosque amicos parum officiosum videri cogant. Magnam etiam metus partem mihi demit Franciscus Bencius, qui mihi omni adseveratione confirmat, ita te cupidum esse litterarum mearum, ut quicquid a me mittetur, in solum accepturus sis. Quod ego te, ut facias, Pontane optime, vehementer oro: itaque ea lege, ut me posthac (jam enim, ut spero, liberior ac solutior futurus sum) copiosius tibi satisfacturum esse pollicear. Interea, quoniam Δώρα, ut ille ait, δὲ πείρα, mitto ad te, qua te facilius placeam, λόγους quoddam meum, & verius nescio quos illustratos notis cujusdam familiaris mei. Hoc manusculum, qualecumque est, peto a te ut boni conulas, meque quamquam immerentem amare pergas. Vale. Romæ. Id. Julii. MDLXXXIV.

EIDEM PONTANO.

C.

C UR & tam rarus & tam brevis in scribendo sim, puto te ex Bencii nostri litteris cognovisse: cui cum promissum heri me hac nocte aliquid ad te scripturum, ita postea sum totam prope noctem acerbissimo sinistri pedis dolore vexatus, ut neque de legendo, neque de scribendo cogitare potuerim. Nunc albescente cælo, cum paululum se remiserit dolor, cuperem quidem scribere: sed quod scribam, hoc quidem tempore, nihil habeo, nisi te a me mirabiliter amari, quod tibi, etiam tacente me, dubium non esse arbitror.

EPISTOLA C.

145

tror. Utinam quidem esset aliquid, in quo id tibi re ac fa-
ctis testari possem; sed quando aliter non licet, curabo,
ubi quid scriptorum meorum edetur, ut ad te quamprimum
perferatur. Et si hoc ipsum non video, cur aut tibi, aut
cuiquam valde gratum esse debeat: quid enim tale in scri-
ptis meis inest, ut non satius sit vel nihil agere, quam eis
legendis operam perdere? Obsequamur igitur studio vestro:
ne dum arrogantiae crimen effugere conor, hoc ipso in id in-
cidam, si iudicium meum iudicio vestro anteponere voluero.
Quid jam? quid scribam aliud? etiam, ut & tu, & quos
istic habere diceris tui erga me amoris socios, hunc miserum
senem precibus vestri Deo commenderis, atque ab eo peta-
tis, ut qui tot annis in vitiorum sordibus vixi, beneficio
ipsius hac saltem extrema ætate aliquid efficere & edolare
possim, quod & ad gloriam ipsius, & posterorum utilita-
tem pertineat. Vale, Pontane mi, vale, & me ama.
Romæ xvi. Kalend. Januar. MDLXXXIV.



MARCI ANTONII MURETI EPISTOLARUM

LIBER TERTIUS.

M. ANTONIUS MURETUS S. D.

IUSTO LIPSIO SVO.

EPISTOLA PRIMA.



Nihil est aut te amabilius, aut litteris tuis dulcius: ad quas ego nudius tertius acceptas statim respondissem, si aut fuisset plus otii, aut statim responderi tua interfuisset. Cum & essem paulo, quam soleo, occupator, & in unius diei mora nihil esse incommodi viderem, indulgi naturæ meæ, qui perfectam haberem facilitatem tuæ. Desiderio tibi esse mutuam consuetudinem nostram, si vis me aperte ac simpliciter, loqui, ut mea consuetudo fert, & ut nostra summa conjunctio postulat, gaudeo: quodque ipsi mihi admirabile videtur, ex molestia ipsa tua voluptatem capio. Nam neque tu, nisi me valde amares, tam iniquo animo ferres absentiam meam, & mihi nihil jucundius est, quam a te valde amari. I nunc & dicito, verum esse illud Euripideum, ἐς κοινὸν ἀγαθόν: cum duorum, qui certe inter se amicissimi sunt, videas, uni alteius ægritudinem esse jucundam. Cave tamen putes, minus a me sermones tuos requiri, quam a te meos. Hic enim etsi adfluimus omnibus deliciis, planeque Phæacum vitam vivimus, ubi

--- εὐφροσύνη μὲν ἔχει κατὰ δῆμον ἅπαντα,
Δαιτυμόνες δ' ἀνὰ δώματ' ἀκνέζονται αἰοιδῶ,
Ἡμενοὶ ἐξείης παρὰ δὲ πλῆθους τράπεζαι
Σίτε καὶ κρητὼν.

nemo

ΕΠΙΣΤΟΛΑ II.

147

nemo tamen est, qui iisdem, quibus nos, studiis delectetur: ut jam verear, cum istuc rediero tandem a Musis & a litteris omnibus peregrinaturus, ne quis vestrum, quibus assidue in libris versari licet, mihi illud occurrat; Εβαρβαρως χρόνιος ὢν ἐν βαρβαρῶν. At tu, mi Lipsi, si me audis, hominem non valde prudentem, certe quidem insigniter amantem tui, obdura, & noli tam cito de Roma relinquenda cogitare. Mihi crede, *Iste tibi quondam latitiam feret labor*. Conventum esse a te Manutium meum gaudeo, & talem repertum, qualem ego tibi cum sæpe descripseram. Hoc tibi liquido confirmare possum, eum virum bonum esse, φιλόφρον & studiosissimum beneficiendi quamplurimis. Quare auctor tibi sum, ut te, quantum potes insinues in illius consuetudinem. Cogitabam de eodem oleo & opera ad Plautum nostrum scribere: sed alio vocor. Interea salutabis eum meo nomine, & ut cœpisti, reddes quotidie tua consuetudine doctiorem. Cras ad eum scribam. Bene vale, mi suavissime Lipsi. Tibure 12. Kalend. Septemb. MDLXIX.

M. ANTONIUS MURETUS
S. D.

IUSTO LIPSIO SUO.

II.

Respondet, opinor, saltem aliqua sui parte, epistola sequenti; quam ideo præstabat huic antepone. Certe iuvabit, eam, & quæ annotavimus, prius legere. Cæterum ad idem, quod hic agitur negotium referenda libri III. epistola duæ; 79. & 80. quamquam repugnare videatur annus epistola 80. adscriptus. Ἐπὶ αὐτῇ enim aliquod ibi agnoscas. Ego, ut liberum esset cuique amplius deliberare, in ea temporum notatione nihil mutavi.

Neque enim puto aut malevolorum rumusculos, aut tenues quosdam & obscuras suspiciones tantum potuisse, ut meus esse desieris: cum ego plane sim tuus. Quod inter amantes solet, zelotypia me quædam inceserat, quod alios quosdam, de quibus inter nos ridere interdum & jocari solebamus, & qui certe te, cum hic

K. 2. 1. esse,

filios, non ex æquo mecum amabant, si verum audire vis, ne nunc quidem amant, qui ex eis superstites sunt: eos igitur subiniquo animo ferebam a te & sapius & honorificentius quam me, præ quo illos contemnere solebas, nominavi. Sed missa hæc faciamus. Electorum tuorum *τεῦμα* mirifice mihi placuit. Cætera exspecto, & cum Saturnalia, tum multo etiam magis de vita ac scriptis Senecæ; quem ut accepero, in eodem te genere, ut potero, remunerabor. Illis quæ ais in undecimo meo. (a) aliorum ab iniquis capi posse, medere, ut vis (b). Sin fortasse integrum non est, omitte sane istam curam. Ego ante tres aut summum quatuor menses efficaciam, ne quis aut de voluntate mea erga te, aut de iudicio dubitare possit. (c) Ni fecero, tum tu sane de me, ut de homine parum bonæ fidei, conqueritor. Amemus inter nos, mi Lipsi, eo constantius, ut utatur ac ringantur isti, qui amicos esse nos nollent. Quælo de tuarum omnium rerum statu fac me, cum primum poteris, certorem. Vale, mi Lipsi, cujus ego nunc suavissimum os intueri mihi videor. 6. Idus Febr. Romæ. Litteras tuas

Kalen-

- (a) Subaudi Variarum Lectionum libro. Cuius cap. 1. parum abest, quin manifeste litterarii plagii in se commissi accuset Lipsium Muretus. Et vero hanc ab se nesculam postea Lipsius absterfit, licet Mureti nomen civiliter dissimulans, capite ultimo secundi Electorum. Quod quidem opus, quo tempore ultrocitroque mittebantur hæc epistola, nondum prodisse integrum, ipsa declarabunt.
- (b) Sudabat per ea tempora Variarum Mureti alteri editio jam quidecim constans libris, cum initio nonnisi octo (respice ad lib. III. epist. 79.) prodissent, sub prelo Plantini. Hic undecimi libri caput parum iucundum sibi Lipsius viderat. Jubeat ergo nunc Muretus, ipse pro lubitu mutet in eo, quæ displicerent.
- (c) Ubi, aut quomodo præstiterit hoc Muretus, quarendum amplius. Suspicebam aliquando, ipsum correxisse quendam in illo Variarum capite, antequam excideretur. Sane vero legimus in eo magnificas Lipsii laudes. Verum nihil nunc desinio, ac dubito potius, nunquam hoc promisso steterit Muretus. Quicquid sit, non fuisse Lipsio satisfactum, dubitare nos non sinit extremum ejus caput Electorum.

Kalendis ipsis Februarii accepi, ne me tardio rem fuisse in rescribendo putes: neque antea fuit tabellariorum copia.

M. ANTONIO MURETO S. D.

JUSTUS LIPSIUS.

III.

Legitur hac epistola & in Lipsianis, estque Centuria prima 53.

Causa mihi scribendi nata ex tuis ad Palatinum litteris quas cum gaudio vidi, cum motu animi legi. Vel in manu tua conspecta lætabor: quanto magis in hoc animo, & tam insigni testimonio amoris? quem si a quoquam mortalium, a te certe volo. Ita adolescens judicavi, ita nunc, consensum quemdam esse conspirantis iudicii nostri & naturæ. Qui ad conjunctionem, quæso te, valeat, non ad æmulationem, aut, quod pudet me dicere, simultatem. Et fuere tamen improbi homines, qui id sperarent: a quibus alia quædam ad me delata olim, non nego: (d) sed vana falsa, ut nunc video; & quibus caput, homines non profecti solum, sed utrique nostrum infesti. Ea per communes deos deasque obliteremus, mi Amice: & beneficiis inter nos certemus, non quærelis. Electorum librum (e) jam nunc

K 3 vul.

(d) Cum his conferenda, quæ scribit Lipsius ad Rencium Cent. I. Epist. 52. (cui quidem adscriptus annus, nescio an recte, 1534.) M. Ant. Muretum aino restituoque. Minus prompte id ostendo, quia multa in me ab illo non amica. Quo meo merito? Tacitum edidi, quid ego? an illius? Quæ hic injuria est, si campum eundem Famæ decurri sine fraude? &c. Atque ad Tacitum Lipsii ea quoque pertinent, quæ Muretus in Lipsium stomachatur Undecimo Variarum, de qua ad epist. præced. list. a.

(e) Duo leguntur electorum libri Lipsiani. Sed quotem-pore scripta hæc fuit Epistola, nonnisi unus e prolo Plantiniano exierat, in altero adhuc occuparis operis. Itaque primum hunc Muretus, aut fortasse particulam tantum ejus aliquam sibi missam a Plantino. (vide lib. III. Epist. 79.) epistola præcedente nonnisi prælo vocat Electorum.

vulgavi: paro Saturnalium sermonum, & de vita, ac scriptis Annæi Senecæ. Quem nec invitum ad te miserim, quasi vadem amicitiae coeuntis & senescentis. Ecti quid in ea ægrum? nec aliud peccatum utrinque, quam cessatione, & amicitiae, ut sic dicam, inusu. Quod ipsum emendemus. Viximus amicissime una, vivamus porro, & moriamur. En ego ille, cujus ingenium & os coram probasti: nec amorem absentis requires profecto aut fidem. Te ut eundem sperem, faciunt pauca, sed impressa & signata epistolæ tuæ verba: quæ ruminor identidem & examino, ut solent amantes. Vale. Lugduni in Batavis, ad magnum & sine terminis mare. 3. Kalend. Decemb. MDLXXI. (f)

M. ANTONIUS MURETUS

HIERONYMO MERCURIALI S.P.D.

IV.

CUM tuæ litteræ (g) ad Urbem allatæ sunt, Tibur jam omnes, ut nos quotannis facere solere scis, secesseramus; eo illas accepi biduo, aut triduo serius. Tibure autem neque Hippocratem habebam, neque Gellium; expectandum denovo fuit, dum Roma acerssirentur. Allatis; ecce tibi aliud incommodum, Corripit me febricula, non illa quidem, ut eventus postea docuit, periculosa; sed quæ tamen animum nonnullo metu suspensum ab omni scribendi cogitatione avocaret. Hæc ideo, ne mireris, me ad tuas tardius respondere. Locus est ex libello *περὶ τροφῆς*: *ἐκ ἐστὶ γίνεται δὲ ἐκ τῶν τοιῶν καὶ πλείων, καὶ ἐλάσσων* Huc ego addebam illa ex Gellio: aut potius pro illis, *ἐκ ἐστὶ καὶ ἐστὶ*, supponebam illa, *ἐστὶ δὲ καὶ ἐκ ἐστὶ καὶ ἀντιπαραβολὰς γένεσιν*. Quod si tibi quæque ita videtur, non dubito quin verum sit; sin tu secus judi-

(f) In Lipsianis Epistolis adscribitur annus MDLXXI.

(g) Consuluerat Mercurialis Muretum per litteras de quodam Hippocratis loco in libro *περὶ τροφῆς*, quem ipse Mercurialis e Gellii lib. III. c. 16. cum jam sanasset, ex Puteano intellexit. medicinam illi jam factam a Mureto fuisse. Vi. de Mercuriale lib. III. Var. Lect. c. 10. (cui & hanc Mureti responsoriam adjunxit) & Muretum ipsum XV. var. 12. Nam hinc Epistola præsentis lux erit,

judicas, nunquam mihi dubium erit, quin tua sententia
 verior sit. Semper enim non in his modo rebus, quarum tua
 propria possessio est, sed in omni litterarum genere, judi-
 cium tuum libentissime anteponam meo. Vale, meque
 ama, & certo tibi persuade, te a me mirifice & amari,
 & coli. Tibure. Kal. Sept. MDLXX.

M. ANTONIUS MURETUS

HUB, GIPHANIO S. D.

V.

*Responder Giphanio ad Epistolam, qua supra
 est libri 1. 73. Ecti de tua.*

Litteræ tuæ, supra quam dici potest, mihi gratiæ fue-
 runt: cum enim jampridem te valde amarem, miri-
 fice cupiebam, animum illum meum tibi notum esse, non
 dubitans, fore, ut vicissim abs te amarer. Sed ad eas idcir-
 co serius opinione tua respondeo, primum quia eas quoque
 fero admodum accepi, hoc est, Kalendis Januarii ipsi, in
 quo mihi visum est etiam inesse aliquid lætum ac prospe-
 rum omen, ut spem vel ex eo aliquam conceperim, totum
 hunc annum, (*ὅς ἐστι δ' ἐπιστολῶν*) mihi faustum ac feli-
 cem fore. Deinde tentare volebam, numquid, antequam
 rescriberem, de Gellio, quale tu cupis, efficere ac præ-
 stare possem. Sed nihil adhuc repertum est, quod quidem
 sit magno pretii. Spes adhuc una reliqua est, in bibliotheca
 Cardinalium Farnesii & Sforzæ, quas nondum excus-
 si: id quod, noli dubitare, quin diligenter facturus sim,
 cum primum per occupationes meas licuerit: quæ sane
 & multæ sunt, & eo molestiores, quod alienæ sunt ab
 omni genere litterarum. Sed multa ferenda sunt iis omni-
 bus, qui coguntur aliena, ut ille ait, vivere quadra. Tu
 vero, mi Giphani, qui & ingenio excellis & doctrina abun-
 das, & ea ætate, quæ sit labori ferendo, perge, ut fa-
 cis, aliquid assidue elaborare, quod & tibi gloriæ sit, &
 nobis ac posteris usui. Nam de Lambino quidem nihil video
 causæ, cur ejus obrectatio deterrere te aut abducere a stu-
 dio debeat. Ille in te fuit, qui in alios solet. Et, ita mi-
 hi omnia, quæ cupio, eveniant, ut ego valde mirabar, si

tibi eum impune laudare licuisset. Ita enim homo est: eis solis plurimum invidet, quibus plurimum debet. Quomodo me acceperit, nosti: quantum autem mihi debeat, & ipse & alii plurimi norunt. Tu vero pro uno frigido obrectatore, habiturus es innumerabiles, qui te ac labores tuos laudibus in cœlum ferent. Sed hæc alias. Peto a te ut me ames: neque de mea erga te propensissima voluntate dubites. Plura scriberem: sed urget hic amicus meus, vir bonus, & litteratus, quo nomine eum a te quoque humaniter excipi volo. Is cum statim discessurus esset, vix ad hæc ipsa scribenda satis mihi temporis dedit. Quare ignoscas etiam si quid forte minus accurate scriptum erit. Quæro te, scribito aliquid ad Berzevicæum nostrum, & significato ei, multum accessisse ad veterem meam erga eum benevolentiam, quod conciliator fuerit amicitiaæ nostræ: Item illud, me paucis diebus ad ejus litteras (h), quas una cum tuis accepi, copiosissime responsurum. Saluta etiam mihi diligenter clarissimum virum Paulum Foxium Oratorem regium: qui quando tanti me esse duxit, ut me ad scribendum, litteris suis excitandum putaverit, mirari non debebit, si quando ego honorifica ipsius appellatione scriptum aliquod meum exornare non verebor. Mi optime & eruditissime Giphani, etiam atque etiam vale. Romæ. Prid. Id. Jan. MDLXIX.

Respondet Giphanius Epistola, qua supra legitur libri 74. Ne me putes.

EIDEM GIPHANIO.

VI.

Respondet duabus epistolis Giphanii, quas invenies supra lib. 1. Epist. 47. Ne me putes. & 75. Quia Tibure.

PUdet me tam sero ad litteras tuas rescribere: sed velim, qua humanitate es, ignoscas occupationibus meis, non magnis illis quidem, sed multis tamen & molestis, quæque me interdum cogant magna cum meo dolore minus erga amicos officiosum esse, quam vellem. Impetravi tandem librum a Fulvio, qui (ὡς ἀπλῶς εἶπεν) minime respondit expectationi meæ. Nam neque totus est ille noctium Atticarum

(h) hæ sunt, opinor, qua leguntur supra lib. II. Ep. 45. quamquam ibi Bellivicejus exaratur, non Berzevicæus.

earum scriptor, neque quod est, valde diligenter scriptum est. Contuli quicquid erat accuratissime ipsemet cum meo Gryphiano anni MDXLVI. Quod aliter quam vulgo reperi id omne tibi hic cum fide representabo. † Primum igitur moneo, librum Fulvii *σύμμικτα* quædam esse ex Gellio sive Agellio & ex Valerio Maximo, ita ut alternis singulis Agellii capitibus singula Valerii subiecta sint. Idque nullo certo ordine. Græca nusquam comparent, nisi paucis admodum locis, idque ubi una tantum aut altera vox Græce scripta erat. Jam tu facile potes conicere librum non valde magni pretii esse. Antiquus tamen videtur. Ac ne te diutius suspensum animi teneam: quid in eo a vulgatis editionibus discrepet accipe. † Scriptoris nomen ita in eo libro fere notatur AG. semel tantum omnibus litteris Agellius. Sed scis in Pandectis Pantonium esse pro *P. Antonio*, Cafraniam pro *C. Afrania*, ut quidem nonnulli putant. Sic Maurilium aut Maurelium dixerunt, qui erat *M. Aurelius*. Sed hoc tu videris. Jam enim clamat Lambinus, (i) indocte atque inscienter facere, qui hunc scriptorem Agellium vocent: itaque verendum est, ne det aliquam pugnam denuo. Ego quidem Priscianum veterem habeo, in quo aperte & constanter vocatur Agellius. Habeo & alia quædam argumenta non infirma, quibus adducor, ut existimem, rectius Agellium vocari, quam A. Gellium, *ἀλλὰ ταῦτα ὁ μὴν μελίσσε*. † Cap. 17. libri primi, *irarumque & molestiarum*. lib. vetus 3 *rerumque & molestiarum*. Eodem: *Satyra Satura*: ita etiam alibi sæpe. *Lepido quidem*, scr. *lepipe quidem*. † Cap. 19. 4 *desperet, risit: derisit. apposuit apponit, deussit: deurit. reliquos sex an eodem, &c.* illud an abest a libro vetere. † 5 Cap. 20. Græca omnia Latinis litteris notata sunt, præter illa in extremo *μῆκος ἀπλᾶς*. In eodem *μετρίαν* *gula*. & in fine *inlatrabile*, qualia posthac non notabo: ut neque illa, *adferre, adponere*, non ut vulgo, *afferre, apponere*, & similia, quæ vix unquam aliter scripta in libris veteribus reperias. † Cap. 23. *scriptumque est a M. Catone. venustate atque luce. cum Hac dictavi. Tum cum in senatu percontata est filiam*. Ita semper hoc verbum scribit, non, ut vulgo quidam percontari. Tum puer matre urgente. utrum videretur utilis. quid sibi posulatio isthac vellet. ne introeant

(i) Ea respice, quæ notavimus ad lib. 1. Epist. 76. lit. i. m.

proeant prater ille unus Papius. (hoc verum puto.) Is
 7 atate prorexta prudentiam. † Cap. 24. postq. mortem adeptus
 8 Plantus (hoc quoque fortassis rectum sit.) † Cap. 25. inau-
 9 cius mumusum aliquo. Ego, mensum. Cessationem istam pu-
 gna patriciam o's patrici causa. non pugnetur, nihilque inco-
 moderatur. † Cap. 29. post quotidianas lectiones. Ita fere lem-
 per scribie, non, quotidianas, etsi hoc quoque modo inter-
 dum in ipsius commentariis, neque jam querimoniam aut ge-
 mitus ejulatusque Non ita esse Plutarchum, ut Philosophum
 deceret. tu hoc age. ἀπογνώστω ἀναγνώστω.

Libro secundo.

- 10 † Cap. 1. ad fortuitas patientia vices firmandi, id quoque,
 &c. Valerudine. Ita semper, ut &, benivolus & malivolus.
 Qua in belli Peloponnesiaci principiis ipsam Ath. civ. inter-
 11 uecivogerere. † Cap. 6. Nonnulli ex Grammaticis. Atimi-
 dos nautas, Omnia jam vulgata, hæc tres voces absunt a
 libro vetere. In laudari. & sic semper. non laudo solum in-
 dignus, sed detetione. Ego suspicor legendum, detestatione
 squallentem, semper, non, ut vulgo, squa! lentem. quam
 jacere, unde id verbum &c. aut vento aut pulvere laborare
 videmus. duæ postremæ voces absunt a libro vetere. Hano-
 nibal (sic semper) M. Tullius IV. in Verrem. non ut ab ho-
 ste. Nemo quisquam tam efficitis est moribus; ἴσως, effittis.
 In laudatus quoque igitur finis est, &c. Sic in actionibus ci-
 vilibus aut laudari dicitur, qui est nominatus. Recte au-
 tem scripsisti, legendum ibi esse, auctor. Illaudabilis &
 innominabilis, duæ postremæ voces absunt. Diana Efesia.
 Sic & Favorinum, non, Phavorinum, & alia quæ iam eo-
 12 dem modo. atro & purpura prætecta. † Cap. 7. Omnia que
 pater imp. parendum. Super ea prius quæ dicta sunt. ut ac-
 cessitum venire. Catilina aliquo aut Tubulo. Non ergo est in-
 13 tegræ propositio dicendum. Ego, dicentium. † Cap. 21. proce-
 dentis noctis spatio. Sed ego, inquit, cum Latio. lego autem
 L. Ælio. triones rustico cetero vocabulo elegantiusque esse vi-
 14 sum. † Cap. 22. Atque etiam apperebamus. regiones que esse
 celi quatuor. Septentriones. Japyx & Jaxgem semper per
 litterā γ. Sed qui ab activ. & solstitiali men venit Africus,
 qui Grace λ' ↓, unum meridionalem ventum. Sunt qui pro
 octo 12. faciunt, tertios quatuor in mediā, &c. Cur medi
 septentriones eadem, &c. in suis quisque regionibus. quem
 fawif.

avissimum putant. Apuli eodem quo ipsi sunt nomine. λεκόν
 γε αὐτὸν καί τις νεφός. Ego, ἐλκὼν ἐφ' αὐτὸν ὡς ὁ καί τις
 νεφός. Vocem κακὰ omnino delendam puto, neque sa-
 ne est in illo vetere. † Cap. 26. aliter ostrum, ali-
 ter crocum. nihil a vocabulo rursi differunt. in iis tamen
 colirib' q. m. d. denominandis. Nam phœniceus ὀφθαλμικός
 voca dixisti, & rutilus, & spadix phœnicei συώνυμος,
 Lassitudinemque minuam. Rudibus autem est rufus atrior,
 nigrore multo inustus. Latens contra rufus color est dilutior.
 Unde ei quoque &c. Nostreis autem veteribus Casia, quod in
 versu H. est id facis. †. Cap. 29. neque imperiose iret cibum
 quaesitum. idcirco die crastini. misit qui amicos roget. Ma-
 ter jubet eos animo otioso esse. Sol servit, & fit nihil. &
 dies amici nulli erant. Ego legendum puto: Sol servit, &
 fit nihil. it dies amici nulli erant. Vos modo inquit, advertite.
 In ipso enim jam vertitur, cuius est res, non aliunde petitur.
 migravit, seges a domino &c. levi plerumque & inani fiducia.
 Sperabam, me quæ reliqua sunt perscripturum. Sed in-
 terpellor. Ea tamen, sine ulla dubitatione, intra qua-
 triduum mittam. Ac si quid aliud est, quod me tua cau-
 sa posse arbitrere, peto a te, mi Giphani, ut tibi plane per-
 suadeas, te mihi ex animo carissimum esse: meque omnia,
 quæ ad te pertinebunt, semper studiose ac diligenter pro-
 curaturum. De locis, quos emendasti in epistolis Cicero-
 nis, auctor tibi sum, ut eos ad Manutium mittas. Et tibi
 ad eam rem operam meam dico. Spero, eum, ut est vir
 bonus, non dissimulaturum esse, quid a quo accepit.
 Vale. Romæ VIII. Calend. Jan. MDLXIX. Clarissimo Ora-
 tori, (k) quæso ut plurimam salutem meo nomine im-
 pertias.

Respondet Giphanius Epistola, qua habetur supra lib. I.
 76. Magnam tibi gratiam.

EI.

(k) Paulo Foxio. Diserte hunc nominat supra Epist. 5.
 circa fin.

Coniungenda hæc est Epistola cum 77. libri I. Tum demum Nam utraque respondet Giphanio ad eam, quæ legitur supra lib. 7. 76. Magnam tibi.

R Igi, conferens Lambiniana cum tuis: & præter ea, quorum tu indicem ad me miseris, alia etiam complura reperi. Tu, quæ ab illo in puteum (l) illum merula sunt, cum tibi commodum erit, in lucem extrahas, tibi quæ vindices, censeo. Quod me laudat, vellem tam merito id faceret, quam olim immerito notavit. Equidem possum, mi Giphani, ostendere tibi, si hic sis, litteras ipsius manu scriptas, quibus mihi gratias agit de locis quibusdam sibi explicatis, quos ipse postea questus est a me sibi subreptos esse. Et eas litteras diligenter adseruo, non ut edam, neque enim tanti esse ducō, sed ut ostendam interdum amicis, si quando de me & Lambino sermo incidit. A me quidem sibi metuere non debet. Nunquam natura contentiosus fui: & nunc quotidie magis *Lenit albescent animos capillus*. Tua potius causa verendum est, ne a quopiam audiat *ὡς γὰρ ἡ μάλα δὴ σε νέοι λυπεῖσι μαχίται*. Sed hæc omittamus.

1. † De *Tubulo*, ita plane in Fulvii libro omnibus
2. litteris scriptum est. † Cap. 13. l. i. neque quod divulgatum est placet, neque conjectura tua (quod venia tua dictum sit) mihi explet animum: præcipue cum statim sequatur: *Tum magister ἀρχιτέκτων*. Cogitandum igitur,
3. si quid melius. † In libro Fulvii, scito, non tantum primum caput libri primi, sed omnia omnino, in quibus nihil notatum a me videbis, desiderari. Libri molles est perexigua, & in eo ipso admixta, ut dixi (m) Valerii Maximi capita prope pari numero. † *Orechio* ibi scriptum est, non *Orcivo*. † Libri secundi caput decimum
4. in eo libro non est. † De scriptoris nomine exspecto
5. quæ polliceris. † De prænomine Nepotis nihil habeo,
6. nisi

(l) alluso ad nomen Puteani, ad quem Lambinus allucubi, ne Giphanium necesse haberet nominare, praecaverat. Repete lib. II. Epist. 76. lit. n.

(m) Epist. preced.

nisi quod semper suspicatus sum ex C. Cornelio Nepore, librarios, qui eandem litteram his ponere laboriosum putarent, fecisse Cornelium. Sæpe hoc ita commissum scio. † Quæ reliqua sunt in Gellium, superest, ut exsolvam. Illud mihi molestum est, quod eorum librorum, quos tu maxime requiris, vix πολλὸς ἡνέκεν quoddam est in Fulvii libro. Cap. 5. l. 3. *Arcefilaum*. Sed hoc prætereundum erat ad te scribendi, & talia postea omittentur. Incorruptus tamen & a supro integer. Nam quum vocem in *fractam* prioribus an posterioribus. † Cap. 6. in VII. 9 *problematorum*; † Cap. 9. *memoria* atque *ammiratione*. Sic 10 *repari scriptum* reperias. Colore *puniceo*, *flore* & *comanti* *juba*. *Argos* evertisse, *cupidineque* habendi. Eum *Cassium* *postea*, n. est, *victis* *partibus*. f. q. e. f. *misera* *morte* *oppetis*. † Cap. 15. *Polycritan*. Is *Diagoras* *tristis* *filios*. eos omnes *vidit*. Cum *populus* *gratulabundus*. *ibidem* *in stadio*. *in osculis* *atque* *in manibus*. non diu post eam *pugnam* *exanimata* est. 12 Post hunc locum utque ad librum novum nihil est in illo libro vetere. In libros sequentes quædam sunt, pauca quidem, sed in iis tamen quædam non contemnenda. Ea, si voles, ad te mittentur, simulque, si quid erit aliud, quo hoc tuum institutum a me adjuvari posse arbitreris.

Vale. Romæ. prid. Kal. Jan. (n) MDLXIX.

Respondet Giphanius *supralib. l. epist. 78. Paulotardius*.

M. ANTONII MURETI

In Libros Variarum Lectionum (o) Præfatio,

AD HIPPOLYTUM ESTENSEM,

Cardinalem ac Principem Illustrissimum, singularem
omnium honestarum artium Patronum.

VIII.

Magnopere peccare mihi viderer, Hippolyte, Cardinalis Illustrissime, si otium illud, quod & plurimum

(n) in hac adscribenda die errorem admissum esse notavi ad lib. I. Epist. 76. in fine.

(c) Hi novemdecim hodie leguntur. Atque tot exhibet Tom. II. *Lampadis Cruteriana*. Sed initio cum hac Præfatione nonnisi octo prodisse, vel e lib. III. Ep. 79. intelliges *infra*. Prodierrunt autem an. 1559. in quod ex hujus anni editione Veneta colligo.

mum & honestissimum tua mihi benignitate conceditur,
 alia ulla re, quam litterarum, & earum argum, qui-
 bus te insigniter oblectari video, assidua tractatione con-
 sumerem. Nam cum ea te præcipue causa commoverit,
 ut aditum mihi ad familiaritatem tuam ultro parefacien-
 dum putaris, quod ad te de mea erga illas incredibili volun-
 tate, meis fo tasse scriptis, & amicis de me summorum
 hominum concitata sermonibus fama pervenerat: quis
 me ferendum putet, nisi quam de me opinionem inco-
 gnito adhuc & absente conceperas, eam præsens ipse omni
 studio, omnique corporis & animi contentione confi mem?
 Ita igitur facio, quorum artium singularis pulchritudo men-
 tem meam, usque a puero, admirabili quodam sui deside-
 rio incenderet, eas nunc demum beneficio tuo aliis omni-
 bus curis solutus, magno & alacri animo persequor; ne-
 que sane committo, ut, qui me tibi tanquam homin-
 & non ineruditum, & eruditionis ac doctrinæ sitientissi-
 mum commendarunt: cum in illo priore indulserint amo-
 ri erga me suo, in hoc etiam altero eidem obsecuti, ac
 non potius id, quod exploratum haberent, vere apud te
 testati esse videantur. Quod cum facio, primum, quo ni-
 hil dulcius est, nihil optabilius, naturæ meæ propensio-
 nem sequor. Vere enim hoc tibi affirmare possum: si quis
 mihi Deus omnes opes, omnia commoda, omnem poten-
 tiam proponat, ea lege ac conditione, ut semel deponam
 hæc studia, & has qualescumque litterulas, altrices adole-
 scentiaæ meæ, fidissimas meorum omnium temporum com-
 mites, deseram: nunquam id faciam; neque quicquam tan-
 ti esse ducam, quod mereri velim, ut a suavissimo earum
 amplexu & contubernio abducar. Quare, ut dixi, cum
 in eas toto pectore incumbo, naturæ meæ parco, idque
 facio, quod si facere vetarer, vitalem mihi esse vitam non
 putarem. Deinde, quo mihi nihil prius ac potius neque
 est, neque esse debet, voluntati tuæ, morem gero. Sæpe
 enim mihi, quæ tua est humanitas, affirmasti, nullum ti-
 bi a me genus obsequii præstari posse jucundius, quam,
 si omne tempus arbitratu meo pñherem in litteris, & ali-
 quid assidue, quantum in me esset, excuderem, quod &
 mihi ornamento, & aliis usui, & tibi oblectationi esse pos-
 set. Neque vero me, ut id faciam, oratione tantum co-
 hortaris, verum etiam exemplo. Quid enim facere nos
 oportet.

oportet, quicumque tuis opibus non aliam ob causam fovemur, sustentamur, ornatur, quam ut in his studiis omni cogitatione defixa, dies noctesque exerceamur: cum te, te inquam ipsum, quem moderatrix humanarum rerum providentia in altissimo dignitatis gradu collocatur, perpetua gravissimorum munerum procuracione districtum teneri voluit, inter tot, tam graves, tam multiplices curas, tantopere ad tranquillitatem & salutem publicam pertinentes, quotidie tamen aliquid temporis harum artium tractationi tribuere videamus? Nimirum & unusquisque nostrum naturæ suæ, ut ait poeta quidam, semina sequitur: & quibuscum diu ac familiariter vixit, eorum mores & instituta vivendi facile ac libenter imitatur. Te vero cum omnis honestatis ac dignitatis amantissimum, omnium, quæ ad comparandam veram ac solidam gloriam pertinent, appetentissimum natura genuisset: consecuta deinde Francisci Valesii, Galliarum regis optimi ac maximi, intima illa, qua tot annos usus es, consuetudo magis etiam incitavit easdem illas vias, in quas ipsa te natura deduxerat, animosius & constantius persequendas. Ille homines eruditos ad se ex omnibus orbis terrarum partibus, amplissima eorum industriæ præmia statuens, convocabat: idem illud exemplum jam dudum Italia te maxima cum tua laude, renovantem intuetur. Ad regalem illius mensam non ullum acroama aut libentius, aut sæpius, quam vos alicujus eruditi hominis, audiebatur: epulæ quoque tuæ quotidie nulla re magis, quam gravissimis, & honestissimis virorum doctrina præstantium sermonibus, condiuntur. Ille igitur ad cæteras suas laudes eam addidit, qua nulla, meo quidem judicio, major est, nulla præclarior, ut communi omnium populorum consensu Litterarum Pater nominaretur: idem illud cognomentum apud posteros tributum iri, cuius per facile est, qui tuam erga homines liberalium artium scientia exultos munificam planeque regiam voluntatem cognoverit, augurari. Nos interea, cui per te hoc otio fruimur, omnem industriam eo conferre oportet, ut, quacumque ratione possumus heroicas ac prope divinas virtutes tuas omni genere monumentorum ad immortalē posteritatis memoriam consecremus: non quod rerum a te gestarum gloria nostro testimonio indigeat; sed quod alia nobis via nulla relinquitur, quin ingrati animi

mi notam effugere valeamus. Igitur alii quidem, quibus major doctrinæ copia est, alia tibi graviora, & majoris operæ inscriberent: ego autem, qui nondum eam facultatem consecutus sum, ut a me quicquam egregium expectari debeat, scribam tamen qualiacumque potero, & hisce parvis ac tenuibus munusculis testabor hominibus magnitudinem observantiæ erga te meæ. Illud quidem certe omni ope conabor efficere, ut scripta mea, si nullam aliam ob causam in pretio sint, utilitate tamen tueantur ipsa se, & hoc saltem nomine a studiosis hominibus non negligantur. Quod & alias feci, & in iis maxime, quos nuper apud te scripsi, Variarum Lectionum Libris. Primum enim cum in præstantissimis utriusque linguæ scriptoribus multa, vel temporum vel hominum culpa, corrupte & depravate legantur; eaque res vel non animadversa errorem, vel animadversa molestiam, & difficultatem legentibus objicere soleat: ejus incommodi ut pars aliqua per me tolleretur, operam dedi. Deinde, cum & illud constet, veteres Latinos summo studio esse in Græcorum imitatione versatos, & eorum locorum, quos illi ab his acceptos in usum suum transtulerunt, diligens, & accurata notatio magnam his temporibus utilitatem habere credatur: hujus quoque generis inspergenda nonnulla esse dixi. Narratiunculas etiam aliquot admiscui quarundam historiarum, quæ neque contritæ ac communes essent; neque fore injucundæ cognitu viderentur. Ubi autem ita res tulit, ut ab iis, qui vel ætate nostra, vel etiam superioribus temporibus in hoc ipso curriculo industriam suam exercuerant, dissentirem: feci id, ut & natura, & consuetudo mea fert, libere; sed ea tamen moderatione servata, ut, imminutam esse a me dignitatem suam nemo conqueri possit, nisi qui tantum sibi tribuat, ut errare se posse non putet: quod neque cuiquam unquam contigit, & majus est, quam ut convenire in humanam fragilitatem queat. Sed nos quid fecerimus, ipsa res indicabit: testatum quidem omnibus esse volumus, nihil aliud nobis propositum fuisse, quam ut sine cujusquam offensione, auxilii aliquid attulisse huic studiorum generi diceremus. A te autem Hippolyte Principum decus etiam atque etiam petimus, ut qua nos humanitate in familiarium tuorum numerum recipere dignatus es, eadem hos labores nostros, qui nulla re magis, quam

quam tui nominis auctoritate, nixi, in publicum produnt, tibi accipiendos putes; neque tam, quid amplitudini tuæ conveniat, quam, quid præstari a nobis possit, expendas: nam & hæc ipsa, novis in dies accessionibus crescent, & alia suo tempore, quæ tibi gratiora fore confidimus, proferentur.

PRÆFATIO (P) IN VERSIONEM LATINAM

Libri Quinti Ethicorum Aristotelis.

M. ANTONIUS MURETUS

AUDITORIBUS SUIS.

IX.

Cum hunc Aristotelis librum vobis explicaturus essem, multis de causis mihi faciendum putavi, ut eum prius Latine a me conversum ederem. Primum quoniam et si in cæteris libris explicandis conatus eram efficere, ut ne ii quidem, qui Græcarum litterarum rudes sunt, adiutum sibi ad me audiendum peregrinitate sermonis oclusum esse quererentur: non obscuris tamen multorum sermonibus aures meæ quotidie verberabantur, conquerentium, crebro illo vocum Græcarum interiectu retardari intelligentiam suam: planiora sibi multo & expeditiora omnia fore, si Latine dicerentur. Horum igitur studio aliquid tribuendum esse duxi. Deinde submolestum ipsi mihi nonnunquam erat, (verum ut fatear) tantum quotidie operæ, ac temporis in reddendis singulis vocibus ponere: ut mihi quoque satius videretur, semel illo labore defungi. Nam cum singulæ disputationes nostræ in unius horæ curriculum concludantur, ex eoque ipso aliquid sæpe multis occasionibus deliberatur, ac detrahatur, adhibenda parcimonia est, videndumque omni studio, ut id saltem, quod datur, quam possumus optime & utilissime collocetur. Jam eam brevi tempore, non multum potest tractandis rebus relinqui, si aliquid ex eo singula verba decerpant. Præcipue autem hic liber propter mirificam quamdam rerum ac sententiarum

Tom. II.

L. rum

(P) Vel Programma potius. Legitur autem & in Commentariis Mureti in Aristotelis Nicomachea p. 304.

rum subtilitatem postulare quodammodo videbatur, ut, quo liberiores animi nostri totos se ad eas penitus cognoscendas darent, illa altera pars laboris & vobis & mihi demeretur. Fuere & aliæ hujus mei consilii causæ, quas nihil necesse habeo pluribus persequi. Dedi autem operam, quantum quidem in me fuit, ut Aristotelis non sententiam modo exprimerem, sed genus ipsum dicendi, quoad liceret, imitarer. Nam cum suo quisque modo & loquatur & scribat, aliosque angusta, pressa, concisa, alios ampla, copiosa, redundans delectet oratio: non satis probo consilium eorum, qui, cum Aristoteles siccitatem quamdam tenuitatemque dicendi, contra Cicero copiam & ubertatem adamaverit, neque quidquam tam dissimile sit, quam eorum inter se dicendi genus; Aristotelem tamen interpretantes, quia se, quam possunt Ciceronis simillimos esse cupiunt, quæ ab illo & breviter, & suboscure dicta sunt, ea hujus more dilatant, atque deducunt. Sed suum cuique, ut dicitur. Ego an, quod volui, assecutus sim, nescio, aut potius id non assecutum esse me, scio; certe quidem, quod in hoc genere optimum est, id me secutum esse, ac propositum habuisse confido. Neque damno industriam eorum, qui ante me, aut postme, (si quidem jam duodecim anni sunt cum hujus libri interpretatio mea primum edita est) in his rebus Latine tractandis elaborarunt. Quorum etiam quidam auxilio ad eam rem meo usus esse se, non dissimulant. Neque tantum, ut ille dixit, posterior dies prioris discipulus est, sed etiam magister. Multa aliter olim accipiebam, aliter hodie accipio: Græcos etiam libros multo pluribus locis depravatos esse video, quam tunc arbitrabar. Itaque necesse est, multa longe secus in eorum interpretationibus quam in mea, legi. De quibus non intelligentes modo, sed etiam eos, qui sibi tales videntur, quorum omnis ætas magnam copiam extulit, judicaturos esse prospicio. Horum ego neque alteros rejicio, neque alteros extimesco: est ejusdem ingenii; & eruditum admonitiones amare, & indoctorum maledicta contemnere. Ubi, & cur a cæteris dissenferim, vos quidem & quotidie ex me ipso, cæteri autem ex commentario, quem, cum primum libebit, edi uri sumus, intelligent. Romæ. Kal. Martii, Anno MDLXV.

M. ANTONIUS MURETUS

BERNARDINO LAUREDANO ANDREÆ

F. PATRICIO VENETO S. P. D.

X.

*Dedicatio est Scholiorum in Catullum. Cujus quidem pan-
tuisse postea Muretum intelligis e lib. I. Epist. 8. ubi
scribit: Omnino Venetiis &c.*

PRæstantium poetarum; Bernardine Lauredane, ado-
lescens clarissime, neque magna unquam copia & sem-
per magna laus fuit. Copia ne fuerit, id in causa est, quod
in cæteris facultatibus nemo est, dumtaxat eorum, qui he-
beti penitus ingenio non sunt; qui non adhibito labore, si-
minus excellere, at certe ad mediocritatem aliquam perve-
nire se posse confidat: in hac, nisi ab iis, quos ipsa quodam-
modo natura ad eam sinxerit; labore, diligentia, vigiliis
effici nihil potest. Ea ipsa res in hominum animis admiratio-
nem peperit poetarum: obstupefactis videlicet hominibus,
cum viderent alios sponte quadam, & propensione naturæ,
sine ullo labore ea fundere, quæ cum omnibus eloquentiæ
luminibus interlita, tum sparsa multifariam eruditionis va-
riæ notis, non tantum dulci sono tenerent aures; sed etiam
omni genere affectuum, intimos audientium sensus cogita-
tionesque tentarent; alios contra ingenuarum artium scientia
perpolitos, nulla tamen diligentia, aut diuturnitate stu-
dii consequi posse, ut aliquò inter poetas numero ac loco
haberentur. Ut autem omni elegantis doctrinæ, ita hujus
quoque virtutis præstantia, longe supra cæteros, Græ-
corum hominum ingenia floruerunt: Romani & serius
attigerunt poeticam, & coluerunt negligentius; & mi-
nime longo tempore in recte scribendorum poematum
via perfliterunt: siquidem cum a rudibus apud eos poe-
tica profecta principiis tandem per multos gradus ad
Virgilium pervenisset, (quo ego homine nihil statuo fe-
ri potuisse divinius) ita postea cæpere ingenia in dete-
rius labi, ut mirum sit, quanta, quam brevi tempore, sit
consecuta mutatio. Hispani poætæ præcipue & Romani

sermonis elegantiam contaminarunt, & cum inflatum quoddam, & tumidum, & gentis suæ moribus congruens inuexissent orationis genus, averterunt exemplo suo cæteros a recta illa, & simplici, in qua præcipua poetarum sita laus est, & in quam superiores omni studio incubuerant, imitatione naturæ. Itaque fere post Augusti tempora, ut quisque versum maxime inflaverat, sententiam maxime contorserat, eodeniue modo locutus fuerat, quo nemo serio soleret loqui: ita in pretio haberi cœpit. Quin etiam fucatus ille splendor, & adulterina eloquentiæ species ita nonnullorum, qui veræ eloquentiæ gustum non habent, obœcavit animos, ut his quoque temporibus existerint Hispani duo, homines cæteroqui & imprimis eruditi, & scriptis editis nobiles, quorum alter Lucanum Virgilio, alter Martialem Catullo anteponere veritus non est. Quorum ab utroque ita dissentio, ut, si quis Deas potestatem mihi optionemque faciat, non dicam Virgilio, cui videor injuriam facere, si eum ullo modo cum cæteris comparem, sed Ennii alicuius, aut Furii, quam Lucan., multo similem in scribendo esse me malim; inter Martialis autem & Catulli scripta, tantum interesse arbitrer, quantum inter dicta scurræ alicujus de trivio, & inter liberales ingenui hominis jocos, multo urbanitatis aspersos sale. Neque vero negaverim, multa in Martiale quoque non incienter dicta reperiri: sed profecto deteriorum longe numerus major est. Latine quidem orationis nativa illa, minimeque quasi pigmentis infusata germanitas in Martiale nulla est, in Catullo præcipua. Illis de causis, cum ab illo altero, nescio quo modo, semper abhorruissem: Catullum contra nunquam non mirabiliter amavi. Itaque legebam eum adolecentulus studiose, magnamque operam ad lepores illius intelligendos conferebam; nihil tamen minus cogitans, quam fore unquam, ut in eum commentarios scriberem. Sed, cum haud ita pridem venissem in Italiam, & ut eam regionem apicerem, qua qui æquo animo carent, mihi quidem antiquitatis memoriam satis colere non videntur, & mehercule, verum ut dicam, cum alios eruditos homines, tum Paulum imprimis Manutium ut cognoscerem, quod in ejus scriptis mihi videbar animadvertisse expressas qualdam excellentis doctrinæ eximæque probitatis notas; mihi que divina quadam virgula con-

contigisset, ut non pedem pœne prius in hac civitate ponerem, quam in amicitiam ipsius familiaritatemque intimam admitterer; ipseque aliquot diebus post de meis sermonibus collegisset, quantopere me ejus poetæ scripta caperent. Quin tu, inquit, M. Antoni, quæ in hoc genere notasti, ea in publicum profers, fructumque laboris tui cum cæteris antiqua illa naturæ atque humanitatis lege communicas? ibi tum ego cum & longe aliarum virium opus illud esse dixissem, & protulissem alia multa, quæ mihi ad eam cogitationem suscipiendam sane quam incommoda essent; eaque ipse amice admodum refutare pergeret, (nostri autem divinam hominis illius in dicendo suavitatem) non prius desistit, quam me impulit denique sibi ut reciperem, me id primo quoque tempore esse facturum. Neque vero diu fidem meam liberare distuli, ut qui inter varias occupationes homo, alioqui laboris non nimium tolerans, hoc tamen, quicquid est, trium mensium, aliquanto etiam minore spatio abolverem. Nunc hæcce vigilias meas, Bernardinæ Lauredanæ, multæ sunt causas quamobrem tibi dicatas velim. Natus es ex ampla cum primis & nobili familia, & ex qua ea Venetæ civitatis lumina exstiterunt, quorum claritatem nulla unquam inobscurabit oblivio. Præterea est hoc generi vestro prope fataliter datum, ut ametis litteras, hominesque earum scientia exultos benignitate vestra comprehendatis. Non longe abierimus; pater ipse tuus, vir, ut omnes norunt, omnium egregiæ virtutis laude cumulatissimus, ita litterarum amore incensus est, ut ea, qua ubique plurimum valet, auctoritate & gratia permagnam optimorum librorum, signorum, numismatumque veterum, cæterorumque antiquitatis monumentorum copiam ex universa Europa diligentissime collegerit. Itaque ut angusta quædam Musarum ædes, ita domus vestra Venetiis ab eruditis hominibus frequentatur. Hæc cum magna sint, ut certe sunt: tamen ex te ipso possunt innumerabilia magis propria tuæ laudis argumenta desumi: ingenium excellens, acre ac indefessum litterarum studium, optimarum artium cognitio tanta, quantam tu cum paucis aliis in istam ætatis viriditatem cadere posse docuisti; tum quod præcipuum est, ita compositi mores, ut juvenus tua multorum senectuti exemplo esse possit, Vel his superioribus mensibus, cum ad

M. Antonii Trivisani, Principis optimi, propinqui tui, luctuosam bonis omnibus mortem funebri laudatione (7) honestandam unus ex omni Venetæ nobilitatis flore delectus es : quanta , Deum immortalem ! orationis & gravitate & copia , quanta omnium , qui aderant , non approbatione tantum , verum etiam admiratione dixisti ! ut jam tum sperare non dubie senatus populusque Venetus cœperit , quæ tam diserte in alio laudares , eate aliquando re , atque operibus præstiturum . Igitur cum eam orationem in publ cum emisisses , nemo repertus est , qui non in cœlum tolleret ; aut , si qui postea fuerunt , qui eam clanculum extenuarent verbis , eos satis constat , vel crassitudine ingenii , ne illius pulchritudinem pervideant , vel , ne pro dignitate commendent , veteri morbo perpetuæ in omnes bonos invidiæ impediri . Accessere his propria quotidiani mecum Pauli Manutii de tua laude sermones , in cuius tu viri ore plane habitas : ita enim frequenter , ita cupide de te loquitur , ut mihi nunquam omnino quam cum de te dicere ingressus est , facundior esse videatur . Attigi breviter ea , quæ me , ut hunc librum tuo nomini potissimum inscriberem , impulerunt . Nunc a te , adolescens ornatissime , etiam atque etiam peto : primum , ut munusculum hoc non ex sua magnitudine , sed ex meo tibi gratificandi animo ponderes ; deinde , ut si quando eorum rationem inibis , quos eximiarum virtutis admiratio adjunxit tibi , me quoque , si videtur , eorum adscribendum humero existimes . Venetis , Id. Oct. MDLIV.

M. ANTONIUS MURETUS
TORQUATO BEMBO PETRI F.S.D.
XI.

*Dedicatio est Scholiorum in Tibullum . Mentionem
ejus supra lib. I. Epist. 9.*

Magna felicitate mihi carere videor , Torquate Bembe , quod non ita mature in Italiam venerim , ut

(1) Exstat ea inter Orationes funebres , in morte Pontificum , Imperatorum , Regum , Principum &c. habitas , excusas Hanov. A. 1613. p. 107.

Patrem tuum, virum immoralitate dignissimum, videre, atque alloqui possem. Nam & incredibilem quamdam voluptatem haussem ex illius herois aspectu, qui aut solus, aut præcipue effecerat, ut ne hæc ætas superioribus sæculis invideret: & effecissem, nisi valde fallor, ut ipse me, pro humanitate illa, qua complectebatur omnes, in quibus esset aliqua non alieni a Musis ingenii significatio, non usquequaque sibi despicendum putaret. Nunc, quando id, quod cuperem, consequi nullo modo possum; certe quidem id, quod proximum est, sedulo facio: colo, quacumque ratione licet, memoriam illius, & cum omni sermone, tum in scriptis meis, libentissime facio, ut eum laudem, qui mihi neque a me, neque a quoquam satis laudari posse unquam videtur. Neque vero ita sum amens, ut ad gloriam ipsius quicquam meo testimonio posse adjici censeam: sed ita plane judico, ut Deus, qui nullius præconio indiget, laudari se tamen ab hominibus vult: sic beatas illas mentes, in cælum receptas, & cum Deo conjunctas, gaudere, cum se a nobis coli ac celebrari vident. Ergo perinde ac si hujus rei sensus ad Petrum ipsum Bembum perventurus sit, ita de ipsius admirabili doctrina, singulari eloquentia, cæterisque virtutibus; quoties occasio est, prædico. Quod sive ita est, gaudeo, sive ipse me fallo, tamen hunc errorem, qui me tantopere delectat, mihi eripi nolim. Equidem non solum quæ ille nobis monumenta ingenii sui plurima ac pulcherrima reliquit, accurate pervolutare, verum etiam imagines corporis ipsius studiose contemplari soleo, magnamque ex eis oblectationem capio, quod illæ mihi ipsum ante oculos constituere videantur. Jam si aut depictam in tabula, aut marmore expressam, aut in ære argenteove insculptam Petri Bembi imaginem prope divino cultu afficere solitus sum: quid me tibi facere par est, Torquate Bembe, quem nobis divinus ille vir vivam & spirantem tum corporis tum multo magis ingenii ac virtutum suarum imaginem reliquit? Itaque ut intelligas, te a me tanti fieri, quanti æquum est & talis viri filium, & talem filium, qui paternæ gloriæ præclare omni ex parte respondeat: mitto ad te muneri Tibullum, hoc est, eum poetam, quem pater tuus felicissime expressit, emendatum a me, & brevibus scholiis illustratum, qui tibi testi-

monium aliquod sit incredibilis observantiæ erga te meæ. Parvum munus, fateor: sed & a magno animo proficiscitur, & majora alia subsequuntur, si hoc tibi non ingratus fuisse cognovero. Vale. Non. Maji, MDLVIII. Patavio.

M. ANTONIUS MURETUS

FRANCISCO GONZAGÆ

Ferdinandi F. S. D.

XII.

Dedicatio est Scholiorum in Propertium.

Non injuria dubitatum est a veteribus, Franciscæ Gonzagæ adolescens præstantissime, Tibullo nean Propertio deferendus esset inter Latinos poetas elegiæ scribendæ principatus. Nam ut insunt in utroque permulta, quæ eos, vulgarium numero exemptos in edito atque eminenti statuunt loco: sic propriæ quædam exsunt, & elucet in utroque virtutes, quibus uterque alterius palmam ambiguum facere videatur. Summa in Tibullo elocutionis elegantia, & proprietas; summa in Propertio eruditionis poeticæ copia, & varietas. In illo Romana prope omnia; in hoc pleraque transmarina. Illum nativa quædam, & incorrupta Romani sermonis integritas, in media urbe natum & altum esse perspicue ostendit; hunc præter cætera forma & character ipse dicendi Græcorum poetarum scriptis assiduissime versatum esse demonstrat. Cumque a sapientissimis viris traditum sit; duo esse præcipua poeticæ dictionis ornamenta, τὸ σαφές, καὶ τὸ ἑρμηνεύον: illo Tibullus, hoc Propertius excellere videtur. Mollior ille, & delicatior: nervosior hic & accuratior. Illo magis oblectere: hunc magis, ut opinor, admirare. Illum judices simplicius scripsisse, quæ cogitaret: hunc diligentius cogitasse, quid scriberet. In illo plus naturæ; in hoc plus curæ, atque industriæ fuisse perspicias. Quæ cum ita se habeant; perdifficile est discernere ac constituere, uter alteri præstet. Nam si præcipua laus poetarum in imitatione consistit: mihi quidem videtur Tibullus varios illos fluctuantis animæ motus, quibus amantes agitari solent,

me.

melius imitatus esse; fin, ut quidque ad optimum proxime accedit, ita ipsum quoque optimum iudicandum est: crediderim sane veterum illorum Græcorum, ac præcipue Callimachi, Propertium haud paulo similiorum fuisse; qua etiam fiducia ipse se Romanum Callimachum vocare ausus est. Sed hæc ut sunt, neque nostrum est, neque cuiusquam hominis prudentis, & considerati, qua de re veteres illi, quorum fuit & doctrina major, & iudicium acrius, non liquere pronuntiarunt, de ea certi quicquam constitutere, & litem secundum alterutrum dare. Satiùs fuerit, utrumque studiose ac diligenter evolvere, utriusque virtutes accurate perpendere, utrumque sibi ad imitandum proponere, si quando forte nos ad tentandum idem poematis genus aut voluntas adducet, aut naturæ impetus feret. Quæ ego omnia, Franciscæ Gonzaga, quantum quidem in me fuit, summo studio adolescens sciscitavi: non enim facile concesserim multis, qui hos poetas aut sæpius, aut accuratius legerint, aut vero plus operæ posuerint in eorum virtutibus imitando exprimendis. Ex quo autem in me juvenilis illa, qua studia poetica foventur, alacritas defecit, animumque sibi meum graviorum, & hac ætate digniorum artium tractatio vindicavit: temperare mihi tamen non possum, quin sæpe eos in manibus habeam, horisque subscevis graviorum studiorum asperitatem hoc quasi condimento amœnitatis mitigam ac molliam. Quin etiam ut non occupationes tantum meæ, verum remissiones quoque animi afferant aliquid utilitatis hominibus: confero studium non mediocre ad libros eorum perpurgandos, & ad locos, si quos mihi forte intelligere videor, qui non ita sint omnibus pervii, explicandos. Tale igitur quiddam his diebus in Propertio præstiti: & tum admirabili desiderio tenerer insinuandi me aliquam in amicitiam tuam, iter mihi ad eam præmunire hoc munusculo volui. Ut autem a te cognosci cuperem, ne vivam, si me aut divitiæ, quibus abundas, aut generis tui claritas, aut quicquam denique præter maximas tuas, & jam nunc omnium sermone celebratissimas virtutes incitavit. Nam opulentorum, qui honesta studia spernant, non modo non ambire, ac persequi, sed aspernari etiam, ac refugere amicitias soleo, non semel expertus, nihil esse eiusmodi hominibus *φορτικώτερον*, generis autem nobilitas in iis demum habet aliquid gloriosum.

riandum, qui faciunt id, quod tu, hoc est in iis, qui omni ope moliantur efficere, ut ne minus ipsi splendoris posteris suis tradidisse, quam a maioribus accepisse videantur. Itaque colunt te quidem homines & observant, ut magni illius Ferdinandi Gonzagæ, sapientissimi, fortissimi, fortunatissimi Imperatoris, filium: sed multo te, mihi crede, impensius colunt, quod eam te viam ingressum, aut potius in eam jam longe progressum vident, in qua si, ut spes minime dubia est, perstiteris, non ille apud posteros tot victoriis, tot optimis spoliis, tot trophæis, quam te filio, clarior sit futurus. Sed illius quidem res gestæ cum aliorum monumentis celebrabuntur, tum præcipue scriptis Antonii Possævini, familiaristui, eruditissimi hominis, & ad conscribendam historiam facti, tradentur memoriæ hominum sempiternæ: tuas autem hoc loco plaribus persequi nolo, tum, ne modum epistolæ excedam, tum, quod mihi veniunt in mentem Euripidis versus:

*Αἰνέμεναι γὰρ δὲ ἀγαθὸν, πρόπον τῶν
Μισοῖσι τὲς αἰνέοντας; εἰδὲν αἰνέσθ' ἀγαν.*

Id tantum te orabo, ut, cum a Philosophiæ studiis, in quibus te quotidie Bernandinus Tomitanus, singulare Patavini gymnasii decus, exercet, relaxare animum voles, Propertianæ lectioni temporis aliquid tribuere ne graveris: in qua si comitem tibi, ut facturum auguror, Hippolytum Capilupum, Episcopum, Fanensem, incredibili & virtute & doctrina hominem, assumpseris, habebis, qui tibi possit ea, quæ a me vel omissa vel non satis intellecta sunt, unus optime omnium interpretari, Vale. Patavii, Kalend. Sext. MDLVIII.

M. ANTONIUS MURETUS
LEONARDO MOCENICO, ANTONII
Procuratoris F. Patricio Veneto S. P. D.

XIII.

Dedicatio est Commentarii in quatuor Catilinaras Ciceronis, qui adjunctus legitur Commentario in Theoricis Aristotelis ubi quare p. 341. 333. ed. Ingolst. A. 1602.

Quod me sæpe in quotidiano sermone, Leonarde Mocenice, deplorantem audire potuisti, magna inest in
vete.

veterum scriptis & depravatio, & difficultas. Quarum
 utramque qui pro sua vili parte tollere moliantur, ope-
 ramque ad eam rem studiosis hominibus proficuntur suam:
 illi mihi & labores suos collocare fructuosius, & ad extruen-
 dam sibi nominis immortalitatem firmiora & solidiora fun-
 damenta jacere videntur, quam qui hunc emendandi ac de-
 clarandi laborem tanquam & pleniorum molestiarum, &
 abiectionem quodammodo, atque humiliorem refugien-
 tes, scribendis Latina, Græcave lingua orationibus aut
 poematis, ejusdemque generis illis, sua nomina posteritati
 commendare malunt. Primum enim cum veterum monu-
 mentis, tanquam ex opimis & pinguis pascuis, quæ ad
 sacrandos humapitate animo, pertinent, omnia colligan-
 tur: profecto qui & evellere noxias herbas; quæ in eis cul-
 torum negligentia pullularunt, & excisis, si quæ iter im-
 pediunt, sentibus, aditum ad ea faciliorem efficere nitun-
 tur, negari non potest, quin præclare omnino de humano
 genere mereantur. Siquidem ut, qui aut parum puris, aut
 ad conficiendum difficilibus utuntur cibus, integritatem
 valetudinis firmitatemque virium adipisci vix queunt: ita
 qui aut parum emendatos libros, aut parum ad intelligen-
 dum faciles versare coguntur, ne illi valde bene ingenio sint,
 oportet, si aut ullum sermonis leporem, aut ullam exquisi-
 tioris doctrinæ elegantiam consequuntur. Quam multa
 barbara vocabula, quam multa vitiosa genera loquendi,
 propter librorum corruptionem, usurparunt ii, qui se no-
 stra patrumque memoria Ciceronianos dici volebant? Quan-
 tularum rerum ignoratio quantas tenebras sæpe in omne
 disciplinarum genus invexit? Magna enim, Mœcenice,
 fecunditas erroris est; & ut morbi quidam a pusillis prin-
 cipis profecti, paulatim per corpus omne serpunt: ita par-
 va interdum macula erroris, paulatim progressa longius,
 integra optimorum scriptorum monumenta contaminat.
 Deinde non est sane expectandum; ut, omisso Cicerone,
 Virgilio, cæterisque veteribus, legantur ii, qui temporibus
 nostris aliquid eadem lingua in eodem genere scripserint.
 Qui si aliquid afferunt non haustum a veterum fontibus,
 prope reprehenduntur; sin improbo labore hoc consecu-
 ti sunt, ut in scriptis suis nihil non e priscis illis imitatum,
 & effectum appareat: nemo tamen est, qui non illos potius
 ipsos priscos evolvere, sibi que proponere ad imitandum ve-
 lit.

lit. Itaque eiusmodi scripta, tanquam vina levia, quamdiu mustea sunt, ipso novitatis sapore paulisper placeant; iterum aut sæpius gustata, fastidiuntur. In promptu exempla sunt Bembi, Navagerii, Molsæ, Lampridii aut versus, aut orationes, quotuscunque hodie legit? Et tamen aut illi nostri ætate proxime ad antiquorum gloriam accesserunt, aut nemo unquam accessurus est. At contra si qua iidem ad illustrandos veterum libros pertinentia litteris prodiderunt, qualia nonnulla Bembus elegantissime scripsit: ea plus, plusque in dies studiosorum hominum manibus coneruntur. Sed quid de his loquor? possum nominare nonnullos, qui abhinc sexaginta fere vixere annos, quorum poemata, orationes, epistolas, cum propter perversum, & inepta affectatione corruptum loquendi genus, quod ætas illa extulerat, sine risu hodie nemo legat; eorundem tamen scripta quædam, quibus lux aliqua vetustis scriptoribus affertur, omnibus vigent. Denique, quem sola sermonis elegantia suavitæque commendat, is ætatem ferre liber non potest: at ex quo fructus aliquid utilitatisque percipitur,

*Hic meret ara liber Sosii, hic & mare transit,
Et longum noto scriptori prorogat ævum.*

Ego autem Mocenice, quæ cupiditas in optimo quoque maxime viget, navandi studium suum utilitati publicæ, & nominis sui ad posteros propagandi, ab ea nunquam me abhoruisse confiteor. Quam ad rem cum illud mihi, de quo ante dixi, quasi compendiarium esse iter viderem; progressum in eo quoad potui, & progredi porro, si vita supeditaverit, cogito. Ergo alia alias: nuper autem quatuor Ciceronis in Catilinam orationes tum vindicavi a multis mendis, quæ in eis librariorum vitio infederant, tum, addita brevi declaratione, faciliores ad intelligendum effeci. Hunc parvum laboris mei fructum venire in hominum manus ornatum commendatione cui nominis volui. Primum, quod ipsi libro, parum ex me auctoritatis habituro, multum ex te accessurum dignitatis ac gratiæ intelligebam: in quo, quæcumque aut ad amplitudinem nominis, aut ad devinciendas amicitia hominum voluntates valent, summa esse omnia animadverto. Nam sive generis claritatem requirimus, cui tandem, qui Veneti Imperii nomen audiverit, Mocenicæ gentis splendor ignotus est? Quæ quidem gens. (ut ne annalium memoriam replicem, neque eos

com-

commemorem, quos domi forisque spectata virtus, concordibus suffragiis, ad hujus reipublicæ fastigium evexit) illud integritatis, illud iustitiæ, illud incorruptæ severitatis exemplar, Aloysium Mocenicum, equitem, tuum, Leonardæ, avum protulit. Quo viro nemo unquam in hac civitate, qui, cum pauciora peteret, plura consequeretur honoris insignia, inventus est: ipsa pro eo pensabat virtus, ipsa ei viam ad omnes honoris gradus, non appellandis, non rogandis, non officiose salutandis civibus, sed gloriosis, admirandis, immortalitate dignis edendis operibus muniebat. Neque vero passa res publica est, tantum lumen exteris Principibus incognitum latere; sed quamquam fidelissimis illius, sapientissimisque consiliis nixa, non libenter ab amplexu eum suo dimitteret: mandatis tamen ei plurimis, honorificentissimisque legationibus, facultatem dedit famæ suæ per omnes terrarum oras disseminandæ. Qui cum omnes in eam opinionem adduxisset, ut quicquid ipsi, non dicam denegatum, sed non ultro delatum fuisset, idem virtuti denegatum videretur: filio suo, patri tuo, Leonardæ, iisdem virtutibus prædito, facile atque expeditum iter ad procuratoriam, id est, ad eam, qua nulla summæ propior est, dignitatem reliquit. Sive igitur generis claritatem requirimus, ea tibi longe maxima divinitus contigit; sive te ipsam nulla ratione generis habita intuemur, ea videmus in te, quæ vel abjectam, obscuramque familiam erigere, atque illustrare possent. Non enim te aut gentis tuæ nobilitas tumulum, aut opum affluentia insolentem facit: sed illam quidem incitamentum, hanc vero instrumentum exercentis virtutis esseducens, ita te geris, ut dignitate par summis, humanitate, & affabilitate nihilo superior in omnis esse videaris. Quo sit, ut tota urbe nemo sit, qui non omnia tibi successa cupiat; qui te non amet, non in sinu, non in oculis ferat; qui non & optet, & augeretur fore, ut te eodem plane, quo avus olim, itinere gradientem, iisdem respublica, quibus illum profecuta est, honoribus prosequatur. Primum igitur tuo, ut dixi, nomine auctoritatem libro meo quærere aliquam volui: deinde, eum plurimis manifestissimisque indiciis, me tibi non vulgariter carum esse cognoscerem: volui ego quoque vicissim, qualemcumque poteram, animi erga te, mei significatio- nem dare. Vale. Venetiis, a .d. vi. Id. Octob. MDLVI.

M. AN.

M. ANTONIUS MURETUS

AD EUNDEM LEONARDUM MOECENICUM.

XIV.

*Præfatio est Commentarii in Catilinariam Ciceronis
primam: ubi legitur p. 341.*

SÆpe jam M. Tullius, antequam hanc orationem haberet, verba in senatu de Catilinæ conjuratione fecerat, ut vel ex eo perspicuum est, quod duodeviginti diebus ante, Consulibus Respublica senatusconsulto permissa erat. Quod ego ipsum admonere supervacaneum putassem, (est enim sanequam apertum) nisi animadvertissem, multos magnosque viros, non recentioribus modo, sed etiam ex antiquis, quod, quid quoque tempore actum fuisset, non satis attente considerassent, in errores quoddam minime, ut arbitror, negligendos, in harum rerum explicatione incidisse. Mihi quidem ita videtur: Ciceroni imprimis ipsi maximam esse hinc in rebus habendam fidem, ut, sicubi ab eo cæteri dissenserint, homines eos fuisse, idcircoque labi potuisse, arbitremur; secundum Ciceronem autem Sallustio, qui iisdem temporibus fuit; tum Asconio, qui ab eorum ætate non ita multum absuit; Græcos autem, Plutarchum, Appianum, Dionem magno esse adhibito iudicio legendos. Nam ut hinc ordiamur, cum conjurati, Catilinæ denuntiatione, in M. Porcii Leccæ domum convenissent, repertique essent duo, qui se Ciceronem in lectulo suo interfeduros pollicerentur: tum deum ait Sallustius, rem ad senatum a Cicerone relatum, senatumque decrevisse, ut darent operam Consules, ne quid respublica detrimenti caperet. At id manifestum falsum est: siquidem, quæ mox consecuta est posterum diem nonarum Novembri. ea nocte coitionem illam in M. Porcii domum factam esse, constat ex oratione pro Sylla. Jam autem sedecim, minimum, dies erant, cum illa senatus auctoritas intercesserat, ut ex hac ipsa oratione liquido cognosci potest. Illud quoque non minus falsum est, quod idem Sallustius prodidit, cum aut hanc orationem Cicero, aut aliam quampiam habuisset, certo quidem aliquot diebus post com-

missam Consulibus rempublicam Catilinam in eam vocem
denique erupisse, ut diceret, si quod incendium infortunat
suas excitatum esset, id se non aqua, sed ruina restitutu-
rum. Id enim jam pridem, id est, aliquot diebus ante co-
mitia consularia, Catoni iudicium minitanti ac denunci-
anti Catilina responderat: quod ipse Cicero in oratione pro
Murena testatum reliquit. Quod si Sallustium ipsum, &
accuratum cum primis hominem, & illorum temporum
æqualem, tamen alicubi lapsus videmus: exacuenda pro-
fecto nobis ingenii acies est, neque ut quidque a quoque ve-
terum proditum fuerit, ita protinus recipiendum est: sed
conferenda alia cum aliis, & ad Ciceronis præcipue aucto-
ritatem, tanquam ad Lydium lapidem, singula diligenter
examinanda. Nunc ad rem. Dicta est hæc oratio a Ci-
cerone consule, senatum habente in templo Jovis Statoris,
VI. Id. Novemb. ut infra probabitur. Quæ quidem oratione
ostendit, patefacta jam esse omnibus scelerata Catilinæ ad-
versus rempublicam consilia, ipsique suadet, vel potius
imperat, ut ex Urbe exeat, quo & civitatem liberet me-
tu, & ipse se liberius hostem Populi Romani profiteri
queat. Genus igitur causæ iudiciale non est, ut falso Cæ-
lius Curio putat: non enim in senatu iudicia exerceban-
tur. Sed ne deliberativum quidem est. Quid ita? quia
non delibaret Cicero, neque sententiam dicit, neque aut
suadet quicquam senatui, aut dissuadet: sed Catilinam
increpat, objurgat, exagitat, jubet denique, ut cum rei-
publicæ salute, sua vero peste ac perniciæ ex Urbe profi-
ciscatur. Quid igitur? fatendum profecto est, non omnes
Ciceronis orationes, nedum omnia, quæ ab oratore tra-
stantur, ad tria illa pervulgata causarum genera posse re-
vocari. Ipse autem orationis χαρακτήρ plenus est δεινότη-
τος, γοργότητος, σφοδρότητος, μεγαλοπρεπείας. Itaque
quæcumque de illo genere a veteribus prodita sunt, ea
hic mirabiliter observata reperiemus.

M. ANTONIUS MURETUS
 AD EUMDEM LEONARDUM MOCENICUM.
 XV.

*Prefatio specialis est Commentarii in Catilinariam Cicero-
 nis secundam: ubi legitur, p. 429.*

CUM multa alia in veteribus dicendi magistris admirari, &, libere ut loquar, non satis probare soleo, (r) Leonarde Mocenice: tum illud imprimis, quod iidem homines & multo longius, quam par erat, fines oratoris facultatis protulerunt, & eandem postea multo brevior, multoque angustior, quam ipsius natura fert, ambitu, quasque gyro concludere, ac constringere voluerunt. Nam cum ita late patere Oratoris officium tradidissent, ut ex omni artium numero nullam relinquerent, qua non instructum esse eum, atque ornatum oportere dicerent; neque præclarum illud nomen eloquentis cuiquam tribendum putarent, nisi qui idem & grammaticus esset, & dialecticus, & earum rerum, quæ in naturæ obscuritate positæ sunt, intelligens, & gubernandæ reipublicæ & gerendi belli peritus; eundemque esse vellent & musicum, & geometren, & arithmeticum, & astrologum, & medicum, & architeturum: nulla ut res esset cælo, terra, mari, de qua non ille copiosissime disputare, atque ornatissime posset: iidem postea, tanquam illius tantæ liberalitatis iura pœnitentes, quasi angustissimo quodam ergastulo, ita tribus causarum generibus totam illius tam late patentem, diffusamque vim coercuerunt. In quibus illud primum est, quod admirer: si quis Euclidis, Ptolemæive scripta nunquam legisset, cui tandem impedimento id ei ad dicendum putarint fore; aut qui minus eloquentem futurum, si qui nunquam neque cantare, neque saltare didicisset. Nam si, quod aliquando accidit, ut C. Sulpitius, de lunæ defectione differens, exercitum L. Paulli confirmaret, idcirco astrorum rationem Oratori esse necessaria dicimus, & quia defaciendis portubus, architectum; quia de livoribus, &

(r) *Perstringit hac Mureti Riccobonus paraphr. in l. Rhet. Arist. 3. p. 84.*

tumoribus in corpore interdum aliquid dicit, medicum esse eum volumus: eadem ratione dicamus sane, debere eum bonum coquam esse, bonumque futorem, quod in tanta rerum varietate accidere aliquando possit, ut de cibis ei sit aliquid calceamentisque dicendum. Magnum vero oratori negotium imponimus, si ut ei aliquid in sermone de hujus aut illius artis instrumentis, operibusve, aut de ipsa etiam efficiendi ratione occurreret, ita eum mittemus ad magistros, & nisi quam artem didicerit, nunquam de ea verbum facere patiemur. Ac profecto, si ista omnia in oratore sunt, mirum est, cur non ad canendum tibiis, ad obliganda vulnera, ad ædificanda navalia, disertis homines adhibeantur, & cur non oratoribus respublica, tanquam Delphicis gladiis, ad omnia, quæ sunt in civitate necessaria, utatur. Est autem operæ pretium cognoscere, quo potissimum argumento istud gloriosum dogma confirmet. De omnibus, inquit, rebus dicere, oratoris officium est: non potest autem quisquam ea dicendo tractare, quæ cognita perspectaque non habeat: omnium igitur artium scientiam animo comprehenderit oportet is, qui oratoris munus sustinere meditetur. O plumbeum, ut dicitur, pugioem! Quis enim hoc tibi concesserit, nisi quem ista magnorum nominum infatuaverit auctoritas, omnibus de rebus oratoris esse officium dicere? Sophistarum hoc fuit, promere jubere, quod quisque vellet: quod nemo unquam, qui orator haberetur, factitavit. Quando autem potest accidere, ut orator dicere debeat, quadrari possit circulus, necne possit; aut, ecquid ullam habeat quadrati latus cum diametro proportionem? At hæc ipsa si tractanda susceperit, multo tractabit ornatus, quam ipsi artifices solent. Sane vero, mortuos, credo, excitabit, & mutis rebus sermonem dabit, & similiter cadentibus ac similiter desinentibus canorum numerosamque efficiet orationem: faciteque, si id facere voluerit, effagiet & risus hominum, & insanix famam. Conspatiretur me hercule, ut opinor, & saxis lutoque peteretur, si quis in corona tractandis ejusmodi rebus ornatum ullum adhibere oratorium vellet. De iustis, iniustis, utilibus, inutilibus, honestis, turpibus, dicere oratoris officium est: non de quadratis & circulis, de conis & pyramidibus disputare. Itaque præclare Aristoteles, ut solet, Rhetoricen in iis modo versari ait, *περὶ δὲ*

τέχνας μὴ ἔχομεν, καὶ περὶ ὧν βελδομένηται: iis videlicet in rebus, quæ sunt in communi quadam intelligentia politæ, & de quibus, nemo est, qui non natura duce utcumque judicare se posse confidat. Hoc enim plane mihi quidem innuere videtur, cum ait, illam esse περὶ τοῦτων, ἢ καὶ τὸ πρόπον εἶναι ἀπάντων ἐστὶ γνώριζαν. Deinde, si maxime oratori accidere interdum posse fateamur, uti iis de rebus verborum aliquid faciat, quæ ad alias facultates aut scientias pertinent: non tamen ex eo efficietur, ut ad oratoris nomen tuendum necessaria sit omnium artium cognitio. Ac mihi cogitanti, quæ tandem istius erroris origo esse potuerit, ut aliarum multarum stultissimarum opinionum, ita huius quoque videntur Stoici principes, quatinus procreatores fuisse. Quale enim illi suum sapientem esse dixerant, qui solus formosus esset, solus liber, solus rex, solus dialecticus, solus eloquens, solus denique omnia, ut etiam, quamvis nunquam soleas fecisset, tutor tamen esset inprimis bonus: talem prope isti præclarum illum suum e Platonis re publica oratorem effinxere. Quam vanitatem secutus Vitruvius, (f) multo ille quidem modestius, sed tamen aut talem, aut certe non multo alium architectum informavit, atque illi oratorem fecerant. Quod idem non tantum in poeta, aut in imperatore facile probari queat: verum etiam, si ad illud exemplum progredi, & omnes artes paulatim commiscere libeat, eo tandem, diis juvantibus, veniemus, ut bonum musicum esse oporteat, qui bonus cerdo evadere coarctet. Sed, ut mittamus cætera, illud certe convenire nullo modo potest, ut & omnibus de rebus dicere sit oratoris, & totum illius officium contineatur tribus causarum generibus, (g) demonstrativo, deliberativo, & judiciali. Neque vero mihi quisquam Aristotelis hoc loco auctoritatem obiciat. Nam ille primum non, ut isti, omnia quæ in rerum natura sunt, oratori ad dicendum subjecta esse voluit: deinde multo verius, multoque sapientius locutus est: non enim tria genera causarum aut controversiarum, sed τρία αἰνῶ τῆς ῥητορικῆς, aut τρία γένη τῶν λόγων τῶν ῥητορικῶν dixit, quod si quis putat idem cum illo altero esse, longe errat.

(f) *Causam Vitruvii contra Muretum hic agit Voss. c. 4. Rhet. nat. p. 1.*

(g) *Mureto assensit Timplexus lib. V. Syst. Rhet. c. 1. §. 5. p. 303. Absentis Riccob. paraphr. in Rhet. Arist. p. 82.*

rat. Ego autem, si quis quærat ex me, quo in genere causæ, aut controversiæ sit ea oratio, qua quotannis olim eos, qui pro patria occubuerant, Athenis laudari mos erat, plane respondebo, in nullo. Nulla enim ibi neque causa, neque controversia est, neque quicquam, de quo quisquam controversetur. Et tamen e Platonis, Aristotelisque doctrina vere dici potest, esse γένος ἐπιδεικτικὸν ῥητορικῆς λόγῃ. Tu vero qui oratorem Hippiam quandam παντοδαῆν facis, quæro ex te: cum ille de corporum cœlestium motibus, de fulguribus, de terræ motibus disputabit, (quando hæc quoque ad munus illius pertinere vis) in quo istorum trium generum eum versari dices? neque enim tum laudabit, neque vituperabit; neque suadebit, neque dissuadebit; neque accusabit, neque defendet. (u) Ac, ne longius exempla repetamus, (tempus est enim, ut, his omissis, ad ea veniamus, quæ instituto nostro adjunctiora sunt) hæc in Catalinam orationes, præter postremam, quæ sane deliberativa dicatur, sub nullum ex illis tribus generibus includi queunt. (x) Non sub judiciale: neque enim habentur in iudicio. Non sub demonstrativum: nam in demonstrativo sola audientium voluptas quæritur, totumque illud genus ad pompam, & ad ostentationem comparatur. Non sub deliberativum: in priore enim, ut vidimus, nulla deliberatio est; quin id tantum agebat Cicero, ut exiret Catilina, quo ipse postea cum senatu deliberare de republica posset; neque enim præsentem eo deliberare, aut decernere utile fuisset. Hac autem, quam nunc explicare aggredimur, itemque tertia, nihil aliud agit, quam ut exponat populo ea, quæ gesta sunt, eumque confirmet, ac bene sperare jubeat. Ne quæramus igitur, hæc orationes quo in causæ genere sint, aut in quo statu: sed ista relinquamus iis, qui eo progressi sunt stultitiæ, ut, editis libris, non tantum in epistolis Ciceronis, verum etiam in Comædiis Terentii & genus causæ, & statum requirant. Nunc Ciceronem ipsum audiamus.

M 2

M. AN-

(u) Mureto hic respondet Riccobonus ad. *l. c.* Vossius lib. II. *Inst. Orat. c. 3. p. 22.*

(x) Negat hoc Voss. *l. l. p. 21.*

M. ANTONIUS MURETUS

AD EUNDEM LEONARDUM MOCENICUM.

XVI.

*Præfatio specialis est Commentarii in Catilinariam Ciceronis
terciam: ubi legitur p. 493.*

ADmirabilis quædam, ac prope divina vis est, Leonardæ Mocenice, hominis eloquentis: meritoque sapientissimus poeta scripsit Euripides, nihil esse, quod ferro, quin idem oratione confici possit. Quod si unquam ullum tempus fuit, cum id manifesto perspicui posset: tum profecto apertissime declaratum est, cum sceleratas Catilinæ in patriam machinationes, nefariaque consilia fretus eloquentiæ viribus Cicero dissipavit. Ac mihi quidem sæpenumero in summos homines, quos Romana olim reipublica plurimos protulit, intuenti, aliorumque facta cum aliis, quam possum, accuratissime conferenti prorsus ita videtur, plus uni Ciceroni urbem Romam, quam omnibus, quotquot bellica virtute fines protulerunt imperii, debuisse. Nam ut in corporibus nostris externum calorem, externumve frigus propulsare ac defendere facile est; ubi autem intus contractum frigus, aut in venis ac visceribus conclusus calor labefactat eas partes, quibus vita præcipue continetur, remedium ei malo adhiberi, nisi ab homine perito, atque exercitato, non potest: sic in ratione gerendæ reipublicæ debellare hostes externos, & quod illi mali civibus suis moliebantur, id in ipsorum capita convertere, limitus facile est, ejusmodi tamen est, ut humanis viribus effici posse videatur. At ubi ipsæ inter se dissident reipublicæ partes, & quidem ita dissident, ut quibus in tota civitate plurimum animi, atque audaciæ est, ii conjuncti ac consociati inter se, obstinatissimo animo, pestem cæteris, atque exitium machinentur: Deum profecto, Mocenice, Deum quendam, non hominem, esse oportet, qui in tanto, tamque ancipiti discrimine statum civitatis integrum, atque incolumem præstet. Ea vero laus cui potius, quam Ciceroni, tribuenda sit, neminem video. Unus enim latentem adhuc atque occultam conjurationem singulari pro-

viden-

videntia, vigilantiaque deprehendit, ac protulit; manantem, serpentemque paulatim longius, compressit; fractos ac debilitatos metu propter inusitatam periculi magnitudinem civium animos confirmavit; indormientem tantis rebus excitavit senatum; eadem voce & securitatem bonis, & terrorem improbis attulit; collegam suum labe conjurationis infectum, sponte deposita, oblataque illi provincia, ad bonas partes adduxit; & ut quæ sanari poterant, summo adhibito studio, sanare conatus est: ita quæ insanabilia videbantur, ea, omni periculo, atque omni invidia pro nihilo habita, animose ac fortiter amputavit. Itaque earum rerum ergo, primus meritissimo eum honorem consecutus est, ut pater patriæ diceretur. Ac si quis est, qui horum præstantissimorum operum laudem ab eloquentia removens, ad alias quasdam virtutes referre malit: ut ei nos illud dabimus, unquam hominem, quamlibet in dicendo copiosum, atque ornatum, hæc tam præclara effecturum fuisse sine aliis plurimis, maximisque virtutibus: ita ipse, nisi valde iniquus sit, nobis hoc concedat necesse est, nunquam hæc tam feliciter a quoquam dirigi, gubernarique potuisse, cui, cæteris instructo animi bonis, graviter ornateque dicendi facultas defuisset. Hanc ego ad facultatem, Mocenice, vias demonstrare conor iis, quibus in hac urbe cordi sunt honestarum artium studia. Nam etsi non sum ita nescius mei, ut eloquentem esse me putem: tamen, quod a prima ætate dedi me studiose ad exercitationem dicendi, & magna cum cura pervolutavi eorum scripta, qui aut disertissimi fuisse ferebantur, aut ea præcepta libris suis complexi esse, quibus orationis copia pararetur: videor posse, quo ipse non pervenerim, nihilominus, eo qua perveniendum sit, aliquo modo indicare. Certe quidem sedulo præsto, quod possum; & quod mihi Senatus auctoritate munus injectum est, ei ut ne desim, viribus opibusque omnibus elaboro. Quoniam autem multis sæpe ita mecum egerunt primarii homines, ut dicerent, se cupidos quidem esse cognoscendi ea, quæ a me dicerentur: sed, ne ad me tam sæpe: quam vellent, ventitarent, negotiis impediri; si subsecivi temporis aliquid fumerem ad ea ipsa, quæ quotidie traderem, mandanda litteris, gratum id multis, atque optatum fore: morem illis hac quoque in parte gerere volui: & ad meos pristinos labores hoc quoque scri-

bendi onus adjeci. Quod utinam tam utile sit aliis, quam a me, solo obsequendi amicis desiderio, sine ulla ambitione susceptum est. Quamquam enim non eam me sapientiam consecutum præ me fero, ut gloriam spernam: tamen ea nostris temporibus copia vel eruditorum hominum, qui meis luminibus obstruant; vel malevolorum, qui omnem judicii laudem in vituperandis aliis positam putent: ut judicaturus sim, mecum præclare actum, si ita caream gloriæ fructu, ut ne obtrectatorum quidem aculeos sentiam. Nunc, quando de quatuor Ciceronis in Catilinam Orationibus duas interpretati sumus, pari duas reliquas studio persequemur.

M. ANTONIUS MURETUS

AD EUNDEM LEONARDUM MOCENICUM.

XVII.

*Præfatio specialis est Commentarii in Catilinariam
Ciceronis quartam: ubi legitur p. 557.*

SI præmiis tantum, Mocenice, & iis præmiis, in quibus præcipuam felicitatis partem vulgaris opinio constituit, ad benemerendum de humano genere præstanti homines ingenio adducerentur: multos, ut opinor, & certe, ab instituto virtutis itinere animadversa superiorum ætatum exempla revocarent. Nam si replicare memoriam temporum, & antiquitatis monumenta excutere velimus: deprehendemus, unaquaque in republica eos fere, quorum plurima in eam exstabant, maximaque beneficia, omni scelerare laceratos, omni crudelitate raptatos, omni acerbitalis genere divexatos fuisse. Quod quamvis ita exploratum est & tibi, & iis omnibus, qui operæ aliquid in antiquitatis cognitione posuerunt, vix ut confirmationis indigeat: tamen, ut, si qua esse potest, dubitatio eximatur, aliquot, quæ mihi nunc in mentem veniunt, illustria ejus rei exempla subjiciam. Primæ autem in hac cogitatione occurrunt illæ omnium laudandarum artium, ipsiusque adeo humanitatis parentes Athenæ: quam optimis studiis deditam, refertam assidue, atque, ut ita dixerim, fœtam eruditissimis hominibus civitatem cui unquam insigniter adjuvare,

impu.

impune licuit? Non illa Miltiadem, Cimonem, Themistoclem, Aristidem, Æschinem, Demonitthenem, quorum omnium summis erat usæ beneficiis, in exilium pepant? Non illi probitatis, modestiæ, integritatis, sapientiæ specimen Socratem veneno necavit? & constituto adversus impios, ac prave de rebus divinis sentientes supplicio eum potissime affecit, qui unus ex omnibus ad veram Dei cognitionem proxime accesserat? Sed Romana respublica quanto cæteras omnes magnitudine virium, atque imperii amplitudine superavit: tanto majorem nobis, atque ampliore hujus generis exemplorum copiam subministrat, Cujus in historiam quisquis ingreditur, is in ipso quasi vestibulo ipsum illum Urbis parentem Romulum senatorum manibus crudelissime discerptum, ac dilaniatum videt. Quod si tam horrendi facinoris immani atrocitate spectata, intro tamen ire perrexerit: non longe progressus, obvium habebit Collatinum, ob inanem popularis suspicionis auram, in exilium proficiscentem ea ex Urbe, quam ipse magna ex parte dominatu regio liberarât. Atque ut Coriolanum tacitus prætereat, Marcum certe Camillum, haud facile dixerim, militari ne virtute, an fide, justitiaque majorem, & mirabitur, & miserabitur eadem calamitate percussus. Scipionem vero illum, de quo vere scriperat Ennius, nullam ei statuam, nullam columnam a Populo Romano erigi posse, quæ magnitudini rerum ab ipso gestarum responderet, quis est, qui cum intellexerit eo post tot tamque insignes victorias redactum, ut exilium sibi suapte sponte conciverit, non debilitetur, ac concidat animo, planeque judicet, nullam iis attingendam esse reipublicæ partem, qui commodo ac tranquillitati suæ consultum velint? Quid jam illos turbines, illas procelas, illas tempestates civilium dissensionum commemoram? quibus non unus aut alter præclarus & salutaris reipublicæ civis percussus: sed ipsi acervi, ipsa millia immortalis ædignorum hominum nefariis conceleratissimorum latronum manibus trucidata jacuerunt. O acerbum illud, o vel Romani nominis hostibus miserabile spectaculum! cum passim pervias immanium gladiatorum in principes civitatis debacchabatur furor, cum qui aliquando reipublicæ præsidio fuerant, eis nullum in civitate præsidium reperiebatur; cum quorum eloquentia ipsi gloriæ, aliis admiratio-

ni, reipublicæ salutis fuerat, eorum ex illis ipsis Rostris, e quibus tam sæpe concionati erant, incisæ cervicibus, capita sanguinolenta pendebant. Sed ut hæc mittamus, quibus satis dolenter deplorandis, alicujus eorum, qui tunc occubuerunt, opus esset ingenio: Ciceronis casus, totiusque vitæ jactatio quem non, qui in juvanda patria commodum suum, aut aliquod ejusmodi præmium sequatur, a reipublicæ tractatione deterreat? Cujus enim unquam hominis vel plura, vel majora merita Populus Romanus habuit? At ille tamen, cui senatus togato supplicationem decreverat; quem Q. Catullus, princeps senatus, quem M. Cato, quem multi alii parentem patriæ meritissimo vocaverant; cui L. Gellius coronam civicam a republica deberi dixerat, quid non postea calamitatum, indignitatum, acerbitationum in ea, quæ ipsius consiliis stabat, civitate perpeßus est? Ipse in exilium ab homine deterrimo pulsus, direpta bona, vexata uxor, vexati liberi, domus incensa; quicquid denique meruerat Clodius, Cicero pertulit, & eas ob ipsas res pertulit, quibus nulla satis ampla præmia poterant inveniri. Quocirca si sola, ut initio dixi, præmiorum expectatione præclari viri ad virtutem, & ad juvandum genus hominum adducerentur: multi sine dubio, cognitis aliorum casibus, a proposito abducerentur. Sed est profecto Mocenice, est major quædam vis, quæ tibi, ac tui similibus persuadeat, virtutem non modo detractis omnibus præmiis, verum etiam propositis omnibus suppliciis, esse expectandam; pulchrum esse adjuvare cives suos, & omnes curas, omnes cogitationes, omnes vigilas in reipublicæ salute defigere, nullum ejus causa periculum, nullam invidiam, nullam dimicationem defugere; cives beneficiis affecti si quid præmiorum retulerint, non repudiandum; si parum grati, parumque memores fuerint, quid denique nos reipublicæ, non quid aliis nobis debeant, cogitandum. Sæpe enim ex te audiui, cum diceres, gratulari te tibi, & magnam gratiam debere omnium rerum moderatori Deo, quod ea in republica natus esses, in qua verendum non esset, non modo ne quisquam ob virtutem in invidiam vocaretur, sed ne vel minimis in rempublicam beneficiis sua præmia denegarentur: sed tamen si vixisses illis temporibus, & optionem tibi Deus tulisset, Ciceronis fortunam ab Urbe conservata

exlu-

exulantis, fortunæ Cæsaris, in eadem oppressa dominantis, antepositurum fuisse. Ac plane ita est, ut dicam: gratuita prorsus, non mercenaria est virtus; neque præmiorum mercedibus ad recte agendum excelso homines ingenio, sed ipsa dignitate atque honestate ducuntur; aut si quando de aliquo præmio cogitant, de gloria, deque immortalitate nominis cogitant: cuius splendore capti & incensi, omnia quæ aspera, molesta, difficilia perpassu, impatientia creduntur, vel non sentiunt, vel despiciuntur. Neque vero M. Tullius, cum de conjuratis supplicium sumeret, non jam tum cogitatione percipiebat eas tempestates, quibus postea vexatus est: sed animus & a natura præclare conformatus, & sapientiæ præceptis adversus omnes vel fortunæ, vel hominum injurias confirmatus, multo pluris ducebat eam pulchritudinem, eamque gloriam, quæ in conservanda patria esset, quam omnes acerbitates, quas ipsi postea perditorum hominum inflammata odio rabies objicere posse videretur. Hanc ipsius rationem ac sententiam fuisse, cum alia multa, tum hæc, quam explicare ingredimur, Oratio manifesto declarat.

M. ANTONIUS MURETUS S. P. D.

ADRIANO TURNEBO.

XVIII.

Dedicatio est Philippicarum Ciceronis.

Cum ex Italia, octavo post anno, in Galliam mihi esse redeundum viderem, judicavi fore, ut mihi vitio verteretur, si ex regione copiosissima, & bonis omnibus abundantissima, in qua tot annos versatus essem, redirem ad meos inanis aliqua re exquisita & visendo, qua possem *ἀποφιλοπονην* eos, qui, tam longo intervallo, salvum venis-
se, ut sit, gratularentur. Quanquam igitur toto peregrina-
tionis meæ tempore studiosissime feceram, ut veteres biblio-
thecas, quæ illic plurimæ, ac pulcherrimæ sunt, excuterem,
bellissimum quodque, quod suo tempore ad usum hominum
depromerem, conditurus: tamen ultimis illis diebus, qui-
bus Romæ fui, majori etiam studio ad eam rem incubui: in-
sita & usitata hominibus consuetudine, ardentiori affectu
tra-

tractandi atque amplectendi ea, quibus se paulo post carituros vident. Sæpe autem audiveram commendari ab hominibus eruditissimum quoddam perantiquum Philippiarum M. Tullii, quod asservaretur in bibliotheca Vaticana; non in majore quidem illa & augustiore, quæ a Pontificum beneficio, quotidie fere, statim horis patere ad communem studiosorum omnium utilitatem consuevit: sed in abdita quadam, & non ita omnibus pervia, quæ a sacerdotibus divi Petri superioribus annis concinnata, postea, siue negligentia hominum, siue fraude, exhausta prope jam & exinanita esset. Sed anxium me ac sollicitum habebat, quod cum antea multa per me, multa per amicos expertus essem, ut eum librum inspicere, eoque triduum aut quadriduum arbitratu meo uti possem: nunquam successerat, semperque casus aliquis, cum jam jamque id quod optabam consecutus viderer, conatus omnes meos eluserat. Statui tamen, antequam ab incæpto desisterem, semel etiam experienda omnia esse, & quasi munitam aliquam arcem diu frustra obsedissem, prius quam re infecta discederem, omnibus simul machinis, omnibus operibus ad murum admotis tentandam irruptionem. Quid quæris? puncto temporis obtigit, quod totum prope biennium nequicquam optaveram. Non modo enim mihi eximium illum librum inspicere licuit, quod ego ipsum posuisssem in magni beneficii loco: sed etiam permissum est, ut eum mecum auferrem, domique haberem, data prius fide, eum, quod longissimum esset, ante septimum diem redditum ac restitutum iri. Tum vero, tanquam longo tempore collectam sitim expleri cupiens, ita eum avidè pervolutare, & cum iis, qui aberuditissimo ac diligentissimo viro Hieronymo Ferrario emendati erant, conferri cœpi, ut me, quamquam graviter ægrotare cœperam, non valetudinis ratio, non cibi potionive necessitas, non ille ipse omnium domitor (ut eum poetæ Græci vocant) a tam dulci occupatione posset somnus abducere. Præclare autem mihi constitit operæ meæ fractus: non enim facile crediderit quisquam, quam multa in his orationibus mutila quam multa temere addita, quam multa corrupta ac depravata legerentur in omnibus aliis libris, quæ hujus ope expleta, resecta, sanata, & integritati suæ restituta sunt. Librum autem ipsum credo equidem ante hos septingentos annos exaratum esse: quod & ipsa litera-

terarum conformatio ostendit, plerisque locis gemina ei,
 quæ in Pandectis Florentinis, & in Terentio Petri Bembi
 visitur: & scribendi ratio, quam *ὁρῶσιν* vocant, ea-
 dem plane quæ in iis quos modo nominavi, libris, & præterea
 in antiquissimo illo Epistolarum Ciceronis, cujus exemplum
 ab hinc triennium divulgavit P. Victorius. Quam quidem
 cum ex aliqua parte exprimendam curaverim: non tamen
 sum ausus perpetuo id facere, ne nimia illa novitas (siqui-
 dem nova dicimus etiam ea, quæ cum vetera sint, diu ab
 oculis & ab usu hominum abluerunt) lectoribus & moram
 objiceret, & molestiam pareret. Ut taceam, quod quæ-
 dam in eis libris inesse judico, errore potius, & vitio illo-
 rum temporum, quam ratione & auctoritate superiorum
 recepta. Cujus generis sunt *emptus*, *sumptus*, & similia per
 litteram p. In quo immoderata fuit ætas illa cum *solempnia*,
 & *sompnium*, & *sempare*, plerique omnes tum scriberent.
 Sed & illud ex eodem fonte fluxisse puto, quod litteras
 multas inter se commutabant: cum *apsum*, & *optineo*,
 contraque *scribitura*, & *obtare*, sæpe in eorum libris lega-
 tur. In eundem numerum incluserim *avieris*, pro *abieris*,
 & *Bolumina* pro *Volumina*, ejusdemque generis innumera.
 Nam illud quale esse dicam, nescio, quod *lathrones*, & *la-
 throcina* prope semper scribebat is, cujus manu ille Philip-
 picarum liber scriptus est. Ne illa quidem exprimenda du-
 xi, *adficere*, *adponere*, *conligere*, *conlega*, *inlustris*, & talia,
 aut *acum*, *relicuum*, *locuntur*, *cottidio*; quæ tamen non ejus-
 dem generis, cujus illa, esse duco: aut illa *immemoriam*,
 pro, *in memoriam*, *summas*, pro *summa est*, & similia: etsi
 hæc quidem non plane aspernanda censeo. At hæc leviora
 sunt. Illud majoris momenti, quod locos amplius trecentos
 in omnibus aliis libris depravatos, a nobis emendatos vide-
 bit quisquis hanc editionem cum aliis conferre voluerit.
 Tibi autem, Adriane Turnebe, vir optime & doctissime,
 hunc laborem meum inscribere quasque consecrare placuit,
 tum, ut exstaret monumentum aliquod veteris amicitiae
 nostræ, tum, ut liber ipse hoc nomine studiosis omnibus
 gravior ac commendatior foret. Et sane sive quærendus erat
 amicus de me bene meritis, cui hoc munusculum daretur:
 neminem ordinis nostri videbam, cui plus deberem; sive
 deligendus iudex, qui de his rebus existimare unus omnium
 optime posset: nullum reperire poteram, cui justius id de-
 fer-

ferretur, quam tibi. Non enim aut obscurum, aut ambiguum est, inter omnes, qui hodie litteras tractant, ad quem ex hominibus nostris primæ sine controversia deferantur. Vale, meque, ut facis, amare perge. Lutetiæ. Id. Mart. anno MDLXII.

M. ANTONIUS MURETUS S. D.

PAULO SACRATO SUO.

XIX.

Dedicatio est Commentarii de Origine Juris, & omnium Magistratum, & successionem prudentum.

EX omnibus veterum scriptorum monumentis, Paulæ Sacrate, nulla pejor ab hominibus imperitis, ac temerariis flagitiosiusque tractata sunt, quam ea, quibus jus civile Populi Romani continebatur. Nam cum exstitisset antiquitus magna quædam vis hominum eruditorum, qui leges, Senatus consulta, plebiscita, edicta magistratum & urbana & provincialia tum copiosis & uberibus, tum mundissimis ac nitidissimo orationis genere scriptis commentariis illustrassent; jamque immensi operis videretur, eorum omnium scripta pervolvere; arduum etiam & difficile in crebris, ut sit, eorum dissensionibus, quid optimum ac verissimum esset, judicare: ei malo mederi cupiens Imperator Justinianus, negotium Triboniano & aliquot aliis dedit, ut ex eorum scriptis ea tantum exciperent, quæ utilia essent, quæque in judiciis obtinerent; quæ cum in unum corpus, resectis cæteris, ordine digessissent, sola tenerentur studioforum manibus, eisque laborem minuerent ac levarent. At illi, hac potestate accepta, non ut ille Horatius agricola, qui inutiles ramos falce amputans feliciores inserit, sed ut milites accepto signo ad oppidum aliquod diripiendum ac deprædandum, per medium jus civile grassantes, & ut quidque obvium erat, lacerantes, mutilantes, trucidantes, brevi tempore exhibuerunt nobis veteres Jurisconsultos, instar Deiphobi laceros crudeliter ora, Ora manusque ambas: (y) quamque disciplinam perperandam ac perpoliendam susceperant, eam ita deformã-

(y) *Virgil. VI. Æn. v. 495. 496.*

runt, ut vix ulla amplius ejus imago superesset. Quam enim hanc infelicitatem esse dicemus, quod, cum hoc jus ex legibus, senatus consultis, plebiscitis, edictis magistratum, constitutionibus principum, reponis prudentum constare dicatur, hodie in libris juris nulla lex extat, nullum senatus consultum integrum saltem & *ὁλόκληρον*, nullum plebiscitum; edicti perpetui paucæ quædam, ut ex naufragio, tabulæ; ipsæ principum constitutiones multis locis decurtatæ, & *ἡρωπηρισμένοι*: prudentum autem scripta ita distracta, dilacerata, divulsa, ut in eis vetus illa Hippolyti fabula renovata videatur. Itaque hodie non aliter jus civile discere cogimur, quam si, sublati & exstinctis omnibus Aristotelis, & Aristoteleorum interpretum scriptis, fragmenta tantum quædam reperirentur, e variis Alexandri, Themistii, Simplicii, Philoponi, & aliorum decerpta commentariis, ex quibus utcumque in communes locos digestis Aristoteleam philosophiam discere juberemur. Accessit aliud multo etiam perniciosius & exitiosius malum. Nam, cum superioribus seculis, Dei permisso, densissima quadam caligine animis hominum offusa, omnes propemodum bonæ artes oppressæ ac sepultæ jacerent: exstiterunt in illis tenebris homines audaces ac prædentes, qui nulla Latini sermonis intelligentia, nulla veteris reipublicæ Romanæ cognitione, cum dialecticam, sine qua nihil recte atque ordine tractari potest, aut non attigissent, aut ita attigissent, ut non attigisse præstaret; politice autem, unde omnia juris principia ducuntur, ne per somnium quidem aspexissent: arrepta, ut inter cæcos, juris interpretandi provincia, verbosissimis & insulissimis commentariis illas qualescunque veterum prudentum reliquias onerârunt, & ita imposuerunt humano generi, ut hoc quoque politissimo & eruditissimo seculo judicia tamen plerisque omnibus in locis ad eorum somnia dirigantur, & ex eorum indocta doctrina exerceantur. En quo magnifica illa Justiniani promissa ceciderunt! ut quos ille, ad exemplum Diomedis Homericæ, aurum pro ære accepturos esse dicebat, ii pro illo obryzo veterum auro scoriæ, & si quid ipsa fæce magis fæculentum est, acceperint; quosque in illis floridissimis prætis Africani, Papiniani, Ulpiani & talium pasci oportebat, ii nunc in Bartoli, Baldi, & aliorum etiam sequioris notæ sordibus ac sterquiliniis volutentur. Quos quod quidam

ine-

inelegantes quidem & incultos, sed magno tamen ingenio & acri judicio præditos vixisse ajunt: de illos videbimus. Nam ne ego quidem eis ingenium adimo, nimis potius ingeniosos fuisse fateor: illud quidem certe negari non potest, cujus quis civitatis neque linguam teneat, neque formam, leges, mores, instituta cognoverit, ejus jus civile non posse ab eo, quamlibet ingeniosus sit, commodè intelligenterque tractari. Satis igitur magna gratia iis haberi non potest, qui hanc caliginem discutere, & istis impostoribus personam, sub qua tandiu hominibus illuserunt, detrahare conantur, ac perficere, ut quemadmodum cæteræ omnes disciplinæ a teterrimo Barbarorum dominatu liberatæ, ac nitorem ac splendorem suum his temporibus receperunt, ita disciplina juris tandem aliquando in pristinam restituatur dignitatem. Tales & nonnullos Italia protulit, & longe plurimos Gallia. Quorum ego vestigia pro virium mearum modulo persequens, totum illud quadriennium, quo libros Digestorum in hac urbe interpretatus sum, dedi equidem operam, ut quotidie plurima istorum, qui tanti in vulgus fierent, ac foedissima errata detegerem, & ingeniosorum adolescentum animos ad meliora converterem: effecissemque omnino aliquid, nisi hominum, nudari subsellia sua & cornicum oculos configi dolentium, conquestiones obstitissent. Cogito autem, si & vita supererit, & otii aliquid contigerit, quæ nunc e superiore loco dixi, colligere, &, quoniam multos id cupere video, in publicum emittere. Ideoque nunc exiguam quandam ad te eorum particulam mitto: quam tu, si tanti videbitur, illic edendam curabis, & tuo multis mihi nominibus carissimo nomini dicatam in vulgus exire patieris. Cupio enim, Sacrate, vir optime & humanissime, & magno illo Jacobo Sadoletto avunculo tuo dignissime, pro plurimis, ac suavissimis officiis erga me tuis aliquid tibi vicissim rependere, ac perficere, ut amicitia, quæ mihi tecum viginti jam annos & eo amplius, sine ulla offensione intercessit, &, ut spero, ad extremum usque spiritum duratura est, monumentum aliquod apud posteros exstet. Tu, ut soles, munusculum hoc non ex sua, sed ex animi mei magnitudine metieris. Vale. Romæ. Id. Sept. MDLXXX.

PAULUS SACRATUS
 Canonicus Ferrariensis.

M. ANTONIO MURETO I. C.
ac Civi Rom. præstantissimo viro S. P. D.

XX.

Respondet dedicatoria præcedenti.

PRimum quidem maximas, ut debeo, atque immortales æterno ac præpotenti Deo gratias ago, habeoque, Murete præstantissime, cujus divino beneficio ad hoc usque tempus perveni, quo mihi amplissimo illo atque pulcherrimo munere, jam pridem pro tua singulari in me humanitate mihi debito, frui tandem liceat, tibi que facultas fuit exsolvendi promissum tuum, & fidem denique tuam præstandi ac liberandi. Nam duodeviginti annos me summa in expectatione fuisse hujusce tuæ eximiæ in me liberalitatis, ex tuis ac meis litteris, quas nuper edidi, liquido perspicere potest. Gaudeo deinde majorem in modum, neque ullis verbis explicare queo, quam grata mihi atque exoptata fuerit hujus tuæ constantissimæ in me voluntatis declaratio. Nam præcipui tui erga me amoris quod illustrius indicium mihi ostendere potuisti, quam cum voluisti nomen meum illustrari abs te divinis scriptis ac celebrari tuis? Equidem egregium ac præclarum hoc factum tuum omnem mihi dicendi facultatem adeo eripuit, ut si partem etiam tuæ eloquentiam natura mihi dedisset, ne ad minimam quidem hujus tanti erga me beneficii tui parem oratione assequendam aspirare nunquam possem. Accedit etiam, quod nihil mihi ad felicitatem deesse puto, postquam me tali ac tanto monumento decorasti. Taus enim suavissimus liber, quæstionum plenus, refertusque gravissimis sententiis, in quo mirum in modum excellentissimi ingenii tui atque admirabilis eloquentiæ vis elucet, in manibus doctissimorum virorum cum versabitur, sicut ego jam totum bis percurri, quod mea legendi eum inexhausta erat aviditas, neque satiari poterat; ubi te illi miris in cælum laudibus extulerint, nonne beatum me prædicabunt, qui tanto amoris vinculo tecum

altri-

astrictus fuerim , ut me immortalitati & hominum me-
 moriæ sempiternæ tradere volueris ? Sed quod in epistola
 ad me tua de Triboniano illo ejusque sociis quereris &
 iuste , quibus Justinianus cum mandasset , ut ex veteribus
 illis Jurisconsultis exciperent , ea quæ ad judicia accom-
 modata essent , quæque maxime utilia ac necessaria vide-
 rentur ; illi tamen immisii cum falcibus amputârunt , di-
 lacerârunt , mutilâruntque : in eadem profecto sententia ,
 Murete excellentissime , jamdiu sum , ac , dum eram Pa-
 tavii , me cum sociis illic meis de hoc sermonem habuisse
 sæpe memini , quibus etiam dicere solebam , si Cicero unus
 nobis superstes non fuisset , linguam Latinam ab illis viris
 gravissimis nos esse petitu-
 ros . Ac nimirum invidit ille
 tantis viris , quos imitari non valebat , ac Bartolo cæteri-
 risque successoribus legulejis sermonem rudem , vulgarem ,
 plebejumque nobis obtrudendi ansam dedit . Itaque qui
 tantos librorum acervos capiat , vix jam videtur esse lo-
 cus . In iis autem *λῆψος πολλή* , ut Justinianum alterum de-
 sideremus . Verum cum satis jam veterum monumentorum
 interitum deploraverimus , si te posteri imitari voluerint ,
 (ut magnam in spem venio fore multos , qui exemplum
 tuum sequantur) non vereor , ne non in pristinum statum
 leges brevi restituantur , ac suæ dignitatis splendorem
 obtineant . Primi quidem tui hujusce disciplinæ fructus
 uberrimi lectissimique , quos pro tuo summo in me studio
 dicare mihi voluisti , omnibus viam monstrabunt . Quam
 qui persequentur , non solum indicabunt , se adamare hanc
 excellentem juris civilis scientiam , sed & illius facile com-
 potes fient . Ego quoque amicos meos omnes , qui legibus
 ipsis studium suum dabunt , hortari non desinam , ut ean-
 dem semitam teneant , quibus etiam spondebo fore , ut
 eos instituti hujus nunquam pœniteat . Quod reliquum est ,
 cum a te tam divino munere affectus fuerim , Murete hu-
 manissime , ut nihil unquam tale cogitâssem , atque , ut
 te simillimo remunerari possim , præcisa mihi spes omnis
 sit , (nihil enim suppetit præter voluntatem) quo me vere-
 tam , quid moliar , ut cæteri saltem me tibi animo gratif-
 simum , ac tanti tamque eximii & regalis doni memorem
 esse intelligant ? Nempe tibi me pro tot ac tantis tuis in
 me meritis jamdiu obstrictum prorsus addicam , quem tibi
 fidelissimum in tua potestate habebis ; ac , quoad vixero ,
 cole-

EPISTOLA XXI.

193

colere diligentissime nomen tuum non desistam; & quotan-
 nis tamen nonnulla tibi signa dabo *κατὰ δυνάμιν*, ex qui-
 bus intelligas tuæ nimæ in me benignitatis nullam capere
 me posse oblivionem. Vale, Murete, ætatis nostræ decus,
 acte Deus Opt. Max. diutissime servet incolumem, omnes-
 que cogitationes & actiones tuas perpetuo fortunet. Fer-
 rariæ. 7. Kal. Novemb. MDLXXX.

M. ANTONIO MURETO

PAULUS MANUTIUS S. D.

XXI.

*Respondet Mureto ad lib. II. Epist. 9. De Propertio.
 In Manutianis est libri III. 20.*

Mihi vero, ita vivam, etiam atque etiam probatur
 (z) &, cum in quovis genere magnus omnino sis,
 in hoc maxime videris excellere. Plane (ut omittam re-
 liqua) ingenii tui quasi quamdam *δεξιότητα* sum admiratus;
 ita concinne, ita apte, facili quodam sententiarum nexu
 rem ducis, donec ad ipsum pervenias: in quo te, ubi scis
 herere multos, citra omnem adulandi suspensionem, sum-
 ma explicas cum dignitate. Gratulor tibi de ista facultate,
 & eo magis, quod si locis impertitur gloria, novum decus
 accedet ad Italiam nostram, in qua sedem, auctore atque
 auspice me uno ita locasti, ut cogitare nihil prius de mi-
 grat. one videaris. Nec vero secus debes: valde enim ad lit-
 terarum elegantiam, planeque ad omnem humanitatem tibi
 profuit hoc cœlum; e quo jam per quadriennium spiritum
 hauris. Itaque noster eris perpetuo, mi Murete, si gratus
 esse vis: quod profecto vis: soles enim hanc virtutem præter
 ceteros efferre. Tibulli principium mitte; ut cum epistola
 conjungatur. Scholia, non dubito te operam daturum, ut
 tua videantur, id est, lita luminibus ingenii, &, quan-
 tum res patitur, erudita. Vale. Venetiis.

*Respondet Muretus infra lib. IV. Epist. 7. Epistolam meam
 tibi.*

Tom. II.

N

E I.

(z) deesse videtur: tua ad. Solum epistola, aut quid
 tale.

EIDEM MURETO ROMAM.

XXII.

*Respondet Mureto ad lib. I. Epist. 21. Venit ad te.
In Manutianis hac est libri V. Epist. 19.*

GAUDEO, mi Murete, quod profecto etiam me tacente existimas, te navare operam Regibus ingeniumque tuum, quod ego semper unice dilexi, extulique laudibus, a tanto Pontifice, & ab universo Cardinalium collegio vehementer probari. Nam, si qui aliter sentiunt: quamquam quis est, qui aliter sentire possit? verumtamen si qui fortasse reperientur, quos livor impediatur, quo minus recte ac sincere indicare possint; de iis laborandum non erit: cum te praesertim ille noster, quem sequuntur multi, sed ille praeter ceteros, qui nobis quasi *μνηστήρ* *ζῆλος* debet esse, non mediocriter ornet, atque diligat. Hæc altera tua oratio priorem illam vel æquat, vel vincit sententiarum, verborum, ordinis præstantia. Quo in officio, ac munere cupio te pergere. Simul enim perges in expedita maximeque directa gloriæ via, per quam processisti jam longissime, nemine præcurrente, me favente plurimum. De tua in me benevolentia, cum recordor meam, dubitare non possum. Meum in te animum expertus jam es; eundem si & esse nunc, & perpetuo futurum arbitraris, non fallam opinionem tuam. Nam & mea non solum consuetudo, sed etiam natura ita postulat: & tu perficis eas laudes, quarum principia me olim, expectantem id, quod præstare te nunc video, in tui amorem impulerunt. Habeo summas gratias, quas agi a te cupio, Archiepiscopo Beccatellio: eumque meo nomine, ut quam licebit officiose, quamque plurimum salutes, valde rogo, Dudicius, ut scribit ad amicos, floret honoribus in patria, carus Imperatori, jucundus omnibus; nostri humanitatem & ingenium; doctrinam auxit a discessu tuo, quantum vix credas: itaque summa omnia de illo adolescente sperare nobis licet. Duareni obitu, de quo heri primum a Germano homine, qui ex Gallia recens venerat, accepi, damni plurimum in Jure Civili factum est. Equidem dolui vel tua causa, quod eum a te amari senseram: quamquam hæc,

hæc, si ferret humanitas, prorsus dolenda non essent. Quid enim proficimus? angere quidem gravius, neque communis conditionis necessitas concedit, & vitæ commutatio, brevissimæ cum æterna, miserrimæ cum beatissima; valde variant. Ego nunc, quod acceptum divinæ benignitati refero, quodque tibi puto fore jucundissimum, valetudine utor satis commoda; oculis quidem optimis, quod aliquot annis non contigit. Itaque cum otium non ferrem, (scis enim me quiescere non posse) commentarios in reliquis Ciceronis epistolas cœpi texere: &, ut initia sunt prorsus industriæ non *dixeraui*. Absolvi, ut mihi quidem videtur, majorem partem, id est, tres primos libros, &, extra ordinem, octavum: in quibus, ut dixi jam, nisi me communis *φιλαυτία* decipit, non videtur opera male collocata. Habebis in clausula de Petro Fabro, tuo dicam, an meo? ita me triduo cepit, sibi que devinxit ingenio, humanitate, prudentia. Plaque vixi, quamdiu mecum fuit: nec mediocri sum amore discedentem profecutus. Næ tu, si nihil præterea mea causa velles, qui & vis, & egisti jam plurimum; tamen hoc uno munere, quod auctus per te sum tam ornati adolescentis amicitia, meis omnibus in te studiis, quæ tu merita vocas, optimam gratiam retulisti. Vale Venetiis.

HUB. GIPHANIUS

M. ANTONIO MURETO,

viro eruditiss. S. D.

XXIII.

Vellem, Murete, V. C. ea esse tempora, ut litteris nostris liber esset commeatus: haberem fortasse, de quibus te vel consulerem interdum, ut quemdam velut *προσηγόμην*, vel ut amicus commonefacerem: Nunc quæ sine vides. Itaque consilium cepi, quantum potest, temperare scriptionibus & litteris, maxime ad longinquos. Quod tamen institutum ut jam migrarem, fecit Jacobus Zelinus familiaris meus, cui hæc ad te dedi. Is enim in Italiam hinc profecturus, cum magnopere me rogaret, ut sibi ad te, quem jam diu colit, quasi viam & aditum munirem: amico optimo exiguum hoc litterarum officium negare nec potui, nec debui. Eum igitur toto pectore tibi commen-

datum esse cupio, adolescentem, mihi crede, suavissimis moribus & elegante doctrina expolitus, omniumque doctorum hominum observantissimum: genus enim domi nobile, multumque ad laudem insignibus viris clarissimum oritur. Expectas autem fortasse & de Angellio nostro aliquid: sed & eum, & alia nostra remorantur, cum occupationes nostræ quotidianæ, tum librariorum hoc in loco inopia. Juris quoque Civilis, in quo & explanando & respondendo toti versamur, quasi rigor, & Musæ, ut Poeta verus eas vocat, severiores, sive, ut Fortunianus loquitur, duriora juris scripta, vix patiuntur, ut in humanitatis illa velut vireta sæpe expatier. Ne tamen me putes aut vale humanitati & politis illis Criticorum studiis plane jam dixisse, aut eorum sectam Consultorum sequi, quorum utinam barbara modo esset oratio, (ferri enim ea quoque modo posset: quamquam & vestis honesta matronam nobilem ornare ac deceat) & non Juris ipsius, ac rerum, totiusque fere scientiæ Civilis nostræ magna ignorantia, atque perturbatio: de qua & tute jam pridem eleganter in Oratione quadam disseruisti: quare ne his vitiis assuem exillimes, patetga nunc accipe, ex iis quædam, quæ in ipsas Lectiones tuas quasi præteriens aliquando notavi,

*Non ita certandi cupidus, quam propter amorem,
Quo te imitari aueo;*

ut Carus ait, † Vidisti acute lib. 6. Lect. cap. 16. locum illum Ciceronis 2. de Divinat. Totas noctes somniamus, neque ulla fere est, qua non dormiamus: & miramur, aliquandoid, quod somniamus, evadere, esse mendosum. Qui tamen ita fortasse rescribendus est: Neque tamen ulla fere est, qua non; Et miramur, &c. ut, *To qua non*, præcise sit positum: pro eo, quod, *qua non somniamus*. Non vero ita, ut tu putas; totas noctes dormimus, neque ulla fere est, qua non somniamus, &c. id enim a vetere scriptura longius aberrat: & nostri, ob orationes concilas quam sæpe in veterum scriptis peccatum sit. Agitur de 2 somniis, & non de somno: quamvis & illa in somnis. † Illum autem locum pro Archia: Quod si non hic tantus fructus ostendèretur; & si ex his studiis delectatio sola peteretur: tamen, ut opinor, hanc animadversionem humanissimam ac liberalissimam iudicaretis. Alii aliter, tu l. 12. Lect. c. 15. ita emendas: *hanc animi adversionem*, Vide,

Vide, quæso, ne ita rectius, hanc humanissimam :
 hanc, nempe delectationem & voluptatem. Sæpe
 enim his articulis, *hanc, illam*, & similibus non ad-
 jungitur nomen aliquod ; sed prius adlatum tacite
 repetendum intelligitur, ut apud Senecam epist. 95.
 At illam habentem præcepta plurimum ait proficere :
 ubi delendum illud, habentem præcepta : nam ibi
 non de parænetica, sive, ut Seneca, præceptiva, ut
 Cicero in lib. de Offic. loco vulgò non intellecto,
 quæ in præceptis posita est, parte Philosophiæ, sed
 de theoretica agitur. Sic & pro Ligario : *Valeat vox*
illa tua, qua dicit, &c. id, qua dicit, perspicue spu-
 rium. † Eiusdem libri tui cap. 1. in his verbis Se- 3
 necæ lib. 1. benefic. Nemo beneficia in Calendario
 scribit: nec avarus exactor ad horam & diem Credito-
 rem appellat : mendum esse recte admonuisti, atque
 pro Creditorem, fortasse legend. Debitorem, quomodo &
 jam pridem Brissotius lib. 1. de verbor. signif. illum ip-
 sum locum adducit. Hæc enim cognata, sive potius
 inter se relata vocabula, *magis & minus, emptor & ven-*
ditor, conductor & locator, debitor & creditor, migrasse
 interdum alterum in alterius locum videntur, quod &
 Jacob. Gujacius observavit lib. 1. cap. 10. & lib. 9. cap. 7.
 Cui tamen d. l. si in emptione. D. de contrah. empt. &
 l. 13. solutione. D. ad exhibend. cur non assentiar, iisque
 in legibus nihil mutandum putem, alio in loco ex-
 plicabo. Hoc autem in loco Senecæ, etsi *Tò Debitorem*
 non improbo, omitti tamen utrumque potest, & *Cre-*
ditorem & Debitorem sed intelligi debitorem ; ut ver-
 bum, appellat, præcise & absolute ibi sit positum. † 4
 Quod autem ad eum locum Cic. attinet lib. 2. de finib.
 bon. de quo & tu lib. 6. cap. 20. & Turneb. aliiq. labo-
 rant: *Resplendeat his vestis argentum, oarilitium, locus*
ipse, adificium, &c. eum ita emendandum puto :
Vestis, argentum, locus ipse : reliquis inductis ; aut
 certe ita : *Vestis, argentum, aurum, locus ipse*, ut od-
 rilium sit depravatam ex oro sive auro. † Paulo an- 3
 te apud Cicer. hæc, quibus vinum defusum è pleno
 sit Hirsiphon, ut ait Lucilius, cui nihil jus &
 sacculos abstulerit, portenta potius quam verba,
 (quæ tamen ita exarata sunt in libris manuscriptis)

aliter Paulo Manut. aliter Jos. Scaligero in append. ad con-
 ject. in Varr. mihi ita, e pleno sit in ophoro, ut ait Lucilius,
cui nihil sacculus abstulerit, fortasse, inquam ita (nam &
 ipse dubito) rescribenda videntur. Inophorum certe, vel
 nemine tamen inophorum in vet. lib. reperio nunquam anophorum
 & recte. Romani enim veteres Græcum oi, non modo a
 Latium, quod vulgare ut *Demæ*, *Edeatræ*, sicut enim le-
 gendum patet apud Festum) *Adelphæ* Terentii, de quo &
 tu in Terent. *Clarymenoe* apud Plaut. & *Ganephoræ* apud
 Cicer. Verrin. de quibus nos ad Lucret. sed etiam inter-
 dum aut inonudum, ut in *Posta*, *poema*, *diocesis*, & *diocet-*
es apud Cic. pro Rabirio Posth. ubi antea mendose *Dioge-*
nes, & *Parochia*. *παροικία*, vocab. Eccl. iast. (falluntur
 enim, & omnium scriptorum, etiam Justiniani & Theo-
 dos. Codicum exemplaribus antiquissimis repugnant, qui
 nuper scribere coeperunt *διoces* & *diocetes*, *paracia* &
paræus, quos miror eadem ratione non scribere *pæta*, &
pæma, *pæsi*.) interdum in *Imerum* vertebant, ut vide-
 re est in *Iconomus*, quod contra usum veterum quidam
 hodie mutant in *Oeconomus*, ut & Alciat. admonuit lib.
 9. Parerg. c. 3. in *hoididocus* apud Festum, id est, grassator
 qui Græce *ὀψιθόκος*. *Inomus* apud Orosium in lib. vet. qui
 a Græcis *ὀνομος*: & in *Cimiterium*: sic enim Latine
 a veteribus Christianis scriptum id fuisse, quod Græce
κοιμητήριον, vetera monumenta confirmant, unde &
Acimense monasterium in l. inter claras C. de SS. Ec-
 cle. dicitur, quod a Græcis τῶν κοιμητῶν. Solent scilicet
 Romani Græca vocabula paululum variando sua saepe
 facere, nec iidem ea aut litteris aut syllabis semper adme-
 titi, ut *Illixes* ex *ἰλλυξέως*: *Exanclare*, & *anclare* apud
 Fest. ex Græco *ἐξαντλῆν*, & *ἀντλῆν*: non ut vulgo jam
 scribunt *exanclare*: quod *Exanclandi* verbum & tu contra
 Lambinum recte vindicasti, lib. 13. cap. 17. alia æque
 ejusdemmodi: de quibus alibi. Quod qui non observant,
 Latine nam linguam mire perturbant: idemque & *Elogium*,
 de quo & tu in Lect. optimum licet vocabulum, & bonè
 quasi in usum ante civitate Romana, tanquam lege Pa-
 pia, hanc exterminari; tu varie nunc in *eclogium*, nunc
 in *ellogium*, nunc *culogium* mutant: & *Epistolam* scribunt,
 Græcorum more, invitis omnium scriptorum libris anti-
 quiss. etiam marmoreis monumentis, in quibus constanter
 Epi-

EPISTOLA XXIV. 199

Epistula, & *Elogium* exstat. Atque hæc quidem de meis in tuas Lectiones cerulis quibuidam ac notis. In quibus si quid erit tale, quod in acceptum referendum putes: videbis, in quem quid expendas: ne & his accadat quod nuper Themistæ nostræ apud Cicer. & Ennio item nostro apud Agell. lib. 12. cap. 4. de quibus diligenter olim ad te scripseram, contigit. *ἔδωκεν* loquor. Sed de his alio fortasse loco planius, & plura. Nunc, ut modo dixi, de me satis multa. A te autem Lectionum quidem libros plures non ita pridem accepimus, omnis elegantiae repletos: sed, quod inter nos liceat, (soli enim sumus) postulatur jam a te & φιλοσοφία μὲν quædam, & a Nobilio politiss. philosopho, qui aliqua jam dedit, plura. Atque adeo acceperim non ita pridem ad idoneis hominibus, te jam paratas habere explicationes librorum aliquot Platonis & Aristotelis Politicorum: quæ graviores inscriptiones huic quoque & ætati tuæ jam maturiori, & personæ, magis convenire videntur. Adjunt & Eunapii historiam, quæ in Vaticana bibliotheca adservatur, curare te describendam: quod idem & Redingerus noster D. Thomas V. C. magno sumptu jam pridem cœperat: sed conatum ejus mors interrumpit. Tu si & Politica illa scholia tua, & Eunapium, etiam Theodoriti epistolas, quarum insigne volumen in eadem Bibliotheca, Herveto teste, superest, aliaque veterum scripta divulges, bene, mihi crede, de Republica mereberis. Eorum namque opera cum Reipublicæ utilior, tum etiam ad laudem ipsorum diuturnior mihi semper visa est, qui veterum scriptorum præclaras *συντάξεις* & commentarios aut in lucem ipsi proferunt, aut ab aliis divulgatos vel eruditiss. scholiis explanant, vel, ut emendatiores sint, elaborant. Emendatus enim liber est vice commentarii. Vale vir doctissime & salve. A. MDLXXXIII.

JULII POGIANI VIRI DISERTISS.

Epistola, de Ciceronis imitandi modo, ad nobilissimum adolescentem Nicolaum Fitzherbertum, Anglum.

XXIV.

Eti sunt ejus generis tuæ litteræ, ut in politiori humanitate, in qua ex gravioribus Legum studiis con-

scis, consilio aut præceptione mea tibi minime opus esse intelligam: tamen quia mei in te amoris esse video, non tam spectare, quid ego possim, quam quid tu velis, attendere; rationem tibi & consuetudinem hujus rei meam exponam. Ego, quamdiu mihi arbitrato meo studere licuit, unum aliquot menses ex Latinis scriptoribus Ciceronem legi. Nam in omni ratione optimum quemque & illum unum imitandum esse cognoram. Quare cum illum ipsum Ciceronem Latinæ linguæ & eloquentiæ principem esse constaret, rejeci cæteros Latinitatis authores. Quo in studio primum dabam operam, ut statuta essent tempora & studendi, & scribendi mea. Didiceram enim a summis viris, qui se id re expertos esse dicerent, plus adjumenti esse in certo, nec multo, quam in vario & diuturno tempore, quod haberet eadem illa hora studiorum, non solum admonitionis & recordationis vim, sed etiam quoddam momentum ordinis: qui cum in omni re multum, tum in dicendo plurimum potest. Sed hoc fortasse patet latius: illud ad id unum pertinet, quod institueram. Duo igitur in Cicerone legendo mihi proponebam, quid & quomodo diceret. In quo videbam interdum pauca multis explicari; interdum plura comprehendere breviter, & absolute; sæpius eandem variari rem, ut cum idem diceretur, tamen commutatis verbis atque sententiis, aliud dici videretur. Mirabar vero partium & quasi membrorum pulcherrimam compositionem, quæ sic alia ex aliis nexa & apta sunt, nihil ut Lectori possit esse jucundius. Quid dicam de artificio vincientiæ orationis, deque copia & quasi sylva elegantium vinculorum! Quibus cum multi, vel quasi compedibus quibusdam descriptiones suas colligent, vel ita dissolvant ac dissipent, ut capti membrorum corporis, ac ne corporis quidem speciem habeant: sic Cicerones necit, & verba, ut sola ejus oratio libere moveri, magnificeque ingredi videatur. Cogitabam vero etiam de singulis verbis, de conjunctione verborum, de eorum numero atque forma. Qua in cogitatione mihi veniebat in mentem mirari, quænam esset causa paucitatis eorum, qui divinas Ciceronianæ orationis virtutes imitarentur. Quis autem erroris & inscitæ multorum, duplicem aliterando culpam animadverti. Sunt enim, qui a Cicerone torrentes, se ad alios, nescio quos, scribendi magistros tulērunt. Qui quod judicium habeant, cum appareat, faci-

facile n
imo ver
similim
do fallu
lam fer
ne paru
verbis t
rimum
tude se
Puerili
conven
vit. In
copiæ a
auctore
elabora
butien
qui pla
pi. Na
lam lo
& alte
mentis
pli cau
lescent
Scavol
Hanni
& phil
des gen
tiarum
vel ab
exerci
Ut eni
gines
Quare
deren
rum,
sexce
dus, &
pertin
earum
illi, p
sagum

facile negligentur. Alii sunt, quorum est levius peccatum: imo vero non illi quidem cupiditate peccant, qui Ciceronis simillimi velint esse, si possint; sed consilio & imitandi modo falluntur. Nam hi Tullii verba mordicus tenent, nec ullam fere syllabam audent ab eo discedere; & dum verentur, ne parum Ciceroniani videantur, illius etiam sensa totidem verbis transferunt in suas litteras, scilicet illi (quod miserimum est) nunquam sunt in scribendo sui, sed inepte ac putide semper alieni. Quid igitur eos in errorem induxit? Puerilis illa suspicio, quod sermonem Ciceronis in id modo convenire sunt arbitrati, ad quod ille semel accommodavit. In qua si ipse Tullius sententia fuisset, non jam eum copię atque ubertatis magistrum, sed inopię & jejunitatis auctorem haberemus. Quę cum viderem, putavi mihi elaborandum, si modo id assequi possem, me ut ab illa balbutientium turba sejungerem, conjungeremque cum iis, qui plane & Latine loquuntur. Quid quęris? Audere cœpi. Nam ut quisque mihi occurrebat Ciceronis locus, illam loquendi formulam ad alia transferebam, & eiusdem & alterius generis sensa, quasque unis ab illo sumptis vestimentis studebam vestire & ornare res innumerabiles. Exempli causa, quod hæc dictans legebam forte: *Publii Rutilii adolescentiam ad opinionem & innocentiam, & juris scientiam, P. Scævola commendavit domus*; quis prohibet eo traducere? *Hannibalis Minalis adolescentiam ad opinionem & eloquentiam & philosophiam, Flamini Nobilii consuetudo commendavit*. Vides genus. Sed quoniam intelligebam, quædam esse sententiarum lumina, quibus scripta illustrarentur, sumebam illa vel ab ipso Cicerone, vel a quovis; sed ita, ut in eadem exercitatione alia quadam ratione uterer ab illo superiore. Ut enim illic tanquam ex eadem cera multas fingebam imagines: sic hic quasi eundem hominem alio habitu vestiebam. Quare fiebat, ut quæ ab aliis parta essent, a me inventa viderentur. Sunt autem hæc ornamenta & lumina sententiarum, ut, *Ne quid nimis, Late patet invidia*, & huiusmodi sexcenta, quæ si ita efferas: *Tenendum est omnium rerum modus, & Nihil non occupat invidia*, quis tua esse neget? Huc pertinet illud Ciceronis, imitandos esse bonos fures, qui earum rerum, quas ceperunt, signa commutant. Ut enim illi, pallium si cui furantur, ne id is agnoscat, ex pallio sagum faciunt; sic qui aliorum sententias commutatis ver-

bis enunciant, quæ communia sunt, propria jacere videntur. Neque vero non etiam conabar interdum quodammodo cum ipso Cicerone certare acumine contrariorum, ut si ille, *in latinitate doleo*, ego contra, *in dolore lator*. Si idem dicat, *tardius faceres*, hoc est, ut ego interpretor, *diligentius*; item ipse, *celerius*, id est, *negligentius*, in contrarium conversa sententia. Quod institutum mihi si meo arbitratu diutius tenere licuisset, in hac laude fortasse aliquis essem. Sed ab ea me consuetudine avocavit necessaria quædam barbaries, de qua nunc quidem nihil attinet plura scribere. Tibi certe, quid de tota hac ratione sentirem, significandum putavi: qui etsi scio quanta occupatione destinearis, tamen non dubito, quin pro excellenti tuo ingenio, proque eo quantum profecisti in hac Latine scribendi ratione, cum istum graviorem studiorum cursum confeceris, si huc redieris, teque in hac laude exerceueris, brevi etiam in principibus futurus sis hujus facultatis: quamquam aliquid interea assequere, si cum vacuus quotidie fueris a Legum studiis, animi causa solum reprehenderis, & in hac exercitatione, quam dixi, subsecivas operas posueris. Sed, quod mihi pœne exciderat, multa ex Cicerone tibi memoriæ mandanda sunt; & paranda tanquam magna supellex, tibi ut suppetat in variandis, & mutandis sensibus multus & elegans vestitus orationis. Et quoniam ut in victu & vestitu prius necessaria, quam voluptaria quærimus; sic in oratione proprium primum verborum, deinde translatorum copia comparanda est: haud scio an illæ ad Atticum Epistolæ, in quibus nulla est elaborata concinnitas, nullum exquisitæ voluptatis aucupium, plurimum proficiant ad Latine & emendate loquendum. Quemadmodum nonnunquam etiam gemmarum vis, non tam arte disposita, aut distincta auro, quam pura atque nativa delectat: ita Latini sermonis ubertas sine fæco, aut peregrinis quodammodo delicis orationis in illis maxime probatur Epistolis. Etsi hæc admonitio accommodata est iis, qui nunc primum in eam rationem ingrediuntur; tibi, qui tantum jam hac scribendi exercitatione profecisti, præsertim majoribus rebus occupato, fortasse minus est necessaria. Quare cum grandiori etiam scribendi genere delectari videaris, nos quoque si ve ingenio, sive judicio tuo, certe temporis obsequemur.

mur.
pervo
leges
ges
ption
neque
que i
parus
te m
vacu
amor

mur. Cum igitur tibi, ut nunc est, facultas non sit
 pervolutandi multos Ciceronis libros: ex illis optimos
 leges, & edisces, quæ multum te delectabunt, & scrip-
 tionem tuam adjuvabunt. Ignosces vero mihi, si hæc
 neque subtilius scripsi, ut res postulare videbatur, ne-
 que illustravi exemplis. Eram enim & ipse valde occu-
 patus. Quare alias reponam, & accuratius aliquid ad
 te mittam, quod proximis feriis æstivis in Trebiano tuo
 vacuus legere possis. Interim vale, & mihi conserva
 amorem tuum. Roma, Prid. Kalend. Aprilis.



MARCI ANTONII
MURETI
EPISTOLARUM
LIBER QUARTUS.
M. ANTONIUS MURETUS
PAULO MANUTIO S. D.
EPISTOLA PRIMA.

Respondet Manutio partim ad appendicem lib. IV. epist. 5. Scriptis litteris: partim ad epistolam sequentem: Tu vide cui: ut appendix illa videri queat male ab ep. 6. ad 5. translata esse. Legitur alioquin hac praesentem in Epistolis Clarorum p. 293. sed nec integra, & male consuetum cum partibus duabus alienis, altera epist. 17. altera epist. 18. libri 1.



Ui possum paria paribus? &, si pergis, clamabo me circumveniri. Næ tu, mi Manuti, denos tuis et non tuiusmodi paria ei paredeas. Qui cum ad me eas epistolas quotidie mittas, quales post Ciceronem nemo fecit præter te: tamen delicias facis, & perinde loqueris, ac si meæ, quas ego popularibus verbis, quasi crassiore filo, contextas ne relegere quidem (quæ mea pigritia est) soleo, cum tuis ullo modo conferri debeant? Equidem, qui ubi cum quibusdam me aliis conféro, adulator interdum ipsemet mihi: & quia, quam non Latine alii loquantur, animadverto, videor mihi paulo, quam illi, longius in hac facultate progressus esse: idem, vel te audiens, vel scriptum a te aliquid legens, hastas, ut dicitur, abjicio: & nedum cum putem esse me, quem tu facis, non modo inter

præ-

principia, sed ne inter impedimenta quidem, ullum mihi relinqui posse arbitror locum. μακάριος ἡ συνάυτης τῆς ἐνλωττίαι, μακάριοι δὲ καὶ ἡμεῖς, δεσπερ ὑπὸ σε ἀπέραντοισιν ἀπολειφθεῖσιν, ὡμὴν ἀλλὰ γε συμβέβηκε τῆς σῆς καὶ ἀπολαύσιν ὁμιλίας, καὶ ὑπάνταξιν δοκεῖν φιλίας. Sed de his satis. De re Bononiensi, ut plane tibi assentior, ita vota facio, ut Sigonius noster petat. Nam neque Bargeum descensurum puto; alios, si qui erunt, facile ab illo superatum iri confido. Mihi quidem quid magis in optatis sit, quam ut id eveniat, quod tu mihi amice (utinam etiam vere) auguraris? Neque video, sane si ille decesserit, quid mihi impedimento esse possit. Præsumitur igitur hac spe: quæ sive rata erit, paulo tollemur altius: sive sefellerit, non tamen omnino jacebimus. De Philopono noli laborare, ego istuc, si Deus voler, intra quatuor aut quinque dies futurus sum: absens non video, cui possim satis commode id negotii dare. Vale, mi Manuti, vale, & me ama. viii, Kal. Septemb. Patavio.

EIDEM MANUTIO.

II.

Respondet Manutio ad Epistolam ejus lib. III. 12.

Qui mihi tuas,

Quod te a curis omnibus acquiescere in mearum epistolarum elegantia ac suavitate dicis, agnosco humanitatem tuam: neque tamen ita me ignoro, ut in meis quicquam posse reperiri elegantiae putem. Scribo enim ad te sine ulla cura, quicquid in solum, ut dicitur; & dum tibi animi mei sensus aperiam, quibus in verbis faciam, non laboro. Quod eo dico, quia scrupulum quemdam inieci mihi nuper in sermone, cum significares, te epistolis tuis, si quando eas divulgares, velle admisceri quasdam etiam ad te meas. In quo tu etiam atque etiam vide, quid agas. Nam ego quidem nihil unquam (ita tu me ames) meminisse ad te scribere, quod non dicam editione, sed lectione magnopere dignum putarem. Sic enim scribo ad te, non quasi ad unum ætatis nostræ hominem doctissimum, & linguæ Latinæ intelligentissimum, sed tanquam ad amicum artissima mihi necessitudine & familiaritate conjunctum, apud quem in

loquendo non modo peccare impune liceat, verum etiam, si quis magnam diligentiam in eo ponat ut ne peccet, is eo ipso peccare videatur. Itaque ne relegere quidem soleo, quæ ad te mitto. Tuo tamen arbitrato. Scio enim te meæ laudi æque favere ac tuæ: neque vero mihi sumo, ut in hac re, aut omnino ulla in re plus videam quam tu. Sed de his satis, aut etiam plus satis. Obsecro te, quid est, quod tu, quod me Catulli reliquum est, id biduo ad te mittere petis? an non satis est, dum ne tuis in mora sim? quamquam faciam equidem, quod voles: sed neque mihi, neque tibi expedire istam celeritatem puto. Chartas quinque una cum his litteris accipies, cætera, ubi voles, parata erunt. De Hieronymo tuo valde equidem miror, & (vere ut dicam) vix consilium in ea re tuum laudare possum. Tantillum puerum tam procul ablegari? neque te navigatio commoveret, quæ concutere ac dejicere etiam homines confirmatæ ac corroboratæ ætatis solet? Mihi crede, valde commoveor: amo enim puerum illum insigniter, tum quia tuus est, tum quia mirifice festivus. Et mihi venit in mentem, quæ ille jam pericula misellus subierit, pæne prius in vitæ discrimen adductus, quam sentire posset, quid jucunditatis esset in vitam. Deum tamen cœlestesque omnes ex animo comprecor, ut fortunent, quod agis. Et aliud, quod scribam, nihil est, & Molinus noster me admonet redeundum esse ad Catullum. Nihil igitur addam, nisi ipsius nomine plurimam tibi salutem. Etiam Herculem tuum nostro utriusque nomine plurimum ut salutes, a te petimus: quamquam equidem est, tibi, Hercules, quod succenseam. Te ne, cum hic esses, semel tantum ad me adiisse, neque postea rediisse amplius? Itaque ut te ulciscar, nihil adhuc ad eas litteras, quas te plenissimas suavitatis accepi, respondeo. Curavi tamen, ut id, quod petebas, ad te mitteretur. Valete ambo, nolite amare ambos. Patavio. A. D. xiv. Kal. Maji. Nolo enim facere, quod tu, qui interdum pro Majo, Aprilem, pro x. xvii. ponis. Itaque interdum videor mihi accipere litteras tuas xx. diebus ipsis, posteaquam scriptæ sunt. Interdum, contra, sex aut septem diebus, antequam scriptæ sint, præferuntur. Iterum vale.

EIDEM MANUTIO.

III.

Heri respondi ad eas litteras, quas a te pridie acceperam, simulque misi ad te chartas aliquot Catulli. Ego strenue urgeo: sed vix credas, quam multa quotidie incidant, quæ cursum impediunt meum. Omne tamen obstaculum atque omnem impeditionem facile superat studium tibi obsequendi meum. Cras expecto a te, quantum typis descriptum erit. Est etiam aliud, quod mihi a te curari pervelim. Lambini interpretatio librorum de moribus valde a me desideratur: & scis me, quam sim in hoc genere impatiens. Vel ignotorum hominum libros ita ardentè appetere soleo, ut omnis mihi celeritas tarda esse videatur: nedum hoc carere possim, qui & hominis amici est, & habet percrebram perque honorificam mentionem mei. Misi ad Valgrisos, qui emeret: causati sunt, nondum esse absolutum. Ego autem illos mentiri scio. Nam Lambinus ipse ad me, jam antequam insinxe discederet scripserat absolutum esse. Neque verò exputare possum, cur negent. Obsecro te, mitte aliquem de tuis, qui emat, ita tamen ut ne me nominet. Ego mox ad te pecuniam, quanti emptus erit, mittam. Commodum hæc scripseram, cum ad me Aldus suavissimus cum magistro, quid quæris? mi Manuti, beasti me: neque quicquam mihi jucundius facere poteras. Nihil illo puero festivius; nihil ingeniosius; nihil amabilius; nihil ardentius in studio virtutis ac litterarum. Quanta in sermone suavitas! quanta indoles in ipso vultu ac motu corporis! ut in summa ingenii celeritate parem modestiam facile agnoscas. Itaque feres hoc æquo animo: spero eum aliquando & patre & avo majorem ac celebriorem futurum. Ne vivam, si non ex animo loquor. Hoc tantum in summa lætitia, quam ex eius adventu cepi, asperisit mihi nonnihil molestiæ, quod senex ipse cum febris venit. Itaque duos hospites libentissime vidi: tertiam illam, quæ se comitem adjunxerat, libenter exclusissem. Curabitur uterque eorum ea diligentia, ut intelligant hanc quoque domum tuam esse. Vale, & salve a Molino. Patavio:

Scriptam esse dixerim hanc Epistolam XI. Kal. Maji, h. e. pridie

die, quam scriberet eam, qua libri II. est 6. Si Pegasi adeo ha duā coniungenda videantur.

EIDEM MANUTIO.

IV.

Respondet Manutio ad ejus lib. III. Epist. 17. Tu vide: quid quidem ad nos non viatur pervenisse integra.

ARdeo iracundia, eo magis, quod vereor, ne culpam esse in me aliquam putes, quæ nulla est. Dui meaque homines oderint, si unquam in vita ullam mihi majorem hausisse videor acerbicem. Neque nunc quid agam, aut quid cogitem, aut quid consilii capiam, scio. Quare hic est dies, cum illa quinque folia, quorum me ipsa recordatio discruciat, tabellariis data sunt. Sed nescio quo fato, insciente me, cum cæteræ litteræ meæ rectæ domum ad te mitti solerent, hæ missæ ad tabernam librariam Valgristorum. Qui si te & me prodiderunt, eaque perfide ac malitiose interverterunt, maximam malam pestem eorum capit præcor: ut, contra, Deum ipsum oro & quaeso, si quid in hac re a me aut malitiose, aut negligenter factum est, ut me omnibus pessimis exemplis multatum velit. Si quid culpæ est, a Lepido est: quamquam hujus ipsius nullam fuisse culpam, certo scio. Quod ego te, mi Manuti, per genium tuam, perque illam maximam & sanctissimam conjunctionem nostram, quam ego semper summa fide & colui & colam, obsecro & obtestor, primum ut credas, nihil a me commissum esse, cur ulla vel levissima culpæ suspicio in me hærrere debeat: deinde, ut hoc tibi persuasissimum sit, tantum me ex hac re dolorem percepisse, quantum neque fore moderate, neque ullo modo exprimere possum. Crastinæ tuæ litteræ me aut recreabunt, aut conficient. Nam si tota illa ita temporis recuperata sint, ut tu nihil ex ea redolenti ceperis, reviviscam: sin secus acciderit, non dubito, quin ex dolore in gravem aliquem morbum incidam. Filius tuus heri mane discessit una cum magistro. Uterque a me pro viribus amice & diligenter curatus est. Vilis est mihi plane deposuisse illam animi ferocitatem, quæ aliquando, ne una cum ætate accresceret, subvertebar. Tentavi etiam; sed leviter, quos progressus fecisset in litteris.

Vis

Vis aperte tecum fabuler? Visus est mihi doctior magistro suo. Sed cum cogito, litteræ tuæ me conturbant. Scribis enim, ut ad te de filiolo tuo aliquid scribam, quasi aurea nihil scripserim: deinde respondens de libro Lambini. Atqui ego, quibus litteris (a) ad te de Lambini libro scripseram, inde de filiolo tuo scripseram multa. Itaque hunc nodum non possum dissolvere. Nam quod ad finem joculariter scribis, nos aliquid esse, quibus neq te Tirones neque Alexides (b) desint: ad id ego nunc respondere nolo: neque enim joculari in tanta animi perturbatione possum. Tusine dubio felicior & sapientior: cui etiam curis impedito, tamen quod rideas, venit in mentem. Mi Manuti optime & amicissime, etiam atque etiam vale. Patavio.

EIDEM MANUTIO.

V.

Quam pæne furæ regna Proserpina

Et judicantem vidimus Ercum! (c).

Licet enim jam canere, depulso metu. Sed tamen, quid quid dicat puer Lepidi, negligentia ipsius origo hujus molestie fuit: quod e meis hesternis litteris (d) aliqua ex parte intelligere potuisti. Sed quando res omnis in vado est, desinamus, ut ille ait, querelarum. Alexin (e) tu mihi invides? at mihi nunquam in mentem venit, ut Tironem (f) tibi inviderem. Et hic Alexis ipse quamdiu tuus fuit? quamquam non video equidem, hic cur Alexis dicatur. Neque enim ego ex eadem schola sum, ex qua Pomponius: at ille alter studiorum tuorum socius, jure ac merito Tiro, qui ætatis nostræ Ciceroni operam daret. Quem a te discisse ipsius causa doleo: tua non dolerem, nisi tibi submolestam esse ejus abiectionem, e tuis litteris viderem. Ipse hodie ad me venit, egitque mecum, ut se in disciplinam

Tom. II.

O

(a) Ea Epistola est hujus libri tertia.

(b) Tiro Ciceronis amanuensis fuit, Alexis Pomponii Africi. Alexidis autem nomine, Molinium; Tironis Herculem Podocatharum designat, illum Mureto, hunc sibi a manibus.

(c) Horat. lib. III. Od. 13.

(d) Quæ hic proxime precedunt.

(e) Molinium.

(f) Herculem Podocatharum. Vid. lit. b. ad epist. preced.

nam meam reciperem. Ego ei prolixè, quidquid possem, & pollicitus sum, & detuli. Itaque, ut video, agnosces aliquando in meis litteris etiam ipsius manum. Sed omitamus jocos. De filiolo tuo scripsi heri (g) ad te sincere & ex animo, quid mihi videretur. Noli putare eum olim unum ex multis fore. Excellet, mihi crede, satis bono (in his rebus quidem) auguri, & officiet nostris utriusque luminibus. De Hieronymo Pusione mellitissimo, spero equidem successura omnia, ut volumus. Sed nescin tu amori perpetuum esse comitem adjunctum metum? Ego autem, (quæ tua sunt in me plurima maxima beneficia) nisi liberos tuos, dum vivam, eadem, qua tu, charitate prosequar, omnium mortalium ingratus fverim. Primum Catulli folium accepi: in quo menda quædam sunt non magni momenti. Item illud vellem, quod in priori editione factum erat, inter cuiuscumque epigrammatis finem, & declarationis principium, inanis spatii aliquantulum relictum esset. Nam ad concinnitatem & elegantiam, multum: ad libri molem aut nihil, aut perpusillum quiddam accessisset. Sed neque hæc valde displicent. Quatuor folia cum hisce litteris accipies; quantum autem impressum est, quamprimum ad me mittas velim. Vale, & salve a Molinio. Patavio.

EIDEM MANUTIO.

VI.

Responder Manutio ad ejus lib. III. Epist. 19.

Quid tu me.

QUOD igitur scribendi argumentum capere me jubes, si ad ignotos non facillima *via dæus*, quod & scribis, & ego ita esse video: cum eorum, quos nominas, æque mihi ignotus uterque sit? Etiam illud: nullam ne hic quoque aut ambitionis aut levitatis suspensionem futuram putas? Explica mihi hæc quoque. Nam ego quidem sine ulla dubitatione, quocumque tu duxeris, sequar. Ac tua quoque res agitur: tanta est nostra conjunctio, ut, quicquid alteri boni malive accidit, id ab altero alienum esse non possit. Vel hos igitur, vel si quos alios habes, quos nugis meis magis oblectatum iri putes. Miratus sum tam lon.

(g) *Epistola præced.*

EPISTOLA VI. 211

longam epistolam tua manu: non enim sum nescius, quantum tibi incommodet scriptio. Itaque in summa voluptate, quam ex ea capiebam, (est enim sane luculenta; planeque tua) illud mihi doloris non nihil afferebat, quod cogitabam de oculis tuis. Sed profecto vel ex eo perspicitur vis amoris erga me tui, qui, quod nosti, quantam e tuis literis hauriam suavitatem, ut ea expleas, ne oculis quidem parcis, quos nobis charissimos esse natura voluit. Equidem etsi manum tuam ita amo, ut nullam æque aliam: tamen nihil mihi videtur longius, quam dum ille ad te amanuensis venerit. De epistolis tuis, video quid agas: mihi quæ jam videre videor illum diem, cum ut illius (b) ad Cælium, sic tuus ad Muretum liber exstabit. Nam illud quidem nimium esset, ut Cælii ad illum, sic amici illius tui inferi unum. Quod ego neque spero, neque ut quidquam; nisi quod tibi videbitur, facias, peto. Quatuor illas, quas petis, propediem habiturus es: ad eas enim describendas, operam mihi suam Molinius noster ultro detulit. Quod autem videris subdubitare, ecquid ego eas aservaverim: obsecro te, usque eo tu me aut negligentem aut barbarum & inhumanum putassi, ut eas perire sinerem? In meis ita negligens sum; ut nemini cedam: quæ a te veniunt, præsertim paulo accuratius scripta; ea habeo *in quædam*. Catulli reliqua exspecto. Sed mehercule valde vos istic properatis: dicendum enim est, Dædaleo mihi, ut Plautus loquitur, remigio opus fuerit, si præire vobis velim. Intendam tamen cursum; quantum potero, & deficiam prius, quam defatiger. Vale. Molinius tibi salutem, ut solet. A. D. III. Kal. Maj. Patavio.

EIDEM MANUTIO.

VII.

Respondet Manutio ad ejus lib. III. epist. 20. Mihi vero, eam & supra habes lib. III. epist. 21.

E Pistolam meam tibi probari gaudeo: eo magis, quod, ne secus accideret, verebar. Scripseram enim rapit, neque ipse mihi magnopere satisfeceram: nunc te fretus, cæterorum judicia non extimescam. Nam quod cæ-
lum

(b) Ciceronis.

Iam Italicum mihi profuisse dicis, est omnino in eo aliquid: sed multo mihi plus tua consuetudo profuit; neque mirum est, si tecum assidue versans, colorem aliquem eloquentiæ contraxi. Quare si ex animo mihi gratulatus es, quod ego ita esse, quia cupio, credo: gratulare potius tibi ipsi, qui tales habeas discipulos. Tibulli principium, quod a me requiris: videlicet *μνησθῆναι ἐστὶν ἀμείψασθαι*. Jam enim aliquot dies sunt, cum ad te misi duo prima folia. Tertium cum his litteris accipies: (i) cætera *ἄλλα ἐπεὶ* Ama me & vale. Epistolas tuas, ut diligenter custodiam, admonendus non sum: sed & describendas curabo, V. Id. Maj. Patavio.

EIDEM MANUTIO;

VIII.

ET ardeo incredibili studio omnia tibi prolixissime pollicendi, & vereor, ne, incensus cupiditate obsequendi tibi, plura promittam, quam postea præstare possim. Illud tibi omni adseveratione confirmo, me manibus pedibusque obnixè operam daturum, ut aliquid navem, quod tu probes. Sed te quæso, Manuti optime & amicissime, noli plura a me exigere, quam vires ferant. Quæ si pares essent aut animo meo, aut opinioni tuæ, nihil requireres, quo observantia in te mea illustrior foret. Sed hæc alias. Nunc te orabo, (quod tamen tuapte sponte te facturum fuisse arbitror) ut earum rerum, de quibus nuper ad me scripsisti, impressionem differi iubeas, dum certius a me & exploratius aliquid accipias. Interim illæ priores imprimi poterunt: & ego præter id, quod una cum his litteris accipies, cras ad te aliquid aliud mittam: neque patiar operis, quid agant, deesse. Si nihil aliud, certe in aliquot Propertii obscuriores locos scholiâ quædam elaborabo. Vale. Patavio.

E I.

(i) Hinc intelliges, proximum ab hac Mureti Epistolam esse eam, quæ supra lib. II. est 7. ut adeo hæc adveniant conjungenda.

EIDEM MANUTIO.

IX.

O Præclaram epistolam tuam! (k) Itaque mihi senium est, dum eam typis descriptam videam; Hæc eo ad te non scripsi, quod ternæ litteræ Bononiam scribendæ erat: & alioqui nihil inciderat epistola dignum. Hodie accepi litteras a Sigonio, quas ipsas ad te mitto, ut meum gaudium solide gaudeas. Græc mittam ad te versuum meorum partem, id est, elegias, & aliquot epigrammata: cætera ἐπεῖν. Quid jam? quid scribam amplius? nihil, nisi ut me ames: quod tamen te facere, mihi jam pridem exploratissimum est. Herculi nostro plurimam salutem. Vale, quantum usquam est hominum, homo optime & integerrime. Puto fore, ut hodie ad te iterum scribam. Etenim duo fratres adolescentes nobilissimi, ita ut inter domum ipsorum & domum Regiam artissima affinitas intercedat, iidemque opulentissimi, & quod caput est, honestarum artium studiosissimi, hæc significarunt mihi se tui videndi causa Venetias velle proficisci: & a me petierunt, ut tibi aditum ad te patefacerem. Facturum recepi, & libenter quidem. Eosigitur vesperi ad me venturos puto, ut epistolam commendatitiam (l) petant. Præceptorem hic secum habent, senem, honestum, nummatum, eruditum, studiosum tui. Scripsit olim libellos quosdam non inelegantes, & intimus Budæo fuit. Ei ego ipsi auctor fui, ut ad te litterarum aliquid daret. Putare me eum tibi de nomine, propterea eos, quos dixi, libellos, non ignotum esse. Tu si quid ad eum rescripseris, bonum & bonorum studiosum hominem tibi adjunxeris. Amanuensi tuo, cujus manum longo post tempore agnovi, multam a me salutem. Iterum vale ἀντιῦδο κινῶτατε καὶ τῷ ὄντι φιλόφιλῳ καὶ τοῖς μαλιστα. Patavio.

O 3

E I.

(k) Eam intelligit, qua in Manutianis est lib. III. 25. Cum antea, de qua eadem dictum est a nobis aliquid supra ad lib. II. Epist. 14. lit. m.

(l) Hanc esse puto, quæ legitur supra lib. II. 19. Adolescentes, quo

EIDEM MANUTIO.

X.

MAgis magisque se omni ex parte declarat amor erga me tuus. Ferraria litteras hoc quadriduo exspecto. (m) Si licebit, utemur: sin, aliud videbimus, aut hic ad tempus durabimus. Pola quidem tua (n) nobis ultima anchora futura est: nam quo tu cupidiore in deferendo, eo me in accipiendo verecundiores esse par est: sed tamen, si res feret, non abnuo. Versus meos mittam ad te propediem ad sexcentos, aut paulo amplius, colque nunquam antea impressos. De illis quid faciendum sit, tu judicabis. Ego enim plane hisce de rebus minime jam laboro. In eis est elegia quædam ad Joannem Baptistam Amalteum; una item ad Franciscum Duarenum, & ad alios quosdam alia; epigrammata item aliquot, & alia quædam. Ego quantopere te amare debeam, omnes sciunt: quantopere te amem εἰς δ' εἰ μὴ δέκα μένυσται. noli cætera. Valitudinem tuam cura, & amicissimum illum nostrum, quo cum Murani fuimus, si quando invisēs, meo nomine etiam atque etiam salutato. Patavio postrid. Kal. Septemb. Hæc scripseram mane: statim a prandio allatæ sunt litteræ a Petro Morino Cardinali, nihil esse longius, quam dum me videat: maturemigitur, quantum possum, venire. Atque ego ita plane faciam: etsi non fiet hoc sine luculenta jactura rei familiaris meæ, maxime propter ædes, quas, quomodo locaturus sim, nondum scio. Sed tu hoc nemini dixeris. Opprimi enim in ipso articulo certos homines volo, qui nunc, quia me valde laborare, ut hic maneam, putant, ferociunt. Ipsi sentient. Mi Manuti optime & amantissime, etiam atque etiam vale. Ego posthac quotidie ad te scribam: tu quoque, si me anias, quod commodum tuo fiat, quam sæpissime scribito. Nam ex tuis litteris etiam brevissimis incredibilem quamdam haurio voluptatem.

Respondet Manutius Epistola, qua jam hæc sequitur.

PAU.

- (m) A Morino Cardinali, de quo prope finem Epistolæ.
 (n) Prædium hoc Manutii fuisse ac secessum, sequens declarabit Epistola.

PAULUS MANUTIUS

M. ANTONIO MURETORIO S. D.

EPISTOLÆ XI.

In Manutianis Epistolis hæc est l. III. 26. verum illic & interpolata quadam & initio ejus pariter ac fini quadam accesserunt: Prima ejus verba sunt: Laborabam vehementer. ultima omnes debent. Sed illud profecto principium mihi nunc suspectum est, ut, quæ hic leguntur, sinceriora credam.

CONstitui animum meum, aliquo interdum, ut vere dicam, rerum tuarum metu fluctuantem, epistola tua, atque ad metum accedebat indignatio. Quid? virtuti ne deerit ornamentum? aut etiam locus, ubi consistat? tantane est temporum iniquitas, & hominum in suis bonis ignoratio? Hæc ego quandoque mecum. Nunc vacuus cura jam sum, & ex eo, quod significas, (n) ut in exoptata fortuna triumpho. Tuos versus tua fretus humanitate jam promiseram. Eos expectabo minima, si fieri poterit, interposita mora, nec tu velim diuturna me expectatione ducas. Illa ad illum, qui te nunquam amavit, quem scis male audire suo merito, cur non transferas ad alium? equidem suadeo. Quod si tenerem ὑπόθεσιν, facile dicerem, ad quem; me a Iulibus, καὶ πάντων ἀπὸ πῶν ἑσπορικῶν plane revocat non solum natura mea, sed ætas etiam, senectuti propior; quam adolescentia. Itaque si quid ad me scribes, remove, amabo te, omnia, quæ tamen dilexisse Plato videtur, ἀφροδίσια. Intelligis, opinor, quid significem: quod tu me petere, vel cupere etiam si me putas ingenium tuum nosse, existimabis. De benevolentia tua, & si nunquam dubitavi, ex te tamen ipso ea, quæ opto, libentissime audio: quanquam ad studium in te meum nihil animi tui addit commemorationis. Non enim te amare ceppi, ut ipse me amares, sed quod amabilem ipsum esse duxi multis nominibus, quæ tibi ipsi ne exponam, non modo meus, verum etiam tuus pudor impedit. Jactura te movet rei familiaris in discessu

O 4 repen-

(n) Tibi paratam scil. Ferraria conditionem esse apud Cardinalem.

repentino. Noli laborare: lucrum erit in damno, si spectas eum, qui te excipiet, præstantem virum, erga tui similes optime animatum, cuius egregiam voluntatem non dissimilis fortuna comitatur. Sarciet igitur ille, si quid ob subitam migrationem damni facies: & ut spero, tuum te consilium quotidie magis oblectabit. Polam video te abjecisse, (o) & lætor mehercule tua causa. Verumtamen, si quando opus erit, secessum illum non contemnes: ut habeastu quoque exemplo Africani, & Lælii, tuum Lucrinum, cuius in littore, neglectis regum thesauris, omni prorsus ambitione solutus, aut conchas legere, aut fluctus numerare possis; eoque lætias, si me tibi tantæ comitem voluptatis Deus aliquis obtulerit. Verum hæc, ut quidem nostræ nunc utriusque res habent, inania: quæ tamen, si saperemus, omnium fortasse prima. Sed vides, me tecum garrere, captum voluptate sermonis? dum te quasi præsentem alloquor, & utor manu ejus adolescentis, quæ jure Latii donatum, Cretensibus ademptum, affirmo tibi dignum aliquando fore nostro contubernio, quod quidem studiose agit, tuo maxime exemplo incitatus: etsi non te nostra domus, sed tua te industria, tuum nobilitavit ingenium. Vale.

*Respondere huic Muretum dicas lib. II. Epist. 15. Valde re-
creatus: nisi potius accendendum, quod & dicas adscripta sua-
det, illam & hac & præcedente priorem esse.*

M. ANTONIUS MURETUS

PAULO SACRATO SUO S. D.

XII.

*Videtur respondere Epistolis Sacrati tribus, quas dedimus
in Appendice: O fortunatum: Litteras ad te: & co-
gnovi ex litteris. Habetur autem apud Sacratum lib.
II. p. 450. & hac Mureti Epistola.*

NEquè te uno amabilius quicquam, aut officii plenius,
neque litteris tuis festivus, omnique suavitate con-
ditius fieri potest. Quæ si quam lepide, ac polite loquan-
tur, tam etiam vera de me prædicarent, magna causa es-
set

(o) Nempe quia Ferrariam cogitas.

set, cur & ego mihi gauderem, & tu tibi de amicitia nostram gratulareris: Nunc ea res male habet, quod, cum in meum (ut dicitur) sinum inspicio, meque ac mea omnia diligenter excutio, nihil propemodum tale reperio, qualia mihi tu innumerabilia affingis: ut mihi tale quiddam uluveniat, quale histronibus, qui dum in scena Agamemnonem agunt, aut Atreum, concipiunt spiritus quosdam regios; post, absoluta fabula, dum ad vestitum suum, & ad se ipsos redeunt, agnoscant necesse est, ficta fuisse illa omnia & alienæ oblectationis causa ad breve tempus suscepta; se vero homines tenues, & non admodum magni pretii artifices esse. Sic ego quamdiu tuas litteras lego, & a te tanquam a Chorago aliquo impositam mihi personam sustineo, placeo mihi, (fatebor enim, quod verum est) & videor esse aliquis: post ubi ille quasi ventus refedit, agnitum errorem meum tacitus rideo, meque tanquam ad solitum cultum, ita ad usitatam illam & perpetuam meam de me opinionem refero. Sed hæc aut in aliud tempus referemus, aut quod satius est in perpetuum omittamus. Ego te Sacrate, pro eo ac singularis virtus & doctrina & voluntas erga me multis testata officiis postulat, & amo & magnificatio, neque id facere desinam, donec tuis, qui es, esse deseris; quod exploratum habeo nunquam fore. Ardeo autem mirifica quadam cupiditate, si qua id ratione a me perfici potest, ut etiam posteris hujus conjunctionis nostræ memoria prodatur, amicosque vixisse nos, non æquales modo nostri, sed futura etiam sæcula intelligant. Cujus rei gratia constitueram repertas a me in Gallia, neque usque in hunc diem a quoquam divulgatas Victorini, veteris non Rhetoris modo, sed Philosophi quoque ac Theologi lucubrationes in publicum emittere; cumque in eis emendandis non parvum laborem sustulissem, ad te potissimum mittere, & tibi quasi dicare, quicquid in eis mea industria effectum esset; jamque id fecissem, nisi me quiddam, quod aliquando intelliges, retardasset. Tu interea, mi Sacrate, perges amare me ut facis, tibi quoque certo persuadebis, te a me merito tuo mirabiliter amari. Salutabo tuo nomine Janinellum, cum primum eum videro. Vale. v. Id. Sext. MDLXIII. Romæ.

Responsionem quare in Appendice epist. IV. Si de tui animi.

EIDEM SACRATO,

XIII.

*Respondet Sacrato ad modo numeratam epistolam: Si de
tui animi. Hac autem Mureti legitur & apud
Sacratum lib. 7. pag. 49.*

E Tuotam diuturno silentio suspicatus eram te Ferrara
abesse, ideoque ipse quoque intermiseram scribere,
donec mihi Martellius primum, deinde Lælius Gavardus
eleganti, ut visum est, ingenio adolescens, salutem tuis
verbiis nunciarunt. Quæ sunt illa quidem mihi pro eo ac de-
buit gratissima: sed & sermone Martellii eam cepi mole-
stiam, non sane mediocrem, quod ex eo de molestiis, quibus
tu interea conflictatus es, & de matris tuæ lectissimæ & te
tali filio dignissimæ mulieris infirmitate cognovi. Itaque
cogitabam primo quoque tempore ad te exarare aliquid li-
terarum, quo & purgarem me, qui tamdiu nihil scripsis-
sem, & minuerem, quantum id quidem in me esset, ægri-
tudinem tuam. Sed dum diem ex die duco, homo cum cate-
ris in rebus non admodum industrius tum ad scribendum pi-
gerrimus, (non modo enim nosse sua vitia bellum est, ve-
rum etiam fateri) tu, quo nemo usquam in omni genere
humanior aut officiosior est, occupasti, missis ad me sua-
vissimis & reliquarum tuarum similibus litteris. Ad quas
ego quia distractus aliis curis tam copiose quam vellem,
respondere non possum, strictim saltem singula eorum capita
attingam. Primum igitur a te, quantum me amas tantum
peto atque contendo; ut omnia potius, quæ negantur fieri
posse eventura existimes; quam ut quicquam de meo in te
amore, aut (ut verius dicam) de mea tuis virtutibus & pa-
cundissimis in me officiis debita observantia detrahatur.
Gratulor tibi de recuperata matris valetudine, cui etiam
ipsi a me salutem dicas, eique meo nomine gratuleris ve-
lim; puto eam quamquam semel tantum a me visam, facile
tamen redituram in memoriam mei. Quod ad te scripsit
Lælius, magnam quotidie non adolescentum modo, sed
omnium ætatum atque ordinum multitudinem ad me au-
diendum ventitare, sane verissimum est, idque, ut verum
fatear, ipsi mihi permirum videri solet. Nam & Rome
iarum

parum id est, & ego in me nihil sentio, quo tanta hominum studia excitentur. Sed quando sunt, qui aliter sentiant, intendo equidem omnes ingenii nervos ad conservandam eam, quæ de me exercitata est, opinionem: sed duratura ea nec nesci, *θεῶν ἐν γένεσιν κέρταται*. Te libro Victorini, quem me tibi, ut nunc loquimur, dicaturum pollicitus sum, noli dubitare. Nunquam omnino amittam eum e manibus, nisi addito luculento aliquo testimonio amicitiae nostræ. Interea mitto ad te exemplum oratiunculæ, (p) quam hîc habui, pridie ejus diei, quo cœpi Aristotelis Ethica interpretari. Vereor omnino ut satis emendate descriptum sit: nam quod unum mea manu scriptum habeam, id alibique Callipides ille, de quo etiam prioribus litteris aliquid scripsi, (p) duos jam menses apud se habuit, neque adhuc extorquere possum. Sed tanto mea melior futura conditio est: tu enim si qua a me ipso peccata erunt, ea illi, qui descripsit, adscribes. Mi Sacrate optime & amicissime, etiam atque etiam vale. Romæ, xviii. Kal. Februarii, MDLXIV.

EIDEM SACRATO.

XIV.

Respondet Sacrato ad epistolam prid. id. Octob. A. 1563. scriptam, quæ apud ipsum legitur lib. II. p. 51. Ego Murete optime: Ubi & p. 52. sequitur hac Mureti. Illa vero Sacrati in Appendice est V.

Puto mirum tibi videri, quod tamdiu nihil ad te scripserim præsertim provocatus a te amantissime & officiosissime scriptis litteris, quas ad me jam pridem dedisti: spero tamen, te facile ignoscere occupationibus meis neque

(p) Ea est l. 7. Veteri consuetudine.

(q) In præcedente quidem Mureti epistola tale nihil est. Itaque aut omissum id in ea, cum typographo daretur (quod non plane est insolens) aut aliam hic epistolam innui dixerim, quam ad Sacratum, interim dum ille silet, scripserit Muretus. Callipidis autem vocabulo cunctator aliquis intelligitur, quo sensu & ipse Muretus lib. II. Epist. 85. & hujus libri 46. extrema Callipidem se vocat. Erasmus vide Adag. 543.

que propterea dubitare de amore, atque observantia erga te mea, quæ, mihi crede, tanta est, ut accedere nihil possit. Cujus rei cum alios tibi multos testes, si opus sit, laudare possum, tum vel in primis Lælium nostrum, adolescentem optimum & suavissimum, qui quoties me videt, (videt autem fere quotidie) & multa mihi auditu jucundissima de tua singulari virtute, atque humanitate commemorat, & audit me vicissim de teea, quæ debet & quæ sentio, prædicantem. Sed mitto hæc. Neque enim dubitare potes, quin a me mirifice ac singulariter ameris, nisi me ingratum atque inhumanum putas: tam male autem de te me sentire non arbitror. Interpretatus sum Latine his diebus quintum Ethicorum Aristotelis. Ejus interpretationis mitto ad te exemplaria tria: unum, quod tibi habeas, quodque interdum intuens de me cogites; alterum, quod meo nomine des Francisco, quem ego & valde amo, & valde me ab eo amari cupio, tertium, quod cum tibi commodum erit, mittas ad clarissimum & eruditissimum virum Episcopum Carpentoracensem; puto enim pro eo amore in me, quem mihi cum sæpe alias, tum proxime, cum hic abiturus esset, ostendit, id munusculum ipsi ingratum non fore. Scribendum mihi est ad multos, & jam noctescit. Ama me, Satratem, vir eruditissime, & quod ego multo plus facio, optime & integerrime; ama me & vale. Romæ, A. D. vi. Id. Martias, MDLXV. (r)

EIDEM SACRATO.

XV.

Legitur & in Epistolis Sacratæ lib. III. p. 71. respondetur quod e diebus utrique adjectis Epistole consicere licet, ad ibi p. 70. præcedentem Sacratæ: Jam diu nihil: quæ in Appendice est VII.

EThi serius ad te scribo quam opportuerat, spero tamen, te ejus rei veniam mihi daturum, cum quæ tam diuturni silentii causa fuerit, cognoveris. Nolebam ad te scribere,

(r) Casu accidit, ut hoc eodem & die & anno scriberet Sacratæ quoque ad Muretum. Et si non cogitabam nunc ad te scribere, quæ in Appendice est VI

teras meas sine aliquo munusculo venire; ideoque exspectabam, dum habuissem eam Orationem, (/) quæ, ut scis, mihi causa fuerat huc citius quam opinabar, revertendi, ut eam ad te una cum litteris mitterem. Habui autem eam nudius tertius tanta omnium approbatione, quanta mihi nunquam contigerat. Neque tamen, quod tantopere cupiebam, possum adhuc ejus te participem facere. Interdixit enim Orator Regius, ne cuiquam homini ejus aut aspiciendæ aut describendæ potestatem facerem, antequam eam ipse misisset ad Regem, explorassetque ab eo per litteras, placeretne eam divulgari. Expectandum igitur erit tibi aliquot dies. Sed cum primum licebit, polliceor me nulli prius eam missurum quam tibi. Posulat hoc amor erga me tuus, & illa tua & fratrum tuorum nullis meis officiis provocata in me benevolentia, quæ perpetuo obversatur animo meo, & interdum quiescere me non sinit, quomodo insigne aliquid omnium vestrum causa facere possim, cogitantem. Quod si nihil aliud potero, certe tamen in aliqua parte scriptorum meorum (si qua est ea gloria) intexam aliquid quod posteris testetur, mihi cum plurima vobis deberem, remunerandi facultatem non affuisse, ornandæ ac celebrandæ virtutis vestræ voluntatem non defuisse. Vale. Fratribus tuis, Canalisio, Lollio, peto a te ut meo nomine salutem dicas. Romæ. iv. Id. Octob. MDLXVI.

Antequam hanc acciperet Sacratius, scripsit eam, quæ in Appendice est VIII. Quantum acceperim dolorem. Huic autem Mureti, & forte sequenti, ac nescio cui tercia responder, opinor, illa sequens IX. Accepi tres ab te.

E I.

(f) Ea est XIII. Volum. I. ut partim ex anno illi adscripto colligere licet, qui idem est & presentis epistola: partim ex eo, quod hic paulo post sequitur de Regio Oratore, quod nos dubitare, quin sit pro Rege habitata non sinit.

EIDEM SACRATO

Amico eximio ac singulari.

XVI.

*Respondere Sacrato videtur ad Epistolam quam modo dixi
Appendicis esse VIII. Quantum acceperim dolorem. Quo
posito, idem utrique annus merito adscribetur.*

A Tita mihi omnia, quæ volo, in vita contingant, Sacrate optime & humanissime, ut ego simul atque liberatus sum ea cura orationis habendæ ad Pontificem, quæ me tam multos dies occupatum districtumque tenuerat, litteras (†) ad te dedi, quibus & causas afferbam illius diuturni silentii mei, & cur ejus orationis exemplum, cum maxime cuperem, tamen ad te mittere adhuc non possem, aperiebam. Nunc ad alia. Ego, mi Sacrate, nisi te & fratres tuos, homines humanitate, comitate, omni denique virtute tibi geminos, totamque uno verbo domum vestram non amem modo, sed colam etiam & observem, & ingratum me & hominis nomine indignum esse fatear. Ex quo enim me ad amicitiam tuam applicui, ita mihi vestra omnia patuerunt, ut plane perspicerem, cum inter vos, ut & fratres, & tales fratres decet, amicissimi & conjunctissimi sitis, vix tamen esse quemquam ex vobis alteri, quam me omnibus, cariorum. Idque eo majus mihi atque admirabilius videtur, quod nullo meo in vos merito provocati, tanta me benevolentia complexi estis, ut plane cognorim, verum esse, quod a sapientissimis hominibus dictum acceperam, ut quisque ipse amabilissimus sit, ita ad alios amandos promptissimum ac propensissimum esse. Nam quod tu causam amoris erga me tui solituses conferre in eruditionem scilicet meam, & alia quædam magna ac præclara bona, quibus tibi videor excellere: utinam quidem ita esset, ut prædicas. Sed quo me diligentius excutio, eo magis intelligo, omnia in me aut mediocria esse, aut etiam infra mediocritatem; nihil eximium aut singulare, nihil quo non unus aliquis ex multis me aut adæquet aut vincat.

(†) Eas esse, quæ hic proxime antecedunt, res ipsa loquitur. Quare annum huic epistolæ dedimus eundem, quem præcedenti.

cāt. Itaque indulgeas licet amorī tuo, & iis me laudibus immerentem oneres, quas ego in te referre multo iustius ac verius possem: nunquam efficies, ut non ego tuum in me studium tuæ tantum humanitati acceptum feram. Sed his quidem rebus jam modus sit; aut potius perpetuum inter nos de eis silentium. Peto a te, ut me hūc aliquid tua causa facere jubeas, quo testari possim, quantum tua causa cupiam. Mihi crede, enitar, & ut spero, perficiam, ut cum ad æquanda tua in me merita facultatem mihi deesse omnes videant, voluntatem deesse nemo arbitretur. Fratribus tuis Alexandro Canalio, Alberto Lollio, cæterisque amicis communibus peto ut meo nomine salutem dicas. Vale. xii. Kal. Novemb. ex Urbe. MDLXVI. (u)

De responsione ad hanc Epistolam vide quæ dixi ad præcedentem.

EIDEM SACRATO.

XVII.

In Epistolis Sacratī legitur hæc lib. II. p. 78. Responderetur ei, quæ ibidem præcedit: Ego ad te litteras. Hæc XI. est Appendix.

Quod nunquam antea evenerat, quodque nunquam eventurum qualibet sponse contendere ausus essem, id evenit: ut litteræ tuæ, quæ mihi semper ante hæc jucundissimæ fuerant, nuper dolorem mihi ac mœstitiam attulerint singularem. Nam cum illud mihi per se grave atque acerbum fuit, & ægrotasse te, & diu ac graviter ægrotasse: tum vix credas, quam me pupugerit illa cogitatio, interea toto illo tempore cessasse me, & quodammodo defuisse officio, neque quidquam scripsisse, quo hominis amicissimi & de me optime meriti leniretur dolor. Etsi enim vere hac excusatione uti possum, nescisse me, tibi male esse: tamen ea ipsa excusatio excusationis indiget: cum indecorum sit, cujus in me tot tantæque officia existerint, tam diu me, quæ is valetudine uteretur, nescisse. Est omnino hujus rei culpa aliqua etiam in communibus amicis, qui cum me tuo nomine salutabant, nihil addebant, nisi illa vulgaria, conservare te diligenter memoriam mei, &

scri-

(u) Hunc annum posui pro 1565. Causam initio hujus Epistolæ reddo.

scripturum ad me, cum commodum esset; perere ut ego quoque idem facerem; invaletudinem tuam aut celabant me, aut ipsi quoque nesciebant. Utut est convaluisse te gaudeo, petoque a te primum, ut pro solita tua humanitate ignoscas mihi, si diutius ad te scribere distuli, quam par erat: deinde ut, quantum me amas, tantum operæ ac diligentiae conferas ad valetudinem tuam & confirmandam & conservandam. Hoc ita videris facillime consequi posse, si ad corporis exercitationes aliquid addideris, de exercitationibus animi atque ingenii aliquid detraxeris. Neve putes quidquam me tibi suadere, quod non satis exploratum habeam: ego quoque idem facere cœpi, & mihi insigniter prodesse sentio. Tu quando eo ingenio es, ut cognatis, ut amicis, ut patriæ, ut bonis omnibus libentissime operam des, eorumque commodis perpetuo inservias, ut id facillime ac diutissime facere possis, elaborato. Mi Sacrate optime, etiam atque etiam vale. Salutem plurimam lectissimis tuique simillimis viris fratribus tuis, itemque Paludino, Canali, cæterisque amicis. Romæ, XIII. Kal. Jan. MDLXVII.

EIDEM SACRATO.

XVIII.

Invenies hanc & in Epistolis Sacrate lib. II. p. 82. Respondet untem duabus ibi precedentibus, quæ sunt in Appendice XII.
Ego ad te jam diu: & XIII. Vereor interdum ne.

Non puto me tibi ita ignotum esse, Sacrate vir optime & eruditissime, ut metus ille, quem scribis, cadere in animum tuum potuerit, ne, quia diu jam ad te non scripisssem, tui etiam oblitus essem. Quomodo enim tu me capere possit oblivio, qui & is vir es, cujus etiam nulla unquam in me officia exstitissent, singularis tamen probitas & doctrina delevi ex animo meo non potest, & ea in me beneficia contulisti, ut etiam si illa in te non essent, quæ te omnibus & amabilem & admirabilem reddunt, ego tamen non summe amare te sine singulari improbitate ac, prope dixerim, impietate non possem? Sed ut illos quos ita alto sopore oppressos videmus, ut nullis clamoribus excitari queant, aculeos interdum ad movemus: ita tu mihi nimis jam diu, ut vetum fatear, dormienti, & ad tuas suavis-

Amantissimeque scriptas litteras nihil respondentem, illas orationis faces adhibere voluisti, quibus me non languentem modo, sed (ita me Deus amet) semimortuum ad scribendum excitasses. Illud mihi moleitum est, quod tam longo intervallo nihil tamen habeo, quod possim scribere, præter illa communia, valere me, & tibi ex animo bene cupere, neque quemquam esse omnium mortalium cujus ego amicitiam tuæ anteponendam putem. Neque vero aut Lolium meum minus amo quam solebam: aut eos, quos tu mihi conciliasti, ornatissimos viros collegas tuos, Páludium & Canaliū: sed, nescio quomodo, hosjam aliquot mentes tantus me occupat verernus, tanta scribendi satietas ceperat, ut ne in Galliam quidem scriberem ad quosdam qui mea illic magni sane momenti negotia procurabant. Sed hunc torporem excutiam vel maxime causa tua: non quod periculum esse ullum arbitrer ne ἡ ἀπροσρηγορία, ut est in illo vulgato versu, amicitiam nostram dissuat: sed quod iniquum esse intelligo, pro tuo erga me summo amore, quidquam a me committi, quod tibi molestiam adferre possit. Unum a te peto, ut, quemadmodum iis, qui diu ægrotarunt, ubi convalescere incipiunt, exercitationes a principio non valde laboriosæ imperantur: ita tu mihi, qui nunc primum accepto litterarum tuarum pharmaco ex illo diurno pigritiæ morbo ἀνασφύζομαι, neque longas neque accurate scriptas litteras imperes: neque in eis aliud quam meam erga te propensissimam voluntatem & observantiam spectandum, aut requirendum putes. Mi Sacrate, etiam atque etiam vale, & me ama, Romæ, XVIII. Kal. Quintiles, MDLXIX.

EIDEM SACRATO.

XIX.

In Epistolis Sacratæ habetur lib. II. p. 112. Respondet autem illic præcedenti, qua nostra Appendicis est XIV.
Quantum de tua.

HEri accepta te litteras simillimas tui, tersas, nitidas, elegantes, plenissimas humanitatis, & spirantes omni ex parte benevolentiam vererem illam tuam in me mirificam profus ac singularem. Quod excusatione nihil opus
Tqm. II. P esse

esse duxisti, fecisti, ut amicitia nostra dignum est: ac ne præterea levasti labore quærendi, quomodo tam diuturnum silentium meum apud te defenderem. Nam excusare te non poteras, quin eadem opera me accusares. Itaque hoc quoque a te tanquam mea causa factum accipio, indulgentumque mihi a te puto. Thalamius noster, (non enim tibi iam concedo, ut tu eum plus ames) verus, ut video, est & diligens internuntius amicitiae nostræ. Nam quoties unumquodque tibi, quæ mea sit in te observantia, vere accurateque perferbit. Constitueram nuper mittere ad te nugas quasdam meas, scholasticas omnino, id est non satis dignas, quæ a te legerentur, sed quas tamen tibi, ut solent mea, placituras esse sperabam. Id postea omisi facere, quia cuius opera in eis describendis uterer, non habebam. Nunc habeo, qui id commode faciat. Quare expecta propediem a me ingentem fasciculum, pro quo vereor ne plus mercedis dandum sit tabellariis, quam quanti ea omnia erunt. Erit tamen quod rideas una cum Canalis nostro, qui mihi, ut debet, hæret in animo. Quem tu, mi Sacrate, salutabis diligenter meo nomine, & qui mihi benevolentiam ipsius conciliasti, idem conservabis. Nescio an adhuc resciverit, Jacobum Æmilium Belgam, quem ipse mihi & præsens & per litteras commendaverat, nuper hic mortuum esse. Plura scribere cupientem impediunt interpellatores, qui mihi plerumque vix ad ea quæ necessaria sunt, satis vacui temporis relinquunt. Bene vale, Sacrate mi optime, eruditissime, amicissime, & me amare perge. xv. Kal. Febr. MDLXX. Roma.

EIDEM SACRATO.

XX.

Legitur hæc & in in Epistolis Sacрати lib. III. p. 25.

Scripsi nuper, iussu Cardinalis mei versus quosdam de Tiburis amicitate: sed iussus eram non multo plures, quam viginti versus scribere, & ea attingere, quæ in ipsis hortis spectatu dignissima & jucundissima viderentur. Fudi duobus circiter horis amplius quadraginta, & vix mihi videbar pauca quædam ex innumerabilibus, quæ dici

poterant, delibasse. Eos versus, cuiusmodi sunt, ad te mitto, si forte possint animum tuum a molestis tum domesticis, tum publicis pulvisper avertere. Curas enim, vetus dictum est, carmine muiui. Poteris eos cum Paludino, & Canaliio communicare. Quamvis enim non valde boni sunt: vobis tamen tribus placebunt, quia sunt mei. Velim etiam eos mittas ad Antonium Montecatinum. Etsi enim iudicium ipsius extimescere deberem: mihi tamen cognitus amor ipsius erga me timorem levat. Ego te, Sacrate optime & humanissime, vosque omnes, sed, ne mentiar, te in primis, ut debeo, in sinu fero: &, quamvis ad te rarius scribo; quam summa nostra conjunctio postulare, de te tamen sæpissime cogito. Orationum mearum volumen unum Venetiis excuditur, quod ubi absolutum erit, statim ad te mittetur. Vale, amice optime & spectatissime. Idib. Augusti MDLXXI. Tibure.

Respondet Sacrate Epistola nostra Appendicis XVI. Litterarum tuarum.

EIDEM SACRATO SUO.

XXI.

In Epistolis Sacrate habetur hac lib. III. p. 135.

Proxime cum vellem ad te scribere, quam grata mihi fuissent infirmitas, quæ tu & Alexander Canalius ad me miseratis, ita me subito multa negotia oppresserunt, ut coactus sum officium illud in aliud tempus rejicere. Nunc igitur utrique vestrum gratias, ut debeo, maximas ago: simulque ut, qua una ratione possum, vos remunerer, mitto ad vos exempla duo carminis cuiusdam mei ad Divam Virginem Lauretanam: quod vobis, si nulla alia re, certe argumento placebit. Versus ipsi si frigidiores videbuntur, tanto iudicare debetis munus meum accommodatius ad hanc tempestatem anni, qua frigus studiose querere omnes solemus. Quales autem cumque videbuntur, non recuso quin eos communiceris cum Paludino, Montecatino, cæterisque communibus amicis: prope etiam dixi, cum Pigna: sed audio, eum valde severum esse in iudiciis poematis. Et tamen, quia me ab eo amari scio, si vobis videbitur, subeamus hoc quoque periculi, cum præfer-

P 2. secundum, tim,

tim, si quid in eis parum probaverit, ipsa nos reprehensio
cautiores in posterum factura sit. Valde gavisus sum, cum
audii, fratrem tuum (x) Episcopum Carpentoracensem
esse factum: qui honos jam pridem summis illius virtutibus
debeatur. Neque ei tantum gratulatus sum, sed tibi quo-
que, cum epistolam (y) ea de re tuam ad Johannem Mo-
ronum Cardinalem legi: quæ mihi ita elegans visa est, ne-
que hoc tantum, sed ita graviter ac sapienter scripta, ut jam
tum cœperim, eundem tibi quoque dignitatis gradum aug-
mentari. Mitto ad te orationem super hâc habitam a Petro Ma-
gno, ut versuum levitas orationis gravitate pensetur. Bene
vale, Sacrate mi optime, eruditissime, amicitissime, & me
ama. Romæ, iii. Non. Julii, MDLXXII,
Responsoria Sacrate jam sequitur.

PAULUS SACRATUS

M. ANTONIO MURETO S. P. D

XXII.

*Respondet precedenti. In Epistolis autem Sacrate legitur
lib. III. p. 136,*

LEgi tuum carmem ad Divam Virginem Lauretanam
de quo quid ego dicam, nisi summi illius Mureti poema
esse, cui quamquam æquare non liceat? Itaque ita me dele-
ctavit; ut versus per plures memoriæ jam mandaverim; quod
Alexandro quoque Canaliio contrigisse, idem mihi affirma-
vit. Quid autem tot nos lucubrationibus tuis honorandi
causam tibi dederit, an insitia, an eximius tuus erga nos
amor; nemo nostrum certe ambigit, quin singulari tuæ hu-
manitati totum tribuendum sit, quæ te profecto impulit,
ut quod nos tibi debemus, de eo nobis gratias agas. Quæ
si forte insitia ipsa non nihil etiam te moverunt, quæ osten-
dis grata tibi fuisse; certo scito nos operam daturus, ut sin-
gulis annis eundem saltem numerum tributum nomine a nobis
accipias, ne ex animo tuo unquam nostri memoria discedat.
Quod ad mandatum tuum attinet, id sane executi sumus.
Ale.

(x) Jacobum Sacratum.

(y) Eam habes in Epistolis Sacrate lib. III. p. 132, Epi-
tua summa,

Alexander enim exemplum suum Montecatino ac Pignæ impertivit, qui carmina tua ab ipsis valde probata fuisse mihi retulit: ego vero mei Martellium, Paludinum, cæterisque communes amicos participes feci, qui te ira admirantur, ut etiam hoc dicant, a divino ingenio tuo nihil nisi absolutum perfectumque proficisci. Quibus ego libenter assentior, lætorque, Muretum meum, quem in oculis fero, ab omnibus mirum in modum coli, plurimique fieri. Illud in extremis litteris tuis, cum mihi de dignitate fratris gratularis, me molestia affecit, quod scribis te meam ad Amplissimum Moronum epistolam legisse, & eam laudas, quam ut corrigere ac emendares, amicitia nostra & tua erga me benevolentia postulabat. Sed si favente Deo Opt. Max. ad aubum sacrum pervenero, & ibi tu quoque adsis, a te impetrare conabor, ut mearum nugarum Aristarchus sis, nec tu, opinor, recusabis, si me de tuo erga me studio dubitare nolueris. Vale. Electus Antistes Carpentoraënsis Jacobus Sacratius plurimam tibi salutem adscribit, (2) & quod et tantum tribuas, quantum ipse non agnoscit, hoc tuæ eximæ humanitatis proprium esse ait: de tua tamen in eum optima voluntate maximam gratiam habet. Festiæ. xi. Kal. Sextiles MDLXXII.

M. ANTONIUS MURETUS

PAULO SACRATO SVO S. D.

XXIII.

Legitur & apud Sacratum lib. III. p. 151. Responder autem illi Epistola, qua in Appendice nostra est XX. Miror, cur tamdiu.

RESPONDEBO breviter ad ea litteras, quas a te III. Id. Octob. datas nudius tertius accepi. In quibus illud

P 3

pri-

(2) Paulo aliter hæc leguntur in Codicibus Mureti. In quibus præterea statim post. Vale, hæc reperias: Alexander (Canalium intellige) multam tibi salutem adscribit, mihiq; in te amando minime concedere palmam prædicat. Sed nos, ut alias in hac Epistola, ita & hic sequentiam nobis putavimus ipsius Sacratii editionem ab ipso hand dubie correctam.

primum admiratus sum, quod verum esse te scribis, ne tibi aliqua de causa laboratus essem, neve mea erga te immutata esset voluntas. Tibi ne ego, mi Sacrate, ut ita carere quidquam unquam ulla de causa ex meo in te summo amore, aut, ut verius dicam, observantia imminui patiar? Ac per diu nihil ad te litterarum dedi. Primum, non satis magnum argumentum: præsertim cum post eas, quas ad te ultimas dedeam, nihil omnino a te accepissem. Sancte etiam tibi affirmo, post Hippolyti Cardinalis Ferrariensis obitum nullas ad me litteras tuas perlatas esse, nisi eas, ad quas nunc respondeo: (a) & ego tamen ad te mense, ut opinor, Januario sequenti, misi te eam Orationem, (b) quam Canoli Regis nomen ad Pontificem habueram. (c) Itaque tu vis, ad quem illas alias miseri, aut qui eas intercepturis. Certe enim mihi reddere non sunt. Deinde quidvis te potius, quam id quod suspicatus es, opportuerat suspicari. Sed ecce tibi; vix ad te scribere ingressus sum, & avocor: & jam multa nox est. Pudet hoc ad te ætate epistolæ principium mittere; sed tamen hoc malo, quam nihil. Propterea & ad te scribam; (d) & nescio quid orationis quod a me nuper habitum est mittam. Mi Sacrate, ama me, & vale. Canalis nostro plurimam salutem. Romæ, pridie Kalend. Novemb. MDLXXIII.

EIDEM SACRATO,

XXIV.

Hanc Epistolam Sacrato Muretus promiserat sub finem præcedentis. Apud Sacratum eam quare lib. III. p. 159.

Superioribus diebus cum ad litteras tuas respondere cepissem, etsi jam multa nox erat, egoque mihi eam potissi-

- (a) Non ergo redditæ fuerunt Mureto illæ duæ Epistolæ Sacra-
ti quas in Appendice numeramus XVIII. & XIX. nam &
has (præter XX. cui hic responderetur) post Hippolyti Car-
dinalis obitum scriptas fuisse, satis est evidens.
- (b) Orationem hanc Sacratu accepit; litteras vero Mureti
nullas. Ipsum vide Epist. XIX. Appendicis nostræ.
- (c) Habes eam Volum. I. Orat. 22. p. 136.
- (d) Facit hoc Epist. seq.

potissimum horam delegeram, quam ab interpellatoribus vacuum fore confiderem, statim tamen accidit, ut ad me veniret, qui quod ceperam, videret absolvere. Itaque in ea quadam indignatione risi tamen, quod quasi fato quoddam evenisse videretur, ut ne tunc quidem possem ad te, cum maxime cuperem, scribere. Illud tamen quicquid erat, quod habebam in manibus, ut erat imperfectum atque inchoatum ad te misi: simulque pollicitus summe propediem ad te nescio quid nugarum meatum esse missurum. Præsto igitur, quod cum promisi, & ad te mitto exempla duo orationis cujusdam a me nuper habitæ, quam, etsi bella non est, tibi tamen, & Canalis nostro, pro vestro erga me amore non plane displicituram esse confido. Velim autem mea causa convenias Antonium Montecatium, (quem virum, Sacratem, vix credas, quantum amem, & quanti faciam) eique plurimam a me salutem dicas, simulque ei unum ex illis, quæ ad te mitto meæ orationis exemplis tua manus des. Ita enim spero, ipsi quoque munusculum gratius fore: etsi ille quidem eodem, quo tu es, erga me animo est. Et quamquam acerrimo iudicio est, mea cunctis & legit libenter, & laudat. Scribendum mihi hæc est ad multos, ideoque tecum ero brevior. Ama me atque vale. Romæ, xi. Kal. Decembr. MDLXXIII.

Respondet Sacratius Epistola nostra Appendicis XXI. Tardius ad te.

EIDEM SACRATO.

XXV.

Respondet Sacrato ad Epistolam nostram Appendicis XXII. Nunc sentio. Apud Sacratum autem legitur hæc præfens lib. III. p. 162.

NE orationis a me in funere Caroli Regis habitæ (e) exemplum statim ad te pro mea veteri consuetudine miserim, id unum obstitit, quod te Carpentoracti esse arbitraber: eo enim profectum audieram, & eo facilius adducebar, ut crederem, quod multos jam menses nihila te ceperam litterarum. Nam illa quidem, quæ tu scribis, partim *εωλα* sunt, & a te joco scripta, partim nimis aliena

ab ingenio meo. Me ne ut unquam illius humanitatis, quam in te & in Canaliō nostro medius fidiūs prope singularem cognovi, capere possit obliuio? Tum ego me indignum facere, qui a mea vestri similibus, id est a viris humanitatis, integritatis, officii plenis. Quare mitte, obsecro te, illa vel suspicari, vel, quo me crucies, simulaes te suspicari. Ego duos vos amare, colere, observare non desinam, nisi is esse, qui sum, desinam. Quod si rarius scribo, ignoscere vos oportet vel occupationibus, vel pigritiæ meæ: quæ ingruascente iam ætate quotidie magis ac magis augetur. Magnam lætitiā nuntias, quod vos una ineunte anno in Urbem venturos polliceris. Fruar enim aspectu, amplexu, & optatissimis sermonibus duorum longe mihi charissimorum capitum. Et spero vos non ita occupatos fore ut non sæpissime nobis una esse liceat. Jam nunc præcipio mente ac cogitatione colloctionum nostrarum suauitatem. Interea quod unicum mihi reliquum erat exemplum *ἐπεὶ τὸ ἄλλο*, ad vos mitto. Propediem prodibunt ex Aldi Manutii officina Orationes omnes meæ, in quibus hæc quoquæ. Inerunt & poemata quædam non magni pretii: sed quæ, amen mirifico a quibusdam studio expetuntur. Mihi crede. Sacrate mi, ludere mihi videntur homines, cum mea istæc & laudant & requirunt: quæ ego quo magis inspicio, eo magis, quam nihili sint, sentio. Nam ut aliquid fortasse simus, si cum quibusdam æqualibus nostris conferamur: at certe, si quis cum antiquitate nos comparet, iacemus. Vale: aut potius ambo valete, quando, ut ego pro indiviso amborum communis sum, ita hæc epistola utriusque communis futura est. Romæ, XII. Kalend. Sextil. MDLXXIV.

Non rescripsit Sacratuſ quidem. Sed reſponſi qualifcunqꝛue vicem ſupplebit Epiſtola noſtra Appendicis XXIII. Venienti iſtuc.

EIDEM SACRATO.

XXVI.

In Epistolis Sacrați exstat lib. IV. p. 186. Respondet autem
ibi precedenti pag. 185. Statueram. (Quam dabimus in-
fra in Appendice, n. XXIV.) ac præterea nescio quibus
aliis duabus argumenti ejusdem.

Nunc ipsum accepi prandens binas ad me litteras tuas,
in eundem a te fasciculum conjectas, & nuper etiam
alias quasdam tuas acceperam, sed quibus aliud nihil conti-
neretur, quam, quod ego maximopere scire cupiebam, te
istuc saluum incolumemque venisse, & commemoratio quæ-
dam accurata eorum, quæ tu tibi me præstitisse, cum hic es-
ses, prædicaras. Ego autem, Sacrate mi optime & humanis-
sime, si negem, me cupidissime quæsisse occasionem ali-
quam declarandi tibi mirifici cujusdam amoris erga te mei,
mentiar. Certe enim & amo te singulariter & meum erga
te studium tibi notissimum esse cupio. Illud vere affirmare
possum, nihil tibi me præstitisse, aut tua causa fecisse,
quo minima pars aut meritorum erga me tuorum, aut meæ
erga te voluntatis adæquari queat. Itaque videris mihi non-
nunquam quærere occasionem exercendæ eloquentiæ tuæ
in eis amplificandis & exaggerandis, quæ per se ita exigua
& tenuia sunt, ut vix compareant. Quid enim tibi a me
tributum est, in quo cognoscere potueris, quanti te fa-
ciam, aut quantum tua causa cupiam? cum ipse contra-
tam multis tamque illustribus argumentis tuam erga me vo-
luntatem perspexerim, ut certo sciam, cum quantum
plurimum potuero, dispunxero, semper tamen plus re-
liqui fore. Sed omittamus hæc. A Tiberio tuo septem
insiria accepi, de quibus amo te plurimum. Quod te quo-
tannis alia missurum polliceris, gratum est. Ego tibi vicis-
sim aliquid depromptum e studiis meis mittam. Paludino
Canalio, cæterisque, quos istic mei amantes esse scis, sa-
lute. Vale. v. Kalend. Jun. MDLXXV. ex Urbe.

Responsum Sacrați quero infra in Appendice, Epistola
XV. Legi litteras.

EIDEM SACRATO.

XXVII.

Legitur in Epistolis Sacratilib. I. p. 16. Rescribit autem Epistola; quam in Appendice fecimus XXVII. Etſi vetus.

Hid est, amorem & suavitatem omni ex parte spirantes. Pro quibus quid tibi, mi Sacrate, respondere possim, equidem non video. Nihil enim jam pridem habes me tua causa facere; neque sane, ut sunt tempora, video qua in te opera mea uti possis. Sed, si quid evenerit, noli quæso dubitare, quin is erga te sim, qui debeo, & qui semper fui. Mihi crede, neque te quicquam usquam amabilius est, neque tu quemquam habes amantio rem ac studiosiorem tui. Sed hæc inter nos super vacanea videntur. Mitto ad te libellum quemdam, quem in gratiam *væ ævæ* scripsi. Cum enim prima elementa Latinæ linguæ ei tradere vellem, nihil reperiebam ad captum tam teneræ ætatis accommodatum. Ea res coegit me repuerascere. Neque magis id mihi alienum aut indecorum puto, quam olim Agesilao fuit deprehendi cum filioliſ equitantem in arundine longa. Tu illud carmen, qualecumque est, quia mecum est, libenter, ut opinor, videbis. Vale. Romæ, xxi. Kal. Dec. MDLXXVIII.

EIDEM SACRATO.

XXVIII.

Tanti fuit torquere te aliquot dies litterarum mearum expectatione, ut tuas (f) acciperem, concitato ac prope irato animo scriptas. Ut enim dulcibus cibis admixturum aliquid acre delectat: ita mihi, qui nunquam quicquam a te nisi melleum accepiſſem, jucundissimum fuit, te, subitum intueri: præsertim cum in eo ipso iræ calore, omnibus ex partibus se amor erga me tuus proderet. Sed scin tu, Sacrate mi optime, & in ipsa etiam ira suavissime, quid te

(f) *Fortasse scriptas a Sacrato vernacula, (hæc. Italo sermone) quales eum dedisse nonnunquam ad Muretum diliges ex Append. Epist. XXVIII. Quæ causa fuerit, cur ad nos ea non pervenerint cum cæteris Latine exaratis.*

EPISTOLA XXIX. 235

hunc facere cupiam? Confirma exemplo tuo verus illud dictum: *Amantium ira, amoris integratio est*. Præsertim cum in summis occupationibus ad te scribam. Non puto pluribus mihi verbis opus esse ad te placandum ac leniendum. Hoc tantum oro quætoque, ut quidvis potius exillimes, quam quidquam ex mea in te non voluntate tantum, sed plane observantia detrahi posse. Omnia hoc tibi sacramenti genere, mi Sacrate, confirmo. Quid tibi e studiis meis manuscriptuli (g) parem, scies, cum primum ex litteris tuis omnem iram a te depositam esse cognovero. Vale. iv. Kal. Mart. MDLXXIX. Roma.

Respondet Sacratuſ infra in Appendice, Epist. xxix.
Nunquam inficiabor.

EIDEM SACRATO.

XXIX.

VOle te, mi Sacrate, miseriarum mearum participem facere, ita enim leviores videntur fore, si eas in amicissimi hominis sinum deposuero. Accidit mihi his diebus quiddam, quod me prope ad insaniam adegit: certe quidem ita conturbavit, ut nunquam in vita commotiorem fuisse me meminerim. Nosti, opinor, facilitatem meam, & ut omnes qui notam modo aliquam humanitatis præ se ferre videantur, in bibliothecam meam admittere, eisque mea omnia aperire ac patefacere soleam. Eorum quidam (quis fuerit, suspicari possum, pro certo adfirmare non possum) nuper data occasione Plauti librum, in quo emendando viginti quinque annos & eo amplius insudaveram, furto furiparit: & una cum eo alios aliquot libros, quorum iactura minus me movet, quia similes alios, pecunia parare possum. Plautus me conficit, Plautus me angit, & exanimat; Plautus quiescere me non sinit. Perierunt tot annorum sudores ac vigilæ, adempta est voluptas, quam maximam ex illius lectione capiebam: præcisâ spes gloriæ, quæ ex tot locis emendatis sperari poterat: quam etiam non aucupor, facere ramen non possum, quin doleam eam mihi mea stultitia, aliena improbitate subreptam. Idem ille
pla-

(g) Dedicavit Sacrato Muretus tandem Commentarium suum de Orig. Juris. Vide supra lib. III. Ep. 19.

plagiarius, quisquis est, septem folia libelli mei, (h) quæ tu ad me miseris, abstulit: in quo magis etiam improbitatem suam declaravit, qui id quoque suffurari voluerit, ex quo ad se quidem nihil commodi, ad me autem aliquid incommodi perventurum esset. Pero igitur a te, primum ut meo dolore doleas; deinde ut ad me quamprimum septem illa prima folia mittas: octavum enim habeo, ego autem missurus ad te statim sum interpretationem Græcorum, & indicem eorum, quæ a librariis peccata sunt. Vale, & me ama. Romæ. III. Idus Januar. MDLXXXI.

Sequitur Responsio Sacratæ.

PAULUS SACRATUS

M. ANTONIO MURETO S.P.D.

XXX.

EGo, Murete præstantissime, maximam, pro eo ac debui, molestiam cepi ex ea injuria, quam accepisti certe insignem, nec animo pacato atque tranquillo me unquam futurum esse puto, donec te, quem longe pluris facio quam me ipsum, ex istis molestiis emeruisse cognovero; in dolore enim te ac tristitia esse, ex tuis suavissimis atque gravissimis litteris intelligo. Ac satis mirari non possum istius hominis impudentiam atque audaciam, quem abs te in bibliothecam cum nonnullis aliis facile ac benigne receptum, quod illi humanitatis aliquid habere tibi viderentur, tantum in te virum præclarissimum scelus edere non puduerit, ut libros tibi aliquot, & Plautum imprimis, in quo corrigendo multum laboris & operæ consumpseras, & vigilas noctu multas, ut opinor, egeras is furto subripuerit, & quæ tibi non humanitatis, sed immanitatis dederit, quod laudem & gloriam tibi adimere pro viribus conatus sit. Tamen nihilominus, in hanc opinionem venio, Murete humanissime, ut iste tecum jocari voluerit, incredibilem tuam suavitudinem & comitatem fretus, teque oblectationis gratia parumper cruciare. Non enim cogitatio hæc in mentem meam irrepere potest, ut eo animo te salutatum accesserim,

(h) Commentarii de Orig. Juris, de quolibet præc. dist. 1. Nam hunc ad Sacratum, de istis edendum curavit misisse, patet, e lib. II. Ep. 19. prope fin.

injuriā tibi inferendi: nimis enim inhumanus ac tibi infestus fuisset. Nam eum certo scivisse, rem ex sententia sibi successuram esse, adduci non possum ut credam: at illi evenisse arbitror, quod vulgo est in proverbio, ut commoditas forem illum reddiderit. Quod si lucubrationes tuas, quas a te celari oportuit, in armario & arca sepositas ac reconditas habuisses, (ut posthac experiendo edoctuseris cautior) casum istum minime timuisses. Plautus autem in conspectu erat, isti ante oculos verfabatur. Itaque ille libro valde inhians, ipsum clam sustulit eo, opinor, consilio, ut cum ex illo excerpterit ea, quæ sibi placuerint, ac descripserit omnia, aliena manu tibi reddat atque restituat. Namque is tuarum lucubrationum ac scriptorum amore admodum incensus, (non enim te latet, quam multi avide appetant) ad hoc facinus audaciæ & sceleris faciendum aggressus est, nec infamiam pertimuit, ut lectione scriptorum tuorum animum satiaret: ratus te ei negaturum fuisse, si hoc a te poposcisset. Quare, Murete dulcissime, ea te consolatione sustentata, quam tibi ex animo adhibeo, divinans eum talem fore, a quo teludibrio læsum fuisse non doleas; & in spem veni, Plautum postliminio ad te brevi rediturum esse, qui te consolabitur, omnemque dolorem abstergebit, te delectabit, flagitii etiam memoriam delebit. Cur enim de homine isto non recte potius sentiamus quam prave, sicut charitas postulat, licet ille offensionem impudentiæ effugere non queat? Sed & incontinentiam omnem deponere, cogita te perturbationum tuarum fidissimum socium habere: nec metue, ut iste vigilias tuas ac labores cum nominis sui inscriptione edat. Tam enim multi loci perpulchre atque venuste a te emendati in tuis Variarum Lectionum libris exstant, qui fidem facerent tuum opus esse, ac furti eum insimularent: & si, ut spero, utriusque nostrum litteræ, quæ in hoc versantur argumento, ad manus hominum pervenissent, testes facti huius locupletes erunt, ut ad amplissimam atque immortalem gloriam tuam aliquid amplius accessurum esse non augurer solum, sed exploratum habeam, quam aliquid de ea unquam quicquam detrahi a quoquam posse putem. Quamobrem denuo te peto, ut pro tua summa in me benevolentia animum tuum tranquillare velis, quo ego quoque quietam hanc vitam agam. Confido enim, clementissimum Deum ac benignissimum fore nobis adeo propitium,

ut ex isto casu uterque nostrum tantam sit voluptatem capturus, ut risus etiam consequatur. Septem folia libelli tui, quæ a me flagitas, undius quartus tabellario ad te perferenda commisi. Tu quoque interpretationem Græcorum quam primum ad nos mitte, ut liber ab omnibus exoptatus tandem exeat. Vale, ætatis nostræ decus. Ferrariæ. viii. Kal. Febr. MD LXXI.

M. ANTONIUS MURETUS S. D.

PAULO SACRATO SUO.

XXXI.

Velim, hoc mihi credas, Sacrate mi optime & amicissime, non te ardentius cupere litteras meas, quam ego ad te & creberrime & longissime de toto mearum statu scribere cupio. Sed ita multa quotidie interveniunt, quæ me varias in partes distrahant, ut inter sum vix respirandi orium de ur. Itaque cum hic amicos & plurimos & potentissimos habeam, cum omnia mihi Dei beneficio non modo ad commode, sed ad laute ac magnifice vivendum affatim suppetant, cum me libenter omnes videant, cum apud omnes ordines gratosus sim; major me tamen in dies Urbis satietas percipit. Quando enim vivam, si post to annos laboriosissime actos, ne seni quidem quies ulla conceditur? Alius me, negotii sui causa, cursitare per urbem iubet, & modo hunc, modo illum ex proceribus convenire ac colloqui; alius sepulchralem inscriptionem petit; alius quod in ponte aliquo, aut in basilicuius stanzæ inscribat; est qui huius, aut illius scriptoris locum sibi aliquem declarari postulet; est qui epistolam, carmen, oraionem emendari, aut, quod interdum minus molestum est, totum reficere ac recudi velit. Jam quantum mihi temporis auferri putas ab istis, qui, quoties ipsi, nihil quod agant, habent, alias quoque omnes diffuere otio existimant? Veniunt, admitti volunt, nisi admittantur, fremunt; inhumanum esse me ac difficilem, conqueruntur; admissi, ultro etiam obiurgant, quod nimis in studiis defixus sim, quasi per istos quidquam mihi temporis studiis meis tribuere non licet; relaxandum interdum esse animum clamant, quem ne relaxare possim, ipsi magna ex parte obstant. Tum in alienissimos,

& mi-

& mihi molitissimos sermones ingrediuntur: quid novatum rerum allatum sit e Gallia: qui Belgicorum tumultuum saturus exirus pueretur: quid agat, quid meditetur Pontifex: quot & quos Cardinales proximis comitiis hominum fama designet. Quorum omnium rerum ego ita non imperitus modo, sed etiam incuriosus sum, ut sæpe, Romæ an ruri sit Pontifex, nesciam. Obdurare tamen, & vorare hæc, & talibus ineptiis verberandas aures præbere cogor, donec ipsi tundendo defessi sunt, & ego vapulando enectus. Semianimis & ἐμὲρδντος relictus, ubi me denuo in bibliothecam abdidi, video in mensa satis multa explicata, quæ mihi torporem excutere possint. Neque est, quod dicas, ista omnia, si quis obstrimet animum, posse vicari. Mihi crede, aut multæ ac graves inimicitie suscipiendæ sunt, aut hæc & ejusdem generis innumerabilia perferenda. Eant nunc amici, & querantur, ullum tabellarium sine meis ad se litteris venire. Quid quæris? Harum rerum ratio de Urbe relinquenda sæpissime cogito, & Venetias ire, ibique, quod reliquum ætatis est, transigere discupio. Ille mihi locus ad senilem quietem ac tranquillitatem factus videtur. Atque equidem si sperarem, aliqua honesta ac tuta ratione tantum capere me illic ex fructibus pecuniæ meæ posse, quantum ad vitam *γεροντικώτερον*, id est, paulo mollius ac delicatius agendam sufficeret: colligerem omnes vendemiolas meas, & istuc venirem. Videor autem conficere posse ad novem aut decem millia nummorum aureorum. Ea si possem ita collocare, ut & de sorte nullum discrimen esset, & in singula millia octogenos nummos aureos quotannis percipere liceret: non equidem ad te accurrerem, sed advolarem. Sufficerentur enim octingenti aurei nummi annui: quibus ego facile sustentare me possem. Viverem interea quietus in studiis, & multa scripta mea partim rudia & inchoata perficerem; partim affecta & prope ad extremum perducta, edolarem & expolirem. Viderem etiam interdum Sacratum meum. Certe enim nonnunquam aut ipse Venetias aut ego Ferrariam venirem. O si mihi Deus hoc annuat, quam mihi videor beatus fore. Quid si tu quoque ad hoc consilium meum adjuvandum & accelerandum aliquid curæ ac cogitationis conferas? Quod ut facias, a te peto quæsoque. Vides, quam libenter tecum confabuler? Quia hæc enim scribo sexta hora noctis: cum periculum ab interpellatori-

toribus nullum est. Incredibiliter doleo ægrotasse te: con-
 valuisse, immortaliter gaudeo; oroque te, ut vel mea
 causa, valetudinem tuam diligentissime cures. Sed quid
 est quod ais de Tiberii negotio? Nam nullus quidem mi-
 hi a Tiberius commendatus est, nisi quæ litteræ interci-
 derunt. Sed suspicor, voluisse te Victorium dicere. Acci-
 pe igitur, quo in statures sit. Cardinalis ipse mihi aperte
 dixit, totum negotium mala fide gestum esse, & ne ope-
 ram ea in re meam amplius interponerem, monuit: sibi
 tamen curæ fore, ut Victorius aliquem ex mea commenda-
 tione caperet fructuum. Ama me ut facis, & vale. Ro-
 mæ: xvi. Kal. Sept. MDLXXI.

Sequitur Responso Sacrat.

PAULUS SACRATUS

M. ANTONIO MURETO

L. C. C. R. S. D.

XXXII:

Reditæ tandem mihi fuerunt suavissimæ litteræ tuæ,
 ac salis leporisque & urbanitatis plenissimæ, quæ a
 me semel & iterum ac tertio, sæpe denique lectæ, quod
 eas avidissime desiderarem, quibus jamdiu carueram, tan-
 tum mihi solatii attulerunt, ut mœrore illo meo, in quo
 versabar, ac solitudine magnopere me levaverint. Ex-
 cutatio autem illa tua, Murete præstantissime, quam tamen
 tua causa libenter accipio, mihi non persuasit, ut penitus
 acquiescam, ac tantam te interposuisse moram non doleam;
 sed summa tua apud me auctoritas. Nam quod aliquis te sua
 causa ad procures adire jubeat, nonnullus vero sepulcralem
 inscriptionem petat, aut alius scriptoris alicujus locum sibi
 explicari velit; alius etiam epistolam suam aut carmen abs te
 emendari cupiat, multaque alia quæ narras; hujusmodi ne
 sunt, quæ te Pauli Sacratui tui memoriam deponere cogant?
 An non idem mihi, qui tecum minime sum comparandus sæ-
 pe contingit, ut templo Pontificio cum sim addictus, (ut tunc
 se) permulti me sacerdotes consulant, quid in hoc vel illo
 negotio leges & decreta jubeant, atque decernant? quibus
 aut statim respondeo, aut eos in posterum diem differo; ali-
 qui

EPISTOLA XXXII. 241

qui me controversiæ ipsorum arbitrum constituent? nonnulli quoque de aliquo scripturæ sacræ loco obscuro sententiam meam exquirant? plerique etiam me domi convenient, qui a me flagitant, ut aliquam suam lucubrationem corrigam, & addam; minuatque? aliqui demum volumina asferant? Quos non admittere quidem rusticani hominis esset; ab his vero hoc nos facere inviti & recusantes cogimur, & tamen nihil me a Mureto adducere potest. Quotidie de te cogito, de te meditor. Nam imago tua ante oculos mihi observatur; nihil ego aut tracto, quin testis adsis; nec unquam mihi in mentem venit dicere: Eat Muretus, & meas ad eum litteras non perferri conqueratur. Quin cæteros in longius duco, ne me interpellent, quo minus aut nonnullam tibi salutem mittam, aut certe scribam. Nam cum tu mihi omnium instar sis; nonne cunctos posthabere debeo, ut unum eximium Muretum tota cogitatione amplectar? Sed cum inquis, te, licet apud potentissimos quosque gratia valcas, & commode ac laute istic vivas, Urbis tamen satietate defessum esse, atque Venetias proficisci in animo habere; scilicet arbitraris, quod tibi esse otioso ibi licebit? non enim illic cuiquam cognitus es, nec Mureti nomen auditum est! Equidem, suavissime Murete, vix risum tenere potui. Quasi non memineris, Hilarionem eremitam, teste divo Hieronymo, peregrinatum esse in alienis civitatibus, ut omnibus ignotus esset: eum tamen a Dæmonibus variis in locis publicatum fuisse. Quod cum multis aliis contigerit, sic tibi quoque usuventurum puta, ut multorum litteræ, pueri, ac tonsores ipsi, si Venetiis esses, te perspicuum facerent. Excellentissima enim tua virtus latere non potest. Immo majoribus illic molestiis afficereris, ac penitus otio careres. Nam domi tuæ nunquam solitudo esset, propterea quod nemo non summi Mureti conspectu paulisper frui vellet, qui hac tanta famæ celeberritate etiam longinquis & ultimis in terris habitantibus te notum esse intelligeret. Quæ cum ita sint, non est cur in hanc opinionem venias: quamquam te mecum suaviter joculari, ac longe ab hac cogitatione abesse non me fugit. Ego quidem valde fortunatus essem, si multo proprius abesses; sperarem enim me in complexum esse venturum Mureti mei; at hoc optare me, perinde est, ac si volare cuperem. Quare cum nihil te istic beatius sit, nihil felicius,

clementissimi Dei beneficio, hunc vitæ statum usque ad summam senectutem retinere conare; nec mutationem facere cogita, ne cum meliore loco esse cupias, deteriore statu sis. Ego quoque me beatum appellabo, si hoc abs te obtinuerō, ut pro tua singulari humanitate per breves quidem, crebras vero ad me litteras mittas; quod sæpe de te audire mirum in modum me delectet. Atque magno me hoc tibi beneficio devinctum esse fatebor. Vale, Murete præstantissime. Ferrariæ. iv. Nonas Octob. MDLXXXI.

Hic, quod adscripta tempora poscunt, commodissime sequi poterant Epistola tres 37. 38. 39.

M. ANTONIUS MURETUS

PAULO SACRATO SUO S. D.

XXXIII.

BEne qui conjecit, vatem hunc perhibero optimum. Tu vero bene & vere conjecisti: sum enim totus in edulando tuo illo munusculo. Quod erit quidem mole exiguum: sed, nisi me fallit commune malum *ἡ φιλαυτία*, *δὴν ἀχρεΐα*. Sed sum ne ego obliuiosus & incogitans, qui nunquam tibi deasmate illo, quid mihi tam diligenter curaras, gratias egerim? Mihi crede, usque antehac credidi me officio functum: &, si quis iusjurandum attulisset, iurassem, opinor, me id præstitisse. Nunc totam rem diligentius repetens & in memoriam revocans, recordor, te mihi tunc scripsisse, cum Venetias, & inde, nī fallor, Paravium proficisceris. Ea mihi causa fuit, ne scriberem, dum te domum rediisse cognossem. Sed quæso te, ne id durius accipias, neve me propterea minus ames: ac potius ita iudices, tanto te mihi cariorem fore, quanto mihi plura ignoveris. Illud quoque velim scias, fuisse aliam curam, quæ me dies aliquot tenuerit. Cum enim pigeret, me jam hominem senem semper in conductis ædibus habitare: cogitavi de emenda domo, neque conquievi, donec id quod volebam effeci. Itaque emi domum sane & amœnam & magnificam in radicibus montis Quirinalis quinque millibus nummum aureorum. Jam pacta, transacta omnia. Nuno alia me cura excepit, reperiendæ illam pecuniæ summam, quam tamen prope jam confectam esse confido. Cum Romam veneris, erit

EPÍSTOLA XXXIV.

243

erit tibi paratum hospitium apud eum, quo neque tu quemquam cariorem habes, neque ille, quam te, quamequam cariorem. Valetudinem tuam cura diligenter, mi Sacrate, quem ego medius fidius in oculis fero. Vale. Romæ, prid. Non. Octob. ex veteri supputatione: sed ex hac nova correctione, xvii. Kal. Nov. MDLXXXII.

Sequitur Responso Sacrati.

PAULUS SACRATUS

M. ANTONIO MURETO I. C. S. D.

XXXIV.

EGO Murete eximie, recte me coniecisse vehementer lætor, te in poliando rursus dono illo abs te dudum mihi dedicato occupatum fuisse. Quod cum ex suavissimis atque optatissimis litteris tuis cognoverim, tanta lætitia auctus sum, ut penitus nesciam quid amplius desiderem. Quæ maxima dulcedine omnes sensus meos ita moverunt, (quotidie enim a divino ingenio tuo leporis inusitati ac summæ urbanitatis plenamorationem fluere animadverto) ut illarum lætatione mentem meam satiari non posse sentiam. Et cum præclaræ sint, etiam raræ ad me perferuntur, quæ avidius eas appetam. Itaque in eis id mirum in modum me oblectasse, ac fere risum movisse mihi exploratum habeas velim, quod te credidisse fingis, de asmate illo ad te allato nomine meo certiore me abs te factum, in memoriam vero rediisse, quod ad me non scripseris; at continuisse te a respondendo, quoad de meo reditu domum, postquam Venetiis fui ac Patavii, a me nonnihil intellexisses. Quid enim venustius atque acutius excogitare potuisti? Verum, Murete humanissime, quod das, libenter accipio, præsertim cum tu mihi affirmes me tibi gratiorem jucundioremque fore, si quicquid feceris approbabo; & ego te tanti æstimem, ut quod abs te profisciscitur, melle dulcius esse arbitrer. Me tamen puto tuam eo taciturnitatem expertum esse, quod totam in emenda domo cogitationem tuam fixeris, quam reperisse te prope Quirinalem collem amœnam, amplam, honorificamque, eamque emisse, mirum in modum & ex animo tibi gratulor: civis enim vere nunc Romanus es. Ego autem tanto cumulor gaudio, ut sicut sum alacris ani-

Q. 2 mo,

mo, ita si me non deficerent corporis vires, in complexum tuum cito me currere posse sperarem, isticque jucundissimo ejus conspectu frui, quem me ipso mihi chariorem esse Deus opt. max. testis est, testes & communes amici nostri, quibuscum de te sæpissime sermonem facio. Non despero tamen, postquam audio iter istuc cito confici posse, mihi te visendi occasionem a divina bonitate atque clementia aliquando oblatum iri. Quam, mihi crede, libenter arripiam, ut adhuc te videam semel, lætusque deinde moriar. Interim nunc absens hospitio, quod mihi abs te paratum est, fruar mente, corpore autem præsens, cum te complecti, oscularique mihi licuerit. Vale, ætatis nostræ Decus. Idibus Novemb. MDLXXXII.

Hanc proxime, licet intervallo silentii aliquo, videtur excepisse Mureti sequens,

M. ANTONIUS MURETUS
PAULO SACRATO SUO S. D.
XXXV.

Quando, quod tibi debeo, præstare adhuc non possum, interim, ne plane malum nomen tibi videar, mitto ad te hanc qualemcumque Homilian: (i) de qua exspecto judicium tuum. Tirocinium hoc quoddam fuit, quasque experimentum; nunquam enim antea in eo genere versatus eram. Puto tamen fore, si vita suppetet, ut ejusmodi plura mediter: nusquam enim animus meus in hac jam inclinata iam senium ætate libentius conquiescit. A te quin amari, non dubito: neque enim, hac quidem in re, volo tui similis esse; qui, simulatque ego paulum a scribendo cessavi, statim excidisse te mihi ex animo suspicaris. Ego vero te, etsi in scribendo piger sum, semper tamen in memoria habeo; neque dies ullus præterit, quo non in precibus quotidianis nominatim Deo te tuaque commendem. Quod cum facio, id facio, quod summus erga me amor tuus promeretur. Vale mi amicitissime Sacrate. Romæ, prid. Id. Jan. MDLXXXIII. (k)

Sequitur Sacrate responsoria,

PAU-

(i) Oracionem intelligit, habitam de S. Johanne Evangelista, qua Vol. II. est 3. p. 195. quod declarabit Epistola sequens.

(x) Hunc annum, non qui alias legebatur 1582. apponendum esse, vincit harum Epistolarum series.

PAULUS SACRATUS

M. ANTONIO MURETO I.C. & C.R.S.D.

XXXVI.

DUdum Josephus Guidotus, optimus sane vir, mihi que
 amicissimus, mandatum tuum curavit diligenter, ut
 Concionem illam ad me; *quidam* vulgo a nobis appellatam
 miserit, quam in sacello Pontificis die S. Johannis Apostoli
 & Evangelistæ festo habuisti. Sed ad eum scripsi, ut eam
 mihi fuisse redditam, ac mirum in modum gratam atque
 jucundam existisse tibi significaret, & a me te responsum
 esse laturum cum ea, quæ me nunc agit, cura levatus
 ero: quo se officio functum esse mihi scripsit. Et quamvis
 sollicitudine adhuc liberatus non sim, nolui tamen differre
 amplius cum tu nequeas expectare, judicium meum; (in
 quo certe non mediocre tuum erga me studium elucet, ac
 singularis tua humanitas) ne iuste tibi de me querendi occa-
 sionem præbeam, quod divina tua scripta tantum æsti-
 mem, quanti jure facienda sunt. Ac primum tibi affirmo,
 eam me ter quaterque & septies (1) legisse maxima animi
 cum voluptate, qua perfundebar mecumque tacitum te
 admiratum fuisse, quod ad quamcumque rem animum atten-
 dere velis, eam perfectam & absolutam reddas. Quis enim
 istic est, qui te in illo dicendi genere perpetuo versatum esse
 non credat? Quam optime in tres partes Orationem tuam
 divisisti, & eas disertissime explanasti, etiam ad imitandum
 nos Divum hunc valde hortando! Quid de peroratione di-
 cam? an quicquam sanctius, quicquam accommodatius,
 quicquam ea elegantius desiderari potest? Ad obeundum
 illud munus, mihi crede, sæpe accerferis. Itaque para te,
 tanquam in aciem proditurum. In isto enim campo vagari
 tibi licebit admirabili eloquentia tua. Quin etiam vereor,
 ne post hac te unum audire velint amplissimi patres illi, qui-
 bus tu instar omnium sis. Nimirum non audio, quemquam
 istic esse, quam tecum conferre possimus. Sed hæc hætenus.
 Quod scribis te nolle mei similem esse, qui simul ac silen-
 tium parumper facis, me tibi excidisse suspicer: nullum
 assers, Murete humanissime, argumentum, cur nolis. Ego

Q. 3

autem

(1) forte legendum sæpius.

autem respondeo, nullam a me tibi occasionem dari, quod velis. Nam & litteris & nunciis adeo sæpe tibi obstrepo, ut verear interdum, ne tibi molestus sim. Tu vero, nisi a me stimulatus nunquam ad me litteras mittis; ex quo facile perspicis, me semper vereri, ne tibi elabatur Paulus Sacratius, meque in loco summi studii ac beneficii hoc numerare, quod me tecum in gratia esse patiari, mecumque tua scripta communices. Denique, quod ais, te in precibus tuis mei memorem esse, magna est certe amoris erga metui significatio: attamen parem & mutuam tibi voluntatem non solum tribuo, sed longe te etiam supero; quod ab eo tempore, quo te conciliaui mihi amicum, atque adjuxi, in sacris meis nomen illud tuum mihi iucundissimum nominare non destiterim; & quoad spiritum ducam, nunquam cessabo. Vale. Murete, ætatis nostræ decus. Ferrariz, Non. Febr. MDLXXXII,

Si tempus adscriptum non fallit, merebatur huic proxima, licet ad aliam, qua periit, respondeat, poni 40.

M. ANTONIUS MURETUS S. D.

PAULO SACRATO SUO.

*Huic & sequentibus duabus Epistolis commodior locuserat
futurus statim post 33.*

XXXVII,

Otiosus sum. Non sæpe usurpare mihi hoc verbum licet. Ut igitur, si una essemus, quicquid daretur otii, tecum libentissime consumerem; ita nunc tecum absens per litteras colloquar. Sed ut inter præsentēs, cum sermonis argumentum deest, quærere alter ex altero solet, ecquid novi audient, ut inde nascatur sermonis occasio: ita fingam, te ex me nunc quæsisse, num quid novi Romæ acciderit. Utrum autem respondeam, incertus sum; nova ne multa quotidie & accidisse & accidere; an nihil omnino novi. Nam & multa nova, insperata, inopinata quotidie eveniunt, & alia quadam ratione vetera, vulgata, usitata omnia. Hic, quem nuper nemo apectu, nemo sermone dignabatur, repente dives effectus, colitur ab iis, qui eum haud ita pridem ne resalutandum quidem esse duxissent; fastidie
eos

eos ipsos, quos nuper horrebat: aditur per epistolam ab iis,
 qui nudius tertius eum, siquid pederet, postredie redire ius-
 sissent. Quis non hoc miretur, ut novum? Fit ille ex gre-
 gario milite Episcopus; alius mulos stringere ac defricare so-
 litus, tanquam ex fonte aliquo biberit, qui prudentes &
 rerum multarum experientes efficiat, (ut olim Pyrene pota
 faciebat poetas) in consilium de maximis rebus adhibetur;
 supercilii ac capitis motu de maximi momenti negotiis, ne-
 mine ridente, decernit. Alius, cuius mane exituri atrium
 cohortes clientium obsidebant, cuius aures precibus obtun-
 debantur, manus osculis conterebantur: ab iis quos nuper
 aspectu beabat, in salutatus præteritur. Cui non hæc nova
 & admiranda videantur? Sed hæc qui mirantur, nunquam
 eis quod mirentur defuturum est. Vetera sunt, quotidiana
 sunt, obsoleta sunt. Non tam mirandum est, quod eve-
 niant, quam mirandum esset, si non evenirent. Quam mul-
 tos, qui diu jacuerant, in altum repente sublatis; quam
 multos, cum diu in sublimi stetissent, momento dejectos vi-
 dimus? Qui talia mirantur, Solem vesperi occidere, eum-
 demque mane redire mirentur. Ego si in quempiam virum
 antiquæ fidei ac probitatis inciderem, qui & aliis honesta
 præciperet, & ipse ad regulam suam viveret; qui sine
 ambitione, sine simulatione, sine malis artibus ad virtu-
 tem & ad honestatem tota mente ferretur: clamarem; Por-
 ro, *Quirites, id mihi novum, inusitatum, admirabile videtur.*
 Agitare hunc, illum mortuum esse, alii natos liberos
 alii mortuam uxorem; illum iter ingredi, hunc in urbem
 redire: hæc ita communia & tralatitia sunt, ut mirer esse,
 quæ talia mirentur. Sed nonne divinaveram fore, ut non
 diu otiosus essem? Ecce tibi nescio quis fores cubiculi pul-
 sat. Quicumque est, expectabit tamen, dum has litteras
 obsignavero. Multum illi debes, quisquis est. Onerassem
 te hodie tam multis nugis, ut petiturus fueris a me, ut
 potius nihil omnino scriberem, quam talia scriberem. Sed
 iterum ac tertio jam verberatæ sunt fores. Valebis igitur,
 & ineptias meas æquo animo feres. Romæ, xvi.
 Kal. April. MDLXXXII.

Respondit Sacratius, quod sequitur.

PAULUS SACRATUS

M. ANTONIO MURETO I. C. S. P. D.

XXXVIII.

Quantum me delectaverit verissimarum & argutissimarum lectio litterarum tuarum, quas ego abs te proxime accepi, Murete eximie, haud explicari a me potest. Jam pridem enim nullam ex re ulla quæ mihi secunda evenerit, majorem delectationem percepi. Sed risum tenere non potui quod tu nugas appellas ea, quæ ad me scribis, cum illis verius nihil sit. Nam si quotidie in aliis civitatibus hujusmodi accidunt nova, quæ admirentur homines; ubi magnitudo & varietas est, multitudoque causarum, & quo exteræ nationes & gentes innumerabiles undique confluunt, quidpiam istic inusitatum ac novum videre non velimus? Sed quamvis, ut optime scribis, hæc jam antiqua sunt, quæ nemini mira videri debeant; tamen cum audio, quempiam qui ex pauperrimo locupletissimus repente factus sit, vel ex ovium custode aut suum, in amplissimas dignitatis atque honoris sedes ascenderit, non possum non confugere ad illud D. Pauli pronunciatum, ut exclamem: *Quam incomprehensa sunt judicia Dei! Ejus via a quo investigari queunt?* (n) Nam cum voluntas ipsius rerum omnium causa sit, nos firmissime asseverare semper oportet, sic illi placuisse; sicut nunc eidem gratum esse perspicio, quod indies magis ardeam amore & observantia excellentissimi Mureti mei. Cui an vetus an nova videatur hæc institutum ad eum missio, opinor, illum esse dicturum, quod institutum quidem vetus sit & antiquum, res vero ipsa recens. Ac morem hunc meum, quoad vivam, certe servabo: cupio enim, ut illa, quæ a me alias ad te scripta sunt, quæque a multis jam leguntur, veritate nitantur. Tu autem institutum tuum profecto non tenes, & si hoc novum mihi videri dicam, non me faller animus. Nam quotiescumque aliquam ad Pontificem, aut alibi Orationem habebas, prætermittere non solebas, quin exemplum unum aut duo ad me mitteres; & tamen cum nuper istic de Melitæ Principis abitu concionatus sis,

(n) cum

(m) Rom. 11, v. 33.

(n) eumque laudaveris, Orationem istam legere mihi non licet. At tu fore non judicas admiratione dignum, ut Paulum Sacratum e memoria tam facile deponas, quod non insolita tibi sit hæc agendi ratio; ego secus cenſeo, & miror majorem in modum, cum non ignores, quam libenter tua scripta legam, me abſte excellentis ac ſingularis ingenii tui ſuavitate fuiſſe privatum; tibiſque id in mentem non veniſſe, quod in litteris tuis lingua vernacula ſcriptis fueris pollicitus, te paucis poſt diebus impertitum mihi neſcio quid; niſi epistolam iſtam, cui reſpondeo, multarum rerum varietate ac dicendi artificio ornatam valde innuiſti. Neque mirari prius deſinam quam tu curaveris, ut illa ad me perferatur lucubratio tua, (ſi non vis me in eam cogitationem incidere, ut de tuo in me ſtudio non niſi imminutum ſit) quæ mihi quin gratiſſima atque jucundiſſima futura ſit, te non dubitare certo ſcio. Tibi carum atque acceptum exiſtiſſe munus illud, quod obivit Franciſcus Sadoletus, ex tuis litteris cognoscere aveo. Vale, Murete præſtantiſſime, atque ætatis noſtræ decus. Ferrariæ. III. Id. Aprilis. MDLXXXII.

Qua jam ſequitur, videtur huic reſpondere.

M. ANTONIUS MURETUS S. D.

PAULO SACRATO SUO.

XXXIX.

REperiam tamen aliquando aliquid temporis, quod in ſcribendis ad te litteris ponam, meque tibi de tam diuturno ſilentio purgem. Purgabo autem me uno verbo: Purgabar. Quod niſi me Deus, ut tempeſtively facerem, in mentem immiſiſſet, ſi ulla medicis fides habenda eſt, præſens mihi lethalis morbi periculum imminebat. Ita mihi ingens quædam copia pituitæ ac bilis atræ omnes corporis meatus obſtruxerat, vix ut evaſurus viderer. Sed bene, quod occupavimus, celereſque fuimus in præcavendo. Si paulum modo ceſſatum eſſet, fuerat tibi amicus, Sacrate. Nunc redeamus ad veterem conſuetudinem noſtram conſulamus.

(n) Oratione, qua Vol. II. eſt 26. (al. 21.) p. 345. obierat autem ille excurrente anno 1581. Thuano reſte lib. LXXXIV. f. 413.

bulandi per litteras, &, ut præsentem solemus, feriisjocis jociis feriis commiscendi:

Ira multum in unum jura ut cum miscet coquus.
 Accepi infamia tredecim, numerum huic Pontificatui congruentem; (o) & cum eis scopas excutiendo e velibus pulveri binas sanequam elegantes. De iis omnibus habeo tibi, ut par est, magnam gratiam. Vellem quoque aliquid esset, quod tu tibi curari velles; non deessem officio. Sed ut jam pridem ita mecum societatem colisti, ut tuæ partes sint dandi, accipiendi, meæ. Tuum tamen aliquando fuerit, aliquid mihi mandare, quod tua causa faciam: nisi operam meam tam parvi deputas, nihil ut tibi navare possim. Equidem, si nihil aliud potero, augebo ac cumulabo accessione aliqua munusculum illud, quo tu tanto opere oblectari visuses: commentariolum illud dico in particulam Pandectarum. Quem perpolitum diligentius, & altero tanto auctiorem tibi denuo apponam: etsi non sum nescius, repetita crumbe quid audire soleat. Sed non possum facere, quid tibi assidue aliquid oneris imponam. Ardeo incredibili quadam cupiditate libri cujusdam asmatum Cypriani Roris, qui quotus sit, nescio: sed ea signa huic epistolæ subijciam, ex quibus facile, quid velim, intelligi possit. Ac vide, quanto opere tua facilitate abutar. Velim, te & per te & per amicos operam dare, ut eum reparias, & ad me mittas, precibus, pretio, quoquomodo: *Me nihil refert*, ait adolescens ille Terentianus, *dum pariar*. Levicula res videri potest: sed tamen magnum mihi a te officium tributum putabo, si hanc molestiam mea causa suscipere ac devotare non gravaberis. Hoc igitur ita a te peto, ut ardentius ac majore studio petere, hoc quidem tempore, nihil possim. Fer, quæso te, hoc inceptum studium meum, & amico, quasi ægrotanti, obsequere. Ama me, & valetudinem tuam cura. Romæ,
 14. Kal. Jul. MDLXXXII.

M. AN.

(o) Erat enim tum Pontifex Gregorius XIII.

M. ANTONIUS MURETUS

PAULO SACRATO SUO S. D.

Commodior huic locus fuisset proxime post Epist. 36.

XL.

ET annua quæ mihi voluntate præstas, accepi libenter, & epistolam tuam libentissime. Quam cum uno obtutu totam percurrissem, principio miratus sum, nihil in ea inesse, quod ad eam, quam ad te proxime scripseram, pertineret. Postea animadverti scriptam esse de mense Aprili, quod admirationem sustulit. Quid ego nunc tibi gratias agam? Magis mihi curandum, ut tibi aliquid pro ista liberalitate tua reponam, quod omnino faciam. Hanc enim æstatem, simul atque otium erit ab hoc jampridem molesto publice docendi munere decrevi mihi vindicare, & in scriptis quibusdam meis edolandis consumere, in quibus erit aliquid jampridem Sacrato sacratum. Nam quod tu mea extollis, tua abjicis: ne vivam, si quidquam a me præstari tibi posse arbitror, in hoc quidem genere; quod tu si asse emeris, non nimis care emeris. Sed quando ipsi me juris magistri docent, tanti esse quidque quanti vendi potest; non ego quidem tefallam, neque committam, ut ex ædilitio edicto mecum experiri queas. Sed si tute ipse indues, si pluri slicitaberis mea, quam ego ipse addicerem: errare te patiar, neque ero tam stultus, ut pretium rebus ipsemet meis detrahā. Ago tibi ingentes gratias, Sacrate optime, & humanissime, & ad illam verbosam epistolam, quam nuper ad te dedi, aliquid expecto. Vale. Romæ, ipso pervigilio Pentecostes. MDLXXXIII.

M. ANTONIUS MURETUS S. D.

GILBERTO GENEBRARDO,
Theologo cruditissimo, & sacrarum litterarum Doctōri Regi.

XLI.

ET litteræ tuæ suaves mihi atque optatæ fuerant, & liber quem ad me misisti, multis nominibus carissimus. Primum, quod ingravescente jam ætate, sero quidem, (video enim, quanto id maturius facere debuerim) sed tamen aliquo, ut spero cum fructu, in sacrarum librorum lectione quotidie temporis aliquid ponere institui, magis magisque in dies perspicuens, alia omnia inania esse: ex eis solis veram animi quietem, solidum & efficax remedium adversus improbas cupiditates, certissimam molestiarum, quibus in hac vita constitantur etiam, qui felicissimi videntur, consolationem peti oportere. Mihi autem, quamquam, in aliis studiis minoris momenti non profus inexercitato, in his tamen plane tyroni, multa occurrunt, in quibus hæream, neque satis ipse per me explicare me possim. Ac facio quidem quod Moses jubet, ut interrogem senes meos, id est, ut illos perpetuo Ecclesiæ consensu probatos Patres consulam, ex illorum libris, eorum quæ minus intelligo, explicationem petam. Sed illi plerumque grandia quædam & sublimia loquuntur, ἀνθυποεικὰ καὶ ἀναφαντά, quæ ego suspicio quidem & admiror, & divinitus cogitata esse video: sed tamen, ut puerulus, lac concupisco, & aliquam ejusmodi interpretationem requiro, quæ simpliciter ac dilucide sententiam eorum, quæ lego grammaticorum more singula verba minutatim persequens, mihi patefaciat. Ea suffulto ac subnixo faciliorem mihi ardua illa gradum fore confido. Cum tu igitur, talis tantusque vir, tale quoddam munus non susceperis modo, sed, ut ex litteris tuis intelligo, magna jam ex parte confeceris: quantum tibi me, Genebrarde, quantum alios mei similes, qui sane multi sunt, eo nomine debere arbitraris? Deinde quod a psalmorum potissimum editione exorsus es, vix credas, quam id mihi gratum optatumque obtigerit. Mirabiliter enim capior ejus libri lectione:

eumque mihi certa pars illius ex Ecclesiæ instituto quo-
 tidie legenda sit, subiniquo interdum animo ferebam,
 tam multa esse, quæ intelligentia consequi non possem.
 Ex quo autem librum tuum accepi, sensi magnam mihi
 detractam ejus molestiæ partem. Ideoque quoties eam in
 manus sumo, (quotidie autem id facio) faulta tibi ac fe-
 licia omnia comprecor, & quanta maxima possum ani-
 mi contentione a Deo peto, ut tibi ad tam sanctum ac
 salutare opus perficiendum vitam proroget, vires augeat,
 oriam ac quietem tribuat; imprimis autem, ut mentem
 tuam perpetua spiritus sui luce collustrer. Perge, obse-
 cro te, Gnebrarde, in tam sancto proposito: etiam si sci-
 res, industriam tuam ab iis, qui in cathedra pestilentiae
 sedent, non rite modo, sed probris ac conviciis omnibus
 exceptum iri. Quanto pluris apud te esse debet, quod
 omnes te pii ac probi laudabunt; quod pro te vota facient;
 quod etiam ab hominibus nihil consequare, is ipse qui hoc
 beneficium hominibus per te præstat Deus, bonum opus
 suum in te remuneraturus est. Summo quidem Pontifici,
 cujus ut iudicium & auctoritatem, ut facis maximi facere
 debes, Liber tuus iucundissimus fuit; eique, si pari studio
 ac fide in cæteris sacrosanctis libris illustrandis perrexeris,
 neque facultas neque voluntas ornandi tui defutura
 est. De negotio tuo quid actum sit, e fratre tuo intel-
 liges. Vale, meae mutuis apud Deum præcibus adjuva.
 Romæ xv, Id. April. MDCXXXI,

M. ANTONIO MURETO

ASCANIUS COLUMNA

S. Sophiæ Abbas S. D.

XLVII.

MEMini, Murete, Romanorum eloquentissime, (Ro-
 mæ nostræ gratulor, quod te Gallum hominem Ro-
 manum & civem meum appellare possim) memini, inquam,
 mi Murete, cum Romæ te publice dicentem docentem-
 que puer audirem, tanta me ad eloquentiæ studia cupi-
 ditate incensam, ut si quid in iis profeci, quantumcumque
 illud sit, totum tibi deberi videatur. Accessere huc priva-
 tæ tuæ ad eloquentiam cohortationes, quæ ex eo tempore
 ita

ita adhuc hærent in animo, ut noctes ac dies quibuscumque quasi stimulis pungant. Dererret interdum ab incœpto difficultas, & statim ac, quantum ab hac laude absum, cogito, debilitatur & languescit industria. Sed revoco ipse me, & ut animos mihi ipsi addam, ingenii periculum facere interdum libet. Orationem superioribus diebus habui in funere serenissimæ Annæ Anstiatricæ, Hispaniarum Reginæ, quam ad te cum his litteris mitto. Si quid erit, quod Romanas aures offendit, scito philosophorum & jurisconsultorum barbariem candorem illum Latii quodammodo infusasse; tanta jam sunt cordis & linguæ facta dissidia. Sin quid erit, quod a te laudari possit, fruiere tanto bono, & gaude, te Romanam juventutem ad amissam eloquentiæ possessionem recuperandam & verbis & exemplo excitavisse. Valē. Salmanticæ, pridie Id. Maji MDLXXXI.

Sequitur Responsoria Mureti.

M. ANTONIUS MURETUS

ASCANIO COLUMNÆ

Sophia Abbati S. D.

XLIII.

BEatus mihi viderer, Ascani, adolescens præstantissime, si id, quod scribis, penitus credere auderem, & exemplo te & cohortatione mea incitatum, eloquentiæ studio exarsisse, neque id minus mihi gloriosum ducerem, quam aut Herodoto, aut Callistrato fuit, illi Thucydidem, huic Demosthenem ad ea studia, in quibus uterque postea principem locum tenuit, excitasse. Sed vereor, ne tu, pro illa, quæ ita generi vestro propria ac perpetua est, ut in te tamen mihi quidem semper eminere præter cæteros visa sit, humanitate ac comitate, id mihi sponte tribuere volueris, quod hominem, quem tui observantissimum & gratiæ tuæ cupidissimum esse cognosces, libentissime auditurum putares. Ut ut tamen est, nolo obstare ipse felicitati meæ, neque committere, ut & tibi minus, quam par est, fidei habuisse videar, & hoc tanto tamque insperato gaudio, quod mihi a te objectum est, minus liquido ac sincero fruar. Dicam sane & nunc & apud posteros, Ascanio Columnæ, magno illius M. Antonii filio, Romanæ juventutis Principi, dux

dux & auctor ad eloquentiam fuisse: qua ille postmea, non modo, qui quam non excellam sentio, sed omnes æquales suos magna omnium cum admiratione superarit. Gloriosum mihi fuerit ab eo victum fuisse, cuius ego patrem, de victo communi hoste triumphantem frequentissima populi Romani concione celebrarim. (p) Perge igitur, Ascani, perge, Romanæ nobilitatis eximium decus, & cum philosophiæ ac jurisprudentiæ studiis, in quibus mirificos te progressus secisse & audio, & facile credo, istam ornatè copioseque dicendi laudem conjunge. De Oratione tua ingentes tibi gratias ago, atque a te peto, siquid postea eiusmodi edideris, ut me participem facias. Ego quoque meorum aliquid ad te mittam, si ex litteris tuis gratum tibi id fore cognovero. Vale. Romæ. Prid. Id. Junii MDLXXXI.

Q. CORRADUS

M. ANTONIO MURETO S. P. D.

XLIV.

Vix enim aliud a me nunc quidem erit ἐπιστολικόν. Nam scribere accuratius dum volo, diu officium negligere sum coactus, quod epistolam non invenio adhuc dignam eloquentia tua. Itaque Marcelli Vestri & Antonii Militiæ mei litteris, & amore potissimum tui semper antea permotus, jam nimium sero, hanc ad te, quidlibet potius quam epistolam, scripsi, testem veteris observantiæ in te meæ. Spero mihi posthac faciliorem aditum fore ad te scribendi, illo saltem nomine, quod ex litteris tuis mearum se offeret ἑπὶ θεοῖς multa litterarum. Tu fac nos ames: equidem rapior ad amorem tui. Vale. Neapoli. iv. Non. Maji.

Sequitur responsio Mureti.

MURETUS

Q. MARIO CORRADO S. D.

XLV.

Pergratæ mihi fuerunt litteræ tuæ. Antea enim, fabor, subinvidebam amicissimis quibusdam meis, ad quos exstant epistolæ tuæ, quod in eis ad me nulla legere-

tur.

(f) Vide Volum. I. Orat. 19. p. 136.

tur. Ac, quod tu, quasi communis quidam omnium, qui in Italia sunt, elegantium atque eruditorum hominum pater, cum illam inter eos gloriæ ac nominis hæreditatem divideres, nullam mihi ejus ne unciolam quidem aspersisses, sed me tanquam ἀγροικὸν τινα καὶ ἄμυστον præteritis: meditabar olim, si ita fors tulisset, adversus tabulas tuas inofficiosa querelam. Extra jocum, Corrade vir optime & eruditissime, multi jam anni sunt, cum e sermonibus primum Petri Jo. Perpiniani, qui, dum vixit, mihi conjunctissimus fuit, deinde multo etiam magis ex libris epistolarum tuarum, tanti te facio, ut veræ ac solidæ eruditionis, eximia quædam Latinæ orationis facultate ac copia, tecum ex hujus ætatis hominibus paucissimos comparem, neminem certe antepouam. Itaque quoties mihi copia fuit hominum, qui te familiarius nossent, quærebam studiose de te, de moribus tuis, (quos tamen satis mihi videbar e scriptis tuis habere perspectos) de tua valetudine, de toto denique rerum tuarum statu: ut omnes facile cernerent cupiditatem constituendæ tecum amicitie meam. Nunc te quoque erga me eodem animo fuisse video: neque quidquam a perfectione amicitie nostræ aliud aberat, quam ut uterque agnosceret alterius erga se voluntatem. Antehac enim erat εὐνοία μὲν, λαοδόνισσα δέ. Quæ cum se tandem patefecerit, serius quidem, quam par erat, & quam ego cuperem, quæso te, mi Corrade, (ita enim vocare te posse videor) quæso inquam te, demus operam; ut eam, pro sua uterque parte, omnium officiorum genere quam diligentissime colamus. Ego, quid a me tibi præstari possit, nondum video: illud quidem tibi omni adseveratione confirmo, si quid evenerit, in quo tu perspicere studium erga te meum velis, curaturum me, ut re ipsa intelligas, neminem tibi esse, quam ego sum, vere atque ex animo amiciosem. Vale. Romæ. xiv. Kal. Junii.

MURETUS

JOAN. ANTONIO ODISCALCO SUO S. D.

LXVI.

ET si pro mutua inter nos voluntate tibi esse dubium non potest, quin tua omnia mihi cara ac jucunda sint: tamen mihi hoc affirmanti credas velim, litteras tuas mihi etiam

etiam iucundiores fuisse, quam tu existimare facile possis. Nam &, quod ego summopere cupiebam, continebant, *λεπτομερέστα* totam rationem itineris tui, & quæ istic vi-
ta, qui mores, quæ cum cæterarum artium, tum juris doc-
cendi ratio, ita diserte ac luculenter explicabant, ut Uli-
xis Homerici narrationem Alcinoos ac Phæaciibus minus fuisse
iucundam parem. Admiscueras etiam eis plurimum nativi
illius leporis, & *αὐτοφῆς* urbanitatis, qua præsens sermo-
nes tuos condiebas: ut eas legens tantum non spectare te,
ac tecum confabulari viderer. Accessit ad voluptatem meam
quod patruus tuus, V. C. qui eas mihi usque in Quiri-
nalem, (ibi enim nunc sumus) ipsemet attulit, ostendit mi-
hi etiam eas, quas ad alterum patrum scripseras, quibus
eadem prope quæ in meis, sed Latine expressa, contineban-
tur. Jam demum agnovi, quid te adduxisset, ut ad me
populari sermone scriberes. Neque enim illud te movit, in
quo jocularis, Phormionis exemplum: sed id potius fecisti
*φιλοτιμώμενος παρ' ἡμῖν ἐπὶ τῇ ἐν ἀμφοτέροις τοῖς ἰδιωμα-
σιν ἐπιείκῃ*. Quod artificium tuum cum jam detectum esse vi-
deas: conseo posthac ad me quoque Latine, si videbitur,
scribas. Quod tamen ea lege a te peto, ut ne propterea mi-
nus crebras, aut minus longas litteras des: quidvis enim
malo, quam earum fructu carere. Gaudeo, metum meum
de iis, qui istic jus civile profitentur, vanum fuisse: & eos
scriptores, quos ego tibi dilaudare consueveram, etiam
istic vigere. Felicius hac in parte tecum actum est, quam
cum quibusdam aliis *συμφορηταῖς* tuis, qui ut a me digressi
sunt, inter illos *συρρητάδης* ac *βορβοράδης* splendidarum
ineptiarum magistros consenscunt. Ego & tibi hoc nomine,
ut debeo, gratulor, & cupide tempus illud exspecto, cum
ad nos non illa inani *δοκασιοσύνη*, sed vera ac solida juris-
prudencia instructissimus revertaris. Nondum audisse te
puto, me huic Pandectas publice interpretari, non sine ali-
qua molestia eorum, qui nollent, configi oculos cornicibus
& *quæ iuvenes didicere, senes ridenda fateri*. Equidem dabo
studiose operam, ut eripiam animis hominum stultissima n-
illam opinionem nihil in jure aut sapienter cogitari posse,
quod non ex illis lacunis hauritur, aut erudire dici, quod
non infallē inelēganterque dicatur. Spero me his æstivis men-
sibus quibus res proferentur, in Tiburtino secessu aliquid no-
vi dolaturum. Quicquid erit, si modo erit, (sum enim

mirifice Callipides) ad te mittetur. Interea amabis me, ut facis: scis enim te id mutuo facere, & ad me, quam sæpissime potetis, scribes. Vale.

M U R E T U S

T H O M Æ M A R T I N O S U O .

XLVII.

Nisi me tibi bene notum esse considerem, Martine optime & humanissime, valde vererer, ne apud te venissem in magnam opinionem non tarditatis modo, a quo vitio me interdum non longissime abesse fateor, sed etiam ejus, a qua semper abhorruì, inhumanitatis. Ad litteras enim, quas ad me plenissimas amoris & officii Lutetia de mente Septembri dedisti, nunc demum, id est quarto post mense, respondeo. In quo tamen nulla a me culpa contracta est. Nunc enim eas a Castorio nostro accepi, eisque magna cum animi voluptate perlectis, statim me ad scribendum contuli: ut hæc, quibus me apud te omni suspitione exsolverem, paratæ essent, simul atque esset cui darem. Quod conservas memoriam mei: amiceque de me, cum occasio est, loqueris, gratiam habeo. Ego quoque te, mihi crede, unice amo: neque quicquam est, quod quidem a me præstari queat, quin ego id libenter ac cupide etiam, causa tua facturum sim. Debeo hoc virtuti & eruditioni tuæ: debeo amorì erga me, quem in te mihi perspexisse video prope singularem. Quod autem etiam clarissimum ac præstantissimum virum, Archiepiscopum Narbonensem, usque eo amicum esse scribis, ut de me, homine tenui & infimæ sortis, tantus vir & amanter & honorifice loquatur: qua me læticia ex isto nuntio esse affectum putas? Cujus tu gratiam, quæso te, Martine mi, omni mihi ratione conserva: eique meo nomine pollicere, me ea quidem, quæ sunt ingenii & eruditionis, & ejus generis laudum, nolle in me recipere, neque ea causa teneri: certe quidem quæ de meo erga Catholicam religionem animo, de studio bene merendi, quantum in me erit; de omnibus, aliisque ejusmodi prædicare dignabitur, ea me perpetuo, cum Deo volente, cumulate præstiturum. Puteanus jam pridem desinit ad me scribere, quod ego, dum me amare pergat, æquo

animo feram. Nihil enim ab amicis, nisi commodo ipsorum, postulo. Illum Musarum chorum, quem litteris tuis complexus es, τὸν μουσικήν Auratum; Ronlardum primum Pindarum, nuper etiam Homerum Gallicum; suavissimum mihi amicissimum fratrem meum, & jam illi Homero supparem Hesiodum Baium; & eum, cui ego quam nomine, utinam & eruditione tam propinquus essem, Duretum; & elegantissimi hominem ingenii Passeratium, meos veteres amicos, quorum ego ipse recordatione recreor & afficior intimis sensibus: eos igitur omnes mihi vicissim saluta. Vale.

MURETUS

ALEXANDRO JUSTINIANO MEDICO S. D.

XLVIII.

Quod ad tuas amantissime scriptas litteras feri us respondeo, certo scio te & cur id faciam, cognoscere, & quod faciam, ignoscere. Illæ vero mihi pergratæ, perque jucundæ fuerunt & si quid mihi credis, visæ sunt ali-quam morbi partem levassæ. Ego ille, Alexander, qui nunquam in vita ne levissimo quidem morbo tentatus fueram, totos viginti dies in lecto decubui: cum interea cibo & paucissimo & tenuissimo utens, quem tamen iptum vix capere poteram, idem potarem, quod canes. Itaque partim inedia; partim purgationibus ita exaustus sum, ut ipsemet mirer. Neque minus animus exinanitus est: cum hoc toto tempore nihil legere, nihil scribere, nihil meditari licuerit. Quare illa tuæ, quæ ostendis te esse missurum, mitte, quæso te, quamprimum, ut ad hominem famelicum. Sed, amice magne, noli id facere ea spe, qua significas fore, ut a me accipias χρύσεια ἀντὶ χαλκήν; nam & tua omnia χρύσεια plane sunt, & mihi ne χαλκήα quidem sunt domi. Imitare potius hominum vere liberalium ingenium atque naturam, qui quicquid possunt, in eos, quos amant, conferunt, nulla spe, ut ait Aristoteles, quicquam ab eis recipiendi. Saluta mihi diligenter Johannem Dallianum nostrum: ad quem scribam cras; nam nondum multum uno die scribere audeo: tibi autem, qui prior scripseras, prius responderi æquum fuit. Vale, prid. Non. Oct. Patavio.

MURETUS

ALEXANDRO JUSTINIANO S. D.

XLIX.

Vere judicas, nihil detracturum esse de veteri illa nostra conjunctione propter diuturnam intermissionem litterarum. Neque enim unquam desii amare te, de te studiose ex omnibus, qui istinc veniebant, quærere, gaudere cum audirem ea, quæ cupiebam, quæque sperabam. neque unquam dubitavi, quin tu eodem semper erga me animo esses. Itaque gratissimæ mihi fuerunt litteræ tuæ, eruntque eo gratiores, quo crebriores, dum id nullo tuo incommodo fiat. Quamquam enim magnam ex earum actione voluptatem capiam: majorem tamen a te commendi tui, quam voluptatis meæ, rationem haberi volo. Johannem Biffonerium ita amabam multis nominibus, ut vix putarem ad eam voluntatem, qua jam cum complexus eram, ullam accessionem posse fieri: tantum tamen accessit commendatione tua, quantum nunquam cogitasse. Neque mihi quicquam molestius, quam quod ejus consuetudine brevi cariturum me video. Cogitat enim Bononiam, ut illic se totum dedat studio juris civilis. Ego eum Sigonio, Amasæo, cæteris ordinis mei hominibus de meliore nota commendabo. Tu quoque, qui multos illic veteres habes, si idem feceris, id, quod ingenio & consuetudini tuæ consentaneum est, feceris. Si quid est, quod hic a me aut tibi, aut tuorum cuiquam curari velis, quæso te, ut plane persuadeas tibi, me omnia causa tua semper cupidissime diligentissimeque facturum.

Vale, Roma vi. Id. Aprilis.

MURETUS

HIERONIMO ZÓPPIO

Bononiensi Philosopho S. D.

L.

Tragediam sive ab auditoribus tuis, ut scribi, sive, ut mihi verisimilius sit, a te ipso conscriptam, non

tantum cum voluptate, sed etiam cum admiratione per-
legi: Ita mihi visa est longe supra consuetudinem hujus
ætatis, ornata multis & gravibus sententiis, & tempesti-
ve prolatis, & grandi ac sublimi verborum genere illumi-
natis. Jam quod fabulam ipsam leviter immutasti, paulo-
que aliter tractasti, quam a veteribus tradita est, factum
a te prudentissime & summo artificio judico. Nam & ve-
teres ipsos ejus rei auctores habes: & non magna mutatio-
ne personas, quales Aristoteles ad tragœdiam aptas esse
vult, reddidisti. Totum autem poema olet Academiam,
olet Lyceum, olet Philosophiam, non illam horridam &
incultam, & aut elinguem, aut stulte clamosam, quæ ho-
die scholas prope omnes occupavit: sed vetustam illam Ac-
ademicam, ornatam ingenuarum artium multo splendidoque
comitatu. Neque dubito fore, ut aut omnibus placeat,
aut iis tantum displiceat, quibus displicere laus est. Ne
me tamen hæc auribus tuis tribuere dicas, indicabo etiam,
quæ non probem; ut tanto magis intelligas, mihi cæte-
ra probari. Quod igitur in prologo omnes, quibus probitas
ac pietas cordi est, jubentur exire, ut ii tantum spectent,
qui crudelitate, & immanitate pascantur, non placet.
Ista enim ratione vacuum relinqui theatrum, necesse est.
Ac scio, hæc figurate dici: sed hoc dico, figuram ipsam
mihi nullo modo probari. Illa quoque, quæ ad mulieres
pertinent, ut lepida & arguta videri queant, certe tra-
gicæ gravitatis aliena sunt. Et, ut semel dicam, totum
prologum deferem, neque ullo prorsus prologo uter. Ubi
enim chorus est, tali prologorum generi locus esse non po-
test. Etenim, Zoppi, veteres poetæ, (quod tibi quoque
pro tua singulari eruditione notum esse sat scio) si quid ad
se commendandos, aut defendendos dicere necesse habe-
bant, id faciebant in choris, cum in reliqua fabula non
liceret; cujus rei aliquot apud Aristophanem exempla sunt.
Neque cum ullo tali prologo utebantur, quales sunt Plau-
tini aut Terentiani: sed quæ prima persona prodibat, cu-
jus opera pars argumenti cognoscebatur a spectatoribus, ea
πρὸ λόγου ἔειπε dicebatur. Posteaquam populus Atheniensis,
exhausto diuturnitate bellorum ærario, inania sumptuum
amputavit, & comœdiis choros dare desit, tum demum
illud prologorum genus natum est, & nova comœdia, quæ
chorum non haberet, talibus prologis uti cœpit. Tragœ-

diis semper ex publico datus est chorus: idcircoque nunquam tragœdia tales prologos habuit. Quare qui veterum consuetudinem in reliquo poemate accurate ac diligenter retinueris, hic quoque quod hominum antiquitatis imperitorum ioseitia invecum est, deleas cense. Placeret etiam ita edi hanc fabulam, ut ne notarentur principia actuum, sed ita continuarentur omnia, ut in Æschyli, Sophoclis, Euripidis tragœdiis, etiamque in Aristophanis comœdiis factum. Vere causa est, cur ita fieri censeam: sed malo eam in aliud tempus rejicere. Omnino autem illam inutilem & supervacaneam, & a stultis litteratoribus excogitatum actuum in scenas divisionem, quaeso te, ut tol as. Lysæ nomen peregrinum adinverem: Italicum darem. Nam & Plautus cum Luxuriam & Inopiam loquentes faceret, non illam Tryphen, hanc Peniam vocavit; sed utrique nomen Latinum dedit. Quod alicubi apud inferos *solem silere* ais cum tenebras, ut opinor, & caliginem significes: vereor ne imitari volueris Virgiliana *Luna silentia*, & in eo Politiani errorem securus sis. Certe enim *silentia*, id est *conticinium*; non, ut ille ratus est, tenebræ quas efficit siderum conjunctio. Nam Troiam plenilunio captam esse constat. Halcyonios quoque videris vocare aves ipsas. Vides, hæc quam levia sint quamque pusilla. Quæ, rogo te, ut in bonam partem accipias, & quod tam sero ad tuas litteras respondeam, ignoscas occupationibus meis. Ego, Zoppi vir eruditissime, & toti civitati Macerataensi bene ex animo cupio, mihi que occupationem opto aliquam dari, qua de re ipsa declarare possim: & te, quam nunquam præsens præsentem videre memini, singulari tua eruditione commotus, in sinu atque in oculis sero. Vale. Romæ, III. Kal. Sext.

MURETUS

SINIBALDO ANTONINO S.D.

LI.

IN summis occupationibus meis, Sinibalde Antonine, quæ me respirare vix sinunt, legi tamen Dialogum tuum, & voluptatem longe maximam ex ejus lectione percepi. Delectarunt me argumenta & ingeniose excogitata, & den-

EPISTOLA LII. 263

& denso, & vivo, ut ita dicam, ac spiranti orationis genere expressa. Itaque ut Pythagoram ajunt e modulo pedis, quanta corporis mole fuisset Hercules, judicasse: sic & ego ex hoc brevi commentariolo facile de tui magnitudine ac præstantia judicavi. Amor autem erga me tuus quem plane singularem omni ex parte declaras, noli quærere, quantopere mihi gratus ac jucundus sit. Neque enim ullum unquam mihi majorem fructum vigiliarum ac laborum meorum proposui, quam ut a tui similibus amarer. Quare etsi non agnosco eas laudes quas tu *αὐτῶ τῷ Διὶ δίδως*, ut ajunt, in me congeris, summe tamen amo istum amorem, qui tibi homini tam acuto ac perspicaci tenebras offuderit, eaque de me sentire ac prædicare coegerit, quæ ne tu quidem, quamquam disertus es, alii cuiquam facile persuadere posses. Dialogum edas censeo: nolo enim ita modestus videri, ut gloriæ tuæ mea modestia obster. Auctor etiam tibi sum, ut alia meditare ac procudas, neque reformides obrectatorum, vocalas: quæ in proscænium prodeunti non nihil fortassis molestæ futuræ sunt: ubi tibi semel audientiam feceris, conticescent. Vale. Romæ.

ANTONIUS COSTANTINUS

MURETO S. D.

LII.

Hieronymus Centurio adolescens nobilissimus, qui tibi has litteras tradet, mihi longe carissimus est, idemque bonarum artium studiis mirifice deditus, tui autem ita studiosus a me litteras, quas ad te perferret, ut tibi darem, in magni muneris loco petiit. Hæc autem tria, quæ de eo dixi, sic alia ex aliis apta & colligata sunt, ut uno posito, cætera quodammodo consequantur. Nam neque potest quisquam bona studia colere, qui te non colat: & mihi, nisi qui te colat atque observet, amicus esse nemo potest. Sed hic, ut dixi, & me amat, & bonarum artium studio incensus est, & te tanti facit, quantum omnes, qui te norunt, aut faciunt, aut facere debent. Velim igitur ita eum excipias, ut confirmes id, quod ego sæpe prædicare soleo, meam commendationem apud te non minimum ponderis habere. Scripsi etiam nudius tertius

R 4 ad te

ad te de statu meo, de mea valetudine, deque omnibus rebus meis: ac spero me quam citissime aliquid abs te litterarum accepturum. Vale. Genuæ. IV. Non. Nov. MDLXXII.

Sequitur responsio Mureti. E qua tamen conicere licet, plura, quam qua hic legimus, fuisse in Epistola Constantini.

MURETUS

CONSTANTINO SUO S. D.

LIII.

Litteras a te post discessum hinc tuum nullas accepisti præter eas, quæ mihi menssem fere abhinc unum redditæ sunt, una cum vasculo conditi e malis Perficis, quod mihi sane jucundissimum fuit. Tam multa tibi adversa evenisse, moleste fero; incolumem te ex illis evasisse, immortaliter gaudeo. Quod me amas scito te id mutuo facere. Et si quid accidet, in quo declarari tibi velis, quanti a me fias, non fallam opinionem tuam. Vinum quod te missurum scribis, si erit per quem commodè mittas, ita demum mihi gratum futurum est, si nullo tuo sumptu fiat. Omnino enim sumptu a te nullum mea causa fieri volo. Satis superque mihi futurum est, cum quid illinc mihi curari volam, (terunt autem interdum nonnulla quæ velim) si mea causa operam dederis, ut lecta omnia & cum fide ad me adferantur. Pretium & pro mercede & pro vestimenta statim adnumerabo, cui tu scripseris, & quantum scripseris. Respondissem citius ad litteras tuas, si eas ad me Centurio ipse attulisset. Sed nuper admodum ad me venit. Ego autem, antequam eum viderem, cui litteras ad te tuto dare possem, nesciebam. Visus est mihi adolescens honestissimus, & dignus tum nobilitate gentis suæ, tum tua commendatione. Itaque detuli ei prolixè mea omnia: omninoque puto fore, ut ante aliquot menses exstet egregia aliqua significatio voluntatis in eum meæ. Mittam ad te scripta quædam mea, simulatque has litteras ad te perlatas esse cognovero. M. Antonius fratris mei F. te salutatur, crebro de te loquitur, amat te, ut debet, ex animo, & ad te prope diem scribet. Tu quoque perge amare utrumque nostrum, & vale. Romæ. Idib. Jan. MDLXXXII.

MURETUS

ANTONIO CONSTANTINO SUO S. D.

LIV.

Litteræ tuæ datæ 5. Kalend. Februarii redditæ mihi sunt pridie Kalend. Martii; quod equidem & miratus sum, & submoleste tuli. Magnam oportet esse tabeliariorum socordiam, magnam tarditatem. Ego quoque ad eas serius respondeo, quam par fuit. Sed spero, te id facile condonaturum perpetuis occupationibus meis. Sumptum a te mea causa fieri omnino nullum volo: nisi tu quoque tibi hinc aliquid mitti voles, inter nos paria faciamus. Vinum, cum commodum erit, exspecto. Sed librorum veterum, de quibus scribis, tantam mihi cupiditatem injecisti, quantam tu quoque, qui me nosti, conjicere facile potes. Nihil mihi gratius facere potes, quam si eos ad me miseris. Ego autem ita cumulate tibi gratiam referam, ut omnes homines intelligant, te mihi carissimum esse. Mihi crede, perficiam, ut ex isto tuo in me officio singularem aliquando capias voluptatem. Sed vide, ut ad me diligenter ac fideliter perferantur. Scripta quædam mea, quæ ad te mittere cupio, recuperare a quodam, qui ea a me inspicienda rogavit, nondum queo. Neque tamen dubitare debes, quin ea ad te quamprimum missurus sim. Quid Spinulæ acciderit, scio istuc perlatum esse. Mirifica res visa est prope omnibus, qui eum norant. Ego eum divino spiritu afflatum, & ad hanc vitæ mutationem impulsus fuisse non dubito. Sunt tamen qui aliter loquantur, Ama me, Constantine mi, & vale. Romæ. v. Id. Martias MDLXXXII.

ANTONIUS CONSTANTINUS

MURETO S. D.

LV.

Tamen nihil respondes, quaternis jam meis litteris provocatus. Quid putem? meas ad te perlatas non esse? Facit quidem tuum istud silentium, ut tale quidpiam subve-

subverear. Sed tamen suspicionem quæ minuant, multa animo occurrunt. Quid igitur? occupatum esse te? video fieri aliter non posse, Scio enim inibi esse te, ut intermissa studiorum tuorum curricula repetas. Sed quæ possunt occupationes esse tantæ, ut non vacet ad hominem amicissimum, tuarumque litterarum sitientissimum, duobus versiculis scribere? Obsecro te, excita esomno humanitatem illam tuam: neque patere litterarum tuarum desiderio languere me diutius. Etiam atque etiam vale, mi Murete, columnen fortunarum mearum. Ticini. III. Id. Octob. MDLXXXII.

M. ANTONIUS MURETUS

JUNIORI ANTONIO CONSTANTINO S. D.

LVI.

PAtrius meus in aliorum quidem officiorum ratione satis bonum nomen & esse, & haberi ait: sed in litteris ultro citroque mittendis jampridem decoxisse neque sperare se unquam solvendo fore. Tam multos enim in hoc genere creditores habet, ut jam qui tempore priorum, qui posteriores sunt, rationem inire non possit. Quidam tamen præcipuos habet, in quibus tu es, quibus bevi se non tantum sortem, sed etiam omnes præteriti temporis fructus exsolviturum pollicetur. Nescio autem, quid ipsi venerit in mentem, ut me tibi hoc tempore delegare voluerit: qui cum meo ipso nomine tantum debeam, quantum amantissimo præceptori debere non ingratum nec immemor discipulus potest: quomodo hoc quoque æsalienum suscipere, aut a te idoneus haberi possum? Perendum tamen est: quomodo enim ipsius imperio adverser? Tu modo sequere, obsecro, non invitus fidem meam. Si enim nihil aliud poterò, at quotidie urgebo, appellabo, instabo, neque desinam obtundere, donec aliquid extudero. Scio autem illum jam in eo esse, & aliquid menditari libelli, quod in tuo nomine appareat. Sæpe enim dicentem audiavi, se pudore jam quodam, ne ad te scribat, impediri: neque tibi amplius epistola, sed libro aliquo ad te misso satisfacere posse. Tu modo scito & litteras tuas, & librum Senecæ, & illa salute sane & opipare condita ac con-

EPISTOLA LVII. 267

cinnata, seu bellaria seu tragemata vocanda sunt, (rem enim ipsam teneo, nomen non teneo) ad nos pervenisse, & omnia fuisse gravissima: te tamen ipsum, si huc veneris, cujus rei spem nobis postrema tuarum litterarum ostendunt, eoque magis, si eos libros veteres, quorum indicem misisti, attuleris, & ipsi & mihi longe optatissimum ac jucundissimum fore. Vale. Romæ, prid. Id. Maji. MDLXXXIII.

ANTONIUS CONSTANTINUS

M. ANTONIO MURETO JUNIORI S.D.

LVII.

Respondet precedenti.

Litterarum tuarum, quas paucis abhinc diebus accepi, tantam mihi voluptatem attulerunt, ut nulla major adferri potuerit: tum quia tuarum sunt, tum etiam quia ex illis cognovi, omnia quæ a me vobis missa sunt, tuto istuc pervenisse. Sed quid, quæso, ais, M. Antoni suavissime, patrum tuum in litteris ultro citroque mittendis decoxisse? Ego vero nullum aliud officium ab eo facilius expletum iri putassem: mecum præsertim, qui ea lege ab eo, ut ad me scribat, peto, ut commodi sui rationem quam maximam habeat. Cum autem mihi & sortem & præteriti temporis fructus se extoliturum polliceatur, quid minus, quam eum decoxisse, credendum est? Pudore illum impediri, ne ad me scribat, epistola mihi satisfieri non posse, sed libro aliquo ad me misso, σὴν ἴης καὶ ἀναβολαί. Sed extra jocum, Murete, mi, (arbitror enim jocatum esse cum illa scriberes) a patruo tuo mihi nihil plane debetur. Ego vero me illi tantum debere sentio, ut si vel vitam ipsam pro eo profundam, tamen ne minimam quidem magnorum ejus erga me meritorum partem videar consecuturus. Tu, ut cœpisti, perge scribere ad me quam sæpissime poteris de tua patrique tui valetudine, de tuis studiis, & sic quid σπαράσσον habebis: actibi persuade, nihil te hoc mihi gratius facere posse. Ego contra recipio tibi me operam daturum, ne quid ex officio meo desideres. Vale. Genus. Kal. Quintilis, MDLXXXIII.

M U-

MURETUS

CONSTANTINO RARELLINO.

Episcopo Reatino S. D.

LVIII.

Vide, quam non sim curiosus. Te, quem iampridem videre discipulo, prius ex Urbe discessisse cognovi, quam in Urbem venisse cognossem. Neque hoc mirabitur quisquam, qui ingenium ac consuetudinem meam noverit: cum de ipso Pontifice plerumque, ruri ne, an in Urbe sit, nesciam; & sæpe de iis, quæ hic unum aut alterum mense in omnium sermone celebrata sunt, non aliter quam ex aliis, quam si peregre redirem. Itaque, si quando audies, ut sæpe fit, inquiri in eos, qui rumores temere exceptos huc illuc spargunt, & quid Pontifex non agat tantum, sed in animo habeat, quid Galli, quid Hispani, quid Germani moliantur, facta infecta miscentes, scribunt ad homines alienarum rerum quam suarum curiosiores: mea quidem causa libero te omni metu. Nunquam me quisquam in talia edicta incidisse criminabitur: ita perspectum est omnibus, omnium ejusmodi rerum cognitionem mihi, ut Thacydideo verbo utar, ἀταλαίπωρον εἶναι. Sed tamen, (παρρησιασέσθον γάρ) si quid a me in eo peccatum est, quod te non inviserim, ne tu quidem plane culpa vacas. Potuisti enim domum ad me mittere, qui mihi de adventu tuo nuntiaret indicaretque cuius hospitio uteris. Accurrissem statim ad te, & quodlibet potius vadimonium deseruissem, quam ut diutius carerem optatissimo mihi fructu sermonis tui. Ἀλλὰ τὰ μὲν προτε-
 συχθεὶς ἔδοξεν. Epistolas nostras jamdudum & in Gallia & Colonia in Germania editas esse scis. Earum ego neque volumen ullum habeo: & si haberem, vix ad te mittere auderem: ita me dispudet eorum, quæ in illis innumerabilia a librariis vitiose descripta sunt. Sed dabo operam, ut emendatiores exeant. Urgent enim, ac molesti sunt & iidem illi, & alii librarii, ut ad se alias epistolas mittam, quibus liber grandior fiat. Omnino absurdum mihi atque alienum videtur, reperiri homines, usque eo abundantes otio, ut ejus partem aliquam tribuere episto-
 lis

sis meis legendis velint. Quando tamen id amore quodam
 erga me adducti facere videntur, (sic enim interpretor)
 obsequar eorum studio, vel cum dispendio famæ, &c., ut
 eis animam expleam, repetam diu intermissam consuetu-
 dinem Latine interdum aliquid ad amicos scripturandi.
 Quod qui legerint, si postea periisse sibi tempus dolebunt,
 æqui tamen mihi esse debebunt, qui ingenue profiteor,
 nullam unquam a me epistolam scriptam, quam legi ope-
 ra esset, nisi semel ab eo, ad quem scriberetur. Neque
 ego quæquam fallo aut inducō. Si qui se sciens fefelle-
 rit, secum agat. Editus est & hic nuper liber Hymno-
 rum, quos olim iussu Gulielmi Ducis Mantuæ scripseram,
 auctus sexcentorum amplius versuum accessione. Hunc
 scio ad te ab Heliconio missum esse. Sed nimis multa de
 augis. Vicus quidam est in diocesi tua, qui S. Lucie
 dicitur. Ejus vici plebem qui regebat sacerdos, Casta-
 rius nomine, proximo superiori mente excessit e vita. In
 ejus locum se substitui cupit Vespasianus Coletta pres-
 byter, qui has tibi litteras tradet. Qui cum mihi ab uno
 e summis amicis meis accuratissime commendatus esset,
 profectus sum ejus causa hosterno die in Datarium Sum-
 mi Pontificis, apud quem, puto te scire, me aliquid
 posse. Is respondit, quamquam mentis ille pontificis sit,
 tuarum tamen partium esse, inquirere in eos, qui se ad
 id munus admitti postularent, & de eorum natalibus, mo-
 ribus, doctrina judicare; quem tu testimonio tuo com-
 probasses, ei beneficium illud tributum iri. Nunc ego
 illud a te, Constanti humanissime, omnique cultu atque
 observantia dignissime, postulo, si hic, quem dico, Ves-
 pasianus idoneus videbitur ad id munus sustinendum, ut
 ei potius, quam cuiquam alii, mea causa gratificandum
 putes. Is qui mihi eum commendavit, ita mihi amicus
 est, ut qui maxime; & ego sæpe ei dixi, ita te mihi
 amicum esse, ut nihil supra. Si ergo te huic homini du-
 rum ac difficilem præbeas, verendum erit, ne ego aut
 tantopere abs te amari, aut minus diligenter eum tibi
 commendasse videar, quam me facturum recipi: quorum
 alterum vanitati, alterum perfidiæ adscriberetur. Quan-
 tum igitur plurimum, salva fide ac ratione officii, illi
 te tribuere posse statues, tantum ut tribuas, vehementer
 a te etiam atque etiam peto. Interea mitto ad te munus-

scu-

seculum utrique nostrum conveniens, imaginem Jesu Christi in cruce suffixi, a præstantissimo artifice summo artificio elaboratam. Ejus aspectu quoties ad fundendas preces commoveberis, quæso, ejus quoque ut memineris, cujus versus utrinque adscriptos videbis. Vale. Romæ ix. Kalend. Junii.

MURÆTUS

JAC. AUGUSTO THUANO
Consiliario Regio in Curia Parisiensi V. C. S. D.

LIX.

Parum absuit, quin abjecerim consilium, quod ceperam, scribendi aliquid de laudibus clarissimi ac præstantissimi viri patris tui: ita me eruditorum hominum versus quos eodem argumento scriptos ad me misisti, deterruerant. Sed vicit voluntas obsequendi tibi: neque enim dubitabam, quin æquo animo quicquid a me scriberetur, accepturus esses. Mitto igitur ad te aliquot versus, non illos quidem valde bonos, sed quales expectari poterant ab homine neque unquam poeta, & jam sene, & tum suis, tum amicorum negotiis assidue implicato. Eos tu si semel lectos concerpere volueris, feceris quod merentur; sin una cum cæteris quæ alii scripserunt, edendos duxeris, eundem fortassis usum præstare poterunt, quem in pictis tabulis umbræ, quæ efficiunt, ut luminosa magis emineant. Sed si editurus es, peto a te, quantum me amas, ut eos prius cum duobus tribusve probatissimis Sorbonici Collegii Theologis communices, ac, si fieri potest, ab eis impetres, ut suum quoque de eis judicium adscribant: nequid imprudenti exciderit, quo quicquam offendi queat. Jam nunc enim subvereor, ne, quod poetarum more Astream deam vocavi, durius id non satis æquus interpretes accipiat. Ego tamen profiteor, Astreæ nomine nihil aliud a me, quam divinam justitiam intelligi: quo posito & cognitio, puto cætera ferri posse. Ignosce, quæso te, timiditati meæ. Satis multos ex illo Collegio amicos habeo: inter cæteros Genebrardum, qui unus mihi est pro centum milibus. Is, ut spero, & tua causa libenter, & mea non invitus, omnem nobis scrupulum

Chri- lum eximet. Vale, & perge, ut facis, patris tui defi-
 arti- derium tua singulari ac præstanti virtute lenire. Ro-
 s pre- mæ. Idib. Octobris.

MURETUS

R. PINCÆO CONSILIARIO REGIO V.C. S.D.

LX.

*Cum hac epistola conferenda sunt, quæ leguntur
 infra LXIV. & sequentes.*

NE meserius ad litteras tuas respondere mireris, sci-
 to, eas redditas mihi esse XVI. Kal. Martii, id est,
 biduo post discessum tabellarii, idque mihi plerumque eve-
 nire solere, aut negligentia eorum, quibus illæ commen-
 dantur, aut quod ædes meæ in ipsis radicibus Quirinalis
 longe distant ab istis negotiosis hominibus, qui sæpe aut
 propter imbres, aut propter itineris longitudinem exspe-
 ctant usque eo, dum venire ad me commodo suo possint.
 De Cardinali S. Stephani, (ita enim se vocari vult) scie-
 bam nuntium tibi jucundissimum fore, ideoque id tibi gau-
 dium primus obicere volui. Ei quoque litteræ tuæ ma-
 gnæ voluptati fuerunt: quas ad eum pertuli postridie quam
 eas acceperam. Rescripturum non dubito: ita certe factu-
 rum se recepit. Quin etiam, capta ex litteris tuis occa-
 sione, multa mihi de te, multa de C. V. patre tuo, mul-
 ta de tuis omnibus jucunde memoriterque narravit: ut fa-
 cile appareret eum libenter in illo sermone versari. De
 præstantissimo viro Brissonio, quod non nihil conquestus
 sum, fateor tibi, id mea quadam ambitione factum. Quia
 enim illum plurimi facio, submoleste tuli, sumpsisse eum
 a me, quo alium ornaret, eum præsertim, qui a me tam
 multa sumpsit, quæ pro suis vendicaret. Sed illud cuius-
 modi est, pupugit quidem me, neque tamen alius in animo
 insedit. Jampridem enim ad tales ludos occallui, & ista mi-
 nutiora sunt, quam ut me valde moveant. Gratulor ti-
 bi, qui talem & amicum & vicinum habeas, & (δῆγὰρ
 τὸ ἀλλήδῃ λέγειν) subinvideo vobis istam mutuam consue-
 tudinem: si hoc invidere est, dolere non quod aliis bene
 sit, sed quod tu quoque eodem bono frui non queas. Quos,
 eusD

Deus bone, oportet esse congressus vestros! quos sermones! quam multa πολιτικά! quam multa de antiquitate, de mitioribus studiis, de omnibus denique partibus φιλολογίας! Utinam mihi vestigia vestra subsequi, & capere sermones vestros liceret! quam multa, quæ vobis excidunt, sublegerem! quanto quotidie doctior domum redirem! Quod quando non datur, at tu me interdum, qua licet, sermonum vestrorum participem facito, & id tibi, cum otium erit, scribendi ad me argumentum sumito. Sed noli, quæso te, delicias facere, & dicere, tibi perpetuo rem esse cum Bartolis, Baldis, cæterisque ejusmodi infelicibus capitibus, ideoque minus polite scribere: cum ea scribas, quæ mihi quidem Athenas ipsas, Hymettum ipsam redolere videantur. Quas tibi videri oportet epistolas meas, quas ego neque pectere unquam neque comere, si verum vis, ne relegere quidem soleo: si tuæ tibi minus cultæ videntur? Ludistamen & vereri te ais, ne verbosiores sit. Quasi non ego id multo justius metuere debeam, qui ad te, talem virum, quicquid in buccam, scribere audeo: quamquam hujus rei culpam tu sustines, qui jubes me, longitædine saltem litterarum, tecum paria facere. Quid, cum scribendi argumentum nullum est? *Dicatur potius, τὸν ἀπαμβόμενος*, (q) ait Hispanus poeta. Egoque, quando ita te velle video, ita plane faciam, & chartas, ut facere me vides, onerabo nugis potius, quam tibi animum non expleam. Noshic omnes suspensio animo sumus, propterea quod Pontifex sub finem mensis Aprilis Bononiam cogitat. Quod si erit, (& certa opinio est fore) quæ Romæ vita futura sit, veremur. Ego sub Kal. Julias abdicare me hoc docendi munere cogito: etsi non fiet hoc sine luculenta fortunarum mearum diminutione. Decebat enim annui nummi aurei septingenti. Sed tanti est otiosi. Supererit tamen sic quoque, unde mihi assiduo, ut ille (r) ait, *luceat igne focus*. Et quod senectus attentiores ad rem facere dicitur: illa vero me in dies negligentiores facit. Otii cupidus sum, ad quod si semel pervenire potuero, nihil tanti erit, ut me ab eo avelli patiar. Neque tamen ignaviæ me dedere cogito, sed solutus aliis curis, multa

(q) *Martialis, lib. I. Epigr. 46.*

(r) *Tibull. lib. I. Eleg. I. v. 6. Dum meus assiduo lucet igne focus.*

EPISTOLA LXI.

273

quæ jampridem inchoata, partim etiam affecta apud me
jacent, ut potero, absolvere ac perpolire. Sed quid ago?
aut cur tam longe spes jacio? Hæc meditantis fortassis
interventura mors est. Quæ quandoque venerit, occupa-
tum me deprehendat malo, quam nihil agentem. Vale.
Romæ. iv. Kalend. Martii MDLXXXIV.

MURETUS S. D.

HERCULI CIGFANO SUO.

LXI.

JAmpridem tantum meodium scribendi cepit, ut plane
ad neminem scribam: ne tu tam diu nullas te meas li-
teras accepisse mireris. In amando, & in labore amicorum
causa capiendo, cum opus est, & tibi & cuivis par esse
possum: in scribendo non possum. Nihil est, quod faciam
invitus. Quo facilius existimare potes, quam ex animo
cupiam tibi commendatissimum esse Colam Antonium Rai-
naldum, qui te nunc præceptore illic utitur. Cognatus
estis, quibus ego maxime cupio. L. Lilio, & Rutilio Ve-
teri: quorum utriusque rogatu hæc ad te scribo. Neque
vero abutar pluribus verbis. Hoc tantum dicam, cogni-
tum esse me ex studio, quod in illum conferes, quan-
tum apud te commendatio mea valeat. Quæso igitur te,
efficias, ut ii, qui hoc a me petierunt, tibi apud me
quam citissime quam maximas gratias agant. Vale. Ro-
mæ, prid. Idus Jan.

MURETUS

FRANCISCO VENIERIO S. D.

LXII.

Bene facis, quod te Latine scribendo quotidie exercis,
conatumque omnem adhibes, ut præstantiam in eo
genere aliquam consequaris. Non enim dubito, quin &
cætera vita, & istud tuum studium eo, quo debet, id est,
ad propagandam gloriam Christi, & ad Ecclesiam pro tua
virili parte ab insultibus improborum defendendam diri-
gatur. Sed quid te ulque huc deteruenerit, ne ad me scri-
beres,

Tom. II.

S

beres,

beres, dispicere equidem non queo. Nam neque ea audioritate sum, ut quisquam iudicium meum vereri debeat: & si essem, summa tamen mea erga totam sedulitatem vestram voluntas omnem illum metum tibi facile adimere poterat: cum tu præsertim ita scribas, ut laudem potius expectare ab omnibus debeas, quam cuiusquam fastidium extimescere. Cave igitur posthac, difficile tibi quiddam atque arduum putes, ad Muretum scribere. Hanc modo mihi veniam dato, ut ad litteras tuas, quæ mihi quocrebriores, eo iucundiores futuræ sunt, solutius ac negligentius, id est, hoc familiari ac quotidiano sermonis genere, respondere liceat. Nihil enim invitius facio, quam ut in limandis ac poliendis epistolis otio abutar. Neque mihi ullum præceptorum, quæ tradita sunt a dicendis magistris, magis placet, quam illud, dandum esse operam, ut sponte fluere videatur oratio. Ego vero, ut magis videatur, sponte plane fluere eam sino, & ignaviæ meæ excusationem ab ipsis magistris peto. Tu quoque, si me amas, aut potius quoniam me amas, imitare, cum ad me scribes, hanc ipsam negligentiam meam: ne, si accuratius scripserim, mihi quoque accurate scribendi necessitatem imponere videaris. Deus & studia & totam vivendi rationem tuam ad gloriam suam perpetuo dirigat. Vale. Romæ. vi. Non. Martii, quo ipso die litteras a Bencio accepi: ne me ad eas serius respondere mireris.

M. ANTONIUS MURETUS S. D.

FABRICIO MANCINO.

LXIII.

JAm pridem ad te scripsi, quod iterum scribam, quando litteras meas ad te perlatas non esse video, ineptos istos, de quibus scribis, indignos prorsus esse, quibus respondetur, ita se ne leviter quidem litteris tinctos esse declarant. Quid enim est, cur de *Paulo & Quinto* me potissimum accusent? Cur non cum *Manutio* potius & cum *Sigonio* agunt? quorum uterque ante hos, opinor, viginti quinque annos ita scribendum esse docuit. Et certe in verustis marmoribus, præcique in Fastis Capitolinis perpetuo scribitur. At versum illum exagitant:

Una virum & virtutum omnium acerba lues.

Ridicula capita, quasi non ei plane gemitus sit ille Cæ-
tullianus:

Troja virum & virtutum omnium acerba cinis.

Desinant igitur stultitiam prodere ac patefacere, & pri-
ma saltē elementa discant, priusquam de reprehendendo co-
gitent. Satisfacere tibi, quem video mei studiosum esse;
volui: a liouī tam stultas reprehensiones risu ac silentio
excepturus. Tu quoque idem facias, suadeo, & istos con-
temnas, ac consensescere in inscitia sua sinas. Stulta illos
dese persuasio indignos, qui doceantur, facit. Versiculi
tui valde me oblectaverunt: nam & scite ac lepide facti
sunt, & habent insignem significationem amoris erga me
tui. Si quid hic erit quod me causa tua facere posse arbi-
traris, non omittam ut frustra me amare videris. Vale.
vi. Kal. Julii; (quo ipso die acceperam litteras a te scriptas
Idibus Maji, ne me forte ad eas serius respondere mireris.)
MDLXXXIV.

B. BRISSONIUS

M. ANTONIO MURETO S.D.

LXIV.

SVavissimis tuis ad Pincæum nostrum litteris (/) pro-
vocus, in quibus non minus amoris in me tui, quam
Romani leporis, non leviter pressa vestigia apparent; fa-
cere non potui; quin has ad te mutæ voluntatis testes, in
maximis quibus distineor occupationibus, darem: ne cum
tibi summa omnia semper tribuerim, in amore etiam,
in quo paria tecum facio, superari viderer. Quod si per
Pararium nomen faciendum sit, eundem Pincæum, quo
cum multus mihi de te quotidie sermo est, adpromisso-
rem dabo, & quicquid ille tibi de me receperit, cumu-
latissime præstaturum me spondebo. Nullam quidem certe
posthac certificandæ amicitæ nostræ occasionem præter-
mittam, nec committam, ut ulla in re meum abs te offi-
cium requiri aut desiderari possit. Vale. Lutetiæ Parisior.
Non. Aprilis MDLXXXIV.

S 2

MU.

(C) Epistola hujus libri IX.

MURETUS

BARNABÆ BRISSONIO

Parisiensis Senatus Præsidi V. C. S. D.

LXV.

Respondet precedenti.

EΤί μὴ τίμορος haberi nolim, gaudeo tamen, quod apud Pincæum nostrum per litteras conquestus le-
viter sum de formula illa, cuius animadversæ laus, si qua
in tantula re laus est, alii abste tributa erat. Elicui enim
hoc modo litteras tuas, quibus mihi nihil jucundius contin-
gere poterat. Ego te, Brissioni, semper maximi feci, non
propter illa externæ, quæ vulgi oculos in se convertunt: sed
propter illa vere ac proprie tua, quæ & te provexerunt ad
istum, in quo es, dignitatis gradum, & proventura, ut
spero, sunt etiam altius, & si nihil tale aut effecissent,
aut effectura essent, omni te tamen cultu atque observa-
tia dignissimum reddidissent. Virtus enim & eruditio, ve-
ra mihi & solida videntur ποῶ: αὐτὸ δὲ λοιπὸν πάντα προσέ-
χου. A te peto, ut me mutuo ames, & si quando erit oriam,
participem per litteras me facias suavitatis tuæ. Quæ tibi
fuit, eadem mihi causa brevitatis est, occupationum mul-
titudine, quibus te perpetuo distineri scio. Vale. Romæ,
 prid. Non. Maji. MDLXXXIV.

MURETUS

R. PINCÆO

Consiliario Regio V. C. S. D.

LXVI.

BEne & amice factum a te de Brissonio, cuius mihi
litteræ sane quam luavēs fuerunt. Ad eas rescribens,
eadem βραχυλογίᾳ usus sum, tum ne occupationes ipsius
interpellarem; tum quia nulla nunc quidem erat ὑπόθεσις.
Quod jocosè, ita enim accipio, quereris illud meum ἔπος

γ'δior de circumfione (r), ad quemvis potius, quam ad
 te, miffum effe: vide, ne quid tibi jumento, ut ait Plau-
 tus, (u) tuo arceffas mali. Nam fi pergis, tam frequen-
 ter mittam ad te aliquid nœniarum mearum, ut dicturus
 fis, Ohe jam fatis eft. (x) Equidem quamquam vix fas eft
 de vobis talibus viris quidquam fequius fufpicari: fubve-
 reor tamen interdum, ne ludatis me, hominem fimplicem
 & credulum, & poftuletis ad vos mitti mea, ne deſit,
 quod rideatis. Quid enim a me, quod veſtra noſt dicam
 commendatione, fed leſione dignum fit, præſtari poteſt?
 Sed tamen veſtra iſta cura ac cogitatio fuerit. Ego bona
 fide agam; & quidquid cuderò, mittam ad vos; & fi ni-
 hil aliud, ambitioni certe cuidam meæ ſerviam; oſtentabo-
 que epiſtolas veſtras, ut me homines putent eſſe aliquid,
 cujus ſcripta a ſummis viris exſpectantur. Et ut hinc nu-
 merare incipias, mitto ad te neſcio quid verſuum, quos
 feci nuper, cum ad me Job. Zamofcius magnus Poloniæ
 Cancellarius duo ingentia nomifmata aurea miſiſſet, quo-
 rum in uno Stephani Regis effigies viſitur, in altero i plus
 Zamofcii: ex adverſo autem, in illo quidem Regio, pro-
 vinciaæ duæ, quas ipſe ab hoſtibus recepit, in Zamofciano
 autem coronæ duæ implexæ, oleagina una, laurea alte-
 ra, additis vocibus, *utraq; civis*. Volui, ut potui, virum
 ſumma dignitate præditum remunerari, & ſaltem reddere
 ærea pro aureis. Atque utinam idipſum aſſecutus ſim, ut
 ſaltem ærea remiſerim. Valde enim metuo, ne miſerim
 ἄδ' ἐχλυσ' ἀξία. Ero, igitur Chærilus, qui *incultis verſi-*
b; male factis retulis acceptos: noſti cætera. (y) Eos
 tu ſemel lectos concerpas, an etiam oſendas quibus vide-
 bitur, judicii atque arbitrii tui res eſto. Ad Gillottum
 V. C. poſt illam oratiunculam, miſi etiam libros duode-
 cim Hiſtoriarum Pii Secundi Pontificis: itemque Græ-
 cum librum veterem, quo ſumma quædam analytices, &
 phyſices luculenter explicata continentur. Neque tamen
 ab eo litteras poſtea ullas accepi. Spero fore, ut brevi
 nanciſcar aliquid otii: quod ſi dabitur, explebo vos nugis
 meis. Heri conveni Cardinalem S. Stephani, & cum eo

S 3

dete

(r) *Vol. II. Orat. III.*(u) *Amphitr. Act. I. ſc. I. v. 171.*(x) *Marrial. IV. Epigr. ult.*(y) *Regale nomisma, Philippus, Horat. lib. II. Epiſt.*

de te diu collocatus sum. Mihi crede; valde te amat, Ty
quæso ex illo nobilissimo confesso vestro, quos mihi ami-
cos esse scis, eos, quod commodo tuo fiat, meis verbis
saluta. Romæ. Non. Maj. MDLXXXIV.

R. PINCÆUS

M. ANTONIO MURETO S. D.
LXVII.

Respondet præcedenti,

NÆ tu homo liberalis es, Murete doctissime, & apud
quem optime ponitur, qui pro duobus numismatibus
Zamolcii aureis plurimos versus reddas, non aureos illos
quidem tantum, sed auro ipso, gemmis ipsis, si quid hoc
in rem mei iudicii est, pretiosiores: in quibus Stephani Regis
itemque Magni ejus Cancellarii non effigies modo, sed mo-
res, velut ob oculos ponuntur; ita plane ut, quos a nobis in-
finita prope locorum distantia sejunxit, in oculis geramus,
quos nunquam viderimus, summa veneratione, tua opera,
prosequamur. *Excudent alii spirantia mollius ara.* (z) Mure-
tus *ἐκ τῆς ἀνδρείας τοιοῦτος ἐστὶ*, sed ea ex more dicit, & scribit,
quæ nullis numismatis, repræsentari, nulla oblivione dele-
ri queant; ut quod olim de Achille scriptum legitur, feli-
cem illum qui præconem laudum suarum Homerum inven-
nisset, de Stephano Rege, Zamoscio jure dici possit; feli-
ces ambo, qui celebri tuo præconio ad omnem posterita-
tis memoriam commendentur. Quominus dubium tibi vi-
deri debet, quid a nobis, quando rem totam nostri arbi-
trii esse voluisti, de suavissimis tuis versibus factum fuit:
arripuimus, perlegimus, non libenter modo, sed etiam
cupide; ac ne tam solida gaudia in sinu gaudere nos putes,
συγχοῖς quoque ostentamus. Addam & illud, quod fortas-
se non existimasses, his legendis idem mihi evenisse, quo-
iis solet accidere, qui in Sole ambulant, ut etiam si aliam
ob causam ambulent, necesse tamen sit eos colorari; ita
me, qui nunquam in bicipiti Parnasso, ut ille (a) ait
fomniavi, repente poetam evasisse. Quam bonum, nihil
ad

(z) Virgil. VI. Æn. v. 347.

(a) Pers. proœm. Satyr.

ad rem: tenere tamen me non potui, quin tuo, ut inter-
 pretor, ἐνδοσιαμῶ correprus, aliquot ex tempore verius
 & effuderim, & remisero; non ut te quam similimo mu-
 nere remunerarer, (essent enim χάλκη χρυσῶν) sed,
 ut si nihil aliud in eo genere assequer, talem, velut
 anser inter olores, obstreperem. Tu, quod esse debuisset
 vacuæ mentis opus, profectum ab homine negotii forensi-
 bus occupato æqui bonique consule. Br. Tonius tuas a me lit-
 teras accepit, teque salvere jubet. Vale, & me, ut facis,
 ama. Lutetiæ. A. D. xvi. Kal. Quint. MDLXXXIV.

JACOBUS GILLOTUS

M. ANTONIO MURETO V. C. S. D.

LXVIII.

EX epistola ad Pincæum nostrum, lepida certe & Mure-
 to digna, illum etiam aliquando de nobis cogitare per-
 spexi, & ad me libros quosdam misisse intellexi: (b) quos
 ut summum beneficium, supinis manibus accipiam, non-
 dum enim mihi traditi sunt. Recordatio autem tua mei,
 magno mihi ornamento fuit, & semper erit. Quosdam libel-
 los e typographia Morelli ad te dederam, qui longo post tem-
 pore, quâ te acceptos putabam, in manus meas recide-
 runt: arbitror, quod fasciculus sub Legati olim nostri Fo-
 xii, jam defuncti, nomine perirebatur. Eos remitto.
 Cæterum quod scripta tua, ab omnibus literatis valde
 expetita, subverecunde nobis negare videris, mihi crede,
 peccas. Nemo est, qui; si litteras sciat, & tuas vel epistolas,
 vel orationes, vel lucubrationes legat, esse te non cognoscat,
 Muretum unquam e manibus dimittat. Utinam te omnes
 & audire & videre possent! Legi de nominum Stephani
 Poloni & Zamoscii tua illa χρυσά ἐπη: e quibus ut & ex
 omnibus, quæ ab ore prodeunt tuo, judicare te licet χρυ-
 σορρήμονα. Nomismata, scio, multis de causis plurimi fecisti
 & facis: Δίμμε perdάνει μὴ τὰ ἐπὶ ἀντὶ τῶν νομισμά-
 των εἰλόμην. Quæ qui habeat, ipsa nomismata facile & mē-
 rito contemnat. Poloni certe & Zamoscii ora omnium ocu-
 lis subiecasti, qui illos nunquam sunt intuiti. A petitione
 Taciti non desisto, nec de eo tecum expositulandi finem fa-
 ciam;

S 4

(b) Respice ad Epist. LXVI. prope fin.

ciam. Cave ne adversum te Judices adeam nomine publico, & tanquam legitimus totius Reipublicæ litterariæ actor, te condemnare ex sollicitatione, quam in communem, non unius civitatis aut reipublicæ, sed totius orbis utilitatem fecisti. Et si moram facere pergis, usura accedent. Denique quasi debitum, ea omnia quæ cudiisti, quæ cudiis, & post hac cudes, a te exigí posse contendo: ut qui tot opera in publicum commodum servare aggressus es, perficere obligatus sis. Quis sit rerum nostrarum status, a me, qui rempublicam nulla ex parte attingo, non accipies. Porcium, Pistracum, & Ferrerium (quem inreruisse ferunt) *ταρπιτραις* scis quantos viros, legemus. Cæsaris nostri interitum, cuius nuncium jam ad vos allatum non dubito, an rumor rerum, an spes melior consequatur, incerti sumus. Novi (sat scio) rumores jam sparguntur, & ad aures vestras forte allati celebres & magni, de quibus non nisi manu trepida scribere licet. *Quando jam libera nulli Lingua manusque suæ voces & scripta notantur.* Illi solemnia funeris parantur. Deducetur, si verum est, quod audimus, VI. aut V. Kal. Julii. regio, ut dicunt, honore. Hoc ausu fortasse temerario Latine scripsi, bonitati tuæ confidens potius, quam censoriam severitatem timens. Veniam, ut spero, mihi & incipientiam & negotia excusanti dabis. Vale Luteriæ. XIII. Kal. Julii, MDLXXXIV.

STEPHANUS DEI GRATIA REX POLONIÆ,

Magnus Dux Lituanie, Russia, Prussia, Massovia, Samogitia, Livoniaeque &c. Transilvania Princeps,

M. ANTONIO MURETO

LXIX.

Reverende, devote, dilecte, singulari doctrina atque eruditione Devot. Vestre a multis, humanitatis eius, atque erga subditos nostros studium a Venerabili etiam Stanislo Ratione Secretario nostro diligenter prædicatâ nobis sunt. Quæ cum nos merito maximi faciamus, prætermittere nolumus, ut cum hoc tempore Illustrum & Reverendum Andream Battori de Somio, Illustris olim Andreæ fratris nostri filium, Præpositumque Mitehoviensem, in Urbem ad S. D. N.

EPISTOLA LXX. 281

S. D. N. mitteremus, litteras hisce nostram erga devo-
tionem vestram propensionem testificaremur. Uberius au-
tem ex eodem fratris nostri filio coram eam cognoscet
devotio vestra, quam valere cupimus. Cracoviæ, die VII.
Mensis Septembris, Anno Domini MDLXXXIII, Regni
nostri octavo.

STEPHANUS REX.

SERENISSIMO AC POTENTISSIMO

PRINCIPI STEPHANO

*Dei Gratia Polonia Regi, Magno Duci Litvania, Russia,
Prussia, Massovia, Samogitia, Livonia, Transilvania
Principi &c.*

M. ANTONIUS MURETUS S. D.

LXX.

Respondet præcedenti.

AD litteras, quas pridem Majestas tua ad me scribere
dignata est, statim respondere necesse non judicavi:
cum præsertim is ipse, qui eas mihi reddiderat, Illustri-
simus & Reverendissimus D. Andreas Battorius non ita
multo post istuc rediturus diceretur. Ita igitur diem ex die
ducens, usque huc distuli, cum scirem, Majestatem tuam
longe gravioribus curis occupatam esse, quam ut de meis,
tenuis & obscuri hominis, litteris cogitaret. Nunc autem
cum idem ille, non hoc tantum sæculo, sed etiam, si
optimis temporibus natus esset, rari & insignis exempli
semper futurus adolescens, fratris tui filius summo bono-
rum omnium gaudio Cardinalitia dignitate decoratus,
reditum istuc pararet, scribendum mihi esse ad Maje-
statem tuam duxi: primum ut immortales ei gratias age-
rem, quod eam mihi honorem habuerit; cuius ego si ul-
lam unquam partem promereri potuero, præclare mecum
actum esse existimabo. Deinde ut ei gratuler, quod e sine
ac complexu suo tanta ac tam commemorabili virtute præ-
clarum adolescentem huc miserit. Qui ita se perpetuo ges-
sit.

fit, ut sanctitate viræ, pietate in Deum, munificentia in egenos, comitate & affabilitate erga omnes, omnium sibi summorum, infirmorum studia voluntateque devinere: ita ut dici vix possit, universa hæc civitas magis illius honore lætata sit, an abitu doleat. Nos hic, serenissime Rex, multa de tuis omni genere plane regis virtutibus, deque iis, quæ a te fortissime & felicissime gerantur, assidue audimus. Quibus eo res perducta est, ut unicum esse te hodie vivum ac spirans perfecti Regis exemplum, ne illi quidem jam negare audeant, qui de principio regnare te, non satis æquo fortassis animo ferebant. Deus Optimum Maximus Majestatem tuam quotidie in majus ac melius provehat, eamque mentem immittat cæteris Regibus, ut tandem aliquando exemplum ipsius secuti, ad rem Christianam constabiliendam, & ad hostes illius comprimendos potius quam ad explendas cum publica pernicie cupiditates suas animum adjungant. Romæ, vii. Kalend. Augusti MDLXXXIV.

HERMANNUS ORTEMBERGUS

M. ANTONIO MURETO.

L. C. G. C. Romano S.

LXXI.

Q UOD est meum erga te studium, & officium, nihil æque mihi curæ est, atque re ipsa ostendere, quanti te faciam. Itaque diu anxius fui, quonam pacto fasciculum, quem mihi Roma proficiscenti credidisti, quam tutissimo transmitterem. Nam Francofurtum, propterea quod vererer, ne ob viarum impedimenta, & latrocinia, nemo illuc Antuerpia veniret, minime quidem expeditum: Antuerpiam autem recta mittere, hoc tempore mihi longe periculosissimum videbatur. Quamobrem ea de re ægi aliquoties cum magistro veredariorum Tridenti, viro fideli, mihiq; amico, qui cum affirmaret, eos Coloniam Ubiorum sine ullo periculo dirigi posse, suamque in ea re operam mihi promitteret; opportune admodum litteras accepi a viro multis nominibus clarissimo, Johanne Metello, Sequano, qui Coloniæ sedes habet, in qui-

quibus scriptum erat: *Muretum litteratorum hominum principem meis verbis obsecro salutem, eique nuntia, me tuas litteras (Roma enim ad illum miseram) de eius edendis libris ad Plantinum misisse. Si quid praterea per me conspici volet, non recusabo, sed offero.* Fasciculum itaque illam Coloniam misi ad eundem Metellium, ut is per occasionem ad Plantinum transmittat. Quod spero brevi fideliterque facturum, idque simul ab ipso intellexero, faciam te illico certiore, ea tamen lege, ut, si fortasse Plantinus de eo ad se perlato ante ad te scribat, id tu mihi quoque significes. Sum enim in maxima expectatione ejus rei, neque animo ero quieto, priusquam salvum in manus Plantini traditum esse cognovero. Vale. Tridenti. xvi. Kal. Octob. MDLXXVIII.

M. ANTONIUS MURETUS

HERMANNO ORTEMBERGO SUO S. D.

LXXII.

Respondet precedenti.

ET si mihi nunquam dubium fuit, quin abs te amarer; tamen ejus rei magnam mihi fidem fecerunt litteræ tuæ, tanta enim fide ac diligentia negotium tibi a me mandatum curasti, ut ego ipse majorem optare non potuerim. Johannem Metellum jam pridem e libris Antonii Augustini, & e sermonibus Hieronymi Oforii novoram; sed eum mihi tanto opere amicum esse nesciebam. Peto a te, ut, cum primum copiaxerit, eum meo nomine salutes: eique pro certo confirmes, me valde quidem litteratum non esse, sed valde observantem ejusmodi virorum, qualis ipse est, hoc est, eruditione & virtute præstantium. Itaque si quid a me causa tua hic fieri posse arbitretur, magnæ mihi curæ fore, ut plane percipiat, se a me mirabiliter amari. A Plantino nihil adhuc accepi. Si quid accepero, faciam te statim certiore. Tu quoque itidem facias, a te majorem in modum peto atque contendo. Hermannem optime & suavissime, etiam atque etiam vale. Romæ. xv. Kal. Nov. MDLXXVIII.

AN.

ANDRÆ BATHOREO

S. R. E. Cardinali ac Principi Illustrissimo

M. ANTONIUS MURETUS S. D.

LXXIII.

De ipso Natalis Dominici accepi exoptatissimas mihi litteras tuas, quibus haud scio an quicquam mihi gratius ac jucundius adferri potuerit. Nam cum iam pridem audissem ita te pro tua summa humanitate ac comitate mei memorem fuisse, ut ex ipso itinere ad me scribere dignatus esses, litteræ autem tuæ nusquam comparerent; conficiebar miro quodam angore animi, neque levationem ullam reperire poteram, præter eam unam, quam mihi litteræ tuæ attulerunt. Ego te, Cardinalis optime ac præstantissime, semper observavi ac colui, captus non tam nobilitate ipsa regii generis tui, quam admiratione tuarum singularium in omni genere virtutum: quibus ita tibi, dum in Urbe versatus es, omnium voluntates conciliasse ac devinxisti, ut hodie quoque absente te, cum solutiones linguae, & liberiora iudicia esse solent, nemo tamen aliter de te, quam de perfecto quodam & omnibus numeris absoluto virtutis exemplo loquatur. Ex quo facile potes intelligere, quantopere mihi et tali patrono gloriantum sit: quantaque in parte felicitatis ponere debeam, quod non tantum in clientibus tua voluntate numerer, sed etiam, nullo merito meo, apud te aliquo in pretio habear. Equidem, quantum in me erit, omni studio conitabar efficere, ut conservem tuam istam erga me animi propensionem: neque quicquam habeo antiquius, quam ut præstem ea omnia, quæ tibi ex me non injucunda accidere posse arbitrabor. Ac quoniam ab homine in libris ac litterulis abdito vix aliud exspectari quicquam potest, mittam ad te fœtus quosdam ingeni mei: non illos quidem valde dignos qui a te inspiciantur, sed tamen non infœque tibi, ut spes est, ingratos futuros, quod ab homine tui observantissimo proficiſcentur. Mittam igitur, si Deus volet, ante finem mensis Januarii libros duos Rhetoricorum Aristotelis a me conversos in gratiam pio-

rium

EPISTOLA LXXIII. 285

rum quorundam & eruditorum hominum & Sodalitate
JESU, (c) qui pro auctoritate, qua plurimum apud me
valent, egerunt mecum, ut id munus fusciperem, quod
interpretationem, qua in scholis suis uterentur, reperire
se ullam negarent. Hoc igitur primum. Sub finem autem
mensis Aprilis, spero fore, ut mittam opera omnia, quæ
quidem exstant, Senecæ, emendata a me innumerabilibus
locis, aditis etiam notis quibusdam meis. Eum vero li-
brum spero & tibi, & magno Cancellario, & vero ipsi Se-
renissimo Regi ac Domino meo dignum visum iri; in quo
subcisiui temporis aliquid collocetur. Quod si tu mihi ani-
mos facies, laxabo fortassis frænos veteri cuidam ambitioni
meæ, quam usque hoc compressi ac continui; & tentabo,
si quid transmittere ad posteros possim, quod me vobis quo-
que carum vixisse testetur. Nihil tamen temere fuscipi-
am, neque quicquam tale tentabo, nisi tu me prius
arrogantiæ metu liberaris. Interæa peto a te quanta ma-
xima contentione possum, primum ut me ames; deinde
ut tum Serenissimi Regis, tum affinis tui viri omni lau-
de præstantis Zamoscii benevolentiam mihi omni ratione
conserves. Vale. Romæ. iv. Kalen. Jan. MDLXXXIV.

ANDREAS CARD. BATHOREUS

M. ANTONIO MURETO S.D.P.

LXXIV.

Respondet præcedenti.

Litteræ tuæ IV. Kal. Januarii datæ, nuper autem ad
me perlatæ, tanto mihi jucundiores acciderunt,
quanto majore illarum desiderio, & expectatione jam pri-
dem tenebar. Verebar enim ne, si posteriores hæc meæ,
quemadmodum priores illæ, quas Bononia scripseram, in-
tercidissent, & tibi meæ erga te optimæ voluntatis testi-
monio, & mihi tuarum lectione carèndum aliquandiu es-
set. Nunc itaque non possum non gaudere, & meas tibi
redditas esse, & in tuis hisce eam, quam cum essemus in
Urbe coram satis perspexi, amoris erga me tui significati-
onem elucere. Quæ ut me mirifice afficit, ita tibi non fru-
stra

(c) Bencii imprimis, cui & dedicavit. Vide lib. II. Epist. 98.

fra polliceri & potes & debes, te a me in maximo pretio
 haberi, propter insignes ingenii, eruditionis, pulcherri-
 marumque virtutum dotes, quibus in tui amorem & ad-
 mirationem omnium animos pertraxisti. Quamobrem si
 quibus in rebus tibi gratificari potero, scias velim, me
 nullam præclare de te merendi occasionem unquam præ-
 termissurum. Ingenii tui scæus, quos te mihi missurum
 scribis, maximam cum alacritate expecto, Senecam præfer-
 tim, quem a mendis purgandum & notis illustrandum cu-
 rasti, maximam certe gratiam apud omnes optimarum li-
 terarum amatores inibis. Dixi Serenissimo Regi Domino &
 patru meo, cum nuper ad me esset, de tam propensa er-
 ga nos voluntate consilioque tuo, quod illi perquam gratum
 accidit. De te vero præclare & sentit & loquitur. Ma-
 gnus Cancellarius, affinis meus, ad latus Regis non erat:
 faciam eum tamen de tuis cogitationibus certiores. Scio
 enim, te tuaque ab illo vehementer amari. Utinam autem
 is ego sim, qui non solum tibi animos faciam ab evulgandas
 lucubrationes tuas, quas hucusque comprimis & conti-
 nes, sed plane id ego unus a te impetrem, quod publi-
 ca utilitas, & omnium, qui laborum tuorum fructus ex-
 petunt, summum desiderium jampridem obrinere me-
 rito debeat. In maxima felicitatis meæ parte id ponerem:
 Persuadere tibi certe id potest vel ipsa consilii tui ratio,
 qua ductus ad scribendum accessisti, nimirum profectus pu-
 blici contemplatio. Cujus quoniam tu in omnibus studiis
 & exercitationibus tuis, summa cum tui nominis gloria, ma-
 ximam semper curam habuisti, committere profecto non de-
 bes, ut ea præclari ingenii tui monumenta in tenebris
 delitescant, quæ ad eruditionem solidam parandam luci-
 plurimum adferre multis possunt. Quamobrem quod factu-
 rus es aliquando, facias id quæso citius vel mea causa, ut
 & desiderio plurimorum morem geras, &, quod mihi ma-
 ximæ laudi gloriæque perpetuæ ducam, posteritati nos ti-
 bi caros cum primis fuisse, vel hoc indicio patrum facias.
 Vale, vir præstantissime: & cum propter multam lectio-
 nem te merito βιβλιοφάγον vocare possimus, si diutius lu-
 cubrationes tuas presseris, ne te deinceps βιβλιοτάπον ap-
 pellemus, cave. Datum Mechovix VII. Idus Aprilis
 Anno Domini MDLXXXV.

NATIO GERMANORUM

In Schola Patavina Jurisprudentiam operam navans.

M. ANTONIO MURETO S. D.

LXXV.

REm arduam sane tentamus, atque difficilem, sed ut speramus iudicio tuo, Murete, & auctoritate confirmati, laudabilem imprimis & fructuosam, non tam Nationi nostræ, quam universæ Reipublicæ litterariæ. Petimus a scholæ Patavinæ Triumviris, magno multorum nobis adversantium odio atque invidia, Jureconsultum, qui Pandectas juris civilis in eadem Schola publice interpretetur, non more illo barbaro, & incondito; sed Gallico, hoc est omnium recto sententiarum iudiciis comprobato. Ex omnibus autem Jureconsultis, quos præcellenti doctrina in Italia vel ipsi novimus, vel fama & prædicatione aliorum accepimus, neminem scimus, quam tibi hac in parte comparare, ne dum anteferre, debeamus. Quod itaque ex fide dignis hominibus jam pridem intellexissemus, non te penitus consilium abjecisse redeundi in hæc loca, & in iis, quod vitæ reliquum est, transigendi: unum te, quamvis ignarum hujus instituti nostri, ex omnibus nominare, & a Triumviris coram & per litteras flagitare non dubitavimus. Qui nobis polliciti fuerunt denique se ad Legatum Venetum, qui Romæ est, scripturos, eique ut de hac re tecum agat, negotium daturus. Quia vero scire non possumus, quid tecum ille, aut an omnino egerit aliquid, ex diuturna veremora, & conatibus multorum, spei nostræ quædam minus convenientia metuimus: his te litteris rogare ausi sumus, ut de tota hac re, deque animo & consilio tuo, aliquid certi quamprimum nobis significare ne graveris. Nam illud humanitas singulari tua, & animus ille tuus ad præclara omnia comparatus, ne rogare quidem nos patitur, ne vel desiderio nostro tam honesto, vel communium litterarum causæ, vel laudi denique & gloriæ tuæ deesse velis. Quam etsi summam jam adeptus es, splendescet illa magis tamen, novæ hujus dignitatis quasi luce collustrata: quæ ad omnis gloriæ cumulum uni tibi divina quadam sorte destinata videtur. Præ-

Attico

stitisti tu quidem antehac eximia omnia, planeque admiranda, & eloquentia tua prope divina omnes populos aggentes tibi devinxisti, quæ sensu aliquo humanitatis prædictæ sunt. Reliquæ sunt ad extremum vitæ æcum tibi reservatus, ingens quidem ille labor, sed viro magnanimo, & ad summum laudis, & gloriæ fastigium contendenti, optatus maxime atque jucundus, ut scilicet, alter tantquam Hercules, hydra illa tot capitum confecta, Augiæ stabulo expurgata, denique barbarie foedissima profligata, reginam scientiarum omnium summi prudentiam in pristinam dignitatis sedem restituas. Est illa sane laus maxima, ut diximus, quam ex cæteris studiis & laboribus tuis es consecutus: sed tamen communis tibi quodammodo cum doctissimis quibusdam viris. Hæc vero laus, quæ ex inusitato & præclarissimo facinore te manebit, tua erit propria, tibi que uni victoriæ tam insignis triumphus omnes debebuntur. Sed indecore facimus, qui ad ea te incitemus, ad quæ sponte te inflammatum esse novimus. Studium profecto summum, & desiderium tui nostrum, ex his litteris perspicies. Cui desiderio si eventus responderit, tuque ipse optatissimi adventus ad nos tui nobis confirmaveris: officio apud Triumviros nostro non sumus defuturi, & si quid nationis nostræ preces, si quid utilitas & dignitas scholæ Patavinæ, apud viros prudentissimos, & litterarum amatissimos poterunt, brevi magnum illum Muretum in amplissimo hoc orbis terrarum Gymnasio, de omni barbarie triumphantem aspiciemus. Vale. Datæ Patavii. rrr. Non. Januarii, Anno post partum Virginis MDLXXVIII.

ORNATISSIMÆ AC NOBILISSIMÆ

*Sodalitati Germanorum, in schola Patavina
Jurisprudentiæ studia colentium*

M. ANTONIUS MURETUS S. D.

LXXVI.

Respondet precedenti.

Tertio Idus Januarii, cum jam ad vesperas cerneret, accipi litteras vestras: hoc est, eo ipso die, quo tabelari

larii publici, qui statis diebus hinc Venetias eunt, iter ingressuri erant: quo factum est, ut statim respondere non potuerim. Postridie autem ejusdiei conveni Legatum Venetum, ut ex eo cognoscerem, num quid in mandatis habuisset ea de re, de qua vos ad me amantissime & honorificentissime scripleratis. Negavit, quicquam ad letale, aut a Triumviris, aut a quoquam alio scriptum esse. Ex quo facile intelligere potestis, non tantam haberi honestissimæ voluntatis vestræ rationem, quantam par erat. Omnino autem video, rationem illam tradendæ veræ ac solidæ Jurisprudentiæ, quæ hodie in Italia viget, Italici non placere: etsi ego quidem in hac urbe, cum libros Digestorum interpretarer, multorum studia commoveram, jamque illud contectus eram, ut plerique istorum, qui magno fastu illas, quas vos merito averte, inini, ineptias docent, soli in scholis relinquenterentur. Itaque quidam ex eis adierunt Pontificem accum eo egerunt, ut ne me illam docendi Juris rationem tenere pateretur; alioquin fore, ut juvenus orationis suavitatis capta præclaram Bartoli & talium doctrinam repudiarent; se quidem, si ego ulterius pergerem, destituros, potiusque se docendi munere abdicaturos. Quid plura? & ipsi facile persuaserunt quod volebant: & ego non ægre a me obtineri passus sum, ut annuo quingentorum nummo, um aureorum stipendio proposito, eloquentiæ potius & politices præcepta traderem. Nuper etiam cum me Stephanus Poloniæ Rex tantis propositis præmiis, quanta vix cuiquam alii cujusquam artis Professori hoc tempore proposita fuisse scimus, in Poloniam evocasset: Pontifex, ut me in Urbe retineret, suapte sponte ad vetus illud stipendium quingentorum ducentos præterea nummos aureos annuos addidit, porroque se multa facturum pollicetur, quo mihi magis in Urbe esse libeat. Quo igitur in statu res sit, videtis. Hæc sterno quidem die curavi, ut ipse Pontifex per Oratorem Regis Galliæ, qui hic est, de vestra audiendi mei cupiditate certior fieret. Qui cum hoc libenter accepisse vilis esset, cur non ipsi, inquit, potius huc veniunt: excipientur enim a nobis omni genere humanitatis: neque tunc impediemus, quominus Maretus arbitratu suo illorum studiis obsequatur. Certe Pontifex ipse propensissima est in gentem vestram voluntate: neque vobis ignotum est, quantam vim pecuniæ quorannis attri-

buerit & assignaverit Germanis aliquot adolescentibus educandis. Ego vero, Nobilissimi & Ornatissimi Viri, semper mirifico animo erga Germanos fui: motus ingenua quadam simplicitate, & integritate ab omni furo & fallaciis remotissima, quam in eorum plerisque ita cognovebam, ut eam laudem gentis vestrae propriam esse statuerem. Quando igitur istic una esse non licet: videte num rationibus vestris expediat huc venire, & mecum una, communi studio, ad vindicandam a barbarie Jurisprudentiam incumbere. Mihi credite, si vobis huc venire libeat, aliquid fiet. Quæso autem obtestorque vos, ut quidquid hac de re consilii capietis; ad me scribere ne gravemini, vobisque ita plane persuadeatis, quicquid a me vestra causa, aut publice, aut privatim fieri poterit, id semper cupidissime facturum esse: Romæ. xv. Kalend. Februarii MDXXVIII.

M. ANTONIUS MURETUS

POMPILIO AMASÆO SUO S.D.

LXXVII.

Quod ad amantissime scriptas litteras tuas serius quam par erat, respondeo, peto a te, ut id, pro cætera tua humanitate, nostraque veteri amicitia, non dicam occupationibus, sed afflictæ valetudini meæ, multisque molestiis, quibus hoc toto tempore conflictatus sum, condonandum putes. Nam cum sextum jam menssem tantis tibiis, ac pedum doloribus vexatus sim, ut ardere interdum mihi viderer, eaque res & mihi somnum adimeret, & efficeret, ut neque cibum appeterem, & id ipsum, quod capiebam, non concoquerem, unde mirabilem eruditionem existere necesse erat: ita me diuturnitas morbi & magnitudo doloris effraverat, ut *ἄγριος τις καὶ ἀνθρώποις γένει μένος*, Telephi alicuius aut Philoctetæ, quam ejus quem me amici semper iudicaverant, similior viderer. Accedebat eo æque diuturnus, sed, ut res ipsa magno cum meo dolore docuit, periculosior morbus nobilissimi & humanissimi adolescentis Poloni, qui cum in ædibus meis diversaretur, sub id fere tempus, quo tuæ litteræ mihi redditæ sunt, tabe consumptus est: quo tantus cumulus additus est ad illam superiorem animi mei ægritudinem, ut nullum tempus,

nul-

nullum locum quietis reperire possem. Nunc cum Dei beneficio & prope convaluerim, & ægritudini ex amici morte conceptæ dies ipsa levationis aliquid adferre cœperit: respondebo ad litteras tuas, *διαπεφυλασθαι*. Ac primum quod veras, me amoris erga me tui magnitudinem litterarum gravitate metiri: ego quoque a te, Amasæ vir optimæ & eruditissimæ, peto, ut mecum eodem jure utaris: neve ex litterarum silentio factam unquam esse ullam de mea erga te, tibi, ut arbitror, non incognita, voluntate diminutionem, suspiceris. Sit igitur hoc inter nos positum ne alter ab altero, quod minus sæpe litteras accipiat, mihius etiam se amari putet. Nunc ad cætera. De Federico Silburgio, qui me sibi quasdam in Halicarnasæum & alios notas pollicitum esse ait: fieri quidem potest, ut ita sit; neque ego de eo, quem tu & doctissimum & humanissimum esse scribis, quidquam sequius suspicari debeo; sed tamen, quod inter nos dictum sit, neque Federici ipsius meminî neque me quidquam ejus generis cuiquam Germano pollicitum esse. Et, ut verum fatear, typographus ille, quem nominas, pessime hîc religionis nomine audit: ut quidquam cum eo habere commercii neque satis tutum, neque satis pium esse videatur. Cogitabis hoc ipse tecum paulo accuratius, meque, si id tanti putabis, quid tui consilii, ac sententiæ sit, admonebis. Venio nunc ad ultimam epistolæ tuæ partem: in qua omnibus ex partibus sese tuus ille sæpe spectatus in me amor ostendit. Quod ais, istius nobilissimæ civitatis (c) magistratus sæpe de me in Sigonii *τὸ μακρίτω* locum vocando ac substituendo cogitasse; sed cum scirent, quomodo hîc res meæ constitutæ ac constabilitæ sint, putasse me non facile ad eam conditionem accipiendam adduci posse; quod si spem aliquam ostendero muneris illius non detrectandi, & ipsos cupide facturos omnia, & te studiose operam daturum, ut id quam maximo meo commodo fiat: primum video quantum illi splendidissimo & honoratissimo XL. Virum consilio debeam, qui de me, homine nulla eximia eruditione prædito, tam honorificum judicium fecerint; deinde tibi, Pompili amicissimæ, vel hoc uno nomine ita esse me obstrictum ac devinctum agnosco, ut tecum unquam paria faciendi omni mihi

T. 2

spes

(c) Bononiensis. In hac enim morruum fuisse Sigonium, testis Bucholtz, Chronol. ad A. 1584. p. 674.

pes plane præcisa sit. Equidem si paulominus senex essem, non ambirem quidem istum honoris gradum, conscius mihi reuitatis meæ: sed ultra delatum, sine ulla detractatione avidissime arriperem. Nunc quam me multæ res impediunt, ne id facere possim, vide. Vixi Romæ annos plus minus XXIV. quo toto tempore prolixam & propensam erga me agnovi & populi Romani & summorum Pontificum voluntatem. Præcipue autem Gregorius XIII. Pontifex ad bene merendum de omni humano genere natus, ita me perpetuo fovit, ea est charitate complexus, ut si mihi vita pro eo refundenda sit, nullam tamen beneficiorum ipsius erga me partem videar concepturus. Quo igitur præ, qui nuper ab eo, ut veteranus emeritis stipendius, inissionem & petierim & impetraverim, petere ab eodem audeam, ut me istuc venire patiatur? An pœnituisse me dicam, quantum mihi honorarii nomine quotannis penderetur? Septingenti aurei nummi: quantum nemo, opinor, ante me, qui hoc litterarum genus prosteretur, accepit. Et tamen, si ea me res movisset, nihil facilius erat, quam efficere, ut ad eam summam aliquid adderetur. Sed demus, aliquid tamen causæ reperiri posse, cur qui Romæ amplius docere noluerm, Bononiæ, quamvis eosdem labores suscipiam, non reculem: quid, quod ea migratio sine luculento rei familiaris detrimento a me fieri non potest? Hic in ædibus meis non commode tantum, sed etiam pro meo capto, splendide habito. Illic pro ædibus pendenda merces erit; distrahenda supellex, & quæ magno empta sunt, villi addicenda; emenda Bononiæ nova, maiore fortassis pretio, usu minore; sumptus in itinere, & in librorum meorum gestatione faciendi. Trecenti aurei nummi, quos mihi otioso Pontifex persolveri voluit quotannis ex ea ipsa pecunia, quæ iis, qui publice in Urbe docent, adsignata est, adimentur fortasse, si alio me contulero. Multas hic habeo militias, ex quibus tantum fere capio, quantum ad alendam familiam sit satis: absentibus multa ex earum fructibus amittenda sunt. E pensionibus, ut vocant, Ecclesiasticis septingentos nummos aureos annuos percipio. Debitores, qui sæpe lenti esse solent, non tam facile absens urgere potero, quam præsens, & magno Principum supremi ordinis favore subnixus. His tot incommodis remedium nullum reperiri potest. Ut igitur ergo longe plu-

plurimum debere me fateor iis, qui me tanto honore dignum censuerunt: ita eos supplex obtestor, ne iniquo animo ferant, neve me propterea minus ament, quod hoc tempore non posse me studio erga me suo obsequi vident. Val. le. Romæ. Id. Decemb. MDLXXXIV.

M. ANTONIUS MURETUS S. D.

PETRO LUPICO GOLONANO.

LXXVIII.

OCCupationes, quibus perpetuo distineor, effecerunt, ut ad litteras tuas, quas binas eodem exemplo accepi, serius quam par erat respondeam; eademque mihi nunc necessitatem brevitatis imponunt. Accipe igitur ad singula. Verba illa, *nunquam defugiam auctoritatem*, (d) nullo modo dici possunt a Parmenone. Nam, *defugere auctoritatem*, nihil omnino aliud est, quam nolle præstare ea, quæ te auctore facta sint: neque usquam genus hoc loquendi aliter a Latinis scriptoribus acceptum reperietur. Hoc si quis negat, iube locum unum ex aliquo bono atque idoneo Latinitatis auctore proferat, ubi aliter acceptum sit: & a me quod volet præmium petat. Præsto tibi, nullum unquam repertum iri. Itaque sponsonem quamlibet in eam rem facito: quicquid eo nomine pendendum fuerit, ipse præstabo, neque unquam defugiam auctoritatem. Atque hoc ita manifesto perspicui potest ex illis Plauti & Ciceronis locis, ut mirer, si quis aliter sentiat. Male igitur Donatus, qui ita exponit: *Non recusabo facere, dum tu tamen auctor sis facti*. Nunquam, inquam, quisquam, qui Latine sciret, ita dixit: *Defugere auctoritatem*. Viderat hoc & Victorius, (e) erroremque Donati vere eruditeque coarguerat, nisi, quod imprudens in eundem illum errorem incidit, quem in Donato notabat. Verum hoc esse constat ex his Victorii verbis, quibus locum Ciceronis (f) declarat: *Significat autem, se non defugere decens auctoritatem sui consolatus, se cuncta illa, quæ tunc gessit, consilium ac præferre & ordine gesta esse paratumque illa defendere*.

T 3

Bre-

(d) Apud Terent. Eunucho. Act. II. sc. 3. in fin.

(e) Lib. V. Var. Lect. c. 22.

(f) Orat. pro Sylla, p. 173.

Brevius omnino & concinnius poterat uti verbo præstandi, ut in jure civili auctor est, qui præstat evictionem: sed tamen, si nihil addidisset, ferri utrumque poterat. Sed vide quid addiderit: ac quacumque quasi jussisset ille ac mandavisset non recusaturum facere. Quæ interpretatio eadem est cum illa Donati. Nunc adhibe eam ad verba Ciceronis, ut videas, quam non vera sit. Attende, ait Cicero, jam Torquate, quam ego non defugiam auctoritatem consulatus mei. Id est, ut ego quidem interpretor, quam non recusem præstare, quicquid in consulatu gessi, recte atque ordine gestum esse. At, ut Victorius: Quam non recusaturus sim facere quacumque quasi jussisset ac mandavisset consulatus meus. Quid autem quasi jubere ac mandare poterat Ciceronis consulatus, cum ipse amplius consul non esset? Inspice totum Ciceronis locum. Videbis eum non de futuris, sed de præteritis loqui. Fac idem in Plautino loco: (g) si auctoritatem postea defugeris; id est, si Victorium sequare: si recusari facere quacumque ego jussero ac mandavero, qui quid alienius aut ineptius cogitari potest? Sed ego cum scholia illa (h) liberem, Victoriam, qui triennio, ut opinor, ante Libros Variarum Lectionum ediderat, exagitare nolui: neque enim mihi unquam ex aliorum insectatione gloriam percedam putavi. Quod autem illic quoque usus sum verbo præstandi (i) non eo feci, quod res apud me dubia esset: sed ut tu recte ac vere accipis, ne cui arrogantius loqui viderer. Ille autem, quisquis est, qui putat, me usum eo verbo, quod suspicantis potius esset, quam ullam certam sententiam proferentis, tritus videlicet non est in veteribus illis, qui etiam in his rebus, quas pro certissimis & exploratissimis haberi volunt, sæpe has voces adhibent, *doxæ*, *doxi*, *scios*, & ejusdem generis alias. Quod quæris, quæ causâ loci corrumpendi fuisse videatur, dicam tibi. In vetustissimis Plauti, Terentii, Aristophanis exemplaribus neque actuum, neque, ut indocti postea locuti sunt, scenarum, ac ne personarum quidem ulla certa distinctio erat. Omnia

(g) *Panul. Ael. l. sc. 1. v. 19.*

(h) *In Terentium.*

(i) Sic enim ibi scripserat: Hæc illius orationis (apud Ciceronem) cum sit v.s.: puto hoc quoque loco illud: Nunquam defugiam auctoritatem, non a Parmenone, sed a Chærea dici &c.

Omnia continenter scribebantur: nisi quod inter personarum dicta exiguum aliquod inane spatium relinquebatur. Inde illæ perturbationes ac confusiones existerant, cum pro suo quisque captu, hoc & illud ab hoc aut illo dici putaret. Et ejus veritatis crebra est etiam apud Donatum mentio. Sed ego qui me brevem fore dixeram, iusto etiam verbosior fui. Tu tamen, qui brevitati ignovisses, libentius, nisi me fallit animus, ignosces loquacitati. Petrum Galeum videre & amplexari discupio. Magnus vir est, & quo non civitas modo vestra, sed tota Hispania meritogloriari queat. Vale. Romæ, postid. Non. Nov. MDLXXIX.

M. ANTONIUS MURETUS S. D.

CHRISTOPHORO PLANTINO SUO.

LXXIX.

Circa hanc & sequentem epistolam legenda, qua notavi ad lib. III. Ep. 2. & 3.

Vide quæ sit vel tabellariorum negligentia, vel temporum difficultas. Binas litteras tuas, quarum priores decimo die Octobris, posteriores die duodecimo Decembris datæ erant, eas utrasque cum aliquot capitibus Variarum Lectionum mearum, & parte Electorum Lipsii accepi Kalendis Februarii. (k) Sæpe jam ad te scripsi, ne ullam aliam præstationem expectares, sed ea ipsa, quæ octo prioribus libris jam pridem proposita est, (l) sine ulla mutatione uterere: sed video, multas meas ad te litteras intercidisse. Litteras tuas ad Symphoniacos Pontificis, statim reddendas curavi. Ad Lipsium scribo. (m) Reliquum Variarum mearum & Electorum ipsius cupidissime expecto. Velim scire, non tibi commodum futurum sit de-

T 4 scri-

(k) Eodem hoc die & epistola Lipsii allata ipsi est: ipsum vide supra lib. III. Ep. 2. in fine.

(l) Ad Hippolitum Essensem Cardinalem. Habes eam supra lib. III. Epist. 8.

(m) Innuo puto Epistolam, non qua hic sequitur, sed qua est libri III. 2. Neque enim. Certe eundem illa cum præsentente diem habet adscriptum. Nec ipsa res abnuat.

scribere typis tuis Libros Aristotelis Ethicorum Nicomacum Græce, ducentis amplius locis a me emendatos. Cuperem, eos primum seorsum edi: ac tum demum commentarium in eos meum, quam bonum nescio, uberem certe & copiosum in eos emitterem. Habeo & notas in Thucydidem ac Plurarchum sane multas: quas ad te mitto, si tanti mea esse putaveris. Si eorum omnium editionem e re tua futuram non putas: suppressimus sane omnia. Jampridem enim talium rerum satietas me quædam tener: neque mihi longius quidem videtur, quam vacuum, vacuo & soluto animo, hanc deteriores ætatem melioribus, id est, theologicis studiis dicare possim. Mi Plantino opume & amicissime, vale. VI. Id. Febr. Romæ.

MURETUS

LIPSIO S./

LXXX.

Nunc ipsum accepi litteras tuas datas a te Kal. Julii. (n) Negas, te ita Abderitanum esse, ut quæ a me scripta sint, (o) quo pertineant, non intelligas. Si quid mihi apud te fidei est, Lipsi, nemo usque adhuc librum meum cum tuo contulit, (& contulere multi, ac clari viri) quin obstupuerit. Verba eadem non sunt, neque ego hoc unquam aut dixi, aut scripsi: cætera quidem ita similia, ut non lac laeti. Et negas, te a me quidquam accepisse præter unum, aut alterum locum, in quibus etiam ais, factam a te mentionem mer. Quid ego nunc dicam? Non libet tecum ullam contentionem suscipere; non si mihi Jupiter auctor spondeat, superiorem me fore: sed tamen tu me non nisi senel nominasti. Sed piget, super re tam tenui plura. Quæso, obtestorque te, ut in illa capitis primi (p) præfatione, quicquid est, quod in deteriores partem accipi posse videatur, mutes, corrigas, deleas. Potes has meas litteras Plantino ostendere: ex quibus intelligat, mihi id

(n) Non licuit eas reperire in Centuriis Lipsianarum, itaque inter asperditas vel omittas numeremus. 9.

(o) Loco: qui lib. seq. nominabitur.

(p) Isti XI Variarum Lectionum Mureti. Vide quæ notantur ad lib. III. epist. 2. lit. a, b. Idem enim agitur utrobique.

id non tantum volenti, sed cupienti atque exoptanti fore. Nihil enim mereri velim, ut te amicum habere desinam, aut vero ulla ex parte minus mihi amicum esse suspicer. Dices, cur id ipse non facis? Non tam facile cuilibet deegerem arcana mea. Sed tu me jam pridem nosti, quam sim in hoc toto genere *παῖδους*. Ne vivam, Lipsi, si ejus capitis ullum penes me exemplar habeo. Hoc alius non ita facile crederet, te, qui, quam sim *μίσωτος*, nosti, crediturum esse confido. Iterum te etiam atque etiam oro, ut quicquid asperius dictum videbitur, mitiges. Reliquos libros, quos jam missurus eram ad Plantinum, tunc demum mittam, cum istuc, quod te rogo, a te præstitum esse cognovero. Interea ama me, & certo tibi persuade, te a me amari. Vale. Romæ, Non. Septembris. MDLXXVI. (9)

M. ANTONIO MURETO

JULIUS JACOBONIUS S. D.

LXXXI.

Vix me heri vesperi a quorundam hominum conventu honeste dissolvi: quibus obfirmato animo adseverantibus lapidem nuper ad Tyberim ripam effossum, Semoni Sanco Deo Fidio, inscriptum, Simonem illum Magum designare, cum omnino ipse adversarer, ludibrio omnibus, ac despectui esse cœpi. Cumque de quodam Fidio Sango, vel Sanco legisse me aliquando affirmarem: Semonēque terrenos deos antiquitus fuisse appellatos, tum magis a quibusdam irridebar, qui Sancio Sabina lingua Magum, Semonemque quam Simonem Hebræe dici malebant. Ego vero qui nugas illos agere, sibi que somnia confingere plane videbam, discedo inde iratus, ut qui veritati fucum ab imperitis factum intuebar, neque locus tum mihi ullus, quo illorum perfringerem stultitiam, succurrebat. Neque, quod me vel maxime angit, & nunc succurrit; ac si succurreret, haud facile mihi esset invenire; libris enim fere omnibus, ut scis, careo, atque ita in præsentia occupationibus obruor, ut nihil requies habeam. Itaque ad tuam mihi exproptæ ac prope divinæ memoriæ thesaurum confu-

(9) Sitne recte adscriptus hic annus, deliberandum amplius.

fugiendum, atque istam tuam reconditam doctrinam adve-
candam putavi, quæ, quoties qui aliquid abditum atque
oblitusum quærit, promptuarium est. Obsecro te, Mure-
te doctissime, ut si quid contra horum insulsiſſimorum ho-
minum ſententiam colligere potes, (poſſe te præclara opi-
nor plurima) ad me, niſi te de rebus tam ridiculis de-
ſputare pudeat, quam primum mittas. Video namque,
aliquos de noſtris proinde ſtudiis peſſime ſentire, niſi,
quemadmodum heri me facturum recipi, hodie aliquid,
quo ſane illorum opinionem reflectere, ac cohibere va-
leam, in medium afferam. Ut igitur rem ipſam proſus
inſpicere, atque investigare queas, mitto ad te inſcriptio-
nem totam ex ipſo vetuſto lapide ad verbum, ordineque
deſumptam: de qua quidem re aliquod tuarum littera-
rum teſtimonium vehementer exſpecto; quo ſcilicet uno
meorum ſtudiorum conſcientiam nunc & in perpetuum
ſuſtentabo. Vale. XIII. Kal. Septembris, MDLXXIV.

SEMONI.

SANCO.

DEO. FIDIO.

SACRUM.

SEX. POMPEJUS. S. P. F.

COL. MUSSIANUS.

QUINQUENNALIS.

DECUR.

BIDENTALIS.

DONUM. DEDIT.

Sequitur Mureti reſponſio.

M. ANTONIUS MURETUS S. D.

JULIO JACOBONIO.

LXXXII.

QUæris ex me, ecquid inſcriptio vetus nuper eſſoſſa,
in qua Semonis Sanci Dei Fidii mentio eſt, ad Si-
monem magam pertineat; id enim quoddam pro ve-
ro ac comperto adſeverare. Res mihi, ut tibi verum inge-
nue fatear, vix ſatis videtur digna, de qua aut tu quem-
quam, aut me quiſquam conſulat. Nihil enim tutius aut
pervulgatius. Etcerto ſcio; teipſum per te hanc ſtultitiam
reſu-

refutare potuisse, nisi id a me fieri maluisses. Semoni Sanguis Fidi mentio est apud Livium librorum octavo his verbis: *Bona Semoni Sango consueverunt consecranda*. Nominatum & aliis aliquot locis. Et apud Ovidium VI. Fastorum: (r) *Quarebas Nonas Sango Fidione referam, Ant tibi, Semo pater*. Ubi vulgo legitur *Semipater*, aut *Semiaper*; vitio eorum, qui quæ non intelligunt, mutant. Mentio ejusdem apud Hæcarnassæum libro quarto, apud Augustinam de Civitate Dei. Rex Sabinorum fuit, quem mortuum retulerunt in deos: ut est apud Lactantium libro primo. Mentio ejus & apud Silium Italicum: apud Festum in dictione *Propter viam*, apud Fulgentium in libro de vocibus antiquis. Scio esse & nescio quid apud Plutarchum. Ne longum faciam, res contrita ac communis est, quamque parum decorum sit, ut abstrusam ac reconditam, vel quærere, vel repetitam vendicare. Neque ego hæc scripsissem, nisi tibi morem gerebam esse duxissem. Neque tam te hæc ex me quævisse arbitror, ut ea cognosceres, quam ut istis nescio quibus mei quoque testimonii pondus opponeres. Vale. XIII. Kal. Septembris, MDLXXXIV.

BALTHASAR ANSIDEUS

M. ANTONIO MURETO S. D.

LXXXIII.

Nisi Lucas Sempronius Romam iret, meque, ut ad te officii causa scriberem, submonuisset, nunquam profecto, ut qui tuas studiorum aliarumque rerum occupationes notas habeo, litteras ad te dare ausus essem. Sed is pollicitus mihi est, omnem sese daturum esse operam, atque effecturum denique, quo minus importunæ tibi meæ litteræ accidant. Ego vero eam ob causam non invitus eo me induci passus sum, ut te salutem, nomenque tibi meum, si forte exciderit, in memoriam revocem, singularemque amorem atque observantiam, qua te prosequor, quantumque præterea tibi debeam pro singulari mihi olim præstito beneficio, declarem. Atque utinam aliquod grati animi signum præbere tibi possem! Quid enim gratius unquam accidere mihi possit, quam ut ipse intelligas, apud me-

morem

(r) Vers. 233.

morem te virum beneficium collocasse? Sed meam ipsius tenuitatem consideranti spes omnis effracta concidit. Quando igitur, quod summe concupisco, non licet, faciam, quod in promptu est, beneficiique tui.....
 quo te contentum fore mihi persuadeo, tum quod belli homines, qualis profecto tu es, haud plus exigere debent, quam quis præstare queat; tum quod in remunerandis beneficiis lex videtur illa sancita esse, ut, qui minus referre potest, gratiam habeat, animusque magnus instar remunerationis sit. Idque tuus, nisi fallor, Seneca sentit, quem propediem abs te emendatum, scholiisque illustratum exiturum ajunt. Quem diem quando ego videro? nihil mihi longius. Nullius enim viri scripta libentius, & æque libenter quidem lego, ac tua: quæ cum eruditione summa, tum elegantia singulari adeo repleta sunt, ut nihil omnino cruditius, ac purius fieri posse putem. Atque utinam aut ea tibi a principio mens fuisset, ut longe plures epistolas ederes, aut aliquando *augere* illud ita augeas, ut ad justam magnitudinem voluminis excre scat! Nam, meo iudicio, nihil cumulatius excellentiusque in eo genere reperiri potest. Quas ego cum lego, neipsum quidem antiquorum ingenium, dexteritatemque dedero. Nolo tibi pluribus molestus esse. Vale, meque amas & quamquam nihil in me sit, quod amorem mereatur tuum, ea tamen de causa dignus sum, qui abs te amor, quod ego in te amando nemini concedo. VII. Idus Decembris. MDLXXIV.

Sequitur Mureti responsio.

M. ANTONIUS MURÆTUS

BALTHASARI ANSIDEO SUO.

LXXXIV.

GRatissimæ mihi, ut semper, litteræ tuæ. In quibus hoc a te serio scriptum non puto, veritum quodammodo esse te, ne nomen tuum mihi excidisset. Scriptum enim mihi in animo est ita, ut nulla longinquitate temporis deleri queat; & id ipsi quoque tibi notum esse existimo. Si quid olim feci, quod hodie utile tibi esse sentias, gaudeo: & si qua se offerret occasio, semper promptissimo ani-

EPISTOLA LXXXV. 301

mo procurabo, quicquid in rem tuam esse arbitror. Neque est, quod de me remunerando cogites. A quibus me amari sentio, ab iis cumulate mihi satisfactum puto. Tu modo præsta te eum, quem temper præstitisti, & perge amare eas artes, quibus te jam pridem deditum esse cognovi. * Magnum mihi aliquid de te semper augurat. Seneca meus prodibit, ut spero, circiter Kalend. Maj. prodibunt & alia quædam mea, & inter cætera, Epistolæ: quas aut a te, aut a quoquam alio expetitur. Neque enim quisquam me in scribendo negligentior est, & ego nusquam negligentior, quam in scribendis epistolis. Sed quando vos ita vultis, obsequar studio vestro: & ad illas, quæ jam editæ sunt, alias addam, neque meliores aut elegantiores, neque accuratius scriptas, in quibus vos, qui, quod me amatis, mea, cuiusmodi sunt, libenter legitis, bonas horas male collocetis. Ego te amare non desinam, nisi tu, qui es, esse desieris: hoc autem pro certo atque explorato habeo nunquam fore. Vale. iv. Non. Jan. MDLXXXV. Romæ,

HORATIUS CARDANETUS

MURETO S. D.

LXXXV.

L Uca nostro Arminensi ad Urbem eunte libet ad te perbreves litteras dare: quæ quidem tui me observantem esse tibi significant. Jam diu nihil scripsi, quod nolui molestus tibi esse. Balthasar quidem meus epistolam ad te misit hortatu meo superiori anno: cui cum non responderis, nolimus tibi amplius obstrepere. Tu quidem amamus, ut solemus: tibi que gratulamur, quod, deposita publice interpretandi provincia, in otium te receperis. Speramus enim te non minus silentem, quam dicentem studio sis litterarum profuturum. Ama nos, & vale. Die festo divi Ambrosii, MDLXXXIV.

Sequitur responsio Mureti.

A Mari me a tescio: neque tibi dubium esse debet, quia a me mutuo amaris. Sæpe ad eos, quos amo, scribere, ubi nulla id necessitas exigit, neque possum, neque lubet neque a quoquam id genus. Sicili valde exigo. Ad Balthazarem non magis tuum, quam meum, eo non scripsi, quia agrotabam, neque adhuc plane convalui. Depositam a me publice docendi provinciam, causa esset, cuæ gratularemur, nisi mea me felicitas in majores etiam & molestiores occupationes induxisset. Reperiam tamen, ut spero, quomodo ab his quoque me expediam: & tunc fortassis, ut & posteris prosum, operam dabo. Vale. iv. Non. Jan. MDLXXXVI. Romæ.

M. ANTONIUS MURETUS

ANTONIO CONSTANTINO SUO S. D.

LXXXVII.

Nunquam dedisti, ex quo primum te novi, mi Constantine, ob egregias animi tui dotes ita te amare, ut ad amorem in te meum prope singularem nihil plane accedere posse arbitrarer. Nunc tamen, quod video, te tantum tam parvo tempore Jurisprudencia profecisse, tantus ad amorem in te meum cumulus accessit, ut ipleret mirer. Petis a me ut explicem tibi vulgatam quæstionem. Possessio sitne juris an facti? Plusculum etiam præstabo quem petis. Nam tibi de tora possessionis natura & ratione breviter ac perspicue, quod quidem in me erit, differam: non quin te quotidie de doctoribus, quibus illa uteris meliora audire sperem: sed quod pro tuo in me studio mea quoque libenter lecturum ac cogniturum sciam. Quid autem vereri videris, ne mihi talibus quæstionibus molestus sis: qui quæso molestus esse potes? Tu vero molestus eris, nisi isto modo sæpissime molestus fueris. Mihi enim omnis, qui tua causa capietur, semper jucundus tuus.

EPISTOLA LXXXVII. 303

turus est labor. Vale, & si me amas, aut potius quoniam me amas, ama in dies magis magisque ea studia, in quæ, me auctore, ingressus es.

De Verbo Possidendi.

Possidere est habere, tenere, obtinere, habere rem in potestate, & eo verbo veteres in omni rerum genere utebantur. Sic possidere amicos, mores, regnum, artem, virtutem, cæteraque, nullo discrimine in eorum scriptis legimus. Ac denique quod quisque habebat suum, aut tanquam suum, id possidere dicebatur. Ergo cum vetus consuetudo esset, ad maiorem expressionem, congerendi verba, quæ idem valerent; sæpe etiam esse conjungebant: Habere, Possidere, quod tenendi verbum latius pateat: tamen id tum demum verum est; cum proprie, ut Jurisconsulti faciunt, loquimur. Nam in communi quidem ulu tenere possidere, κρατεῖν, κατέχειν, idem sæpenumero valent. Ovidius:

Possidet & terras, & possidet aquora Minos, id est, κρατεῖ γῆς τε καὶ θαλάσσης: quod etiam ita diceretur: Et terras & mare tenet Minos. Seneca: Pellices calum tenent, ἔχοντες: Possidere quoque & obtinere pro eodem ponuntur. Terentius: Antiquam tuam venustatem obtines. At Plautus meretricem quamdam hujus sæculi mores possidere dicit. Idem huic est possidere, quod illi obtinere: Κρατεῖν dicuntur Græcis, quorum imperium est. Dicuntur & Latinis tenere. Virgilius: -- Genitor tum Belus optimam vastabat Cyprum, & victor ditione tenebar. Horatius: O qua beatam Diræ teneb Cyprum: id est cuius in potestate est Cyprus. Eodem modo accipitur verbum Habere. Tacitus: Urbem Romam a principio Reges habere. Sic in illo dicto Aristippi, cui cum obiectum esset, quod haberet Laidem, Habeo, inquit, sed non habeo. Ita etiam Cicero in epistolis, ἔχω δὲ καὶ ἐχοντα. Sappho: Κύπρον Πάφον τ' ἐχουσα πάντα κληρον. Sic alibi Seneca: Avaros, ait, non divitias habere, sed a divitiis habere.

Unde dictum sit possidendi verbum.

Atque hæc mihi videtur vera hujus verbi notatio; ut non a positione sedum, quod tamen nostris placuisse video, aut sedum, quod miror reperiri, qui editis Pandectis Florentinis

tinis pergant tamen defendere, sed a verbo *possum* ductum sit verbum possidendi, quod quia quisque re potest, quicquid collibuit facere, eaque arbitrato suo uti abuti, eam possidere dicatur. Nam & in verbo *κρατεῖν*, quædam ejusmodi potestatis significatio est. Potentes enim *τῆς κρατεῖντας* dicebant, & Horatius, *Sic te Diva potens Cypri*, est *κὺν κρατεῖσα*, *κὺν προν μεδέουσα*, *καὶ ἀνδρῶν*, & qui regere possunt cupiditates suas, *ἐγκρατῆς*, qui non possunt, *ἀκρατῆς* vocantur. Ac quoniam præcipua in quaque re potestas sit domini, possidere dicebant, eum, qui dominus esset. Et cum Horatius ait, *Valeat possessor oportet*, *Si comportaris rebus bene cogitat uti*, possessorem dicit *τὸν κρατῆμενον* quomodo sapit & Cicero loquitur. Nostri fortius ista considerantes vident, neque semper dominum possidere, neque semper qui possideret, dominum. Itaque distinxerunt dominium sua proprietatem a possessione: ita tamen, ut docuerint, eum deum proprie & utiliter possidere, qui animo domini tenet, id est, qui pro suo possidet. Cæterorum enim vitiosa & inutilis possessio est: ut furis, ut prædonis, ut eorum, qui vi, clam, precario possident. ut denique omnium, qui sciunt se alienum possidere. Possidet igitur qui rem habet in potestate. Idque magis ex his quæ dicam, intelligi potest. Feram cepi eamque inclusi: possidere dicor. Evahæ colludat? non amplius possideo: non enim habeo eam amplius in potestate. Aberravit pecus meum; vas ita excidit, ut quamlibet diligenter quæsitum reperiri non possit? desino possidere, l. Sed hoc jure §. Nerva. D. hoc titulo. Subrepta mihi res furto est? Non ideo amisit ejus proprietatem. Itaque ubilibet repertam vindicabo. Sed interim amisi possessionem. Et hoc est, quod ait Scævola, furtum tollis possessionis fieri, l. prima §. Scævola. D. §. is qui restituit. lib. &c. Quomodo igitur purgatum vitium rei furtivæ? Si restituatur quod ereptum est, id est, si res redeat in potentiam. l. quarta. §. Quod autem. D. De usurp. & usucap. Ex hoc quoque intelligas licet, eam rem possideri cum est in potestate.

Divisio possessionis.

Jam habere aliquis in potestate sua rem potest duobus modis: aut sine ullo titulo, aut justo aliquo titulo, id est,

est, qui jure civili probatus sit. Ille naturaliter tantum
 sive corporaliter possidet, &, ut ajunt, pro possessore,
 l. pro hærede: cum l. sequenti & similibus D. De hæred.
 per. Qui cum titulo possidet, aut titulo nititur & justo
 & vero: atque hic non possessor modo est, sed dominus:
 ut qui emit a domino; aut justo quidem, sed non vero:
 ut qui non a domino insciente insciens emit: id est, cum
 & emptor venditorem, & ipse se venditor justo errore
 ductus dominum putaret. Atque hic dominus quidem non
 est, (neque enim potuit a non domino dominus fieri L.
 Nemo plus juris, De regulis juris) sed est bonæ fidei
 possessor: & longa ac continua possessione dominus dele-
 ge effici potest, toto tit. de usurp. & usucap. Hic dicitur
 pro naturaliter tantum, sed etiam civiliter possidere: quod
 ipsius possessio jure civili probetur. Possessio igitur natura-
 lis, sive corporalis tantum semper injusta est: ac possessio
 naturalis, quæ aliquo jure civili nititur, civilis est, id est,
 justa & æqua. Est etiam reperire solam possessionem civi-
 lem, sine naturali: in servo qui est in fuga. Quamvis
 enim eum tunc quidem naturaliter ac corporaliter non
 possidemus, civiliter tamen possidemus, certe quidem
 quamdiu a nemine alio possidetur. L. Rem quæ nobis.
 D. hoc tit. Sic & fundum, cujus alienus usufructus est,
 proprietas nostra, naturaliter possidere videtur fructuarius:
 cum tamen eum nos civiliter possideamus, L. naturaliter,
 hoc tit. Et quod alibi multis in locis fructuarius, com-
 modatarius, depositarius, qui precariam accepit, negan-
 tur possidere, id ita intelligendum est, eos non possidere
 animo domini: idcircoque talem possessionem quamlibet
 longam nihil valere ad usucapiendum. Itaque genere quo-
 dam & possident & non possident.

Possessio sitne Juris an facti.

Ex his constare opinor, possessionem esse facti: quod tam
 multis in jure locis probatur, ut eos annumerare pigeat:
 præsertim cum obvii expositique sint. In quo tamen quæ-
 dam adhibenda distinctio est. Nam possessio mere naturalis
 est meri facti, ut quæ nullo prorsus jure nitatur. Civi-
 lis est & ipsa quidem facti, sed quia jure nititur, habet
 etiam aliquid juris. Nam qui civiliter possidet, is &

interdicto retinet possessionem, dum res evincatur, & si diu sine interpellatione possederit, rem suam facit: idque siue & animo & corpore, siue etiam animo tantum possideat, dum civiliter possideat. L. Nemo ambigit C. cod. tit. Et certe nisi civilis possessio haberet aliquid juris, non diceremur adquirere possessionem. Etenim quæ meri facti sunt, non dicimur adquirere, ut nemo dicitur adquirere traditionem, etsi traditione aliquid acquiritur. At non tantum dicimur adquirere aliquid possessionis: sed & ipsam possessionem adquirere. Est igitur in ea aliquid facti, est etiam aliquid juris. Sed scrupulum tibi non immerito inijcit L. Possessionem D. hoc tit. quæ quomodo intelligenda sit & concilianda cum L. Pupillus de adquir. rer. dom. breviter aperiā. Nam qui dicunt, eam non de possessione civili, sed de detentione Asinia loqui, eorum, ut suum verbum eis referam, plane asinina expositio est. Pupillum sine tutore auctore non posse conditionem suam ulla in re deteriorem facere, indubitati juris est. Hoc cum doceret Sabinus, dixerat, pupillum neque dominium, neque possessionem posse amittere, nisi tutore auctore. Cum hoc obscurius dictum videretur Ulpiano, in notis ad Sabinum addidit, non posse quidem pupillum animo, id est, voluntate sua amittere possessionem; nam etiamsi velit eam amittere, & in alium transferre, nihil agit; possessionem amittere id, quod est facti, ut si per vim deiciatur de fundo, quem possidet: alioqui enim id damnosum esset ipsi pupillo. Quomodo enim possessionem interdicto repetere, nisi amisisset? At vero alienare & animo ac voluntate sua amittere possessionem etiamsi maxime velit, si ne tutoris auctoritate non potest, & hoc modo sententiam Sabinianorum accipiendam esse docet Marcianus in d. l. Pupillus. Hæc sunt, mi Constantine optime, quæ mihi nunc quidem de possessione in mentem venerunt: plura fortasse quam exspectabas, pauciora certe, quam habitarus eras, si per occupationes licitum esset. Sed & hæc ipsi tibi forsitan usui futura non sunt, melioribus abundant. Ego tamen scripsi tanquam futura. Si quid posthac habebis ejusmodi, in quo opera & consilio meo egere tu met tibi videberis, me semper paratissimum habebis ad ea omnia, quæ tibi & utilitatis & voluptatis aliquid allatura esse cognovero. Ac spero, me his æstivis mensibus, quibus

EPISTOLA LXXVIII.

307

res proferentur, multa ejusdem generis edolaturum, eaque ad te missurum: ut studiose uterque operam demus, ut eripiamus ex animis hominum stultissimam illam opinionem, nihil in jure aut sapienter cogitari posse, quod non ex illis leguleiorum lacunis hauriatur, aut erudite dici, quod non insulse ineleganterque dicatur. Vale. Roma XIII. Kal. Febr. M^oPLXXXII.

M. ANTONIUS MURETUS

ILLUSTRISSIMO VIRO JULIANO

Archiepiscopo Medici, Episcopo Albicensi, S. P. D.

LXXXVIII.

IN summis doloribus, quibus vexabar ex ingenti quadam vi flavæ bilis, quæ diu per totam sinistram corporis mei partem grassata, tandem in tibiam sinistram tota decubuerat, allatæ mihi sunt a te litteræ, Juliane Præsul amplissime, veterem illam, qua vincis omnes, humanitatem tuam, singularemque amorem, quem erga me jam pridem suscepisti, omni ex parte spirantes: quæ mihi levationem quidem aliquam doloris attulerunt, neque tamen ita me confirmare potuerunt, ut statim ad te rescribere auderem. Misi igitur ad Johan. Baptistam Altovitam, (ille enim eas mihi curaverat) qui eum meo nomine rogaret, ut in suis ad te litteris excusationem tibi meam exponeret, pollicereturque, me officio non defuturum, simul atque dolor aut depulsus, at mitigatus foret: quod eum fecisse non dubito. Nunc, cum Dei beneficio non quidem me plane reliquerit dolor, sed tamen & multum de priori acerbitate remiserit, & intervalla satis crebra habeat: non differam diutius hoc æs alienum, ne merito non rusticus modo, sed plane *advocatus* videar, nisi persentiscere me ostendero, quantum tibi debeam, qui ista nobilitate generis, ista dignitate, ista eruditionis magnitudine præditus, fasces tamen summittere, & de rerum mearum statu tam sollicitè atque amanter exquirere non graveris. Nam quod mea eruditionem, & eloquentiam tam multis verbis commendas, non possum equidem negare, quin mihi gratissimum sit laudari abs te laudato viro.

sed

sed mihi sapē tua legenti veniebat in mentem illud Homericum, *ὅστις τῷ Θεῷ ἐμῇ*. Facis tu in eo, quod plerique faciunt, ut quæ sibi superflunt, aliis non gravate tribuant: sic enim & tu, qui veris, ac solidis laudibus abundas, tenuiores amiculos earum non invitus participes facis. Itaque, his omittis, ad alia, quæ scire te cupere ais, venio. Ego, Juliane mi præstantissime, æquitate animi eadem sum, qua semper fui; conditione, quod ad τὰ ἐξ ὧν ἀρτinet, meliore atque optabiliore. Nam & ipsos Principes civitatis amicissimos, quosdam etiam mei studiosos habeo, & opum is modus est, qui ad liberaliter vivendum sit satis. Cujus rei vel hoc tibi argumentum sit, quod superioribus mensibus, petita prius ejus rei a Pontifice venia, publico docendi munere, quod annos in hac urbe unum & viginti sustinueram, sponte me abdicavi: & tamen ex eo capiebam quotannis septingentos aureos nummos, quam pecuniam nemo, nisi aliunde affatim instructus, facile, ut opinor, contempserit. Causæ mihi fuerunt capiendi ejus consilii multæ. Quinquaginta octo annos natus sum, & sentio me paulatim viribus deficere. Semper autem audivia sapientibus dici, desinere satius esse, quam deficere. Multa scripta habeo partim inchoata, partim etiam affecta; quæ mecum omnia intercitant necesse est, nisi mihi ad ea exponenda otii aliquid tampsero. Simul verebar, ne quis *ἀντιρριαν* meam atcusaret, si, quod satis superque est ad tutandam vitam consecutus, labori tamen non parcerem, sed amplificandæ rei supra modum studerem. Ego & hac suspitione me exsolvi, & otium mihi, ut spero, in reliquam vitam comparavi. Quo tamen otio non ad ignaviam abatur: sed semper aliquid moliar, quod me prodesse poteris, si minus potuisse, at certe toto animo voluisse testetur. Describuntur hic nunc a typographis opera omnia Senecæ emendata studio ac diligentia mea. Quæ simul absoluta erunt, ad te mittentur. Sequetur Commentarius in Ethicæ Aristotelis aliaque deinceps, quæ tibi non usquequaque displicitura confido. Interea mitto ad te Oratiunculam (τὴν) habitam hic a me in funere Pauli Foxii Archiepiscopi Tolesani, magni ac præstantis viri, tibi que, ut opinor, non ignoti. Addidi duo quædam Poemata mea, ad quæ familiaris quidam meus notulas quasdam adjecit, non prius ine.

EPISTOLA LXXXVIII. 309

inelegantes. (u) Hæc pauca libenter accipies, teque iis oblectabis dum a me gravius aliquid & dignius, quod ad te mittatur, accipias. Interea oro te per illam sæpe mihi spectatam humanitatem ac comitatem tuam, ut amare me pergas, ejusque rei mihi fidem interdum, quod commodo tuo fiat, tuis jucundissimis mihiq[ue] optatissimis litteris facias. Vale. Romæ. iv. Kal. April. MDLXXXIV.

M. ANTONIUS MURETUS J.C.S.D.

PAULO SACRATO SUO.

LXXXIX.

*Respondet Sacrato ad Epistolam Appendicis nostræ XXXI
Jam diu exspecto.*

AT ita tu me, dum vivam, merito ames, Sacrate optime, ut ego statim accepto annuo illo munusculo (x) tuo litteras ad te scripsi, quibus significarem, quam id mihi, ut tua omnia, gratum atque acceptum fuisset. Neque tamen recordari nunc queo, cui litteras dederim, nisi id quidem liquet mihi dejerare, a me scriptas fuisse. Ex illo tot me occupationes impeditum devinctumque tenere, etiamque nunc tenent, ut interdum vitæ me ipsius tedium capiat: eo magis, quod amicis multa postulanti- bus, ne si dirumpar quidem, satisfacere omnibus possum; & ut cujusque petitioni desum, is se a me negligi putat, mecumque expostulat, quod parum sibi in amore respondeam. Ego vero interdum ita obruor multitudine eorum, quæ a me postulantur, ut quo potissimum vertere me debeam, satis constituere non possim. Quare, si me amas, ut certe amas, (neque enim exemplum tuum sequi volo, ut de tua erga me voluntate dubitare fas putem) sed, si me amas, vel potius, quia me amas, ignore inter occupationibus meis, & quando bonum nomen esse me scis, *semper* interdum esse me patere. Mittam brevi quæ pollicitus sum in jure civili,

V 3

(y) jam

(u) Monodiam opinor intelligit in obitu Christoph. Thuan- ni, & Institutionem puerilem ad filium fratris. Utrique notas addidit Antonius Constantinus.

(x) Inficiorum, de quibus supra Epist. 22. & 26.

LIBER IV.

(y) Jam enim descripta sunt, neque quicquam aliud superest, quam ut a me demum percurratur, si quid forte peccatum est ab eo, qui illa descripsit. Habebis & librum Epistolarum mearum, & alia quædam, quandoquidem liber tibi in nugis meis bonas horas consumere. Vale. vii. Id. Jul. MDLXXX. Romæ.

M. ANTONIUS MURETUS S.D.

FRANCISCO BENCIO SUO.

XC.

ET si eum, qui has ad te litteras adfert, satis & tibi, & cæteris tui Ordinis hominibus pro vestra omnium pietate commendandum esse confido: putavi tamen aliquid acc. surum, si eum mihi magnæ curæ esse & a me non vulgariter d. ligi, omnes cognosceretis. Peto igitur a te non tantum ut ipse quicquid potes studii, operæ, officii, in eum libenter conferas: sed etiam ut eum meo nomine commendas diligentissime iis omnibus e vestra Sodalitate, quibus ipse commendari se vult. Jampridem & ego vos omnes ex animo constantissime amo, & mihi persuadeo, me a vobis vicissim amari. Nihil dignius aut meo perpetuo erga vos studio atque observantia, aut in quo melius ac certius vestri erga me amoris magnitudo perspiciatur, efficere potestis, quam si huic adolescenti omnia pietatis & charitatis Christianæ officia tribuatis. Hoc a te Mateo, Fulvio, Horatio meis, aliis quoque, si opus fuerit, sed his præcipue exponi ac perscribi volo. A te autem veteri alumno disciplinæ meæ prope pro meo jure quidvis posse videor postulare. Mi Benci optime, & carissime, etiam atque etiam vale. Prid. Kal. Junii. MDLXXV.

M. AN.

(y) Commentarium de origine juris, quem Sacrista dicitur l. III. Epist. 19.

M. ANTONIUS MURETUS

L. MEMMIO FREMIOTO

Patricio Divionensi S,

XCI.

Jam primum accedit e Mureti Commentariis ad Nicomachea &c. p. 590. Dedicat autem Fremioto Latine redditum a se Commentarium Alexandri Aphrodisiensis in septimum Topicorum Aristotelis.

Quibus ex causis quæque res effecta est, Luci Memmi, earum interitu ac commutatione ipsam quoque labefactari ac concidere necesse est. Quare mirandum non est, si quas amicitias vulgaris aliqua ac levis causa conjunxit, eas nutare ad omnem, ut dicitur, ventulum, tandemque ad nihilum recidere videamus. Me vero non fluxa aliqua res & vicissitudini obnoxia conjunxit tibi; sed cum eximia quædam ingenii naturæque tuæ bonitas magnam in animo meo tui admirationem excitasset, ea deinde inter nos amicitiae fundamenta constituta sunt, quæ quia æternas planeque divinas radices habent, falluntur, si qui conjunctionem hanc nostram aut locorum intervallis, aut temporum, aut ulla vi semper sævientis in optimos quosque fortunæ, dissolvi posse arbitrantur. Equidem cum præsentē te nunquam non visus sum admirabili quodam omninoque immenso amore completi: ex quo tamen flagitiosa illa nos quorundam consuratio distraxit, ita eum in dies augeri sentio, ut pæne jam a Magistro meo Aristotele dissentiam, credamque etiam ad ea, infinita quæ sunt, aliquam fieri posse accessionem. Cujus rei non tibi, cui hoc certissimum est, sed cæteris omnibus indicium volo esse, quod cum hunc Alexandri Aphrodisiensis, (si verus est index) librum animi causa e Græco interpretatus etiam in publicum edere statuissem, neminem habui, cui eum potius dicatum vellem, quam tibi. Vale. Venetiis, Kal. Jul. MDLIV.

M. ANTONIUS MURETUS

GEORGIO GOZZIO


Patricio Ragusino S. D.

XCII.

Accessit & hac jam demum, e Mureti Commentariis in Aristotelis Rhetorica p. 175. Est autem Commentarium illo rum Dedicatoria.

ETI si prudentia e libris hauriri non potest, Georgi, dubium tamen non est; quin tractatio ac pervolutio certi cujusdam generis librorum plurimum momenti habeat ad prudentiam comparandam. Tales autem sunt cum alii, tum ii præcipue, quibus aut historia perite & intelligenter explicata, aut præcepta ad informandam vitam utilia continentur. Jam, utroque in genere apud Græcos quidem duo mihi videntur excelluisse, Xenophon & Plutarchus: e Latinis autem, (nimium fortasse mihi sumo, qui tanta de re judicare audeam; sed ut reprehendendus essem, si quasi judex aut arbiter statuerem, ita licere arbitror, tanquam uni e multis, quid sentiam dicere) ex omni igitur Latinorum scriptorum copia longe mihi ac laude supra cæteros Cornelius Tacitus excellere videtur. Quare iis, qui litteras ita tractare cupiunt, non ut a vitæ muneribus feriat abditarum rerum & vulgi captum superantium meditatione animum pascant, sed ut in hominum consuetudine & in Reipublicæ administratione versantes & privatim & publice cæteris profint; Vobisque præsertim, quia in Republica nati estis, quæ tota vestro, id est nobili, consilio atque auctoritate regitur, ejusmodi scriptores, præter pauca quædam Plutarchi, quæ ad mathematicas disciplinas, aut ad physiologiam pertinent, totos diligentissime cognoscendos, & in manibus habendos puto. Platonis autem & Aristotelis non omnia, sed utriusque ea modo quæ ad conformandos mores, & in institutionem Reipublicæ & ad eloquentiam pertinent. Hoc meo consilio & alii olim nobiles adolescentes usi sunt, quorum etiam nonnulli hodie magni ac clari in civitatibus suis viri uide-

res se ex eo fructus percipere fatentur: & tu cum maxime uteris, qui horas tibi quotidie aliquot sumis, quas mecum in accurata talium scriptorum lectione consumas. Hoc igitur studio tuo adductus, simulque impulsus amicitia ac familiaritate nostra, quæ multis abhinc annis instituta ita jam crevit, vix ut quisquam sibi ipse carior sit, quam uterque nostrum est alteri; dodicoque tibi commentarium in libros Aristotelis de arte dicendi nuper a me, ut commodis Auditorum meorum consulerem, Latino sermone, ut potui, expressos. Cur eum laborem post tot alios susceperim, neque tibi ignotum est, & alii suo loco ac tempore sine ulla in quemquam contumelia intelligant. Liber quidem secundus ejusmodi est, ut si singuli libri cum singulis conferantur, vix ullum reperiri posse opiner, qui plus ad prudentiam conferat. Tibi autem certo scio munusculum hoc gratissimum fore, tum suapte vi, tum quod ab homine tui amantissimo proficiscitur. Ac præter cæteras voluptates, quas eo relegendo capies, illa, ut spero, non minima futura est, quod, quoties eam partem inspicias, in qua summus philosophus, quæ opulentos ac nobiles vitia comitari solent, tradit, te, qui utraque re non multos, ne quid gravius dicam, in civitate tua superiores habes, omnium tamen judicio ab eis omnibus vitiis longissime abesse cognosces. Mirificam enim etiam erga infimos comitatem ac facilitatem perpetuo retinens, ita te geris, ut nobilitatem quidem pro incitamento, opes autem pro instrumento exercendæ virtutis a rerum omnium præpotenti Deo accepisse videaris. Vale. Romæ, Id. Febr. MDLXXVII.



A P P E N D I X
E P I S T O L A R U M XXXI
P A U L I S A C R A T I
A D
M. A N T O N I U M M U R E T U M:

Quæ, servato diligenter temporis ordine, petita
sunt omnes ex Epistolarum Sacрати editione
Coloniensi Anni 1583.

I.

E Lib. I. p. 41.

A. 1562. 5. Id. Septemb.

O Fortunatum atque felicem diem illum, quo te videre, Murete optime atque doctissime ac de facie nosse mihi contigit! Quæ de re quantum Paulo Manutio debeam, eximio viro, mihi ipse sum conscius. Quid enim te venustius, quid suavius a me desiderari potuit? Sed nescio, quid primum in te admirer, doctrinam ne, an humanitatem? Nam cum hæ duæ res in te plurimum eniteant: altera quidem longe vicisti eam, quam fama nominis tui adductus opinionem de te conceperam; altera vero aditum mihi ad amicitiam tuam ita aperuisti, ut magna mihi jam tecum esset familiaritas. Sed mittam de doctrina dicere, quæ cum plurimorum ac præclarissimorum virorum voce celebretur, meum vero iudicium superet, non magnopere laudes meas desiderat. De humanitate autem tua ut verba faciam, coegit me gratissima mihi tui summi erga me studii recordatio. Quid enim prætermisisti iis paucis diebus, quibus hic una fuimus, quin tuam in me benevolentiam significares? Nam cum ad te accedebam, ut eos ex te caperem fructus, qui ex jucundissima præstantissimi viri consuetudine percipi solent: nonne ita me comiter ac benigne excipiebas, ut interdum studiorum tuorum oblitus, mecum suaviter ac jucunde colloquerere? Quæ, Murete optime, me non solum ad obser-

van-

vantiam cultumque nominis tui vehementer inflammaverunt, sed etiam in visceribus ita inhaerunt, ut nullum (mihi crede) tempus, quamvis te videre (quod Deus avertat) amplius mihi non liceret, tui memoriam ex animo meo delere unquam possit. In quo praeclaræ tuæ incubrationes me quoque adjuvabunt; quas ad me Venetiis perferendas continuo curavi: eas enim ita sæpe in manibus habebō, ut imaginem tui quotidie intuear. Hisce litteris omnia tibi significare volui, ut memineris, te hic Paulum Sacratum habere tuæ excellenti virtuti in additum, ut nulla res tanta sit, quam tua causa non sit factururus. Tu quoque, ut me amare pergas, tibi que ea de me polliceri, quæ a studiosissimo tuo expectari debent, magnopere a te peto: facies enim nihil ab eximia tua humanitate alienum, meque maximo beneficio afficies. Vale. v. Id. Septembr. MDLXII. (a) Ferrariæ.

II.

E Lib. I. p. 42.

A. 1562. 3. Kal. Decembr.

Litteras (b) ad te proxime dedi, Murete præstantissime, lex quibus perspicere potuisti; quanti te feceram; quamque præclarissimarum tuarum virtutum amore vehementer in census essem. Quas quidem ad te perlatas fuisse puto, sed te gravissimis occupationibus impeditum rescribere minime potuisse. Non enim adduci possum, ut te noluisse credam; nec in te, virum summa (c) integritate, suavissimisque moribus præditum, in excolendis præterea amicitiiis valde constantem, huiusmodi cadere potest suspicio. Me autem ad scribendum impulit cum non mediocre jucundissimæ consuetudinis tuæ desiderium, qua non sine animi molestia carere, tum nonnulla etiam dubitatio, ne forte ex animo tuo effluam. Nam cum te istic tot negotiis districtum esse intelligam, ut scribendi facultas tibi non detur, quod amplissimus Cardinalis noster in hac turbulenta ob hæreses tempestate opera tua uti maxime velit, cum

(a) Ita huius & sequentis Epistola annum confirmo pro 1561. ut propius amba connectantur cum III. cum videatur his tribus simul, certe præter tertiam alicui, qua duabus hic argumento sit similis, eadem epistola respondere.

(b) Hæ sunt proxime præcedentes.

(c) Deesse vox, hac, aut similis aliqua, videbatur.

tu unus inter omnes & copia dicendi, & admirabili doctrina excellas: existimavi mihi curandum esse, ut meæ tibi litteræ reddantur; quæ si tuas allicere non possint, te tamen ceteriorem faciant, nunquam ex animo meo tuæ summx virtutis memoriam discedere, tibi que suadeant, ne te mei oblivionem capere patiaris. Quas tibi fore gratas ex hoc concijiam, si ex occupationibus tuis tantum temporis sumes ad scribendum, ut me de hoc uno admoneas, me abs te magnopere diligi. Quod ego si a te impetraro, sicut dulcissima natura tua, & illa amoris erga me tui significatio, quam præsens non mediocrem mihi dedisti, spem afferunt, me in cælo esse putabo. Sin aliter ceciderit atque opinor, de hac tamen sententia nihil me dimovere unquam poterit, quin te perpetuo observem colamque, atque in divinis scriptis tuis, quæ mihi ante oculos assidue versantur, imaginem tuam videam. Vale, mi optime Muretè, quem nobis Deus opt. max. incolumem diu server. 111. Kal. Decemb. MDLXII. (d) Ferrariæ.

P. I.

E Lib. 1. p. 44. A. 1563. (e)

COgnovi ex litteris præclarissimi Viri Pauli Manutii, mihi que amicissimi, te incolumem istuc venisse. Ex quo nunc cum tua causa incredibilem cepi lætitiā; (is enim es, cujus potissimum salus, ob admirabilia, quæ quotidie in vulgus prodeunt ingenii tui monumenta, magnum huic sæculo decus afferat) tum etiam mea. Nam cum ego cogito, me istuc præstantissimum Muretum habere, cujus mira humanitate effectum sit, ut ei sim tam familiaris quam optare mihi vix licuisset, cujusque studia in me singularia extant: ita, mihi crede, hac cogitatione oblector, ut in ea omnes curas molestiasque deponam. Hoc vero ut plerique intelligant, magna me tecum amicitia conjunctum esse, diligenter certe curabo. Quid enim hoc officio adjuvare mihi poterit jucundius atque gloriosius? At cum Dei opt. max. benignitate a tali viro gratiam interrim, cujus amicitiam multi summi viri appetunt: est quod eum-

(d) *Annus conjectura nostra. Vid. ad Epist. præced. lit. a.*

(e) *Plane aberat annus. Sed hunc epistola huic debere suadebit responsoria Mureti.*

EPISTOLARUM APPENDIX.

317

eundem orare atque obsecrare non desistam, ut, licet in te satis constantiæ in colenda amicitia hactenus esse perspexerim, in officio tamen ipse atque hac optima sententia te perpetuo retinere velit, quoad felicitatem, quam mihi videor ex hac conjunctione nostra esse adeptus, quotidie magis accedat. Ego quidem mea stabili erga te voluntate operam navabo, ut tuum erga me amorem in dies magis provocem; omnemque meam cogitationem industriamque in eo ligam atque locabo, ut me dignum præstem, quem tuo studio ac patrocinio semper foveas. Vale, atque Alphonsum Janinellum meo nomine salvere jube.

Huic, simul et præcedentibus duabus, vel alicui simili, responderet Muretus lib. IV. Ep. 12. Neque te uno A. 1563. s. Id. Sextil.

IV.

E Lib. I. p. 47. A. 1563. prid. Kal. Jan.

Respondet Mureto ad modo dictam: Neque te uno.

SI de tui animi constantia in tuenda amicitia, Murete optime, nonnihil dubitarem, de immutata quoque tua erga me voluntate valde suspicarer, præsertim si mei diuturni silentii causa tibi haud nota esset. Verum integerrimo viro, ac Jurisconsulto optimo Francisco Martellio per litteras mandavi, ut meis tibi verbis hæc referre vellet; multis me negotiis impeditum, nec non adversa matris inævaletudine valde effectum, non tui oblivione, litteras ad te dare intermisisse, nisi temeritatis abs te condemnari velim, quod, cum ego tuam amicitiam magnopere expectaverim, ac me tuæ benignitati totum adscribere fuerim professus, nulli autem merito meo quod me in amicitiam facile ac libenter recepisses; me mea culpa talis ac tanti viri familiaritate carere nunc paterer, ejusque gratiam effunderem. Cumque eis ad me rescripisset, se semel officio amici functum omnia tibi exposuisse: suis, mihi crede, litteris ita me recreavit, ut, ex animo tuo ne effluerem amplius, fere sine timore esse ceperim. Ac persuadeas tibi velim, postquam de matris salute sperare, de qua aliquando desperavi, eaque in spe pæne omnes curas molestiasque deponere cœpi: nihil mihi fuisse antiquius, quam

ut gravissimis elegantissimisque litteris tuis responderem: quas ego in loco collocaram, ut illæ in conspectu mihi semper essent, quotidieque de meo me officio admonerent. Nam nullum me diem fere prætermisisse, quin eas legerem, si tibi assinem, vix fortasse credas: & tamen vere dicam, in assidua litterarum tuarum lectione ita conquiescebam, ut dolorem meum valde lenirem. Quid enim stultius, quid iis dulcius in meis maximis molestiis accidere mihi poterat? Quas scito a me summa diligentia servatum iri, quo perpetuum tui erga me amoris monumentum esset, posterique intelligant, me cum præclarissimo viro M. Antonio Mureto, a quo & diligere summa esset felicitas, maxima fuisse necessitudine conjunctum. Tu quoque si perfeceris, ut promissum illud tuum appareat, de quo in litteris tuis ad me scribis, (nihil enim non consideratum ex ore tuo exire existimandum est) eum, quem tuæ excellenti virtuti penitus deditum esse nosti, perpetuo tibi devinxeris. Quod reliquum est, ex litteris Lælii Gavardi, optime spei adolescentis, qui cum Paulo Manutio nostro, viro præstantissimo aliquot menses fuit, cognovi, te Aristotelis Ethica publice legere maxima atque celeberrima auditorum frequentia, tuamque omnes dicendi vim & orationis elegantiam admirari. Quod etsi mihi minime novum accidit, quippe qui tuos nervos jam videar perspexisse, miror tamen modogratum accidit. Itaque animum tuum vehementer probavi, cum ceteros suavitatis ingenii tui atque doctrinæ statuisse participes facere: cœpique meæ fortunæ subirasce, qui non illic adsum, ubi tua gravissima atque ornatissima verba excipere, reconditosque tuos sensus tenere possim. Ita enim sum, illo nuncio commotus, itaque tui desiderio exarsi, ut, si unquam me domesticis curis plane exsolvero, ad te statim advolaturus sim. Interea me amabis, ac si quid adhuc in te de mea summa erga te observantia illæ opinionis residet, id totum mea causa depones. Vale, Murete præstantissime, quem Deus Opt. Max. pro sua benignitate tueatur. Pridie Kal. Januarii MDLXIII.

Respondet Muretus lib. IV. Epist. 13. E tuo tam diuturno. A. 1564. 18. Kal. Febr.

V.

*E Lib. I. p. §1.**A. 1564. prid. Id. Oct.*

EGÓ, Murete optime, æstivos hosce menses litteras ad te dare intermisi, quod ab æstu valde jactarer, nec commode libros evolvere possem, tum etiam domesticis curis, quæ eo tempore maxime a studiis animum avocant, vehementer essem distentus. Non enim existimare debes, me amicitiaæ tuæ, quam ut mihi conciliarem, divinis quodam munere contigisse semper putavi, fuisse oblitum, nec humanitatis tuæ eximia, quam in excipiendo me comiter & peramanter crebro sum expertus. Itaque cum vererem, ne mihi ipse deessem, Lelio Gavardo, quem ego juvenem propter ejus suavissimos mores mirifice diligo, mandata dedi, ut quotiescumque ad te proficisceretur, meo te nomine salutaret, meque tibi de mea taciturnitate excusaret. Quæ se confecisse, ac singularia mea in te studia gratissima tibi existisse, mihi significavit. Quo ipsius facto tunc ita recreabar, ut in cogitatione officii mei redderem etiam negligentior. Venit tandem tempus, quo ad mea me studia referre licuit. Cum primum igitur ad scribendum me contuli, quod jam notes me adjuvarent, primam lucubrationem meam ad te misi, quod ego te unum pluris faciam, quam cæteros simul omnes, & admirer. Cujus meæ erga te voluntatis conjecturam ex eo facere potes, quod, cum tua in me studia in memoriam revoco, teque honoris gratia nominare volo, (nomino autem fere quotidie) ita afficior, ut loco summæ felicitatis esse ducam, quod me tibi intimum esse volueris. Tu quoque, siquid in animo tuo opinionis de mea in scribendo negligentia forte insedit, ut protinus ejicias mea causa, nec pristinam tuam humanitatem mihi claudas, te etiam atque etiam rogo. Quod te facturum, cum suavissima natura tuâ, tum maxima constantia mihi pollicetur. Ego, quoad vivam, incredibilem tibi amorem ac obsequantiam, nec non omnia officia, quæ a deditissimo tibi expectari possunt, semper debebo. Vale, doctissime Murete. Prid. Id. Oct. MDLXIV.

Responder Muretus lib. IV. Ep. 14. Puto mirum tibi. A. 1565. Id. 6. Mart.

VI.

VI,

*Æ Lib. 1. p. 66.**A. 1565. 6. Id. Mart.*

Etsi non cogitabam nunc ad te scribere, præstantilime Murete, quod hoc tempore, religionis causa, in visenda, ut debeo, plebe mihi commissa valde occupatus essem, sed tuas ego litteras potius expectabam: Alexandro tamen Canasio, mihi amicissimo Collegæ, istuc proficiscenti, qui non solum a me petivit, sed flagitavit etiam, ut meis litteris aditum sibi ad amicitiam tuam aperirem, denegare non potui, quin has ad te darem. Scito igitur, me hanc scribendi occasionem libenter arripuisse, ut tibi significarem, me omnia moliri, ut tecum in gratia perpetuo sim. Quamquam in hoc Lælii Gavardi officium certe ac diligentiam valde desideravi, quo adiutore sperabam fore, ut ad amorem erga me tuum quotidie potius aliquid accederet, quam quicquam de eo detraheretur. Sed quid cum ab optimo instituto avocaverit, mihi plane conscius non sum. Canasio autem mandavi, ut ipse te meis verbis studiose salutaret, meæque tuarum præstantissimarum virtutum prædicationis optimus mihi apud te testis esset. Cujus suavissimos mores, singularem modestiam cum degustaveris, non vereor, ne non cum amicitia tua dignum statuas. Præterea cum eundem optimis & litteris & artibus vehementer delectari compereris, quem etiam tibi, dum isticerit, sæpe discipulum fore spondeo: facile, opinor, illum insonare se in consuetudinem tuam, tibi que familiarissimum esse patieris. Quare, quod tua singularis humanitas benignitatisque postulat, ut tua sponte, nedum a me rogatus, facias libenter Alexandrum in fidem & clientelam tuam recipies, putabisque, quicquid in eum officii ac studii contuleris, illud utrique nostrum ita gratum fore, ut pro eo ambo tibi plurimum debitori simus. Vale. Ferrariz, vi. Id. Martii MDLXV.

VII.

E Lib. II. Ep. 70.

A. 1566. 6. Non. Quint.

JAm diu nihil ad te litterarum dedi, Murete præstantissimo, ea sane de causa, ne te, in gravioribus studiis tois, & in munere præsertim publice interpretandi impeditum, magis impedirem; nec ante cogitavi ad te scribere; quam Alexander Canalius, Collega meus optimus, me in hanc mentem impulit: cuius adventus certe mihi per jucundus fuit. Ejus enim suavissimo congressu carebam, quo fere quotidie, propter præstantes ipsius virtutes, libenter fruor. Nam mihi primum de tua eximia humanitate ac moribus suavissimis, de tua singulari doctrina ac dicendi facultate multa narravit, nec non de maxima virorum doctorum frequentia; qui ad te audiendum quotidie confluerent. Quæ quidem mihi nec nova, nec inopinata, quippe qui cognitam omnino ac spectatam habere virtutem ac omnium optimarum artium scientiam tuam, sed gratissima acciderunt. Lætor enim mirum in modum, illius meritis, quem ego semper admiratus sum, ex quo tempore intueri ipsum mihi licuit, summos ab omnibus honores tribui. Addidit deinde, non obscura te signa illi amoris erga me tui cum alias sæpe ostendisse, tum discedenti diligenter mandasse, ut me tuo nomine saluteret. Quo quidem officio dum Canalius ipse fungeretur, mihi vehementer gratulatus est, quod tanto viro ita cordi sim, ut ille mei memoriam retinere non cesset aliis in rebus occupatus. Quod quanti mihi faciendum sit, oratione certe assequi minime possum. Sed tamen, cum summa efferar læticia, quod in gratia apud te sim, non mihi arrogo, ut merito meo valde abs te diligar; (essem enim modestiæ oblitus) totum vero eximæ ac præstanti naturæ tuæ tribuo; quæ te etiam adduxit, ut quas proxime ad Canaliū litteras misisti, in iis honorificam quoque mentionem de me faceres. Itaque cum me studiis in dies majoribus ornēs, nec gratiarum actioni locum relinquis; referendi autem non modo gratiam tibi, sed ne vix cogitandi quidem facultas mihi sit: curabo equidem omni opera, studio, diligentia, assidua quoque tuorum in me officiorum commemorazione, ut omnes homines memorem me, ac tibi

Tom. II.

X

ma-

magnopere gratum esse intelligant. Quod si ad præclara tua in me merita hoc quoque accesserit, ut promissum exsolvat, quo jampridem teneris, fateor, me tibi ita devotum fore, ut nemini unquam me plus debitum esse profitear. Perge igitur me amare, quando totus tuus sum. Ego enim summa observantia amoris tuo certe respondebo. Vale, Murere ornatissime, quem præpotens Deus incoluit, men ac saluum diu servet. Ferr. vi. Non. Quint. MDLXVI.

Respondet Muretus lib. IV. Ep. 15. Et si ferius ad te. A. 1566. 4. Id. Oct.

VIII.

E Lib. II. p. 72.

A. 1566. Id. Oct.

Scripta antequam responsoriam Mureti, de qua modo dictum, acciperet.

Quantum acceperim dolorem ex discessu hinc tuo, Murere præstantissime, ex eo facile pro tua summa prudentia judicare potes, quod postea ita affectus tui, ut ne litteras quidem ad te dare potuerim. Sed, mihi crede, ita dolui, quod e conspectu meo quasi fugiens evolasti, ut majorem nulla ex re, quæ mihi unquam acciderit, molestiam traxerim. Careo enim cum dulcissimæ consuetudinis tuæ fructu, quem maxima animi cum voluptate quotidie ferre gustabam, dum vix diem intermittebaris, quin te convenirem: tum suavissimo congressu doctissimisque sermonibus tuis, quorum mira suavitate cum mecum esse bis certe domi meæ una cum Jacobo fratre haud gravatus esses, ita detinebar, ut nisi nos diremisset tempus & hora, me abs te avelli minime passus fuisset. Ac ut nunc de tua multa humanitate ac moribus eximiis dicere mittam, quibus nolum quam mea pareat oratio: quid dicam de summis tuis in me studiis, de tot ac tantis amoris & benevolentiae signis, quæ maxima mihi dedisti, ut me tibi vehementer gratum esse nemo non perspiceret? Quæ cum mihi veniunt in mentem, tunc mirum in modum angor, tantum solatium repente mihi ereptum fuisse. Sed tu, quod acerrimo ingenio ac singulari judicio tuo futura longe provides, non medicrem summo dolori meo medicinam adhibuisti, cum ea

ad Alexandrum Canahum scripisti, quæ hanc animi mei ægritudinem valde levarunt. Ostendis enim in litteris tuis, meam summam erga te observantiam magnopere tibi gratam exstitisse, teque nunquam mei memoriam depositurum, sed semper in eorum, quos unice ac singulariter amas, numero habiturum esse affirmas. Quarum etiam humanitatem litterarum Canahus ipse suavi sermone suo subsecutus est: ita enim mecum & mirabiliter sentit, & palam prædicat, ut te admodum colere præferat. At reliquæ doloris me exercent, Murete optime: (tuæ enim incredibilis comitatis, conditæ magna gravitate, non mediocre mihi desiderium reliquisti) impedire tamen non potuerunt, quin has ad te darem. Dum enim tecum colloquor, teque cogitatione complector absentem, omni mœrore animi fere mihi solutus videor. Quas tibi fore non ingratas, qualescumque sint, ex hoc coniciam, si tu ad alia tot tua in me officia hoc quoque addideris, ut tuarum me litterarum suavitate oblectes. Quod si impetrabo, non solum omni me molestia liberabis, sed tanto etiam gaudio afficies, ut me revivisse putem. Vale, ætatis nostræ decus. Ferrariæ. Id. Octobr. MDLXVI.

Respondet Mureto lib. IV. Epist. 16. At ita mihi omnia.
A. 1566. 12. Kal. Nov.

IX,

E Lib. III. p. 138.

A. 1566. prid. Kal. Nov.

Prima hujus Epistola verba, quin simul ad tres Mureti respondeatur, dubitare nos non sinunt. E quibus suspicor duas esse lib. IV. Epist. 15. Etsi serius ad te: & 16. At ita mihi omnia: tertiam periisse nobis, opinor, italice scriptam fortasse.

A Ccepi tres abs te Epistolas, Murete præstantissime: quæ tanta me lætitia affecerunt, ut omnem, quem ex discessu hinc tuo non mediocrem ceperam, dolorem prorius absterferint. Eæ enim leporis omnis ac venustatis adeo plenæ sunt, ut te ipsum in illis contemplans mente semper complectar & osculer. Itaque cum proxime illius fratris obitu, qui omnia fere negotia istic nostra gerebat, vehementer affectus fuero, in lectione litterarum tuarum

ita conquievi, ut omnes sollicitudines curaque, omnem denique mororem deposuerim. Quod scribis; neminem mihi abste præpositum iri, quem illius Orationis, quam superioribus diebus in Senatu istic publico ad Pontificem habuisti participem facias: quanti hoc tui in me amoris indicium a me fieri debet, & quotidie prædicari? Sed cum tu de singularibus tuis in me studiis me perpetuo tacere magnopere cupias: nonne cum tibi pareo, cuius ex voluntate omnia me facere docet, officio meo maxime satisfecero? Unum tamen hoc a me non impetrabis, ut silentio præteream, quod statueris in scriptis tuis, ut in extremis tuis litteris (f) affirmas, apud posterostestatum relinquere, quantum me dilexeris: non enim insignis tuæ erga me benevolentia significatio id patitur. Nec eo dico, quod mihi persuadeam, me tam propensam tuam in me voluntatem dicendo æquare posse: sed hac de re eos, qui utrique nostrum maxime amici sunt, (ut fratres mittam) celare non queo, quin te mihi admodum favere intelligant. Qui ut forte me ambitionis arguant, quod te mei studiosum esse gaudeam: illud quidem affirmare non poterunt, ut hoc meæ erga te observantia, meisque in te officiis a te debitum mihi esse arrogem, ac non totum eximæ præstantique naturæ tuæ acceptum referam. Quorum e numero cum præcipuus sit Alexander Canalius noster, qui est & mearum cognitionum & consiliorum particeps ac socius: eum suavitate litterarum tuarum prævalere fas non esse putavi, quippe qui totus homini tuo valde addictus est, vixque mihi concedit, ut se in te colendo vincam. E cuius litteris causam tarditatis meæ in scribendo jam cognoscere potuisti, sicuti ex iis, quas ad eum misisti, te abundantia quadam amoris ea mihi attribuere perpexi, quæ cum in me perexigua, in te vero summa sint, a me narrari minime pateris. Sed Alexander (credo) causam meam tuebitur. Nunc illud exploratum habere velim, Edictum illud Pontificium, quod ad me pro tua liberalitate missum, valde mihi gratum extitisse. Cui ut obedire aliqua ex parte

(f) Legitur hoc prope finem Epistolæ 15. At hoc sequentis 16. comparatione, extrema non est, si temporali quimur adscripta. Aut ergo Muretus erravit in ascribendis temporibus: aut Sacratius in numeranda extrema; aut nobis de 16. quasi qui hic respondatur, plane tacendum fuit.

parte valeamus, divinum nobis auxilium vehementer expetendum atque implorandum est: nam, ut illud nos in hoc mundo vitam degentes atque assidue versantes penitus exsequamur, vix optare debemus. Tu ut me tua gratia fovere pergās, magnopere abs te peto. Vale. *Fertariæ*, prid. Kalend. Novemb. MDLXVI. (g)

X.

E lib. II. pag. 84.

A. 1567. 16. Kal. Sext.

Etsi complures dies, Murete optime, litteris tuis carui, quod te maximis occupationibus districtum esse, non mediocri mihi fuit argumento, cum tu in scribendo impiger esse soleas: interea tamen non sivi tui mentionem unquam intermitteri. Ego enim cum Paludino & Canalisio in aliquem de te sermone fere quotidie incidebam. Quid enim suppetere nobis uberius poterat, quam de tua eximia virtute disputatio? Redditæ tandem mihi fuerunt ab Hercule Faccio litteræ tuæ, una cum Oratione, quam pro Rege Poloniæ habuisti. (h) Quibus lectis, a risu abstinere non potui, nec satismirari, quid tam brevem tamque novam omnibus uno temporis puncto amicis tuis satisfaciendi rationem iniisses: nec aliter Collegis meis optimis usu venit, quos lectionis litterarum tuarum continuo feci participes. Quare mihi, qui te, quantum fert ingenii mei tenuitas, imitari studeo, dabis hanc veniam, ut in hoc quoque laconico scribendi genere te auctorem sequar. Orationem tuam scito ab omnibus nobis non solum probari vehementer, sed summis etiam laudibus efferri, nec tamen abs te vinci opinionem de te nostram, qui a summo ingenio tuo excellentique doctrina majora etiam expectamus. Vale. Canalius, Jacobus frater meus, cæterique amici perpetuam tibi incolumitatem ac felicitatem cupiunt, multamque tibi salutem dicunt. *Fertariæ*. XV. Kalend. Sextil. MDLXVI.

X.

XI.

(g) *Exaratus annus erat 1572. Pro hoc posuimus e conjectura nostra 1566. quod eodem anno scripta Epistola, saltem 15. responderi huc videretur.*

(h) *Eam vide supra Vol. I. Orat. 15. p. 158. habitam. A. 1567. Ut adeo credibile sit hunc eundem annum etiam huic epistola deberi.*

(i) *Jam dixi causam hujus anni. Legebatur alias 1569.*

E Lib. I. p. 78. A. 1567. 4. Id. Decemb.

EGo ad te litteras jamdudum dedissem, Murete præstantissime, ex quibus intelligeres, me in crebra tui nominis commemoratione conquiescere, nisi magna mediū ac multum detinisset valetudinis infirmitas. Nulla enim majori, mihi crede, voluptate affici soleo, quam cum per litteras tecum colloquar, dum tuo jucundissimo conspectu frui non possum. Quod cum per corporis imbecillitatem perficere hactenus mihi non licuerit, egi sæpe per litteras cum Nicolao Thalamio, morum suavitatem ac doctrinam prædico, mihi que amoris & amicitiam conjunctissimo, quas ad eum aliena manu scriptas miseram, ut salutem meo nomine tibi nuntiaret, ac me tui studiosissimum esse, tuarumque excellentissimarum virtutum cultorem egregium significaret. Quod illum facere non desitisse, ex ipsius litteris cognovi. Non enim tam laborabam, ut pristinam salutem reciperem, quam ne tanti viri gratiam, quam mihi non merito meo ullo, sed ejus bonitate ac liberalitate conciliaram, penitus effunderem. Jam vero, statim ut ex morbo convalui, per breves has ad te scripsi, ut ad respondendum te provocarem. Quas tibi ex eo gratas fuisse perspiciam, si, cum lectionis publicæ vacatio tibi fuerit, (ita enim æquitas ac modestia postulat) exoptatissimas litteras tuas accipero. Vale, meque, ut consuevisi, ama. Ferrar. iv. Id. Dec. MDLXVII.

Respondet Muretus lib. IV. Epist. 17. Quod nunquam ante ea. A. 1567. 13. Kal. Jan.

XII.

E Lib. II. p. 80.

A. 1568. 15. Kal. Dec.

EGo ad te jamdiu non scripsi, quod te ab Urbe abesse audieram, & esse Tibure cum amplissimo Cardinali tuo. Sed Nicolaus Thalamio, tui studiosissimo, sæpe mandavi, ut, quotiescumque cognosceret, te in Urbem redisse, meiste verba salutaret, ac me apud te in gratia poneret. Qui me per litteras certiores fecit, se mandata mea diligenter curasse, perspexisseque, me a te magnopere diligere.

Itaque

Itaque Nicolai humanitas ac diligentia (fateor) me in fungendo munere meo negligentem reddidit . Nam cum cum illic haberem , cuius opera atque industria , pro veteri mea cum eo amicitia , uti liceret , officii mei fere oblitus sum . Accessit , ut negligentior factus sum , quod distillatione valde molesta complures dies laboravi , quæ & facultatem scribendi mihi eripuit , & voluntatem abjicere impulit . Proxime vero ab eo admonitus in animo tibi esse longiores ad me litteras mittere , tanquam e gravi somno , mihi crede , excitatus sum . Timui enim , ne anteverteres , quod ab instituto meo prorsus alienum fuisset . Nam cum mihi in optatis sit , divina tua scripta semper legere : soleo te aliqua pusilla epistola interdum lacescere , quo te alliciam ad scribendum , capiamque ex litteris tuis eam voluntatem , quæ ex illius , qui omnibus ingenii gloria antecellit , doctrina percipi potest maxima . Quare , quoniam meus ita faciendi mos est , hæc ad te scripsi , primum ut quæ Thalamio recepisses , in memoriam redigerem : deinde ut significarem tibi , si unquam alias , nunc præcipue vigere nomen tuum , nec a me ullum fere diem sine tuarum eximiarum virtutum mentione intermitti . Quid enim me magis delectat , quam meus cum amicis de illo sermo , quem propter summam humanitatem tanti facio , quam quem maximi , & propter magnarum scientiarum artium mirum in modum admiror ? Te vero in amore mihi respondere , quanto afficiar gaudio , tu , qui sensus meos jam cognitos habes , facile iudicabis . Perge quidem , ut facis : pro hoc enim in me studio , perpetuo tibi debiturus sum . Vale , ætatis nostræ decus . Ferrariæ , xv. Kal. Dec. MDLXVIII .

XIII.

E Lib. II. p. 81.

A. 1569, Non. Jun.

Vereor interdum , ne dum litteras tuas exspecto , quæ me de statu tuo erudiant : interim te mei capiat oblivio : idque ut caverem , omnibus officiis , quæ a me tribui amicitia nostræ potuerunt , diligenter curavi . Quod si temporis diuturnitate id accidere haud posse arbitrarer , non te litteris nunc obtunderem , in studiis aprime occupatum , præsertim cum nullum scribendi argumentum mihi suppetat , uno hoc excepto , quod valde timeo , ne

Paulus Sacratuſ e tua memoria invitua elabatur. Niſi enim hunc ſcrupulum mihi evelleriſ, nihil ampliuſ amoris erga me in te reſidere arbitror. Te vero a me in dieſ plu- riſ fieri, eſſi nihil eſt quod dubiteſ, id tamen teſtibuſ per- multuſ placuim tibi faciam, Canaliuſ imprimiſ ac Alberto Lolliuſ, qui te valde obſervant atque admirantur. Teſtiſ cabuntur enim ii, nunquam Mureti mei ſuaviſſimi me- moriam ex animo meo diſcedere. Nam nullum, niſi crede tempuſ prætermitto, multa de te cum Canaliuſ verba faciendi, mirabiliterque loquendi: magnopere enim in tuo nomine acquieſco. Tu quoque, ſi non paſſuſ fueriſ, te mihi in ſuſpicionem tuæ de me oblivioniſ venire, ve- rum offendiſ, meæ admodum in te propenſæ volunta- tiſ recordari, non ſolum me vehementer recreabiſ, ſed magna etiam voluptate perfundeſ. Vale. Ferrar. iv. Non. Jun. (k) MDLXIX.

Huic & præcedenti reſpondet Muretuſ lib. IV. Epiſt. 18.
Non puto me tibi. A. 1569. 18. Kal. Quinr.

X I V.

E Lib. II. p. 117. A. 1570. 4. Non. Jan.

Quantum de tua ſumma humanitate ac ſuaviſſima natura mihi pollicear, Murete optime atque doctiſſime, ex eo conſpicere poteſ, quodcum ſcribendi officium jam diu tibi debitum intermiſerim, me tamen excuſare minime velim: id enim inveteratam jam amicitiam noſtram & multuſ benevolentiaſ indiciaſ utrinque cultam haud deſiderare puto. Ac quoque narratione cauſarum ſilentii mei ſuperſedeo, quod eaſ a Nicolao Thalamio, intimo ac familiari meo, audire potuiſſi: ad quem proxime ſcripſeram, me in maximis eſſe moleſtiſ, præſertim ob infirmam & periculoſam matris valetudinem, cuſque mandata dederam, ut te domum ſalutatum veniret, ac tibi de mea in te fide & obſervantia incredibili ſponderet. Quo igitur argumento utar? inanibuſ ne litteriſ tibi obſtrepam, qui altiſſima divinoque tuo ingenio maxime digna quotidie meditariſ? Tantum dicam, me ex ejuſdem Thalamii litteriſ cognoviſſe, memoriam meam apud te admodum vigere, atque abſ te adeo multa de me prædicari, ut tuuſ non mediocriſ in me amor facile perſpi- ci

(k) Ira malo, quam Jan. Suadet tempuſ reſpoſitoria.

ti possit. Quorum alterum me vehementer etiam atque etiam delectasse non inficior; (nam me beatum esse puto, quod in animo tuo infideam, nec majus quicquam abs te tanto viro expectare ausus unquam fuisset) alterum vero, ut ea mihi tribuas, quæ si in me agnoscerem, ad summam felicitatem profecto nihil addi posset, ab abundantia quadam amoris & humanitatis proficisci, ut, quæ tua sunt propria, cum aliis communicare velis, nemo est qui ambigat. Quis est enim, qui aut ignoret, per paucos reperiri, qui doctrinam atque eloquentiam admirabilem cum eximia morum suavitate comitateque conjunxerint & copulaverint; inter eos autem te præcipuum esse non æque omnibus constat? Sed hæc mitam: nam te laudes tuas non libenter audire, imo ab hoc scribendi genere animum tuum abhorrere, jam diu exploratum habeo: & me præstantissima animi tui bona ac merita tua, oratione aut ulla dicendi facultate æquare non posse, cunctis est perspicuum. Reliquum est, ut te orem atque obsecrem; ne Pauli tui memoriam conservare desistas; sicut tua excellens virtus non patitur, ut de te dubitem. Persuadeas enim tibi velim, in te colendo me parem unquam habiturum esse neminem. Vale, ætatis nostræ decus. Alexander Canalius, qui te plurimum observat, multam quoque tibi salutem adscribit. IV. Non. Januarii MDLXX.

Responder Muretus lib. IV. Epist. 19. Heri accepi a te. A. 1570. 15. Kal. Febr.

X V.

E Lib. III. p. 123. A. 1575. 10. Kal. Jun.

Cum diu me siluisse, mihi venit in mentem, Murete eximie, vehementer puder, me tanta in scribendo negligentia usum fuisse, ut me tanquam minus studiosum tui, ac tuorum in me officiorum parum memorem jure reprehendere possis. Ac nisi singularis humanitas ac dulcissima natura tua me recrearent, quæ mihi spem non modicam ostendunt fore, ut de tua pristina in me benevolentia nihil imminuatur; essem in magno timore, ne ex animo tuo penitus effluxissem. Sed quam cessationis meæ excusationem habere possum, quæ me tibi conciliet? An in terræ motum, qui tantam huic civitati cladem perniciemque attulit, quique nos magnopere vexavit, & quotidie vexat, culpam

Nam transferam? At Philippus Sacratius, frater meus, omnino abs te accipiendam esse negabit, quod is paulo ante me litteris suis ter admonuerit, ut maximas tibi gratias de illa summa amoris erga me tui significatione agerem, cum amplissimo Patrono eloquentia mirabili persuasisti, vel potius eum impulisti, ut munus illud nobis ab Episcopo Carpentoracensi mislum, quod ipsius familiares in gazam recon- siderant, libenter restitueret. Quod præclarum factum tuum fratri meo tam gratum atque jucundum exstiterit, ut se & amantiorem mei & amicio- rem exclamaret, a me haberi neminem. An segnitiam inertiamque mihi obstitisse dicam? Utrumque mihi crede, magno impedimen- to fuit. Nam cum ego meditarer, quo potissimum argu- mento uri deberem, ut singulari tuo in me studio aliqua ex parte responderem, animadverteremque, (ut soleo) me ad summum virum & acri judicio præditum scribere, diuti- que in hac cogitatione immorarer, ecce terræ motus ab omni alia cura animos nostros ad maximum timorem traduxit, atque in hortos migrare compulsi, de quo multa te audisse credo. Nec studiis meis vacare mihi li- cet, quod ab eo adhuc affligamur, & quis exitus futu- rus sit, plane ignoremus. Itaque verum ingenue fatenti facile opinor erratum condonabis. Non enim hoc accidit- se oblivione tui, vel meæ erga te observantiæ imminu- tione ulla existimare debes: quod alterius quidem testes mihi sint Paludinus noster, (qui jam dudum, Roma cum venisset, me tuo nomine salutavit) & Canalius noster, tui studiosissimi, quibuscum de te sæpe mentionem facio, ser- monesque habeo tua excellenti virtute dignissimos. Alterum vero scio, te adduci non posse ut credas: non enim te la- tet, jam diu me omnem cogitationem in eo fixisse, ut gra- tiam abs te inirem, meque in tuam familiaritatem infusa- rem. Quæcumque sint, ignosce mihi, quæso, si justam ti- bi de excusationem, & fac amorem erga me tuum aliquid po- tius additum, quam quicquam detractum esse ut intelligam. Nam si facilitatem & humanitatem tuam in hoc etiam exer- cueris, ut me aliquo literarum genere in hac calamitate contoleris; tantum ex hoc pio tuo officio voluptatis capi- am, ut omnem timorem abiciam, & exultare læti- tia ac triumphare gaudio incipiam. Vale, ætatis nostræ decus. Ferrar. x. Kal. Junii MDLXXI.

XVI.

*Lib. III. p. 126.**A. 1571. 11. Nov.**Respondet Mureto ad lib. IV. Epist. 20. Scripsi nuper
jussu. A. 1571. 14. Aug.*

Litteræ tuæ quam gratæ atque jucundæ mihi existerint, quibus non modicam mihi consolationem adhibuisti, Murete doctissime, oratione exprimere nequeo. Carmina vero, quæ ad me misisti, cumulum mihi gratiæ attulerunt. Quid enim elegantius, quid suavius, quid venustius. Itaque non semel ea legi, sed sæpe ac sæpius perlegi. Nec hoc contentus exclamavi: O beatum Tibur, cui tantum laudatorem habere contigit! Quis civitas huic æquanda est, postquam summus ille Mæcenas eam celebrare cœpit? Non est profecto, qui Mantuæ aut Veronæ invidet. Nec putes, me unum ita judicare. Doctissimus Montecatinus, cujus te judicium extimescere loco dicis, ita sentit, de teque mirabiliter prædicat. Martellius noster optimus atque prudentissimus te admiratur, Tiburique maxime gratulatur. Quid de Paludino dicam? qui ut primum gustavit carmina tua, ad te scripsit, binasque litteras dedit; cum adhuc infirma esset valetudine: ex cujus litteris illius judicium de ipsis perspicere potuisti. Caninius autem poster, qui a civitate mensem fere absuit, quique tarditatis mearum litterarum auctor est, te eum esse affirmat, a cujus divino ingenio ut quotidie majora proficiantur, expectare cuncti debeamus. Cæteros quamplures mitto, quos tuarum lucubrationum participes facere soleo: ii enim in cœlum ferunt. Denique omnes una voce fatentur, amplissimum Patrónum tuum tibi plurimum debere, quod facta ejus scriptis tuis prudentia plenius præclara admodum atque illustria reddas. Ego vero immortales tibi gratias ago, quod me hoc eximio munere affecisti, quodque exaratos præsertim manu tua ad me versus tuos misisti, ut tuam præcipuum in me amor vel maxime appareat: optoque talem me erga te præstare, quem sæpe & libenter maximis studiis tuis ornes. Nam etsi non factis nec re ipsa, at certe animo ac mirifico tuarum præstantissimarum virtutum cultu tua in me beneficia sustinere conabor. Vale. Ferrariæ xi. Nov. MDLXXI.

XVII.

*E Lib. III. p. 134.**A. 1572. 4. Non. Feb.**Responder Mureto ad lib. II. Ep. 22. Feci nuper nescio.
A. 1571. 7. Kal. Jan.*

A Ccepi Orationem tuam, Murete humanissime, eamque statim legi semel atque iterum: quæ ita me delectavit, ut nihil ipsa dulcius ac venustius, graviusque unquam degustaverim. Feci deinde sic ut iussisti, ut illam cum Paludino, Canalisio, ac doctissimo Montecatino communicarem. Quæ causa fuit, ut tardius ad te rescripserim quam putarem. Ac Paludini quidem sensum ex illius litteris jam percipere potuisti, qui differre noluit, ut in eundem fasciculum meas adderem. Alexander autem Canalisius in eadem perstat sententia, ut suam de te opinionem vincere haud valeas: ita enim de te sentit, ut nihil in lucem edas, licet divinum, quin ex tuo admirabili ingenio acerrimoque judicio majora quotidie manare posse affirmet. Non potui vero cum eximio Montecatino sermonem habere, quod is maximis negotiis distritus sit: totum enim se aulæ dedit. Ad quem cum misissem Orationem, jam ante ab eo perlectam fuisse nuncius mihi retulit. Ego denique multos viros doctos ac mihi amicissimos feci lucubrationis tuæ participes, qui te omnes uno ore celebrant, & in cælum efferunt, fatenturque quotquot de hac victoria aliquid conscribere, qui sane permulti sunt, cunctos abste in hoc argumento longe superatos fuisse. Ac meum quidem judicium quale sit, audisti. Non enim cogitata mentis eloqui audeo, quod sæpe mihi significavit Canalisius, abste meam præstantissimarum tuarum virtutum commemorationem ferri non posse, utpote a natura tua alienam. De tuo tamen in me studio, ut ex omnibus, qui amore ac familiaritate tibi conjuncti sunt, me potissimum elegeris, quem ornares hoc honore, ac tam divino munere donares, an si leam? an non maximas tibi gratias agam? Equidem cum mihi valde gloriosum sit, te talem, qualem haud scio optare neminem, mihi amicum esse; ejusdemque in me benevolentiam conservari mea multum referat; & tuis in me meritis, verbis, nedum re ipsa, satisfacere non valeam: semper tamen gratiam tibi summam habebo dum vivam, & cum cæ-

teris

teris communibus amicis tuæ singularis in me humanitatis ac benignitatis prædicatione efficiam profecto, ut ii me dignum iudicent, apud quem tot ac tanta officia collocare perseveres. Vale, ætatis nostræ decus. Ferrar. IV. Non. Febr. MCLXXII. (1)

XVIII.

Æ Lib. III. p. 147.

A. 1573. 9. Kal. Febr.

SCIO, partes meas fuisse pro nostra veteri amicitia, ut te de morte amplissimi Patroni tui consolarer, quamvis non ignorarem, in te satis esse animi constantiæque, ut adversa fortiter ferres: sed in eo statu eram, ut ego ipse consolatione non mediocri egerem. Quantum enim dolorem acceperim, ex obitu Philippi fratris mei, in cuius amore magnopere conquiescebam, tu imprimis, qui eum nosse, existimare potes. Nec illud me angit solum, quod fratre privatus sum, ex cuius humanitate & optimis moribus omnia mihi jucunda accidebant: verum etiam, quod eo careo, qui apud te me in gratia ponebat, & si quando in colenda amicitia nostra negligentior fuisssem, me tibi adeo excusabat, ut pro tua singulari humanitate ac benignitate nihil de tua in me benevolentia imminutum esse videretur. Quid autem, si adhuc viveret? nonne in hoc gravissimo casu tibi affuisset, a me quoque admonitus, atque coram, quanti te faceret, declarasset? Quæ illius officia quam grata ac mihi accepta essent, ego, qui tuam familiaritatem semper appetivi, sum mihi ipsi conscius. Quare si tibi parva nunc amoris atque observantiæ erga te mea signa dedisse videor, quamvis exploratum haberem, te tanti viri iacturam æquo animo & sapienter ferre: domesticum tamen dolorem meum ab hac cogitatione me hactenus avocasse existimes velim. Cui ut tuis suavissimis litteris aliquam medicinam adhibere velis, ex quibus intelligam quoque, te voluntatem eam, quam erga me semper habuisti, retinere, nec ob faciturnitatem meam immutatam esse, te rogo. Iis legendis maxima certe consolatione affi-

(1) Perperam impressum erat 1571. Illam certe victoriam, de qua Mureri Orationem acceperat Sacratius, Octobri mense An. 1571. reportatam a Turcis fuisse, constat e Calvisio.

afficiar. Denique si me certiore feceris, quid agas, quidque acturus sis, magnum te in me beneficium contulisse patabo. De tuo enim statu scire a veo. Vale, ætatis nostræ decus. Ferrariæ. IX. Kalend. Februarii. MDLXXIII.

X I X.

E Lib. III. p. 148.

A. 1573. 3. Non. Feb.

JAm scripseram ad te, Murete doctissime, ac litteris meis tibi significaveram, quo in desiderio essem de tuo statu intelligendi, cum mihi allata est Oratio tua. Ex cujus lectione tantum voluptatis cepi, quod erat Mureti, illus celeberrimi viri, ut me satiare non potuerim. Sed nuncius ille litteras tuas mihi non reddidit, quod mihi fuit summæ occupationis tuæ argumento. (m) Non enim soles aliquam ad me lucubrationem mittere sine aliqua, saltem brevi, epistola tua. Quam certe expectabam, ut, qui tuus status esset, ex ea cognoscerem. De incertis nescio quid dixit, ac ut promissa patrarem, in memoriam redegit. Quæ admonitio magnum, mihi crede, nobis risum movit, (adertat enim & Canalius, cum hæc tuo ille nomine nunciavit) nec cum tenere potuimus. Ostendis enim te dabitare, ne te oblivioni mandemus: cum contra conemur nos, omniaque moliamur, ne ex animo tuo effluamus. At nos quoniam pacto ex memoria Muretum deponere possumus, cujus mira suavitæ antea sumus delectati; & nunc quotidie de illius singulari virtute sermonem habemus. Ego quidem & Canalius, cum de te mentionem facimus, ita afficimur, ut te absentem perinde ac præsentem animo complectamur. Et cum non liceat nobis tuo dulcissimo conspectu frui: quæ majori possumus delectatione perfundi, quam cum de te jucunda audimus, aut nonnulla divini ingenii tui monumenta legimus? Quod ut nobis sæpe usu veniat, ad Kal. Aprilis infra ad te mitemus, quæ, quotiescumque gustaveris, & testatum apud te relinquunt, quanti te faciamus, & memoriam nominis nostri renouent. Reliquum est, ut certo scias, hanc

unam

(m) Credidit itaque Sacratius, Muretum Orationi, quam mitterebat, nullas addidisse litteras. Scripsit se tamen Muretus ait lib. IV. epist. 23. (E qua simul intelligis, Orationem eam fuisse, qua Voluminis I legitur 22. p. 156. Exhibita ergo Sacratio ista litteræ non sunt: aut Muretum fessellit memoria.

unam in animo nostro versari cognitionem, ut gratiam a te
ineamus, teque ad scribendum provocemus. Quod si abs te
impetraverimus, postquam amplissimo Patrono tuo (n) or-
batus es, ut nos certiores facias, quæ tua vitæ ratio futura
sit, an libera, an amplissimo alteri addicta: ita nos tibi de-
vinxeris, ut tui proflus simus. Vale, III. Non. Febr. MDLXXIII.

X X.

E Lib. III. p. 150.

A. 1573. Id. Oct.

Miror cur tam diu fileas: nihil enim de te audio,
nec lucubrationem ullam tuam lego, & in quo statu
sis, quod mea multum scire refert, adhuc ignoro. An for-
te mihi subitantes, quod pensionem non solverim? Non
enim te puto expectare meas litteras, cum post obitum am-
plissimi Patroni tui binas (o) ad te miserim, ad quas nunquam
respondisti. An verò cogitationes maximæ, atque ita gra-
ves versantur in animo tuo, ut hæc nostra minime cures?
Nam te aliquo morbi genere laborare non arbitror. Tu
enim is es, quem cum omnes admirentur, nonnulli ami-
ci mei de te, si quid periculi esset, ad me perferberent.
Itaque causam, quæ te a me abalienarit, sive te hoc perpe-
tuo silentio uti tibi persuaserit, cum divinare non valeam,
nec artem hanc profitear: statui his te litteris laceßere, si
forfan tuas eliciam, ex quibus cognoscas, me valde mœstum
esse, quod vereor, ne eum, quem semper mirifice colui,
atque admiratus sum, mihi immutatum esse intelligam,
Sed tu, qui humanitate excellis, si eadem es, qua soles,
erga me voluntate; (nec enim aliter de te sentire de-
beo) vel si quid in te amoris residet: suavissimis litteris
tuis omnem hanc animi mei mœstitiam penitus abster-
gere, &, quid agas, quid scribas, quid a me agi velis,
ut tuam in me benevolentiam tuear, mihi significare non
gravare. Vale. Ferrar. III. Id. Oct. MDLXXIII.

*Cohæret hæc Epistola cum præcedentibus duabus, vel
priores dua Mureto redita non fuerit: Quamobrem soli huc
ultima rescribit lib. IV. Epist. 23. Respondebo breviter.
A. 1573. prid. Kal. Novemb.*

X X I.

- (n) Hippolyto Cardinali Ferrar.
(o) Quarum utraque hic præcedit.

XXI.

*E Lib. III p. 160.**A. 1574. 5. Id. Jan.**Respondet Mureto ad lib. IV. Ep. 24. Superioribus diebus.
A. 1573. 11. Kal. Dec.*

Tardius ad te scripsi, Murete doctissime, quod eo tempore, quo litteras tuas accepi, & exemplaria tuæ præclarissimæ Orationis duo, tanta me capitis distillatio arripuit & hactenus ita vexavit, ut vix spiritum ducere possem. Itaque, mihi crede, jam senectutem adventare sensi, ut posthac deliberandum mihi sit, quonam pacto reliquum traducere tempus debeam. Non tamen in hanc cogitationem veniam, antequam istuc reversus facerem quo anno proximo, (Deo Opt. Max. mihi propitio) statui proficisci. Ubi, dum divinis rebus operam dabo, te, ut spero, sæpe complectar, & tuo jucundissimo conspectu fruar ita frequenter, (habita tamen a me studiorum tuorum ratione) ut non verear, ne tui suavissimi congressus satietas me teneat. Tunc vero me in otium referam & in crebra tui commemoratione conquiescam. Venio ad litteras tuas, quibus me statim paruisse scito. Nam postridie mane Montecatini adii, eique, ut iussisti, Orationis tuæ exemplum unam manu mea dedi; (cui quam gratum fuerit, ex ipsius litteris te cognoscere arbitror) alterum vero, postquam ego bis terve legi, innumerabiles amici tui in manibus habuerunt: qui omnes Mureti summi viri lucubrationem esse voce magna exclamarunt. Quare te in hisce regionibus maximum nomen habere persuadeas, velim, qui vero deditus tibi sit, ac propter excellentem virtutem magis addictus quam ego, unquam habiturum esse neminem. Brevius ad te scripsi, quam cupiebam, quod nondum satis firmo corpore sum. Post hæc pluribus tecum agam. Vale. Ferrar. v. Id. Jan. MDLXXIV. (p).

XXII.

(p) Postulat hunc annum Epistola Mureti, cui hac respondet. Vitiöse legebatur 1573.

XXII.

*E Lib. III. p. 161.**A. 1564. prid. Id. Quint.*

Nunc sentio, te mei oblitum esse, Murete optime, postquam præclarissimam illam Orationem in funere Regis Galliæ abs te illic habitam ad me perferendum non curasti. Solebas enim in mittendis ad me lucubrationibus tuis ita diligens esse, ut singulare tuum in me studium præ te ferres, meosque Collegas in maximam admirationem traduceres. Sed quid potissimum causæ fuerit, quod tam facile amorem erga me tuum ex animo ejeceris, cogitatione protecto assequi non valeo. Nec tamen mihi conscius sum, quicquam a me commissum esse, quod te mihi immutare posset. Ad tuas enim litteras semper respondi, ac te meis lacesivi interdum, ex quibus perspicere potui, quantum tibi tribuerim. Nisi forte Canaliq & mihi subiratus es, quod more nostro te non salutaverimus. In quo certe non defuit nobis summa voluntas, & diligentia magna adhibita est: sed viam reperire nunquam potuimus, qua tibi gratificeremur. Quamquam de te quippiam tale suspicari non debeo. Non enim novi te animo esse ita humili, ut hæc parva cures. Verumtamen cum istuc proximo anno venire nobis statutum sit, Deo elementissimo juvante, certe tecum coram ita agemus, ut oblivionem tui nunquam in mente nostra insedisse, sed nomen tuum in optimis visceribus semper inhæsisse, fateri cogaris. Interea te etiam atque etiam rogo, ne me tuam in me benevolentiam desiderare patiaris, si me vis animo esse æquo atque tranquillo, nec singularem illam humapitatem, qua in communicandis mecum scriptis tuis uti soles. Sin aliter tibi faciendum esse decreveris, illic dum ero, me nunquam usurum venire in conspectum tuum, exploratum habeas velim. Quare tuo me chyrographo consolare, obsecro te, & qua sis in me voluntate, fac me ceterissem. Vale, prid. Idus Quint. MDLXXIV.

Respondet Muretus lib. IV. Ep. 25. Ne orationis a me.
A. 1574. 12. Kal. Sextil.

*E Lib. III. p. 163.**A. 1574. 16. Kal. Dec.*

Veniente istuc Vincentio Fantino, Collega meo optimo & humanissimo, non potui has perbreves ad te litteras non dare. Ex quibus intelliges, quod ad tuas non responderim, ac tuam præclarissimam Orationem, quam in funere Cæroli habuisti, abs te paucis ante diebus misam, mihi jucundissimam fuisse, tibi non significaverim, hujus silentii mei multas, atque adeo graves causas mihi exstitisse, ut excusationem meam accipere debeas. Quam Vincentius tibi narrabit, cum te otiosum esse cognosceret. Quem in maximam familiaritatem tuam venire, ac tibi intimum esse patere. Nam cum is integritate, doctrina, suavissimisque moribus apprime ornatus sit, magnum te ex ejus consuetudine voluptatem non solum capturum esse polliceor tibi atque spondeo, sed habiturum etiam mihi gratiam, quod tibi tam sincerum amicum conciliarim. Itaque ad eam benevolentiam, quam ipsum sponte complexurus es, fac aliquid mea causa etiam accedat, ut is meam commendationem nonnullam apud te ponderis habuisse sentiat. Vale, Murete, ætatis nostræ decus. Ferrariæ, xvi. Kalend. Decemb. MDLXXIV. (9)

X X I V.

E Lib. IV. p. 185. A. 1575. 12. Kal. Junii.

Statueram, cum primum Ferrariam venissem, Murete præstantissime, epistolam longiorem ad te dare, in qua tua innumerabilia in me studia commemorarem, tribique gratias agerem immortales: videbatur enim magnitudo tuorum in me beneficiorum longam orationem desiderare. Sed cum egregia facta tua considerare, atque perpendere cœpi, ita sum a scribendo deterrius, quod cognovi, tua incredibilia in me merita nullo modo verbis a me æquari posse: ut hanc omnem cogitationem abiecerim, sententiamque mutaverim. Itaque has perbreves ad te

(9) Male excusus erat annus 1524.

te litteras misi. Ex quibus perspicies, me totis viribus, curaturum, (quamquam mihi nunquam satisfaciam) & crebra totac tantorum tuorum in me officiorum mentione, & excellentissimæ tuæ virtutis, singularisque erga me humanitatis prædicatione, ut hic apud omnes quam gratissimus erga te iudicer; tibi verò me talia summi amoris atque observantiæ erga te meæ quotannis signa daturum, ut te mihi in visceribus inhærere, memoriamque nominis tui menti meæ semper infixam esse credas. Perge tu modo, Murete humanissime, in ea erga me voluntate, qua hæcenus fuisti. Puto enim fore, imo spondeo, ut te tot ac tanta mihi benevolentiae signa & indicia ostendisse non pigeat. Vale, ætatis nostræ decus, teque Deus Opt. Max. perpetuo fortunet. xii. Kal. Junii MDLXXV.

Respondet Muretus lib. IV. Ep. 26. Nunc ipsum accipit. A. 1575. Kal. Jun. Cui Mannius vicissim reponit hiesquentem.

X X V.

E Lib. IV. p. 196.

A. 1575. 17. Kal. Quint.

LEgi litteras tuas, Murete præstantissime, atque perlegi. Quæ non modo mihi vehementer gratæ fuerunt (mira enim est in eis suavitas) sed etiam mihi risum moverunt. Nam mihi attribuis, quod occasionem exercendæ eloquentiæ captem in amplificandis iis, quæ per se tenuia sunt, ut vix appareant. Tu vero tantam dicendi facultatem & orationis copiam adhibes ad imminuenda ea, quæ illustria admodum atque egregia sunt, & in excelso loco ab te gesta, in quibus nemo connivere possit, ut omnes admiratione stupefiant. Et quando non negas, oblatam tibi occasionem declarandæ tuæ in me benevolentiae te cupide cepisse: omittis tamen id, quod caput est, te de me, nisi perfectis iis, quæ expedienda suscepisti, quæ certe magna & gravia fuerunt, nunquam conquiesse. Quod communes istic amici probe sciunt, & non ignorat Vincentius Fantinus, Collega meus, tuique studiosissimus, qui necum aderat. Itaque tantis me officiis atque beneficiis oneras, ut ea sustinere jam non possim; nec ea me prædicare, sed tacere vis, ut ex litteris tuis perspicere videor; tibi autem dicere licere, & quod nihil præstiteris, quod merita erga te mea

Y z æqua-

æquare possit, & quod tot illustribus signis meam erga te observantiam perspexeris, ut, si plurimum perfolveris, semper tamen aliquid reliqui futurum sit. Atque si mulas non videre, dum verbis amplissimis gravissimisque sententis tua summa in me officia extenuare conaris, quam veritativam adhibeas; nec recordari, quot illic resles adfuit tuæ singularis in me humanitatis, qui mihi gratulabantur cuncti, quod in gratia tecum adeo essem, ut omnia mea causa velles. Quæ cum ita se habeant, eloquentiam tuam, Murete, aut saltem parem, dari mihi velim, quam tecum contendere possem, tibi que demonstrare, quanta sit tuorum in me beneficiorum magnitudo, (pro quibus magnam tibi gratiam habeo, dum vivam) & quam grata atque jucunda fuerit mihi egregia & præclara opera tua, quam illic mihi navasti. Sed cum hoc optare vix liceat: quod restat, dolere excellentem virtutem tuam memoria sempiterna, & alia tibi indicia ac signa meæ erga te voluntatis posthac dare non omittam. Tibi nunc acceptum fuisse officium illud, quo Tiberius Pompejus meo nomine functus est, vehementer lætor; promissum quoque, quod ego quotannis solvam, tibi fore jucundum, gaudeo; tuum vero potius serves, interdum per litteras abs te flagitabo. Vale, ætatis nostræ decus, teque Deus immortalis perpetuo fortunet. Ferrasix. xvii. Kal. Quint. mdlxxv,

XXVI.

Æ Lib. IV. p. 206.

A. 1575. Id. Ob.

A Ccepi dudum, Murete præstantissime, a Joanne Bono litteras, quæ maximo me dolore affecerunt. In his enim ille mihi significat, te febris tertiana laborare ita gravi, ut vehementer affligarere: sperare te tamen, ut ipse aiebat, cito esse convalesciturum, quod salubri & moderato victu tibi temperares. Nunc autem animo valde sollicitum, quod nihil de te audio; & magnopere cupio illic esse. Multam enim & utilem operam tibi præbere conarer, atque hanc tibi ægritudinem, quoad ejus fieri posset, & consolando & ministrando lenire. Quod si mihi contigisset, ut hoc tempore essem Romæ, felicem me atque beatum putarem, quod in infirma valetudine tua meum tibi studium

nava-

navare possem. Cum vero id assequi mihi non liceat, quoniam longo locorum intervallo disjuncti sumus, Deum Opt. Max. precari, venerari, atque implorare non desinam, quotiescumque a me sacra conficiuntur, ut sua is benignitate atque clementia salutem tibi reddere atque restituere velit. Ego quidem animo nunquam ero tranquillo, quoad te firmo esse corpore, atque ad recolenda studia tua integra mente cæterisque sensibus intellexero. De quo ut certior fieri, ad Bolonum litteras dedi, quem spero nuncium mihi jucundissimum mihi allaturum. Et eidem mandatum dedi, ut si te in eo statu esse perspexerit, ut litteras legere queas, breves has tibi reddat; sin, diligentissime servet eas domi, usque dum opportunum sibi videbitur. Ex quibus cognosces, me admodum ægre ferre, quod apud te tantum virum tamque admirabilem non recte sit. Quem optarem vitam ad ducentessimum annum perducere, si voluntas Dei Opt. Max. ita ferret: ut tuam singularem doctrinam, incredibilem eloquentiam, divinum denique ingenium gustare omnibus fas esset. Quem enim cum Mureto, summo illo viro, conferre possimus, non habemus. Quod non meum tantum, sed præclarissimorum & doctissimorum etiam virorum est iudicium. Quare cum te mihi amicior nemo sit, (quod tuæ summæ benignitati tribuo, qua etiam impulsus mearum istic rerum omnium patrociniū suscepisti) ego vero tibi ob tua tota tanta in me merita ita addictus sim, ut viam tibi satisfaciendi me nunquam reperturum certo sciam: si te nunc carerem, (quod omen elementissimus Deus pro infinita bonitate sua prorsus avertat) quo animo, qua mente me esse putares? Hac, mihi crede, luce diutius frui non curarem, quod omne mihi solatium ereptum esse. Cum enim mihi venit in mentem, te istic esse, teque eum esse, quem mihi perpetuo colendum proposui, profecto in memoria nominis tui conquiesco. At ea de tuo statu, quæ mihi grata & jucunda erunt, Deo Opt. Max. adiutore, me cogniturum esse confido. Cura valetudinem tuam, Murete humanissime. Idibus Octobr. MDLXXV.

XXVII.

Æ Lib. IV. p. 216. A. 1577. 4. Non. Jan.

SUMMA tua virtus & humanitas incredibilis, Murete præstantissimæ, jam pridem fecit, si diu tacerem plurimis distentis occupationibus, quæ me & a scribendo, & a studiis meis hæcenus evocarunt, ut sperarem, te meam excusationem benigne fuisse accepturum. Nunc vero, etsi molestiis & curis domi forisque vacuus non sim, quippe qui multis adhuc angor, differre tamen amplius nolui, quam breves has ad te litteras darem, ne forte me tui oblitum putares, qui mihi hæres in visceribus, cujusque memoriam & in sacris meis, & in sermone quotidiano libenter usurpo. Quid autem me in primis impulerit ad scribendum, quæris? Mirificus (mihi crede) meus erga te amor, vehementisque desiderium de tuo statu intelligendi. Nam jam dudum nihil de te audio, & quid agas, plane ignoro. Carco etiam Joannis Boloni litteris suavissimis, quibus me aliquando valde recreavit, cum te in Sacerdotum numerum ascriptum fuisse nuntiavit, deinde paucis post diebus sacra celebrasse. Ex quo nuncio tanta læticia me perfulsum esse memini, quod eum, quem propter singularem ejus virtutem maxime admirarer, Collegam nunc haberem, ut non quam jucundius quicquam audierim. Itaque cum & silentio Jo. Bolonus, & cæteri istius amici mei, Tiberius quoque, id quod scire aveo, silentio prætereant, & ut perspicio, etiam frigeant: mihi in hac anxia de te cogitatione veritati procrastinare visum non est, quin de me te certiores facerem, tibi que significarem, quanta ardeam cupiditate litterarum; ex quibus cognoscam, utrum apud te sit, ut volo & opto, tecumque prospere agatur, & an mei memoria apud te vigeat. Quod si me dignum censueris, quem singularibus tuis studiis ornes, præcipue vero suavi chryseographo rursus cura & sollicitudine liberares, non solum perpetuam pro tua maxima in me benignitate gratiam tibi habebō, sed te vitam etiam mihi dedisse putabo. Vale ætatis nostræ decus. iv. Non. Jan. MDLXXVII. (r)

XXVIII.

(r) Hunc annum pro 1572. suadent, ut alia miramur, quo hac in epistola leguntur de sacerdotio Mureti.

XXVIII.

E Lib. V. p. 254. A. 1578. 6. Id. Nov.

Respondet, tarde licet, Mareto ad Lib. II. Epist. 66. Tandem ad te remitto. An. 1578. prid. Kal. Maj.

Etsi vetus amicitia nostra innumerabilibus utrinque officiis jamdiu culta minime postulat, ut diuturni silentii mei ulla excusatione utar, (non ignoras enim, eos, qui maximam domesticarum rerum curam sustinent, quique non modica commodis amicorum interveniendi cupiditate ardent, multis implicari negotiis & occupationibus distineri) scito tamen, eam unam atque præcipuam taciturnitatis meæ causam exstitisse, posteaquam illas tuas litteras accepi, in quibus de Polonico negotio, flumine illo eloquentiæ tuæ aureo, sigillatim agebas, quod ex earum lectione tantus me stupor oppressit, ut ingenium meum posthac tardum & hebes, minimeque ad respondendum tibi accomodatum fuerit. Nec te hoc latuit, quippe ex litteris meis vernacula lingua atque insulse scriptis me ab hoc officio deterritum esse sensisti. Itaque cum certo scirem, in mentem tuam irrepere non posse, ut tuæ singularis virtutis atque incredibilis humanitatis, tuorumque in me meritorum memoriam unquam deponam, (nosti enim sensus meos) cæpi in te salutando negligentia ita plecti atque pigritia, ut ad hoc usque tempus perductus fuerim. Nunc vero, ne tuæ summæ in me benignitati ac benevolentiae nimis confidere, eaque abuti tibi viderer, differre amplius nolui, quin breves has ad te darem litteras. Nam veritus non sum, ne non legendis nugis meis a publico interpretandi munere parumper animum tuum avoces, quo non mediocri studium erga me tuum significare minime prætermittas. Ex quibus nullum unquam me tempus ac diem intermisisse cognosces, quin Mareti mei, summi viri, cujus imagitem quotidie video, semper meminerim, ac sæpe consentientibus una mente & voce communibus amicis nostris, ac multis Collegis meis, te unicum ætatis nostræ decus & ornamentum esse concluserim. Tu quo-

que si mei memoriam conservas, & pristinum me locum apud te tenere pateris, (sicuti, ne dubitem, constantias ac firmitas animi tui, dulcissimaque natura tua mihi promittunt ac spondent) qui me sit felicior nemini concedere me, persuadeas tibi velim. Vale, Murete optime, quem clementissimus Deus diutissime servet ac protegat. Ferrar. vi. Id. Nov. MDLXXVIII.

Respondet Muretus lib. IV. Ep. 27. Heri accepi a te, A. 1578. Kal. Dec.

X X I X.

E Lib. V. p. 261.

A. 1579. 15. Kal. Apr.

Respondet Mureto ad Lib. IV. Ep. 28. Tanti fuit torque- re. A. 1579. 4. Kal. Mart.

NUnquam inficiabor, (nec enim debeo, conscientia me stimulante) quin subiratus fuerim, non tibi quidem, Murete praestantissime, (qui enim possum ei succensere, qui a me mirum in modum colitur, & in sinu mihi est, cujusque nomen impressum atque insculptum a me jampridem habetur? accedunt tanta ejus in me officia ac merita, ut ei jamdudum addictus sim:) sed tarditati tuae atque in scribendo negligentiae. Nam cum ignores quam molesta sit diuturna expectatio iis, qui negotia sua omni festinatione expedire properant: praeter te tulisti, in deliciis tibi esse, me cruciari; nec ante litteras ad me misisti, quam ira me vidisti exardescentem, quo me rideres. Neque tu id negas: ais enim, tibi jucundissimum fuisse subiratam me intruere, meque in ira suavissimum vocas. Quas cum legerem, vix risum tenere potui, ac dixi, Muretum meum, qui me jamdiu in sua potestate habet, mecum festivo joculari, & aperte quidem, sed suaviter mihi illudere. Ego autem vehementer laetatus sum, τὴν δὲ μωσὶν ἐμὴν tanti apud te fuisse, ut ea te ad scribendum litteras tam dulces, tamque facetas impulerit, quae omnem mihi molestiam abstergerent, aliter enim eas forte expectarem. In quibus extremis quod mihi ex studiis tuis munusculum parare te inquis, tantae mihi nuncius hic fuit jucunditatis, ut

ut ne vestigium quidem iræ amplius in me reliquum sit. Et quis tam ferreus aut durus est, quem tu singulari orationis tuæ suavitare non mollias? Quare quod non solum me recreaveris & hac ægritudine levaveris, sed spem etiam mihi ostenderis, fore brevi, ut promissum exsolvas: permagnam tibi nunc habeo gratiam, & more meo propediem referam. Si autem fidem tuam liberaveris, quoniam hoc erit mihi gravissimum atque firmissimum amoris erga me tui argumentum, cumulatius quotannis meum quoque munus augebo; ut intelligas, licet æqua conditione in remunerando, tecum disceptare non valeam; quod me præ te pro nihilo ducam; magnitudine tamen animi ac vi amoris me a te nunquam superatum iri. Quin etiam meum studium eximium ac singulare semper (quoad hac luce fruar) ita tibi navabo, ut te a me in colenda officiis veteri, amicitia nostra victum fuisse, tandem fateri cogare. Vale, ætatis nostræ decus, Ferrariæ, xv. Kal. Apr. MDLXXIX.

X X X.

E Lib. V. p. 275. A. 1579. 4. Id. Off.

ET si nullæ jamdudum litteræ meæ ad te perferuntur, Murete præclarissime, quod nihil habeam novi, de quo certiore facere debeam, nisi vetus illud & usitatum, me quotidie de te cogitare, te intueri, singulis horis te in ore habere, quod celeberrimum Mureti nomen aureis litteris descriptum in animo meo insculptum sit: non tamen silentium hoc consecutum fuisset, nisi postulasset temporum ratio, ut rei domesticæ tractandæ operam navarem. Noli enim existimare, nisi mente captus ero, tibi unquam occasionem oblatorum esse memoriam mei oblivione delendi. Qui si casus incidere posset, (quod ne cogitare quidem, nedum eloqui debeo) ut mea causa ex animo tuo effluerem: ipsum, quod in vita manerem, mihi certe acerbissimum esset. Nunc re familiari constituta, statim ut redii ad studia mea, differre amplius nolui, quin has ad te litteras darem. Sed quid scribam? quid? quod aveo de te aliquid audire & intelligere, quid agas. Nam cum more amantium tibi semper

ali-

aliquid metuam, quid est, quod pacatum animum meum atque tranquillum magis reddere queat, quam eum te recte valere, ac feliciter læteque vivere, nuncius mihi affertur, & ad hoc accedit recens tua summæ meæ erga te observantiæ recordatio? nihil, mihi crede. Cum igitur ex optimo statu tuo mea pendeat vitæ tranquillitas atque jucunditas: æternum ac immortalem Deum assidue precabor, ut te saluum ac superstitem mihi diutissime relinquat, quo monumentorum splendidissimi ac divini ingenii tui non solum amicis tuis omnibus, sed cunctis etiam nationibus copia largissime fiat. Vale, ætatis nostræ decus. Ferrar. 1v. Id. Oct. MDLXXIX.

X X X I.

Lib. VI. p. 309.

A. 1580. 3. Kal. Quin.

JAm diu exspecto litteras tuas, Murete præclarissime, nec accipio. Et cum amplissimi illi Viri, quos domesticarum rerum mearum feci participes, ad me luvæ litteras dederint: mirum, te solum ina tardum ac negligentem esse, ut cum ter quaterque ad te scriberim, curaverimque, ut meætibi redderentur, ad eas respondere nolis, (quam te posse certo scio) qui non ignoras, quam brevissimas litteras tuas, etiam vernacula lingua exaratas, mihi jucundissimas fore. Nec divinare queo, quid in hanc te mentem impulerit, ut silentio tam diuturno uti volueris. Quod si te valde occupatum excuses: an otiosum esse me putas, qui quotidie molestiis atque angustibus conficior? a quibus me nihil jam abducere potest, nisi mira dumtaxat Mureti excellentissimi humanitas atque urbanitas. Ciofanus quidem noster mihi significavit, te de me recte sentire, atque in tuorum me numero amicissimorum habere; quod certe mihi gratum magnopere fuit; sed vellem, epistolam, licet pusillam, manu tua scriptam ad me perferri, (quam sæpe osculari possem ut soleo, & ex cujus lectione aliquid solatii caperem) si mei memoriam ex animo tuo non discessisse mihi persuadere cuperes. Quod cum mihi deneges, vereor, ne constantiam atque in tuenda amicitia perseverantiam tuam non retineas. Quod si mihi conscius essem, aliquid a me commisi-

sum

sum esse, quod voluntatem a me tuam abalienare potuisset, quamlibet poenam libenter sustinerem atque subirem, ut tecum in gratiam redirem. Quo vero in hac cogitatione, & cura magis versor, ut odorer, & investigem, in quo te offenderim, eo minus reperio, quod me torqueat. Hoc autem occurrit animo, te novis necessitudinibus munire te velle, & eorum, qui tibi adsunt atque ante oculos versantur, in te benevolentiam tueri; veteres autem amicitias paulatim tibi dissuendas, & eorum, qui ab oculis tuis absunt, memoriam voluntaria oblivione delendam arbitrari: eorum præsertim, qui luce hac diutius frui, spiritumque ducere non queunt. Quam enim suspicionem aliam asserre potest taciturnitas tua, quam ut amorem illum erga me tuum penitus, ut opinabar, insitum ex mente tua ejicere tibi sit propositum? nisi forte differre & procrastinare vis, ut volumen consicias atque perficias, quod ad me necopiuntem perferatur, in quo te mihi purges: hoc enim unum restat, quod in cogitationem cadere possit. Nam te infirma esse valetudine, (quod Clementissimus Deus incredibili benignitate sua omnino avertat) suspicari mihi non libet; a Ciosano enim, & cæteris amicis nostris de hoc certior factus fuissim. Verum esto, ut, imparatum me aggredi moliare, te tamen interea hac me levare molestia quamvis parvo ch. o. grapho tuo, & mihi timorem hunc ac dolorem eripere decet, si eam evelli ex animis multorum opinionem vis, quæ de tua mei oblivione suscepta est. Fac igitur, ut tuas litteras amplius non desiderem: nulla enim major abs te consolatio mihi adhiberi potest. Vale, Murete humanissimæ, ætatis nostræ decus, Ciosanoque nostro eruditissimo multam salutem dic. Ferrariæ, III. Kal. Quint. MDLXXX.

Respondet Muretus lib. IV. Epist. 89. At ita tu mc. A. 1580. 7. Id. Julii.

I N D E X.

L I B R I I.

E P I S T O L A R U M.

I.	M. ANTONIUS MURETUS Dionysio Lambino	3
II.	Idem eidem	4
III.	Lambinus Mureto	5
IV.	Muretus Lambino	8
V.	Muretus Lambino	9
VI.	Muretus Lambino	10
VII.	Muretus Lambino	11
VIII.	Muretus Lambino	<i>ibid.</i>
IX.	Muretus Lambino	12
X.	Muretus Lambino	13
XI.	Lambinus Mureto	14
XII.	Muretus Lambino	16
XIII.	Lambinus Mureto	17

L I B E R II.

I.	Muretus Nicotio	19
II.	Nicotius Mureto	23
III.	Muretus Manutio	24
IV.	Idem eidem	25
V.	Idem eidem	26
VI.	Idem eidem	27
VII.	Idem eidem	28
VIII.	Idem eidem	<i>ibid.</i>
IX.	Idem eidem	29
X.	Idem eidem	30
XI.	Idem eidem	31
XII.	Idem eidem	32
XIII.	Idem eidem	33

INDEX.

349

XIV.	Muretus Manutio	34
XV.	Idem eidem	35
XVI.	Idem eidem	37
XVII.	Idem eidem	38
XVIII.	Idem eidem	39
XIX.	Idem eidem	40
XX.	Idem eidem	41
XXI.	Idem eidem	42
XXII.	Muretus Paulo Sacrato	<i>ibid.</i>
XXIII.	Idem eidem	43
XXIV.	Franciscus Duarenus Mureto	44
XXV.	Lucas Fruterius Mureto	46
XXVI.	Muretus Jacobo Canano	55
XXVII.	Idem eidem	56
XXVIII.	Idem eidem	58
XXIX.	Idem eidem	59
XXX.	Horatius Cardanetus Mureto	61
XXXI.	Muretus Cardaneto	62
XXXII.	Idem eidem	64
XXXIII.	Idem eidem	65
XXXIV.	Idem eidem	67
XXXV.	Idem eidem	68
XXXVI.	Idem eidem	69
XXXVII.	Idem eidem	70
XXXVIII.	Petrus Jo: Perpinianus Mureto	<i>ibid.</i>
XXXIX.	Muretus Perpiniano	71
XL.	Perpinianus Mureto	72
XLI.	Muretus Francisco Bencio	74
XLII.	Gulielmus Canterus Mureto	76
XLIII.	Alexander Justinianus Mureto	77
XLIV.	Alexander Justinianus Mureto	78
XLV.	Martinus Bellivicejus Mureto	79
XLVI.	Muretus Franc. Turnonio Card.	80
XLVII.	Idem eidem	82
XLXVIII.	Cornelius Valerius Mureto	83
XLIX.	Muretus Valerius	85
L.	Nathan Chytræus Mureto	<i>ibid.</i>
LI.	Muretus Agapeto Gideto	87
LII.	Idem eidem	<i>ibid.</i>
LIII.	Constantinus Bargellinus Mureto	89
LIV.	Idem eidem	90

LV.

LV.	Muretus Bargellino	91
LVI.	Bargellinus Mureto	93
LVII.	Idem eidem	95
LVIII.	Muretus Alexandro Ripario	<i>ibid.</i>
LIX.	Idem eidem	96
LX.	Idem eidem	<i>ibid.</i>
LXI.	Idem eidem	97
LXII.	Idem eidem	<i>ibid.</i>
LXIII.	Idem eidem	98
LXIV.	Idem eidem	99
LXV.	Idem eidem	<i>ibid.</i>
LXVI.	Muretus Paulo Sacrato	100
LXVII.	Muretus Jacobo Cujacio	103
LXVIII.	Jo: Cafelius Mureto	104
LXIX.	Andreas Duditus Mureto	105
LXX.	Petrus Morinus Mureto	106
LXXI.	Idem eidem	107
LXXII.	Idem eidem	108
LXXIII.	Hubertus Giphanius Mureto	110
LXXIV.	Idem eidem	112
LXXV.	Idem eidem	114
LXXVI.	Idem eidem	116
LXXVII.	Muretus Giphanio	118
LXXVIII.	Giphanius Mureto	119
LXXIX.	Jo: Zamoscus Mureto	123
LXXX.	Muretus Stephanus Regi Poloniae	123
LXXXI.	Muretus Jo: Zamoscio	124
LXXXII.	Jo: Zamoscus Mureto	125
LXXXIII.	Muretus Gerardo suo	<i>ibid.</i>
LXXXIV.	Muretus Augustino Valerio	129
LXXXV.	Muretus Jo: Ant. Odiscalco	130
LXXXVI.	Hippolytus Cardinalis Ferrariensis A. Sobri-	
	no.	131
LXXXVII.	Petrus Victorius Ludovico Castanæo Rupipo-	
	zæo.	132
LXXXVIII.	Ludovicus Castanæus Rupipozæus P. Victorio.	133
LXXXIX.	Muretus Herculi Giofano	134
XC.	Idem eidem	135
XCI.	Idem eidem	<i>ibid.</i>
XCII.	Idem eidem	136

INDEX.

91	XCH.	Muretus Julio Roscio	351
93	XCIV.	Idem eidem	137
95	XCV.	Idem eidem	138
ibid.	XCVI.	P. Gilbertus Mallocius Mureto	139
96	XCVII.	Muretus Sinibaldo Antonio	ibid.
ibid.	XCVIII.	Muretus Francisco Bencio	141
97	XCIX.	Muretus Jacobo Pontano	142
ibid.	G.	Idem eidem.	144
98			ibid.
99			
ibid.			
100			
103			
104			

LIBER III.

105	I.	Muretus Justo Lipsio	146
106	II.	Idem eidem	147
107	III.	Justus Lipsius Mureto	149
108	IV.	Muretus Jeronymo Mercuriali	150
110	V.	Muretus Hub. Giphanio	151
112	VI.	Idem eidem	152
114	VII.	Idem eidem	156
116	VIII.	Muretus ad Hippolytum Cardinal. Esten-	
118		sem	157
119	IX.	Muretus Auditoribus suis in Versionem Lat.	
122		Lib: V. Ethicor. Arist.	161
123	X.	Muretus Bernardino Lauredano	163
124	XI.	Muretus Torquato Bembo	166
125	XII.	Muretus Francisco Gonzagæ	168
ibid.	XIII.	Muretus Leonardo Mocenico	170
129	XIV.	Idem eidem	174
130	XV.	Idem eidem	176
ibid.	XVI.	Idem eidem	180
131	XVII.	Idem eidem	182
132	XVIII.	Muretus Adriano Turnebo	185
133	XIX.	Muretus P. Sacrato	188
134	XX.	P. Sacratuſ Mureto	191
135	XXI.	P. Manutius Mureto	193
136	XXII.	Idem eidem	194
137	XXIII.	Hub. Giphaniuſ Mureto	195
ibid.	XXIV.	Julii Pogiani Epistola.	199
136			

LIBER IV.

I.	Muretus Paulo Manutio	201
II.	Idem eidem	205
III.	Idem eidem	207
IV.	Idem eidem	208
V.	Idem eidem	209
VI.	Idem eidem	210
VII.	Idem eidem	211
VIII.	Idem eidem	212
IX.	Idem eidem	213
X.	Idem eidem	214
XI.	P. Manutius Mureto	215
XII.	Muretus P. Sacrato	216
XIII.	Idem eidem	218
XIV.	Idem eidem	219
XV.	Idem eidem	220
XVI.	Idem eidem	222
XVII.	Idem eidem	223
XVIII.	Idem eidem	224
XIX.	Idem eidem	225
XX.	Idem eidem	226
XXI.	Idem eidem	227
XXII.	Sacratus Mureto	228
XXIII.	Muretus Sacrato	229
XXIV.	Idem eidem	230
XXV.	Idem eidem	231
XXVI.	Idem eidem	232
XXVII.	Idem eidem	234
XXVIII.	Idem eidem	234
XXIX.	Idem eidem	235
XXX.	Sacratus Mureto	236
XXXI.	Muretus Sacrato	238
XXXII.	Sacratus Mureto	240
XXXIII.	Muretus Sacrato	242
XXXIV.	Sacratus Mureto	243
XXXV.	Muretus Sacrato	244
XXXVI.	Sacratus Mureto	245

XXXVII.

INDEX.

353

XXXXVII.	Muretus Sacrato	246
XXXXVIII.	Sacratuſ Mureto	248
XXXIX.	Muretuſ Sacrato	249
XL.	Muretuſ Sacrato	251
XLI.	Muretuſ Gilberto Genebrardo	252
XLII.	Aſcaniuſ Columna Mureto	253
XLIII.	Muretuſ Columnæ	254
XLIV.	Q. Mariuſ Corraduſ Mureto	255
XLV.	Muretuſ Corrado	ibid.
XLVI.	Muretuſ Jo: Antonio Odiſcalco	256
XLVII.	Muretuſ Thomæ Martino	258
XLVIII.	Muretuſ Alexandro Juſtiniano	259
XLIX.	Muretuſ Alexandro Juſtiniano	260
L.	Muretuſ Hieronymo Zoppio	ibid.
LI.	Muretuſ Sinibaldo Antonino	262
LII.	Antoniuſ Conſtantinuſ Mureto	263
LIII.	Muretuſ Conſtantino	264
LIV.	Idem eidem	265
LV.	Conſtantinuſ Mureto	ibid.
LVI.	Muretuſ Junior Conſtantino	266
LVII.	Conſtantinuſ Mureto Juniori	267
LVIII.	Muretuſ Conſtantino Bargellino	268
LIX.	Muretuſ Jacobo Auguſto Thuano	270
LX.	Muretuſ R. Pincæo	271
LXI.	Muretuſ Herculi Ciofano	273
LXII.	Muretuſ Franciſco Venerio.	ibid.
LXIII.	Muretuſ Franciſco Mancino	274
LXIV.	Barnabaſ Briſſoniuſ Mureto	275
LXV.	Muretuſ Briſſonio	276
LXVI.	Muretuſ Pincæo	ibid.
LXVII.	Pincæuſ Mureto	278
LXVIII.	Jacobuſ Gillotuſ Mureto	279
LXIX.	Stephanuſ Rex Poloniæ Mureto	280
LXX.	Muretuſ Stephano Regi Poloniæ	281
LXXI.	Hermanuſ Ortemberguſ Mureto	282
LXXII.	Muretuſ Ortembergo	283
LXXIII.	Muretuſ Andreæ Bathoreo Cardinali	284
LXXIV.	Andr. Card. Bathoreuſ Mureto	285
LXXV.	Natio Germanorum in Sch. Pat. Jurispru- dentiaſ operam navant Mureto	287
LXXVI.	Muretuſ Nationi Germanorum &c.	288

Tom. II.

Z

LXXVII.

INDEX.

LXXVII.	Muretus Pompilio Amaseo	290
LXXVIII.	Muretus Petro Lupico Gotholano	293
LXXIX.	Muretus Christophoro Plautino	295
LXXX.	Muretus Liphio	296
LXXXI.	Julius Jacobinius Mureto	297
LXXXII.	Muretus Jacobonio	298
LXXXIII.	Balthasar Ansides Mureto	299
LXXXIV.	Muretus Ansideo	300
LXXXV.	Horatius Cardanerus Mureto	301
LXXXVI.	Muretus Cardaneto	302
LXXXVII.	Muretus Antonio Costantino	ibid.
LXXXVIII.	Muretus Juliano Medici Archiepiscopo &c.	
LXXXIX.	Muretus P. Sactato	309
XC.	Muretus Francisco Bencio,	310
XCI.	Muretus L. Memmio Fremioto	311
XCH.	Muretus Georgio Gozzio,	312

FINIS.

S E R I E S.

Universarum, quas Paulus Sacratius, & M. Antonius Muretus inter se commutarunt, quæ quidem cum haberi a nobis possent, hoc in opere leguntur, Epistolarum LXVI;

1. S. A. 1562. 5. Id. Septembr. *Fortunatum.* App. 1.
 --- 3. Kal. Dec. *Litteras ad te.* 2.
 --- 1563. 3. Kal. Dec. *Cognovi ex Litteris.* 3.
 M. --- 5. Id. Sextil. *Neque te uno.* Lib. IV. 12.
 5. S. --- prid. Kal. Jan. *Se de tui animi.* App. 4.
 M. 1564. 18. Kal. Feb. *Et tu tam diuturno.* Lib. IV. 13.
 S. --- prid. Id. Octobr. *Ego, Murete optime.* App. 5.
 M. 1565. 6. Id. Mart. *Puto mirum tibi.* Lib. IV. 14.
 S. --- *Etsi non cogitabam.* App. 6.
 10. --- 1566. 6. Non. Quintil. *Jam diu nihil ad te.* 7.
 M. --- 4. Id. Octobr. *Etsi serius ad te.* Lib. IV. 15.
 S. --- Id. Octobr. *Quantum acceperim dolorem.* App. 8.
 M. --- 12. Kal. Nov. *At ita mihi omnia.* Lib. IV. 16.
 S. --- prid. Kal. Nov. *Accepi tres abs te.* App. 9.
 15. --- 1567. 16. Kal. Sex. *Etsi complures dies.* 10.
 --- 4. Id. Dec. *Ego ad te litteras.* 11.
 M. --- 13. Kal. Jan. *Quod nunquam antea.* Lib. IV. 17.
 S. 1568. 15. Kal. Dec. *Ego te jamdiu.* App. 12.
 --- 1569. 4. Non. Jan. *Verum interdum, ne.* 13.
 20. M. --- 18. Kal. Quint. *Non puto, me tibi.* Lib. IV. 18.
 S. 1570. 4. Non. Jan. *Quantum de tua.* App. 14.
 M. --- 15. Kal. Febr. *Heri accepi a te.* Lib. IV. 19.
 S. 1571. 10. Kal. Jun. *Cum diu me siluisse.* App. 15.
 M. --- Id. August. *Scripti nuper jussu.* Lib. IV. 20.
 25. S. --- 11. Novemb. *Littera tua quam grata.* App. 16.
 M. --- Kal. Jan. *Feci nuper nescio.* Lib. II. 22.
 S. 1572. 4. Non. Febr. *Accepi Orationem tuam.* App. 17.
 M. --- 3. Non. Julii. *Proximo cum vellem.* Lib. IV. 21.
 S. --- 11. Kal. Sext. *Legi tuum carmen.* 22.
 30. --- 1573. 9. Kal. Febr. *Scio partes meas.* App. 18.
 --- 3. Non. Febr. *Jam scripserim ad te.* 19.
 --- 3. Id.

- 3. Id. Octobr. *Miror cur tam diu.* .. 20
 M.----- prid. Kal. Nov. *Respondebo breviter.* Lib. IV. 23
 ----- 11. Kal. Dec. *Superioribus diebus.* .. 24
 35. S. 1574. 5. Id. Jan. *Tardius ad te scripsi.* App. 21
 ----- prid. Id. Quint. *Nunc sentio, te mei.* .. 22
 M.----- 12. Kal. Sex. *Ne Orationis a me.* Lib. IV. 25
 S.----- 15. Kal. Dec. *Venienti istuc Vincentio.* App. 23
 -- 1575. 12. Kal. Jun. *Statueram cum primum.* .. 24
 40. M.----- 5. Kal. Jun. *Nunc ipsum accepi.* Lib. IV. 26
 S.----- 17. Kal. Quint. *Legi litteras tuas.* App. 25
 ----- Id. Octobr. *Accepi dudum Murete.* .. 26
 -- 1577. 4. Non. Jan. *Summa tua virtus.* .. 27
 M.----- 3. Id. Jul. *In multis tenuibus.* Lib. II. 23
 45. -- 1578. prid. Kal. Maji. *Tandem ad te remitto.* .. 66
 S.----- Id. Nov. *Ersi vetus amicitia.* App. 28
 M. 16. Kal. Dec. *Hec accepi a te.* Lib. IV. 27
 -- 1579. 4. Kal. Mart. *Tanti fuit torquere.* .. 28
 S.----- 15. Kal. April. *Nunquam inficiabor.* App. 29
 50. ----- 4. Id. Octobr. *Ersi nulla jamdudum.* .. 30
 -- 1580 3. Kal. Quint. *Jamdin exspecto litteras.* .. 31
 M. -- 7. Id. Julii. *At ira tu me.* Lib. IV. 89
 ----- Id. Septembr. *Ex omnibus veterum.* Lib. III. 19
 S.----- 7. Kal. Nov. *Primum quidem maximas.* .. 20
 55. M. 1581. 3. Id. Jan. *Volo te, mi Sacrare.* Lib. IV. 29
 S.----- 8. Kal. Febr. *Ego Murete praestantissime.* .. 30
 M.----- 16. Kal. Sept. *Velim hoc mihi credas.* .. 31
 S.----- 4. Non. Oct. *Reddira tandem mihi.* .. 32
 M. 1582. 16. Kal. Aprilis *Otiosus sum.* .. 37
 60. S.----- 3. Id. April. *Quantum me delectaveris.* .. 38
 M.----- 14. Kal. Julii. *Reperiam tamen aliquando.* .. 39
 ----- 17. Kal. Nov. *Bene qui conjiciet.* .. 33
 S.----- Idib. Nov. *Ego, Murete eximio.* .. 34
 M. 1583. prid. Id. Jan. *Quando, quod tibi.* .. 35
 65. S.----- Non. Febr. *Dudum Josephus Guidotus.* .. 36
 M.----- pervig. Pent. *Et annua qua mihi.* .. 40

NOI RIFORMATORI

DELLO STUDIO DI PADOVA.

A Vendo veduto per la Fede di Revisione, ed Approvazione del P. Fr. Paolo Tommaso Manuelli Inquisitore di Venezia, nel Libro intitolato: *Marci Antonii Mureti Præhyteri, J. C. & Civis Romani Orationes, & Epistola, qua extant in Jacobi Thomasi editionibus, nec non Præfationes in usum Scholarum Selecta*; non v'esser co'la alcuna contro la santa Fede Cattolica, e parimente per attestato del Secretario Nostro, niente contro Principi, e buoni costumi, concediamo Licenza a *Giuseppe Borsoli Stampatore di Venezia*, che possi esser stampato, osservandogli ordini in materia di Stampe, e presentando le solite copie alle pubbliche Librarie di Venezia, e di Padova.

Dat. li 12. Settembre 1750.

(*f. Alvise Mocenigo Pr. Rif.*)

(*Zuanne Querini Proc. Rif.*)

Registrato in Libro a Carte 31. al Num. 325.

Michiel Angelo Marino Secr.

*Libri impressi nella Stamperia di Giuseppe Bortoli
Librajo, e Stampatore.*

Musitani (Caroli) Jatrias Professoris Celeberrimi,
Opera omnia, seu Trutina Medica, Chirurgica,
Pharmaceutico-Chymica &c. omnia juxta récentiorum
Philosophorum Principia, & Medicorum experimenta,
excogitata, & adornata, cum Notis, & Observationi-
bus D. de Vaux Celebr. Chirurghi Parisiensis &c. fol.
Tom. 2.

De Justis (Vincentii) tractatus de Dispensationibus Ma-
trimonialibus in tres Libros digestus. fol.

Mureti (M. Antonii) Præsbyteri, J. C. & Civis Ro-
mani Orationes, & Epistolæ, quæ extant in Jacobi
Thomassii editionibus, nec non Præfationes in ulum
Scholarum Selectæ. 8. Tom. 2.

Manuale Confessariorum Ordinis Capuccinorum, Aucto-
re F. Bernardo a Bononia S. Theologiæ Lectore in 16.

Jani Vincentii Gravinæ Originum Juris Civilis libri
tres, & de Romano Imperio &c. in 4.

Officia Propria Sanctorum Ordinis Capuccinorum juxta
novum Calendarium, Rubricas, & decreta autoritate
Apostolica recenter emanata, & approbata, hic accu-
rate disposita. in 12.

Via, e Verità su i veri fondamenti della Morale Cri-
stiana, Opera del Marrhesè Gioseffo Gorini Corio,
divisa in due parti, con figura in rame. in 12. !

Sermoni in forma di Catechismo proposti, e dedicati a'
Parrochi, e Curati della sua Chiesa da Monfig. Riz-
zardo Isolani, divisi in quattro parti. in 12.

Il Cristiano Istruito nella sua Legge. Ragionamenti di
Paolo Segnari della Compagnia di Gesù, diviso in tre
parti. in 4.

Quaresimale del suddetto Autore. in 4.

Catechismo Romano Volgare, o sia Istruzione a' Parro-
chi del R. P. Fr. Alessio Figliucci dell' Ordine de' Pre-
dicatori. in 8.

Divor

Divozione al Sacro Cuore di Nostro Signor Gesù Cristo, col ritratto in rame. in 12.

Esercizio Cotidiano composto degli Atti delle Virtù principali espressi in Soliloquj, cavati dalla Sacra Scrittura, e Santi Padri dal P. Salvatore da Parma Predicatore Cappuccino. in 16.

La Giornata del Cristiano Santificata con la Preghiera, e con la Meditazione, ed alcuni pensieri Cristiani per tutti i giorni del Mese tradotta dal Francesco. in 12.

Opere Spirituali di San Francesco di Sales Vescovo, e Principe di Geneva; aggiuntevi in questa ultima edizione la sua Vita, ed altre Operette dello stesso Santo Padre, col ritratto in rame. in 4.

Vita di S. Francesco di Paola. Poema Sacro del N. H. f. Antonio Barbaro. in 4.

Pratica Criminale del suddetto Autore, divisa in due parti in 4.

Cause Civili agitate dall'Eminentissimo Sig. Card. Giambattista de Luca, ed esaminate dal Padre Giannangelo Serra Cappuccino da Cesena Lettore della Sacra Eloquenza. Tomi 4. in 4.

Compendio della Rettorica, nella quale si dà un nuovo, facile, ed utilissimo metodo d' insegnare l' Arte Oratoria: aggiuntovi nel fine del primo Tomo un Trattato delle Controversie Oratorie, che riguardano più da vicino le Materie Legali; e nel fine del secondo Tomo, una breve Istruzione ad un Novello Predicatore per ammaestrarlo a tenore de' sodi, e veri principj. Opera del suddetto Autore. Tom. 2. in 8.

Opera Analitica sopra le Orazioni di M. T. Cicerone, nella quale si discuoprono tutte le finezze dell' Arte, sì per quello, che riguarda all' interna, e forte condotta degli Argomenti, come pure per quello, che concerne all' esteriore abbellimento, e vestito, del suddetto Autore. Tomi 3. in 4.

Caso di Monete imprestare in Dialogo. in 4.

La Lingua Volgare non è atta per le Controversie Morali. in 4.

- Economia del Cittadino in Villa del Signor Vincenzo Tanara, divisa in sette Libri: in 4.**
Orlando Innamorato del Berni, con figura in rame. in 12. Tomi 2.
Opere di M. Ludovico Ariosto con la Vita dell' Autore scritta dal Pigna, con gli Argomenti del Dolce, e le Allegorie del Porcacchi, col ritratto dell' Autore in rame. in 12. Tomi 3.
Opere Volgari di M. Jacopo Sanazzaro, col ritratto dell' Autore in rame. in 12. Tomi 2.
Rime di M. Francesco Petrarca coll' aggiunta del Rimatorio, e ritratto in rame. in 12.
Trenta Novelle di Messer Giovanni Boccaccio, scelte dal suo Decamerone ad uso principalmente de' modesti Giovani, e studiosi della Toscana favella, col ritratto dell' Autore in rame. in 12.



cenzo


e . in

utore
e le
ere in

o dell'

Rima-

scelte
mode-
ol ri



Biblioteka Jagiellońska



stdr0007979

